

SILVII ANTONIANI  
S. R. E. CARDINALIS  
V I T A

A IOSEPHO CASTALIONE I. V. D.  
C O N S C R I P T A :


Eiusdem Siluij Orationes XIII.

AD ILLVSTR.<sup>VM</sup> ET REVER.<sup>VM</sup> D. D.  
PETRVM CARD. ALDOBRANDINVM  
S. R. E. C A M E R A R I V M .



ROMAE, Apud Iacobum Mascardum. M. DC. X.

SVPERIORVM PERMISSV.

Capuccinovum  Romæ.

# IMMORTALITAS VITAE

## BIENIUM AD VITAM

LIBER I

*Imprimatur, si videbitur R.<sup>mo</sup> P. M. Sacri Palatii Apostolici.*

**Cæsar Fidelis Vicefg.**

**E**X commissione R.<sup>mi</sup> P. F. Ludouici Ystella Valentini S.P.A.M. Ego Nicolaus Cassianus vidi Vitam cum omnibus quæ sequuntur Illustrissimi, & Reuerendissimi D. Siluij Cardinalis Antoniani editam ab Eccellenti D. Iosepho Castalione, qui quidem Illustrissimus, & Reuerendissimus D. vt apparet ex toto discursu, ac testimonio plurimorum spectatæ fidei piorum, & insignium virorum, qui cum eo familiariter versati fuere ab ineunte ætate, & quia nullū fere tempus quiete, & otiose traduxit, admodum etiam in vtilitatem Apostolicæ Sedis laborando, tum publice profitando, tum orando, tum pie excolendo, decet vt quemadmodum in vita celebratus fuit ob suas ingentes virtutes, ita etiam post mortem laus eius perseveret & viuat, ad exemplum ac documentum bonorum, & incitamentum ad virtutem, & vt vitæ religiosissime actæ, mors quoque consentanea foret, monumentum sibi fieri & cappellâ ornari in templo S. M. in Vallicella viuens curauit, vbi conditus in pace requiescit. Quam prædictam eius virtuosam vitam cum omnibus eius Orationibus, ac testimonijs imprimi posse cenfeo, & me subscripsi hac die 13. Decembris 1609.

Idem qui supra Nicolaus.

*Imprimatur.*

**Fr. Thomas Pallaueinus Bononiensis Magister, & Reuerendissimi P. F. Ludouici Ystella Sacri Palatii Apostolici Magistri Socius, Ordinis Prædicatorum.**

ILLVSTRISSIMO  
ET REVERENDISSIMO D. D.  
PETRO ALDOBRANDINO  
CARDINALI  
S. R. E. CAMERARIO.

IOSEPHVS CASTALIO S. P. D.



ÆSARIS Cardinalis Baronij morte  
quantum præsidij, atque ornamenti  
Ecclesia nuper amiserit, dolèdo nunc  
experimur, & desiderando in dies  
magis, ac magis intelligemus. Vtrū-  
que in Siluio Cardinale Antoniano  
quattuor ab hinc annis erepto sentitur. Nam quorum  
vita Respublica maxime vtebatur, eorum mortem sibi  
acerbam esse existimet necesse est. Illud solatio fuerit,  
si, quæ piè, castè, innocenterq. gesserunt, ea littera-  
rum monumentis mandentur, vt ceteri tantis ad vir-  
tutem exemplis excitentur. De Baronio alias, & for-  
tasse alij præoccupauerint. Ad Antoniani vitam ipse

cum mea sponte, tum familiarium eius hominum gratissimorum admonitu cōscribendam animum appuli, is enim ab ineunte ætate liberalibus artibus informatus, ad sapientiam aspirauit, & per omnes Ecclesiastici ordinis gradus, ad Sacerdotium iuuenilibus annis peruenit. In incerto fuit vtrum ingenio, an eruditione magis valeret. Siquidem tanta in scribendo, loquendoq. sententiarum, verborumq. copia celerrimè utebatur, vt singulari naturæ beneficio eam facultatem adeptus esse videretur. Tanta rursus è media Philosophia, Theologiaque, & diuini, humaniq. iuris cognitione afferebat, vt nihil non summo studio eum affectum esse fateremur. Quare sic statuendum, summas in illo fuisse ingenij vires, summamq. doctrinam assidui studij, exercitationisq. vehementioris labore comparatam. Illud etiam in dubium reuocatum est, doctior ne, an melior fuerit. Sunt qui Cardinalem Antonianum verè sapientem fuisse arbitrentur. Id cum ajunt, rerum etiam peritum, virtutibus præditum, & Dei metu munitum confirmant. In omni quidem officiorum, & virtutum genere perfectum fuisse Antonianum indicat consuetudo perfectissimorum Cardinalium, quibuscum familiaritas ei summa intercessit. Quoniam vero ad immortalem CLEMENTIS gloriã, qui tantum lumen in edito Ecclesiæ loco statuit, Cardinalis Antoniani decus referendū est, & Patruī Tui laus ad Te pertinet, Opusculum hoc meū Tuo inscriptum nomini in hominum manus venire volui. Ali-

ter



ter ne facerem , vetus etiam mea in Te pietas , & ob-  
feruantia me admonebat . Huc accedunt Tua in me  
beneficia, quibus deuinctus , memoris , gratiq. animi  
argumenta cum facultas datur, exhibere teneor . Præ-  
terea cum esset omnino patronus deligendus , cuius  
auctoritas apud omnes amplissima opus meum tue-  
retur , eundum ad Te fuit , cuius nomen apud Dyna-  
stas, Nationes, potentissimosq. Reges, & domi togati,  
& foris armati maximi semper ponderis fuerit . De-  
nique non iniucunda tibi fore speraui, quæ de Anto-  
niani humanitate, abstinentia, & pietate recensuissem,  
qui neque ab ijs vnquam alienus extiteris , & nunc in  
Rauennate Ecclesia tanta virtutum exempla quotidie  
edere perhiberis , vt cum vetustissimis, & sanctissimis  
Archiepiscopis vigilantia, facilitate , religione , pru-  
dentia, & caritate certare videaris . Quamobrem Te  
oro, vt meum hoc qualecunque officium ne aspernere,  
meq. vt semper pro Tua benignitate fecisti , & libel-  
lum meum tueare. Hæc cum scripsissem tribus ab hinc  
annis nondum matura libelli editione, ea penes me de-  
litescere sum passus, quod in dies accessio fieret multa-  
rum rerum ad meam scriptionem pertinentium, quæ  
me fugerant . Nonnulla enim ex Antoniani scriptis,  
quæ apud eximium virum Albinium Attium Tuder-  
tinum, Amplitudini Tuæ addictissimum sororis Anto-  
niani Cardinalis Generum extant, collegi, quæ vel ad  
confirmanda, quæ in medium protuleram, vel ad ap-  
ponenda , quæ mihi minime erant nota, summo fue-  
runt

runt adiumento. In his orationes aliquot luculentissimæ sunt, quas Siluius Antonianus aut pene puer Ferrariæ, aut iuuenis Romæ habuerat, ex quibus orationibus ingenium, studium, mores adolescentis, & artes, quibus Principum gratiam occupauerat, facile percipi possunt. Eas igitur quoque vno volumine cōpræhensas in lucem prodire sub Tui nominis splendore non alienum esse censui. Reliqua eiusdem opera, quæ multa, & grauissima sunt, propediem edentur, de Successione scilicet Apostolica, de cōscribenda Pōtificiali historia, de Primatu Petri, quæ ad dignitatem, auctoritatemq. Ecclesiæ asserendam, & à calumnijs aduersariorum vindicandam maximū pondus habere videntur. Sequentur etiā Homiliæ complures, & explanationes, censuræq. variæ, necnon lucubrationes adolescentis Antoniani in Aristotelis Rhetoricam, & Ciceronis orationes aliquot, quas propter singularem eruditionem perire nefas esse statuo. Multa item varijs de rebus subtiliter, docteq. ab eo scripta silentio prætereo, ne longior sit Epistola. Ad hunc gustum vniuersa fore Tibi recipio De Breuib. autem Apostolicis ab eo scriptis nihil polliceri possum. Hoc vnum scio, ab omnibus illa propter stili Ecclesiastici elegantiam, grauitatemq. expeti. Quæ si Te adnitente publicari poterunt, vel vniuersa, vel nonnulla, quæ in omnium manus venire non sit nefas, omnes harum rerum studiosos Tibi deuinxeris. Vale. Kal. Septemb. M. DCVII.

# QVÆ HOC VOLVMINÈ continentur, hæc sunt.



**S**iluij Antoniani Cardinalis vita.

Nomina eorum ex quorum commentariolis, Epistolis, libris, & sermonibus vita Cardinalis Antoniani concinnata est.

Doctissimorum virorum testimonia, & iudicia de Siluio Antoniano adolescente.

Exemplum instrumenti, quo Matthæus Antonianus Siluij Pater Procuratorem ad locandum prædia, exigendum, & liberandum constituit.

Exemplum Diplomatis Illustriss. D. Iacobi Cardinalis Sabelli Papæ Vicarij, quo per quattuor nobilissimos Ciues Romanos examinatos Siluium Antonianum pudicissimis parentibus legitimo matrimonio iunctis ortum esse perhibetur.

Exemplum Motus proprij Papæ Pij Quarti, quo Siluius Antonianus annum agens vigesimum quintum, Camillo Perusco Rectori Gymnasij Romani Coadiutor cum spe successionis est datus. idem mira doctrine, & probitatis prædicatione ornatur.

Orationes Siluij Cardinalis Antoniani Ferraria Romæq. habitæ. Oratio quam Ferraria habuit pene puer Horatij Odas interpreta-  
tur. Oratio I.

Cum aperiretur Gymnasium in festo Sancti Luca Ferraria. Or. II.  
De laudibus eloquentiæ cum Milonianam aggredere-  
tur Ferraria. Or. III.

In funere Henrici Valesij Galliarum Regis Ferraria habita. Or. IV.

De cognitionis, & eloquentiæ laudibus in Romano Gymnasio ad Cardinales qui frequentes aduenerant. Ex hac Oratione, & ex

prima Silium Antonianum Roma Ferrariam ab Duce Hercule  
perductum, & mortuo Hercule Romam reuersum a Pio Quarto  
Pont. Max. in Aulam Principalem receptum, & Cardinali  
Borromeo ab Epistolis latinis datum, & in Gymnasio Romano  
humanorum litterarum professorem constitutum cognoscimus.  
Orat. V.

Prefatio ad Rhetoricam Aristotelis. Or. VI.

In diem festum Sancti Stephani. Or. VII.

In obitu Imperatoris Ferdinandi. Or. VIII.

In fœdere Heluetiorum. Or. IX.

In die festo omnium Sanctorum. Or. X.

In die Pentecostes. Or. XI.

In exequiis Pij Quarti Pont. Max. Or. XII.

De Nauali Victoria ad Sinum Corinthiacum contra Turcas ad  
Pium Quintum Papam & S. R. E. Cardinales. Or. XIII.

Index rerum in vita Cardinalis Antoniani conscriptarum.





# SILVII ANTONIANI CARDINALIS VITA:

A Iosepho Castalione I. C. conscripta.



IRTVTI nominis nouitatem non officere in ciuitate præsertim omnium parente, immo magna industriæ, innocentia, & pietati præmia patere, vt vetusta ab Urbis exordio exempla omittam, Siluij Antoniani profapia, educatio, ingenium, mores, litterarum studium, & honores argumento esse possunt. Is enim nullis quidem maiorum titulis, commendatus, sed præclaris animi bonis aditum sibi ad Cardinalatum Deo volente, atque adeo perducente patefecit. Qua in re diuinam suspicere prouidentiam soleo, quod plerunq. nouos homines, per bonas artes enitentes excitet, Regibusq. exæquet. Contra vero superbos summo loco natos per ignauiam, & luxuriam desides, degeneresq. ex alto rerum fastigio deturbet. Hæc silentio præterire potuisssem, si laudationem Siluij, non vitam conscribendam suscepisssem. Ad normam enim historiæ scriptionis meæ stylum necessario dirigendum mihi esse statui. Nihil igitur me dissimulare, quod minus illustre videatur, nihil comminisci exornandi hominis gratia suscepti muneris fides patietur, nihil denique narrabo, quod

A                      petiitum

petitum non sit ex commentariolis eorum, quorum nomina in fine operis descripta sunt. Equidem cum mea sponte, tum hortatu, ac prope conuicio nonnullorum hominum, quibus familiarissime Siluius vsus fuerat, negotium suscepi. Cum Siluio mihi familiaritas vetus propter litterarum commune studium intercesserat. Is mihi apud Clementem Octauum Pontificem Maximum adfuit. Omnium ingratus sim, nisi erga patronum optime de me meritum officio, & pietate amicis satisfecero. Equidem operimanum non admouissem, si Augustinus Valerius Cardinalis Veronæ, doctrina & sanctimonia clarissimus Siluij Antoniani, quem maximi semper fecerat, quemq. sanctum appellabat, vitam, vt constituerat, conscripsisset. Mors, non senectus summa, eius consilium discussit, quod Octauus Mancinus Valerio a secretis testatur. Sed rem aggredior.

Oppidum est in Aprutinis figulinæ opificio, & mercatura celebre, in edito situm colle, ædium constructione ornatum, agri vbertate, rerumq. omnium copia valde affluens. Oppido nomen Castellum, diœcesis Pennensis. Ex hoc loco profectus Matthæus Antonianus, qui studio visendi, salutandiq. Apostolorum, Martyrumq. Confessiones, & sacrosanctas reliquias venerabundus Romam se contulerat, Urbis omnium augustissimæ maiestate captus, domicilium in ea, & fortunarum suarum sedem collocauit, procuratorem quæ ad locandum bona, & possessiones paternas Bartholomæum Dominici filium de Bibilaqua per acta Felicis de Romaulis anno 1536. die 19. Martij Romæ constituit, coemendisq. lanis, pannisq. per operas conficiendis rem augere diu studuit. Quod artificij genus in nonnullis Italiæ Ciuitatibus, iisque celeberrimis præcipuum, honestumq. habetur. Eodem aliquos ante annos ex Oppido Genazano Prænestinæ Diœcesis, & Columnensium Regulatorum ditionis lauto, & opulento, Marsilia Pappantia Romana, Siluij Auiæ materna, Antonio Colello viro præmortuo, concesserat, secumq. vidua filias prope infantes, Tarquiniam, & Pacem adduxerat, quas pie, pudiceq. ad pubertatē educauit. Primarijs feminis Romanis, quarum in vicinia infra cliuum Capitolinum ad sancti Ioannis de Mercatello templum diutissime degerat, castitate, parsimonia, & mansuetudine satis spectata, & supra quam dici potest, iucunda extitit. Iam vero post Tarquinia nuptias de collocanda

canda altera filia, vt par erat, sollicita, sacerdotem confessorium in primis religiosum, & prudentem saepe consuluit, & per eum quasi coniugij pararium Matthæo Antoniano viro probo, & Deum timenti in matrimonium virginem filiam quartum decimum annum agentem, quæ domus suæ præesse optime sciret, sponsalibus, & dotalibus instrumentis de more celebratis, collocauit. Nuptijs interfuit matrona leuissîma Hortensia de Astallis Marci Frangepanij viri nobilissimi vxor, qua cum apud eius parentes educata Pax ipsa fuerat. Noua nupta simul atque in viri manum conuenit, quidquid solertiæ, artificijq. muliebris apud matrem didicerat, miro studio exhibuit, & exprompsit. Ambo coniuges pari hilaritate, mutuo amore, sine iurgijs, altercationibus, & querelis vitam agebant. Mulier paucis post mensibus vtero se gerere intellexit, & per quietem accepit breui fore, vt singulari puerum ingenio, & pietate pareret, qui parentibus solatio, propinquis, necessarijsq. adiumento, & ornamento, ceteris miraculo, & exemplo esset futurus. Ea vero bonæ spei plena extremo mensis Decembris, & anni MDXL. die hora noctis prope septima Romæ in regione Pinæ, & Parochia sanctæ Lucię ad Tabernas obscuras, puerum enixa mater est facta. Puerperio nobilis femina Hortensia de Astallis operam dedit: Infanti per baptismi solemnîa Siluio nomen inditum. Parentes voti compotes gratias bonorum largitori Deo quam maximas agere, inuicem gratulari, & in meliorem spem excitati filio alendo, educandoq. operam nauare, nihil omittere, quod ad optimam institutionem pertineret. Hinc factum est, vt puer cum genitricis lacte parentum pietatem exsugeret, diuinas preces edisceret, seq. a teneris ad virtutem componeret. In ludum autē simulatque perductus est, incomparabilis ingenij non obscurum indicium præbuit. Incredibili enim celeritate litterarum elementa, & quidquid doceretur, quam facillime memoriæ mandabat, & supra ætatis captum in dies proficiebat, æquales anteibat, grandioribus natu, quique in grammaticis ceteros antecessisset, vehementer instabat, ijsq. præteritis, & tarditatis nota facile apud parentes acerbiores harū rerum exactores insimulatis secum ipse certabat. In contubernio docti, & religiosissimi viri Timothei Fabij Britonienensis discendi gratia aliquandiu fuit, mercedem, & alimenta suppeditante optimo, & liberalissimo Othone Trucesio Cardinale

Augustæ, qui puerum ad litterarum studia natum fouendum sibi  
 fumpserat. Contubernales, condiscipulosq. illustres complures  
 habuit, & qui prædeceserunt, & quos superstites reliquit: in ijs  
 Scipionem Aleandrum Cardinalis Brundusini fratrem, & Petrum  
 Paulum Ennium spectatæ fidei, & prudentiæ virum, quo familiaris-  
 sime semper est vsus. Litteras Latinas pariter, & Græcas audissi-  
 me deuorauit. Poësim summopere coluit. Ciceroni puero, qui  
 summos vir præstantissimos honores consecutus patria conseruata  
 fortiter interire cum Republica, quam Triumuiris turpiter serui-  
 re maluit, eandem prope indolem, par ingenium, & studium ex-  
 titisse accepimus. Etruscæ Linguæ adeo studiosus, & ad poemata  
 condenda propensus in pueritia fuit, vt ex tempore, atque è re na-  
 ta versus elegantissimos, verborumq. & sententiarum luminibus  
 refertissimos profunderet, quod alij vix, aut ne vix quidem diu-  
 turna meditatione, & studio assequi possent. A. Licinium Archiæ  
 Antiochia natum, Asiam, Græciam, Italiam, Urbem Romam eo-  
 dem nomine sibi deuinxisse, & attonitas reddidisse tradunt. Ad  
 eam facultatem augendam, ornandamq. vsus est in primis Hanni-  
 balis Cari studio, & consuetudine. Musicam quoque attigit, & li-  
 quidæ vocis beneficio alter Orpheus principum virorum aures;  
 animosq. vix decimum vitæ annum ingressus sumpta lyra, vel te-  
 studine suauissime detinuit, permulsi, ad eorumq. amicitiam sibi  
 aditum patefecit. Vndecim quidem annos natus iu ædibus ad S.  
 Marcum Cardinale Pisano, natali suo conuiuium Collegis præben-  
 te, vbi singulorum laudes octonis Italico idiomate versibus orna-  
 te complexus suauiter ad lyram concinuisset, ab Alexandro Card.  
 Farnesio fasciculum florum accepit, iussus reddere ei, qui Pontifex  
 Maximus futurus esse sibi videretur. Ioanni Angelo Mediolanensi  
 Cardinali Medicæo cum floribus Pontificatus Maximi vaticinium  
 totidem versibus attulit. Tum vero vir grauissimus rubore suffu-  
 sus, familiariter conquestus est, deridendi sui gratia puerum subor-  
 natum ad se missum cum versibus diu meditatiis. Contra Farnesius  
 periculum, inquit, de puero fac. Argumentum præbe, quod ver-  
 sibus ex tempore conditis exornet. Puer datum argumentum sta-  
 tim carminibus adeo luculentis profecutus est, vt omnium oculos  
 in se conuerterit. Quamobrem Christophorus Madruccius Card.  
 Tridentinus, torquem aureum in pueri collum coniecit. Mediceo

autem



autem pueri nomen, memoriaq. nunquam effluxit. maior etiam admirationis paucis post annis accessio est facta cum Ferrariâ apud Herculem diuertisset, Siluiumq. in Ducis Aula commorantem offendisset, carmenq. latine conditum de Imperatoris Caroli Quinti laudibus canentem audisset. Quare vbi Pontifex Maximo Pij Quarti nomine assumpto creatus est, Siluium conquiri, inuentumq. ad se adduci iussit. Ad sanctissimos pedes accedenti, familiaritatem, habitationem in Palatio Apostolico, victumq. vltro præbuit. David à siluis, & pascuis psallendi gratia in Regiam euocatus narratur. Iulius Tertius Pontifex Max. hac tanta ingeniosissimi pueri fama impulsus Siluio ædes in Aula principali, alimenta, & Franciscum Tonanum Cremonensem educatorem, cuius fidem, studium, & operam Balduinus Pontificis frater probauerat, benignissime attribuit. antiquitatis Romanæ cognitionem voluendis, explicandisq. Numismatis Consularibus, Imperatorijsq. ab eodem Caro accepit. Hercules quoque Ferrariæ Dux ingeniorum admirator, & subleuator, cum in Urbem Romam Marcello secundo Pontifici Maximo creato gratulatum venisset, Siluiumq. cuius famam præsentia superauerat, colloquentem, differentem, & canentem admirabundus audisset, magnis propositis præmijs Ferrariam anno post Christum natum millesimo quingentesimo quinto perduxit, liberalissime sustentauit, & grauioribus disciplinis instruendum curauit. matrem quoq. & sororem Siluij eodẽ anno sub Autumnum ex Vrbe Ferrariam euocatas viatico adiuuit, & benigne fouit. itineris Comes, & domesticus affecta Franciscus Tonantus vir spectatæ fidei extitit. Matthæus enim pater eo tempore votiua peregrinatione suscepta Hierosolymis aberat, neque maturius, quam post sex annos in Italiam redijt, quod navigatione longinqua, tempestatibus aduersis diu agitatus, morbis, varijsq. casibus implicitus esset, dum Iesu Christi Sepulcrum, Præsepe, & quæcunque loca sancta in Palestina, Iudæa, Galilea, & Sammaria Dominus frequentasset, mira veneratione, incredibili voluptate peragraret, viseret, adoraret. Quantũ autem ad optimam naturam, & ingenium diuinitus tributum studij, exercitationisq. adiunxerit Siluius, quãtamq. apud omnes sui expectationem cõmouerit, ex Hieronymi Ruscelli de ratione versus Italicos componendi libro vnico, capite septimo, & libro Impresarum, vt appellât ad Impresam Borromæi facile intelligi

telligi potest. Eloquentiam, & humaniores litteras Latine proficendi publicum Ferrariæ munus extra ordinem festis diebus sexdecim annos natus Herculis Ducis iussu, ingenti auditorum frequentia, & admiratione obiuit. Venetias in comitatu Hyppoliti Cardinalis Ferrariæ, qui Regina Poloniæ in Italiam venienti obuiam processerat, profectus, miraculo Principibus, Regina, & doctissimo cuique fuit. Florentiam quoque cum Alfonso Estense concessit, ubi à magnanimo Duce Cosmo Medicæo ad tanti miraculi stuporem effuso, amplissimis muneribus est donatus. Admiranda Benedictus Varchius in Herculano suo de Siluij Antoniani adolescentis ingenio narrat. De eodem Ludouicus Casteluertius in suis ad Varchium Correctionibus honorificentissime scribit. Siluij adolescentis singulare iudicium, ingenium, eruditionem, & vitæ integritatem Bartholomæus Riccius, & Paulus Manutius in epistolis commendant. In Oratione Latina facienda B. Riccio, Io. Baptista Pignæ in Poeticis, in Philosophia Vincentio Madio, & Io. Antonio Locatello operam dedit; sibi enim non defuit, seq. non contentus ingenij gloria, & magnorum Principum gratia, quæ tum florebat, ad solidiora, & ampliora studiosius comparauit. Quantum Siluius Speronus Patauinus tribuerit, in Dialogo de eloquentia est videre. Vtriusq. iuris facultatem assiduo studio adeptus, Doctoratus insignia Ferrariensis Iurisconsultorum Collegij auctoritate, & miræ omnium ordinum gratulatione suscepit. In Oppido Rubieræ ædem Sanctæ Catharinæ Virginis, & Martyris iuris patronatus Estensis familiæ, vnde centum aureos annuos sine vlllo residentia munere, & animarum cura perciperet, munificentissimi Ducis beneficio consecutus est, cumq. ampliora in dies sperare iuberetur, inopinata, & subita beneficentissimi Ducis morte rerum commutationem factam, seq. ex tanta spe lapsum intellexit. Quare sub initium Pontificatus Pij Quarti Ferrariæ cum matre, ac sorore Romam se recepit. Principem, qui ab elegantiorum disciplinarum, & amoenioris doctrinæ studijs alienus non esset, ingeniosorum parentem, suiq. studiosum nactus, Principalem aulam, & vniuersam ciuitatem in sui admirationem, ingenij, & eruditionis gloria excitauit. Profitendi Cathedram Vrbana ex auctoritate Principis sortito, & humaniores litteras frequenti auditorio publice profitenti non adolescentes modo, sed viri doctissimi operam dabant. cumq. orationis pro

Mila-

Milone interpretationem aggrediretur, quinque & viginti Cardinales honoris gratia, ad illum audiendum concesserunt: Antonianum Pius Quartus Pont. Max. Motuproprio subscripto Coadiutorem Reſtori Gymnaſij Romani Camillo Peruſco Alatrienſium Epifcopo dedit, eiq. quodocunq. deceſſiſſet, vel abdiçaſſet, miraprobitatis, eruditioniſq. prædicatione ornatum ſubrogauit. Carolo in primis Borromæo Cardinali Principis optimi ſororis filio, quocunq. vergebant, pergratûs, acceptuſq. Latinarum litterarum maſter, & à ſecretis fuit. quo in munere tanto ſtudio, & fide ſe geſſit; vt cum ab illo vnice diligeretur, dignus fit habitus, cui ducentos aureos ſingulis annis, quoad viueret, penſionis nomine, ex duorum Monafteriorum, quæ ipſe adminiſtrabat, redditibus, auctoriſtate Apoſtolica pendendos, & ampliора etiam in dies decernenda curaret. Mirum enim in modum hominis ſuauitate, pudore, prudentia, pietate, & doctrina in quotidiana conſuetudine delectabatur, & ſubiſiſuis horis ab eo permulta, quæ ad humanitatem, & philoſophiam ſpectant, attente accipiebat. Idem totius Italiæ legatione ſuſcepta Mediolanum conceſſit, quo Eccleſiam ſuam conſtitueret, prouincialiſq. Synodo habita Siluiο, quem ſecum duxerat, negotium dedit, vt Concilij Mediolanenſis acta Latine conſcriberet. Romam reuerſus cum maxime de Siluij dignitate augenda cogitaret, Pontificis Maximi aduunculi ſui obitu rem inſectam intuitus reliquit. Quam vero gratus ob morum ſanctitatem ſingularemq. doctrinam Borromæo Siluius fuerit, ex ijs cognosci poteſt, quæ Carolus à Baſilica Petri, de Borromæi vita conſcripſit. Pio autem Quinto ſummo Pontifice renuntiato, quando ſe ad Mediolanenſis Eccleſiæ regimen vocari plane intelligeret, Siluium à ſuo comitatu abeſſe, & Romæ remanere, licet eius operam valde deſideraturus eſſet, moleſte non tulit; quod is pietati erga parentes, quorum ſenectutem præſens ſolari, tueriq. deberet, & charitati erga ſororem adoleſcentulam deeſſe non poſſet. Itaque Cardinale Borromæo ſatuo ire iuſſo, Siluius vehementius ſe litterarum ſtudijs, Philoſophiæ, ac Theologiæ in primis tradidit. Sanctorum Patrum libros e manibus nunquam dimittebat. Sacris vero aliquot ante annos initiatus, ad optimam viuendi rationem, quam à puero inſtituerat, ordinis Sacerdotalis neceſſitatem accedere voluit, quo rebus diuinis maiore pietate inſeruiret. Quotidie igitur Miſſæ ſacrificium in Ec-

in Ecclesia præcipue Sancti Hieronymi faciebat, vbi B. Philippus Nerus Sanctæ Congregationis Oratorij institutor iam tum admirabili sanctimonia eniteret, cui se ab ineunte ætate instruendum, regendumq. commiserat. In hanc studiorum, & vitæ religiosissimæ rationem vehementer incumbenti, delatum est à sacro Cardinalium Collegio, Pio V. Pont. Max. auctore, secretarij munus, quo se abdicauerat Petrus Paulus Gualterius senio confectus, laboribusq. impar ferendis. Neque defuerunt viri rerum vsu, & doctrina insignes, qui summi prope beneficij loco id peterent. Omnibus superatis eam prouinciam nactus quattuor, & viginti totos annos incredibili sollertia, constantia, & abstinentia administravit. Hominis industriam, & elegantiam testantur litteræ sacri Collegij nomine scriptæ, decreta, & Consistorij acta in libros relata. Hieronymum Moronum patricium Mediolanensem S. R. E. Cardinalem Gregorius XIII. summæ vigilantia, pietatisq. Pontifex Maximus Legatum in Germaniam destinauerat, vt Ratisbonensi Dietæ Principum Imperialium conuentui interesset, ne quid aduersus libertatem Ecclesiasticam constitueretur. Is Silium Antonianum ab epistolis Latinis Secretarium dari sibi volebat. Gregorius ad Siluij nomen paulo commotior, respondit delicatum esse hominem, locupletem, quiq. difficillime ab vrbano otio diuelli posset, quod ipse superioribus annis intellexisset. Id fuit eiusmodi. Silium in nescioquam Prouinciam Sedis Apostolicæ causa ire Gregorius iusserat. Siluius excusare matris valetudinem, sororem virginē, adultam, in locatam orare, ne contra pietatem, & officium suum periclitantes feminas deserere cogeretur. Sub hac Pontifex indignabundus, quid, inquit, excusas? ergo quod magni beneficij loco egregij complures viri petunt, vnus recusas? vtere, vt libet, delicijs tuis. Quare Cardinalis Moroni condicionem Siluius, vt summum Pontificem, cui gratus, acceptusq. iucunda, dum Cardinalis esset, consuetudine extiterat, ea ratione placaret, matre præsertim valente, & sorore in matrimonio collocata, facile accepit. In comitatu igitur amplissimi Cardinalis Legati quacunque iret, sobrietatis, innocentia, sanctimoniamq. exemplar omnibus fuit. Ratisbonæ quotidie sacrificium Missæ peragebat, Mendicis stipem largiebatur. inde se in ædes abdebat. Studijs, & muneri suo vacabat. Vbi Principum Internuntij Cardinalem adiissent, Siluius euocabatur, qui Legati

gati vice ijs Latine responderet, interpretisq. officium obiret. Quod percunctanti mihi narrauit vir optimus Rodulphus Siluestrius Bononiensis Medicus, qui vna in Legati comitatu erat. In Urbem vero vt Cardinalis Moronus redijt Gregorio Papæ Siluiū, cuius opera, & fide in ea legatione apprime vsus esset, accurate cōmendauit. Annuæ ducentorum aureorum pensionis spem factam constat, quæ tamen ei attributa nunquam fuit. Sixtus V. Pontifex Maximus quoniam Episcopatum per Iulium Antonium Sanctoris Cardinalem Sanctæ Seuerinæ suo nomine allatum recusasset, annuam ducatorum ducentorum pensionem super redditibus Ecclesiæ Cauallicensis Siluio referuauit, Cardinaliumq. de controuersijs Episcoporum Congregationi secretarium adiunxit, quo tamen munere paucis post mensibus sponte abiit. Distrahi enim varijs occupationibus nolebat, licet admirabili ingenio præditus quæcunque aggrediretur, incredibili celeritate conficeret. Id quod non obscure testantur, quæ Sixto V. multa, & magna præstitit. In ijs negotium ei datum fuerat, vt in Templo sanctæ Mariæ Maioris Sacellum recens extructum, in Vaticano Bibliothecam, in Coelio Aulam Lateranam, aditusq. ad sancta sanctorum per Scalas sanctas picturis exornandos quam aptissime curaret: quod & egregie absoluit. Ex veteri enim, nouoq. testamento, sacrisq. Concilijs argumenta petita imaginibus exprimenda, eorumq. collocationem pictoribus admirabiliter suppeditauit, inscriptiones varijs Sixti operibus elegantissime cōcinnauit, quod & Clementis Pont. Maximis monumentis apposuit. Libros aliquot Sanctorū Patrum emendauit, Bullas complures composuit Sixti iussu. Nicolao Sfondrato Cardinali Cremonæ ob morum suauitatem; vitæ innocentiam, atque eximiam doctrinam adeo carus fuit, vt simulac Pontifex Maximus Gregorij XIII. nomine assumpto renunciatus fuit, Siluium familiarem, & supplicum libellorum Magistrum dixerit. Quod item onus haudquaquam suis humeris par minime pertulit. Epistolas tamen Pastorales permultas Pontificis nomine Italice scripsit, & grauissimis de rebus cum Episcopis transalpinis iussu Papæ per litteras egit. Eidem summo Pontifici diutius deliberanti, & quærenti quemnam Ecclesiæ Papiensi præficeret, Siluij communis amici viri spectatissimi rationem habendam esse censuit Augustinus Cusanus singulari virtute, ac pietate Cardinalis. Gregorius lau-

data Cusani sententia ingenti alacritate Siluio Episcopatum desert. Siluius Pontifici Sūmo gratias quam maximas agit, Cusanoq. reclamante delatum honorem verecunde deprecatur, quod & constantissime recusat, quod animarum rationem ab Episcopo exactissime reddendam Omnipotenti Deo intelligeret. Iam vero paucis post Gregorij XIII. & Innocentij Noni breuissimos Pontificatus mensibus Hyppolitus Cardinalis Aldobrandinus Clementis Octauī nomine adscito ad summi Apostolatus apicem euectus Siluium sibi satis, superq. notum, spectatum, probatumq. Apostolici cubiculi Magistrum delegit. In eius locum a sacro Cardinalium Collegio Secretarius est factus Antonius Querengus Patauinus Philosophiæ, Theologiæq. peritissimus, singulariq. ingenio, iudicio, eruditione, atque eloquentia ornatus. Eidem celeberrimo in Auditorio Sanctæ Mariæ in Vallicella certis diebus sermones mirifice habenti Ioannes Baptista Strotius Patricius Florentinus multiplici doctrina, pietate, Ecclesiasticæq. facundia instructus successit. Eo in magisterio Siluius mirifice depromplit quidquid doctrina, vsuq. percepisset. Præsto erat assidue Pontifici. Pro dignitate, maiestateq. tanti Principis Cardinalibus, Regumq. Oratoribus aditus quam facillimi vt paterent, studiose curabat. Ciues, peregrinosq. de Magistratuuin, potentiorūq. iniurijs expostulantes ad sanctissimos pedes humanissime admittebat. Aulicis modestiæ, continentiaq. exemplo erat. familiares suos, quibus ad victum, cultumq. domestice utebatur, frequenter monebat, ne quid non caste, non pie, non modeste, non innocenter perpetrarent; Auaritiæ suspicionem à se amouerent, vitam denique ad sanctissimi Pontificis normam, voluntatemq. instituerent. Hominem habere sibi Clemens videbatur, qui cum intra domesticos parietes de rebus grauissimis differeret, quemq. cōsuleret, cuiusq. in colloquijs acquiesceret. Non incommode accidit, vt Antonius Buccapadulus, qui in Breuium Secretorum officio laudabiliter consenuerat, ex humanis excederet. Ei muneri Siluium Clemens statim præfecit, qua in re non hominis tantum fidem, silentiumq. incomparabile, sed & stilum. Apostolicis Epistolis Ecclesiasticæ summa cum elegantia, & linguæ Latinæ splendore conscribendis idoneum secutus est. Neque eum opinio fefellit. Nam cum frequenter ad quamplurimos Magistratus; Nuntios, Episcopos, Cardinales, Reges, Regulos, &

Ref-

Republicus Pontificis nomine accurate scribendum esset, nihil ille perturbabatur, non magnitudinem rei extimescebat. Id homini contulerat stilus, vt nullo negotio paucis horis Epistolarum aceros componeret. Nullam vllis in scriptis eius lituram aspiceres. Nihil vnquam deleuit, immutauit, interposuit, nihil descripsit; libris ad eam rem nullis præter sacra Biblia, eorumq. Concordantias, utebatur. Ac sæpe quidem acrius monendum, & corripiendum, populiq. ad Dei opem implorandam adhortandi erant. Sanctorum Patrum Ambrosij, Augustini, Hieronymiq. scripta referunt Bullæ Iubilæi pro initio Pontificatus Clementis Papæ Octauæ de maxima Tiberis inundatione MDXCVIII. Indictionis Anni sancti MDC. & quæ longum esset recensere. Præterea Siluium Clemens in Canonicorum Collegium, seu Capitulum sancti Petri, vt appellant, quod Cardinalium Seminarium semper est habitum, adlegit, quo magnæ dignationis, & redditus sacerdotium sine quotidianæ functionis labore perpetuo haberet. Canonicatû igitur Kalendis Augusti iniit, quod eodem die sancto Petro ad Vincula sacro multis ante annis sacerdos institutus rem diuinam primum ad S. Petri Confessionem fecisset, quotannisq. deinceps eodem recurrente festo ibidem Missæ sacrificium celebrare consueuisset. Et quamquam ob magnas, multiplicesq. Apostolici Palatij occupationes vacationem, exemptionemq. Canonicatus vltro permissam sibi intelligeret, tamen aut negotijs se quam sæpissime posset, subtrahebât, aut quotidianas distributiones, quibus mulgari solent, qui horis canonicis minime interfunt, dari sibi non patiebatur. Quod non esse pudoris, aut abstinentiæ suæ diceret quidquam auferre, quod ijs, qui per totum anni ambitum choro inseruiunt, deberetur: cumq. pertinacissime propositum vrgeret, neque de sententia deduci posset, admonitus consuetudinis, & Apostolicæ auctoritatis petijt, vt in sodalitatem sanctissimi Corporis Christi Basilicæ S. Petri erogaretur, quidquid ad se eo nomine pertineret. Ac si quando cum plueret, ningeretve Principilibus occupationibus distentus campanæ sonitum Canonicos ad Ecclesiam excientem inaudisset, continuo, me miserum, aiebat, qui sub Vaticani Palatij tecto cæli iniuriam defendo, illi vero fedissima tempestate vndique in Basilicam confluunt. Ijs autem diebus, quibus officio in Ecclesiam suo satisfecisset, sacrisq. frequens aduisset, dici non potest, quam hilari animo, vultuq. se

ostenderit. In Quirinalem vero salubriorem collem quoties cum Aulicis Pontifex secederet, quod Vaticanum solum per æstatem pestilentius haberi soleat, ipseque diebus certe Dominicis mane in Vaticanam Basilicam ad suum officium persoluendum reuerteretur, forteque herbam in S. Petri Scalis succrescentem conspexisset, indignabundus exclamabat, facinus indignum? quis hoc ferat? ergo Vrbe salua, incolumi-Principe, felici Ecclesiæ Romanæ statu sancti Petri Basilicam desertam videri patiemur? quin parum celebris per anni tempus loci quidquid hoc inditij est, auerruncatur? Aedituoque accersito negotium dabat, vt scalas repurgandas curaret, sumptum ipse suo ære in eam rem suppeditabat. Canonicatus vero fere totum vestigal pauperibus dotandis puellis, sustentandisque egentibus arbitrio eius sacerdotis, qui Parochiam S. Petri curaret, aliosque in vsus Basilicæ impendebat. Caput S. Iacobi Intercisi, cuius memoriam mira pietate coleret, tenus pectore cum basi rebus ab eo gestis, titulisque ornata ex argento faciendū curauit, & in sacrario solemnī ritu collocauit; opifeci sexcentos aureos persoluit: ex eodemque metallo in coronæ formam lychnum pensilem ante Martyris Reliquias perpetuo arsurum fecit, redditumque in oleum attribuit. Quattuor item pallia quaternis coloribus Altari S. Andræ in eodem templo cum Apostoli, & sancti Gregorij Magni imaginibus auro intertextis dono dedit. Strenæ quoque nomine Sacristiæ Basilicæ ministris Natali Domini, & S. Petri festo, alijsque anni temporibus, vt occasio postularet, liberalissime de Canonicatus redditibus maximam pecuniæ vim diuidebat. Archiepiscopi Napolitani morte Abbatiam S. Mariæ Montis Viridis Clemens Siluio administrandā dedit. Isque vbi a Monachis Casinensibus finitimis, quos per litteras de eius Ecclesiæ cultu consuluerat, templum tecto, campana, sacris vestibus, instrumentoque omni, & foribus carere oppletum fimo, quod armentorum stabulum diu fuisset, certior factus esset, illico mandauit templum repurgari, restaurari, ornari, instruique suo sumptu, quattuorque Altaris paratus, totidemque sacerdotis planetas coloribus quaternis fieri, & in campanam aureos sexaginta erogari iussit. Amico autem suo gratiosissimo, qui cum rerum suarum rationem putare consueuerat, acrius præproperam impensam reprehendenti, expectandumque certe, dum ex agrorum locatione pecunia redigeretur, mouenti respondit, cunctationem prorsus omnem detestabilem esse,

vbi



vbi de cultu domus Dei agitur . Nonne, inquit, meministi hilarem datorem a Deo diligi ? quin potius diuina factum prouidentia censeamus, vt meæ commissa fidei hæc sit Ecclesia diutius neglecta , & in profanos vsus contumeliose destituta . Nimium germani negotiatoris est, nihil representare, nihil in rem quampiam, cuius ratio ignoretur, expendere : Sacerdotia nobis creduntur, non quo locupletemur, sed quo Ecclesiasticorum bonorum procuratores, & dispensatores simus, quæ partim Ecclesia, partim pauperes sibi vindicant . Agi deinde cœptum a nonnullis de Abbatia agris conducendis quanti superioribus annis locari soliti essent, quingentis scilicet aureis annuis . Quod cum minus Monachis Casinensibus, qui soli fertilitatem nossent, probaretur, Siluius persuaserunt, vt trium annorum cultura agrorum fides exploraretur, ipsi studium, & curam benigne polliciti . Primi vero anni prouentu mille, & quingentos aureos ad se peruenisse vt accepit Siluius, familiarem suum, a quo vehementius obiurgatus fuerat, acciuit . Viden, inquit, quam potens sit Deus, quamq. cumulatus rependat ijs, quibus Dei cultus, & honor est curæ . Substantia cum bene erogatur, augetur . Eiusdem porro regionis quattuor puellas tenuiores sacro Pentecostes die dotauit, & albis vestibus donauit, plebique inopi magnam vim panis distribuit, quod deinceps, quoad vixit, quotannis, & maiora præstitit . Monacho autem, qui ea procurabat, amice monenti, ne in populum non ita egentem redditus exhauriret, sed sibi, domuique suæ confuleret, respondit, qua in Cælum ascenderet, non qua in baratrum deturbaretur, viam ostendi sibi velle ; rationem vero rei familiaris, & domus se vel nullam, vel in postremis habere . Monachos autem ne diuturnioris procurationis molestia afficeret, agros septingentis, & quinquaginta in annos singulos aureis locauit . Annonæ caritas Urbem Romam complures iam annos affligebat . Rationem, qua plebem Urbanam, rusticamque penuria leuaret, Clemens inire studens, nihil intentatum relinquebat . Ex Sicilia, Hispaniaque frumenti copiam quam maximam in Italiam inuehendam curauit : sed quoniam vel prope corruptum metiretur, vel magno veniret, rei rusticæ peritissimum quemque accersiri iussit, ex eorumque sermonibus agrorum culturam plerisque in locis colonorum inopia intermissam, & pene destitutam esse vt cognouit, pecuniam ad boves aratores coemendos, operas conducendas, arationemque instruendam

dam quantam fide publica iussissent, Ciuitatibus ex fisco mutuam dedit; ipse cum aliquot Cardinalibus Viterbum mense Aprili anno 1597. profectus Etruriæ oram maritimam sancti Petri Patrimonium circumiuit, campos feraces collustrauit, sementem quam maximam factam esse conspexit, agris confitis benedixit, operisq. segetes perpurgantibus singulos aureos donauit. Cornetum ingressus Quinqueros ciuitatis, & me Prætorem monuit, ne agricultura negligeretur. Pontifici Siluius multa, & magna, qua erat prudentia, suggerebat, plerosq. accurate commendabat, meque præcipue his verbis: Hic e nostris est Beatissime Pater, nunquam a latere Principis digrediebatur. Eodem anno mense Augusto in grauissimum, periculosissimumq. morbum Clemens incidit. Pro salute Pontificis valde anxius Siluius Deum orare, Sanctorum fidem implorare, nihil omittere quod valetudini opus esse intelligeret. Simulatque Beatissimæ Virginis Mariæ intercessione Principem conualuisse sensit, lætitia exsiliens mihi, vt Soteria scriberem, auctor fuit. Paucis vero post diebus rumores de Alfonsi Estensis Ferrariæ Ducis obitu allati sunt. Clemens ditionis Ecclesiasticæ factam Ferrariam Oratoribus Cæsaris Estensis respondit contumacius repugnantem per litteras monuit, vt de regionis alienæ possessione abiret. Minus dicto audientem solemnî ritu publice excommunicauit. Milites conscribi iussit. Exercitui Petrum Aldobrandinum Cardinalem fratris filium Apostolicum Legatum præfecit; cum imperio ad recipiendam Ferrariam misit. Aduentu Legati res composuit. Mutinam concessit Dux Estensis. Clemens autem vere adulto 1598. Romam migravit, Ferrariam adiit, Ciuitatem constituit, tributorum, & munerum onere subleuauit, sua præsentia recreauit. Quæ Siluius Clementi in Vrbe, peregreq. in otio, & in negotio, publice, priuatimq. præstiterit, quamq. vigilarit, vt Princeps officium suum per ordinem gerere posset, quantoq. adiumento bonis omnibus vbique fuerit, ne recensere quidem disertissimus quisque possit, ex aspectu autem Ferrariæ, vbi cum Giraldis, Pignis, doctissimisq. viris familiariter vixerat, incredibilem voluptatem percepit, lætitijsq. omnibus incessit, quotiescunque amicorum liberos, necessariosq. studio, gratia, opera adiuuit. Reuerso demum in Urbem Clemente per terribissimam tempestatem multis diebus continuatam, assiduâ, largissimisque imbribus Tiberis auctus exeunte anno 1598. pridie Natalia restagnare pri-

primum, & diffundi per plana Urbis coepit; deinde violentius, rapidiusq. euagatus maiore calamitate post hominum memoriam Urbem, suburbiaq. affecit. Quare Kalendis Ianuarijs Siluius familiares suos, quos apud se aleret, inter prandendum allocutus est. Has, inquit, poenas, filij carissimi, Deus meis, & fortasse cuiuspiam vestrum delictis offensus exigit, pauperes tamen nunc vapulant, pauperes affliguntur, qui tabernas depressiores coeno adhuc obductas, aquisq. fluuiialibus madentes magno cum valetudinis periculo incolunt, rerumq. omnium penuria laborant. Nos autem sublimioribus ædibus recepti ciborum copia affluimus: nos deliquimus: de illis, opinor, immerentibus supplicium sumitur. O nos miseros, qui adhuc non expergiscimus, nec respicimus, quorsum hæc tendant? Ad grauiora scilicet, ni resipiscimus, reservamur mala. Redimamus igitur peccata nostra eleemosynis. Oeconomo suo imperauit, ne quid emendum, apponendumq. sibi toto eo anno præter veruecinæ perpussillum carnis, & iusculum, pirumq. coctum pateretur: deinde ad suos conuersus: Et vos, inquit, filij si quid desiderabitis, si non opipare vellemini, libenti animo perferatis, Deumq. in pauperibus nostra corpora defraudando alamus. Totum enim huius anni vegetal meum pauperibus sustentandis erogare decreui. Hæc simul ac dixit libellum sua manu cõscriptum e sinu protulit, Oeconomoq. tradidit, mandauitq. vt pecuniam vniuersam suam in pauperes, quemadmodum ipse scripssisset, sedulo distribueret. Quinto Nonas Martij anno 1599. Optimus Maximus Clemens cum promotionem tredecim Cardinalium haberet, in Consistorio Siluium Antonianum miris in cælum laudibus extulit, & S. R. E. Presbyterum Cardinalem fecit. Nos ei dignitatem gratulati carmen, quod & extat, edidimus. Cum primum per gratulantium officia licuit, sub noctem matrem, sororemq. adiit, congaudentes salutauit, monuitq. ne quid maioris spiritus honoris accessione sumeretur; scirent potius maius publici ministerij onus suis humeris impositum, maioresq. se labores manere, modestius, demissiusq. apud Deum tanti muneris auctorem gerere se, suosq. oportere. Eadem quoq. de re ad nobilissimos viros Albinum Attium, & Rafaelem Gualterium sororis suæ generos accurate litteras dedit. R. P. Ioanni Mathæo Ancinæ Congregationis Oratorij Presbytero eo nomine gratulabundo respõdit: Pater mi ora, ne hoc pileum rubeum me perdat. Domesticis item suis in

can-

candem fere sententiam multa elocutus edixit, ne quem Episcopum, Prælatum, Principum, ciuitatumve Oratorem, aut internuntium, Religiosorum Ordinum, Congregationumq. Procuratorem ad se aduentem præstolari tantillum sinerent, sed statim de eorum aduentu se admonerent. Non enim, aiebat, ad delicias, voluptatesq. Cardinalatus defertur. Publicum munus est, & publica persona, quam sustinemus; publico igitur vsui inferuiendum est nobis. Cardinalium ædes, & cubicula aduentibus semper patere deberent, vel si fieri posset, cum in lectulo quiescunt, & dormiunt, vt ad publicum officium statim excitarentur. Hæc, inquam, purpura, qua me vti Clementis benignitas voluit, non fastus, & regie superbiæ est insigne, sed erga proximum caritatis ignem representat, & refert. Eisdem præcipiebat, vt humillimum quemq. quam humanissime exciperent, admitterentq. cum primum per publicas occupationes liceret; meminissentq. Italicum Aulici vocabulum ab humanitate profectum esse. Numquam ad mensam sedens reficiebatur, numquã cubitum discessit, quin suos ad virtutem, Deiq. metum adhortaretur, Sanctorum, Sanctarumq. illustribus exemplis instrueret. Quanti vero suauissimos Siluij mores, singularem eruditionem, prudentiamq. Pontifex faceret, hinc deprendi facile potest. Vix hominem in amplissimum ordinem retulerat, cum quasi solus sibi relictus videretur, conqueri cum Cardinale Baronio cœpit, suam iacturam prædicare, delatum amico munus. Non enim se post illa habiturum, qui cum de sacris litteris, de republica sermones familiariter conferre posset, quem, vbi opus esset, domestice consuleret, cuiusq. iu-cunda consuetudine oblectaretur, & qui demum instar Antoniani sibi esset. Tamen dandam operam, vt aliqua ratione incommodum sarciretur suffecto alio in Siluij locum, in quo inueniendo Baronij sagacem industriam sibi opem ferre cupiebat. Narrabat Baronius se Antonium Quærengum, qui, vt supra commemorauì, in Scribæ Sacri Senatus ministerio Siluio successerat, nominasse, neque initio abnuisse Pontificem. Verum quo minus in Urbem reuocaret, obstitisse paulo ante exortam cum Cardinale Daualo simultatem, cuius in familia multos annos versatum Quærengum quâcumvis probatæ integritatis, & fidei, obnoxium reprehensioni consilium videbatur interiori cubiculo, arcanisq. sermonibus adhibere. Rursum Siluio Cardinali creato Episcopatus maiore metu æstare contigit. Nar-

nien-

nienſem Eccleſiam Clemens Octauus, qui Siluij doctrinam pariter & pietatem Epifcopo neceſſariam notam haberet, ei offerebat. Contra ille, qui ſe tanto muneri longe imparem putaret, magnumq; animæ ſuæ diſcrimen, ſi tale quid ſuſciperet, formidaret, ab eiufmodi onere abhorrebat. Rurſus vero, quod ſuſpicaretur potentioris cuiuſpiam ſtudio fieri, vt ſpecie honoris ablegaretur, ſollicite delibebat, vtrum tempori cederet, periculoſamq; prouinciam ſubiret, an libere detrectaret. Ea de re Confefſarium ſuum D. Theophilum Deo amabiliſſimum conſuluit cẽtiorẽ factum, quid ſuperioribus annis conſilij ſui fuiſſet, cum Papienſem Eccleſiam recuſauit. Laudato Cardinalis conſilio Confefſarius, vt in ſententiam perſiſteret, nihilq; formidaret, ſuaſit. Deum in primis ipſe ieiunijs, precationibusq; obſecrauit, vt quod ſaluti ſuæ expediret, id diuina præeunte prouidentia ipſe ſequeretur. Epifcopatum intrepide reiecit. Pari quoq; conſtantia in Capuana Eccleſia deprecanda, quam Clemens illi adminiſtrandam committebat, ſe geſſit, quod ab eodem Confefſario accepi. Viũ ſimplici, & vno tantum ſerculo ſemper eſt uſus, ſi ſolus eſſet. Cum hoſpitem ſuſciperet, geminari iubebat, ſobrietatem diligebat; luxum deteſtabatur, corpus alendum, modice; ſuſtentandumq; dicebat, non onerandum, pauperum eſſe, quæ impotens gula conſumeret, pauperibus ſuperflua eſſe danda, quod & ipſe faciebat. Eandem quoque parſimoniam in veſtitu adhibebat, neque eſt quod ſordes ei quiſquam obijciat. Nam quæcunque ad Cardinalitiã dignitatẽ, ſplendoremq; pertinerent, cum in publicum prodiret, aut Principes exciperet, ea omnia ſibi quæri; comparariq; iubebat, nulliq; ſumptui ea in re parcebat, neque potentiffimo cuique, opulentiffimoq; Cardinali cedebat. Domæſticæ vero, & priuatæ veſtis impenſam ægre ferebat, quod in alios pios uſus impartiri deberent, quæ minus ſibi neceſſariæ eſſent. Adnotarunt nonnulli Siluium, ex quo Presbyter inſtitutus eſt, nunquam niſi poſtquam Cardinalis eſt factus, ſericis veſtibus uſum fuiſſe. Abſtinentiæ fuit incomparabilis. Munera, & dona cuiuſuis generis ad vltimum uſque vitæ diem pertinaciſſimè reſpuit; quod Gregorij XIII. Papæ de datis, & acceptis Conſtitutionem religioſe obſeruandam ſibi propoſuiſſet, caueretq; ne cui muneribus capi, corrumpiq; poſſe videretur. Sed ne auicularum quidem, piſciumve munuſcula quantumuis parua dono ſibi dari vnquam eſt paſſus:

vix, ægreque pomorum lancem ab amicis, postquam Cardinalis est factus, accepit, eaque statim familiaribus diuidenda curauit, ne quid inde emolumenti ipse perciperet, auiditatiq. indulgere assuesceret. Principibus officij ergo (quod certis, solemnibusq. anni temporibus ambitiose fere ab omnibus fit) numquam scripsit. Ad Regem quemdam gratias Siluio Cardinali Antoniano per litteras agentem, quod per eum quod voluisset, à Clemente impetrasset, rescripsit, gratiarum se actionem eam non agnoscere, quod a Pontifice Maximo beneficium profectum esset: se Principis sui iussa tantum obijisse. Nemini operam, studium, gratiam venditauit, neque ambitiose ostentauit. Parentes inusitata pietate coluit. Matrem enim, quæ viro, vt diximus, voti persoluendi, & amore visendi, venerandiq. sanctum Domini sepulchrum causa Hierusalem profecto, patris etiã partes subierat, & filium ingenuis artibus, fidibusq. erudiendum curasset, eamq. in rem Principum, qui miro pueri ingenio delectarentur subsidio, per propinquos prudenter vsa esset, adeo reueritus est, vt non solum ad eius nutum puer vixerit, sed prope quinquagenarius antequam in Aulam Principalem à Clemente Octauo vocaretur, nunquam domo nisi consulta, & valere iussa matre, benedictionemq. ab ea impetrasset, abierit, nunquam domum se receperit, quin statim matrem adierit, salutaueritq. Non enim ex quo Ferraria Romam redierat, promiscue habitauit cum feminis matres, sorore, & sororis filiabus. Sed ijs in Ginæceo collocatis, ipse cum paucis familiaribus, quibus utebatur, seorsum in priore ædium parte degebat. Patrem vero religiosa peregrinatione aliquando in Urbem reuersum incredibili caritate complexus quam diutissime benigne aluit, honorifice tractauit, defunctum luxit, extulit, sacrificijs Missarum adiuuit. Diem obitus, ætatis annum, sepulture locum in diaria sua his verbis retulit: Die 28. Martij 1574. in Dominica Passionis obiit b. m. Matthæus pater meus, cuius anima requiescat in pace, sepultus ad sanctissimæ Trinitatis prope Pontem Sixti, cuius societatis sodalis fuerat, annum agebat 69. Franciscam Sororem dotaui, nuptui dedit, sororis filias Plaurillam Raphaeli Gualterio Vrbeuetano, Catharinam Albino Attio Tudertino viris quæ maiorum splendore, quæ propriarum virtutum laude florentissimis. ad earum patrimonium quinque aureorum millibus in singulas adiectis honestissime in matrimonio collocauit, licet plures ex Romana nobili-

bilitate iuvenes certatim peterent. quod Clemens auctor ei fuisset, ut in propinquis Romæ urbibus conditionem puellis quæreret. Hic ronymum Badesium Materteræ nepotem ad omnem litterarum, & virtutum præstantiam informavit; Cardinali Lancelloto secretarium ab Epistolis dedit, perpulitq. ut Sixti V. sacellum in templo sanctæ Mariæ Maioris tribus libris complecteretur. quod opus heroicis versibus conscriptum ab omnibus celebratum edidit, eoq. nomine à liberalissimo Pontifice, qui prolixè ingenia fouebat, centum aureos, & redditus Ecclesiasticos tulit. Apud Cardinalem Cusanum Siluij commendatione, & morum, doctrinæq. suffragatione cum summo esset loco, & ornamenta virtuti debita facile consequi posset, morbo importune interceptus periit. Acerbissimo eius funere doluit Siluius, sed conditionis humanæ minime oblitus, desiderium defuncti spe salutis æternæ iam tum adeptæ solatus est. Franciscum Tonanum pueritiæ suæ custodem, educatorem loco parentis dilexit, apud se ad extremam usque senectutem honestissime habuit, mortuum inferri iussit in monumentum, quod sibi, suisq. fecerat. Laurentium Frescum Tarquinia materteræ nepotem, humanitate, & industria præditum apud se habuit, & ornare coepit. Propinquis, amicisq. nunquam defuit. si eorum nomina tenerem, & recensere vellem, quos consilio, & re adiuuit, in immensum, opus excreceret. Superstibus amicorum liberis, nepotibus, neptis, fratribus, sororibusq. semper adiumento, & ornamento fuit, quamuis a parentum laude abessent, quod diceret, se ijs benefacere, ut eius utar verbis, propter David seruum meum. Parem gratiæ ei ab amicissimo miror non relata, qui in Franciscam Cardinalis Antoniani sororem superstitem, viduam pudicissimam, & prudentissimam nullum beneficium, aut officium contulit. Equidem ingrati animi notam declinare non potero, nisi profitear magnam otij senectutis meæ partem Siluij Antoniani beneficio partam esse, & quibuscunq. rebus possim, memorem, gratumq. præme feram. Quid amicis Siluium dico prospexisse, & profuisse? amulos, inuidos, quiq. obstare, & detrahare dignitati suæ aperte dicerentur, vehementer amavit. Castigatus a necessario illo suo, quod aduersarijs benefaceret, quodq. ijs apud Summum Pontificem adesset; a quibus carperetur, insimulareturq. respondit, insulti esse sui, ut quos existimationi suæ aduersarios intelligeret, in eos

C 2      maiora,

maiora, quàm in amicòs beneficia conferret, nec se interpretari eorum dicta perinde, atq. ipse accepisset. De obtrectatoribus vero suis interrogatus quid ipse sentiret, ea prædicabat, quæ de ijs, qui laudi suæ fauerent, eloqui soleret, neque eos ambitione quadam ornabat, sed vere, & ex animo loquebatur. Aiebat enim non ex quavis siue factorum, siue dictorum significatione cuiuscunque consilium argui semper posse. quod quæ prava plerunque nobis videantur, ea iustus rerum iudex, & cordis perscrutator Deus recta esse censeat. Si forte (ut sæpenumero fit) cum amicis, familiaribusq. colloqueretur. audiretq. cuiuspiam vel turpiter admissa, vel negligenter ommissa, continuo eos interpellabat, aut sermonem alio detorquebat. Obtrectationi, quæ pronis auribus accipi solet, aures occludebat: neminem rodi patiebatur, de nemine adduci poterat, ut perperam suspicaretur, neminem improbum esse sibi persuadebat. Familiarium suorum stultitiam, vitia, & errata incredibili patientia ferebat, eosq. paternæ caritate complexus corripiebat, ab erroribus in viam reducebat. nunquam stomachabundus cuiquam conuicium fecit, quod negligenter, perperamq. quidquam aut contra officium fecisset. Neminem quantumvis ineptum, ignaum, nequam dimisit; omnes potius nervos intendebat, ut vitia euelleret, virtutes infereret, idq. crebris, & apud singulos, & apud universos monitionibus, cum inter comedendum quidpiam ex Sanctorum rebus gestis quotidie recitaretur. Ea enim feligebat, quæ ad corrigendum, excitandumq. quem potissimum vellet, valde idonea essent. Præterea dicebat non humano, sed diuino factum consilio, ut is in suorum numerum reciperetur, quo ipse illius culpas patienter sufferret, non propter culpas illum amandaret. Enitendum sibi, ut modis omnibus meliorem, quàm accepisset, familiarem aliquando redderet; nec desperandum de fratris sanitate, & resipiscencia. Aliter vero sentientes sic refellebat: Si imperfectum quemq. non tolerem, sed e domo mea abilegem, quibus tandem utar? Exclusus item facile deterius quid aduersus Deum, & homines grauiore cum animæ suæ detrimento peccarit. ipse, quod alienæ insipientiæ impatiens familiarem meam commissum fidei non retinuerim, non rexerim, sed præcipitem dederim, in causa fuerim, quamobrem ijs sceleribus se inuoluerit: odit fratrem qui odit vitia; toleranda sunt vitia, & exercitatione paulatim extirpanda



tirpanda, in mentemq. reuocandum Dei beneficio, & miseratione factum esse, vt ipse iisdem, & grauioribus quidem minus laborem. Non defuere, qui Cardinalis Antoniani tantam clementiam reprehenderent. Sed (vt dixi) frustra. Nam morosos, superbosq. & luxu fluentes quosdam perpetuo tolerauit grauiora sane delicta, & scelera, quorum contagione ceteri corrumperentur, non vtique tulisset. Quod intelligi potest ex tabella, qua domesticos suos valetudinarios incredibili pietate curandos precipiebat, eos enim, qui ex scortorum consuetudine valetudinem, morbumq. collegissent, amandandos confestim iubeat, neque in suorum numero esse patiebatur. Si quis confamilialem ad eum detulisset, quod quidquam negligenter, nequiterve admisisset, castigatum monebat, ne iterum calumniandi libidine, aut gratiæ ab se ineundæ studio tale quid auderet. Suos omnes familiares, qui sacris ordinibus initiati non essent, filios, Presbyteros vero fratres appellabat, eosq. inter se mutuo diligere, & maxime vnum esse, neque dissidio vnquam differri volebat. Quod si quando vsuuenisset, vt quorundam animi altercationibus, aut quouis casu alienarentur, dabat operam, vt illico in gratiam redirent. Neque mitum esse affirmabat offensionibus interdum vehementius affici, qui vna degerent. Illud autem, studiose cauendum, ne a iurgiis irati cubitum discederent, quod ex diuturna voluntatum alienatione similtates, & odia oriri solerent; quare studendum, vt actutum reconciliarentur. Ea quoque ratione prudenter, efficiebat, vt in illis ipsis fraterna coalesceret beneuolentia; quod sollicitè videbat, vt domus sua ijs malis præcipue careret; quibus affligantur pleræque potentiorum domus, ne quis scilicet apud se gratiosissimus præberet ceteris ansam inuidentis, & odio persequendi, quem vnice diligere, & reliquis superbe imponi cernerent. Suus vniciq. apud Cardinalem Antonianum, erat locus, qui frequenter illud vsurpabat, a se familiares omnes diligere, quorum opéra pro personæ, quam sustineret, dignitate sibi necessaria esset, non secus ac corpori membra omnia, quibus vititur, carissima sunt. Indulgentia, & benignitas in illos plusquam paterna enituit. Quod domi pene solus, cum a Prælati adiretur, inuentus esset, moleste non tulit, neque absentibus succensuit. Frequentem tamen comitatum cupiebat, si quando Cardinalitium munus splendorem suum flagitaret. Paucis ante Quadragesimam

diebus cum ludi ad publicam hilaritatem exhibentur, sacros omnes spectatum emittebat; fores ædium occludi iubebat. Solus ipse in cubiculo quidpiam commentabatur, siquem fortasse remansisse, ut domum seruaret, animaduertisset, continuo ut abiret, quo ceteri præcipiebat. Isdem diebus ad quotidianum demensum non exiguum nummorum accessionem suis faciebat, quo vna omnes vinctius coenarent. Varijs etiam anni temporibus, & solemnibus diebus familiares suos pecunia donare consueuerat; præsertim vero Domini Natiuitate, & S. Petri Festo cētenos singulos honestioribus aureos ex pensionibus Capuana, & Eugubina donabat. Ceteros item pro condicionis cuiusque loco munerabatur. Latissimo quoque Resurrectionis Dominicę die Triclinium suorum ingressus vna sedens vultu comi, & hilariore prandebat, suaq. manu quod sibi in mensam illatum esset, in singulos diuidebat; atque vbi familiarium corpora cibis opipare pauisset, eorundem animos adhortatione ad Dei metum, & Resurrectionis spem concinna reficiebat; postremo Paschalis lætitiæ donatium cunctis attribuebat. Quotiens Quadragesimæ diebus e templo in ædes se à concione, & Verbi Dei prædicatione audienda recepisset, seriusq. iam sibi videretur, quam iuniores ieiunium ferre, & protrahere possent, conuersus ad suos quam humanissime aiebat: filij mei ex templo ad corpora curanda discedite. Ego me publicis vestibus exuam. Officiosius quempiam remorantem acrius increpabat, atque a se remouebat. A refectione autem maturius reuertentes, ut sibi ieiuno præsto essent, ministrarentq. paulo commotius reprehendebat, monebatq. ne alias festinanter comederent. Eadem ratione utebatur, vbi a Consistorio, & Congregatione quapiam reuerteretur. Cum in multam noctem lucubrasset, vbi decubuit, conquestus est de suorum negligentia, quod seculum offendisset minus calefactum, quam hiemis frigidissimæ tempus postulare. Subinde adeo quærimoniæ illum poenituit, ut tres totas horas in somnis fuerit se nimis delicatum incusans, & culpæ suæ veniam a Deo petens. Quam multi, ad Dominum exclamans aiebat, lautior locoinati, quam ipse sui, & quidem Deo dilecti apud Turcas immanissimos fidei nostræ hostes seruitutem durissimam seruientes, nunc sub dijs vel humi, vel certe tabulis strati gelu exurantur. Ego ingratus peccator testis, & parietibus celi iniuriam defendens, & mol-

molliter cubans iniuste conqueror. Hæc iterans pectus percutiebat gemebundus, vt Ambrosius Baccicalupus Genuensis intimus familiaris, qui non longe in eodem cubiculo quiescebat, facile audiret. Si quem suorum subtristem forte conspiciatus esset, cum eo sic differebat: fili si doles, quod Deum peccatis offenderis, non abire tristaris; sin minus, nihil est, quare mæstus sis; licet minus exsententia res eueniant. Fluxa sunt, & caduca quæcunque a mortalibus tantopere expetuntur. Lætare fili, Deus enim æterna nobis pollicetur. Cælum ipsum nobis reserauit. Quamobrem Deo fidendum est, in Deo spes nostræ collocandæ sunt. In Deo fili si speraueris, Deus tibi non deerit. Hominibus si confidas, homines te decipiēt. Neque me ex eo numero excipio, qui nequissimus sim peccator. Suos omnes ab otio, & inertia quam maxime posset, deterrebat. Omnibus suadebat, vt lectioni, & scriptioni strenue operam nauarent, seq. in omnem aleam instructiores compararent. Cum ægrotarent, nullum in illo paternæ caritatis officium desiderabatur. Rationem, qua familiares sui in aduersa valetudine benigne curarentur, & quæcunque opus essent, cumulatissime a se præstarentur, sua manu conscriptam Oeconomo tradiderat, caueratq. ne quidquam prorsus omitteretur. Qui ægro assisteret, ministraretq. destinauerat, de vi morbi, curationibusq. medicum sollicitè percunctabatur, mittebatq. in horas fere singulas, qui decumbentem inuiseret; ipse quoque illum sæpe adibat, blande appellabat laborantem, consolabatur, febris æstus, & tormenta, vt æquo animo toleraret, Deiq. opem fidenter imploraret, ad Beatissimæ Virginis Mariæ, Sanctorumq. intercessionem confugeret, accurate monebat: si quid humanitus sibi accidisset, Christo Redemptori animam suam commendaret, atque iam tum ad æternæ vitæ transitum fortiter accingeretur. Loca pia in volumen suam manu retulerat, ijsq. menstruas assignauerat eleemosynas, vberiusq. repræsentabat Natiuitatis, & Resurrectionis Domini festiuitatibus, Ieiunia item quattuor temporum, & Vigiliarum fructuosa sibi eleemosinarum largitate semper faciebat. Pauperibusq. sacrarum Virginum, Mendicantiumq. Religiosorum Monasterijs oleum, vinum, Agnos; Verueces, pecuniamq. necessarios in vsus suppeditabat. Ijsdem ægrotantibus gallinas, saccarum, & quæ valerudo requiret, benigne sumministrabat. Comitibus eorum frequentibus, seu Capitulis

pitulis generalibus ampliora etiam impertiebat. Quoties ipse carcerem Burgi, Turris Nonæ, & Curia Sabellæ prætergrederetur, egentibus, qui in custodia, & carcere essent, stipis numerum non exiguum mittebat. Certisq. anni temporibus epulas a proximis Cauponibus suo ære dari iubebat. Sacerdotibus Italis mendicantibus, vnde dies aliquot sustentarentur, libenter erogabat. Eosq. deinde admonebat, vt meminissent loci, & dignitatis sacerdotalis, ne quæstum sacerdotio indignum, quem turpiter accepissent, scædus per desidiâ exercebant, sed Altari inseruirent, honestioremq. conditionem sequerentur. Quâ in re studium, & operam suam pollicebatur. Presbyteros autem Gallos, Polonos, Transalpinæq. nationis quoscunque pannolos obuios habuisset, nummis ultro subleuabat. Redeuntes in patriam, & auxilium viæ petentes viatico hilare prosequabatur. Rogantibus, vt quidpiam pro dotandis Virginibus, redimendis captiuis, alendis egenis, aut reparandis sacris ædibus conferret, festiuam aureorum copiam numerari ab se iubebat, gratiasq. agebat, quod promerendi causam sibi attulissent. Si quis pudibunde, timideve quid pro egenis peteret, aut ne peteret quidem, ne Cardinali molestus esset, ipse hilari vultu obuiam ibat, & ultro plena manu exhibebat, castigata suauiter verecundia, aut dissimulatione. Commendatis sibi puellis duabus ducentos aureos per Archiconfraternitatis Annuntiata Præfectos dedit, ne à se dotem profectam scirent. Persæpe decem aureos quadringentas in monetas argenteas, quadringentos in sextertios pene dixerim commutatos a domestico Depositario suo accipiebat, suaq. manu pauperibus paruo temporis intervallo distribuebat, quibus etiam in Ecclesijs præberi a Decano Parasfrenariorum suorum volebat; eundemq. admonebat, vt mendicorum importunitatem leuiter ferret, ne quem asperioribus læderet verbis, licet vndique aduolantes immodeste instarent, atque vrgerent; quod si nummi erogantem defecissent, reliquis discedere placide iussis stipem in alium diem polliceretur. Neque minore animi propensione, & lagitate in defunctos exitit. Nam licet secunda quaque feria sacrificium Missæ pro fidelibus defunctis peragendum curaret, tamen eleemosynas eo nomine instituerat, Missasq. varijs in Ecclesijs celebrari complures iubebat. Cum primum de Cardinalis, Principisve alicuius, aut necessariorum, aut

cuius-

cuiuspiam bene de se meriti obitu certior factus esset suffragia, & sacrificia pro ijs vel per se, vel per alios habebat pro Collega ipse Missam celebrabat. Centum aureos, quo die mater decessit, ad Religiosorum monasteria in schedulam sua manu relatâ transmissit, qua pro anima genitricis suæ magnum Missarum numerum celebrarent. pro cuius etiam valetudine, dum ægrotaret, plerisq. in Templis, Monachorumq. & Monialium claustris Deum, Sanctosq. quatenus tamen expediret, elemosynis distributis orari voluit. Formulam orandi ipse præscripsit, & condicione adiecta orauit. Quanta esset animi firmitate Siluius Cardinalis Antonianus non in morte tantum matris perferenda, & dolore tolerando, sed pridie quam illa obiret, non obscure ostendit. Nam cum annum ageret sexagesimum primum ad eius cubile accessit; quæ quinque, & septuaginta annos nata ex humanis abire festinabat, humiq. ipse ad sanctissimam Iesu Christi crucifixi Imaginē aduolurus animam caræ matris solemnibus precationibus Deo constantissime commendauit. Nos elegiam in obitum illius scripsimus, & in Cardinalem Antonianum minime necessaria consolatione uti sumus. Omnium quidem Ordinum Religiosos quam maxime obseruabat, tuebatur, cumq. opus esset, studio, & facultatibus subleuabat. Sed præcipua quadam veneratione S. Patris Benedicti memoriam perpetuo coluit, & quo anno Cardinalis est factus, nihil sibi prius faciendum putauit, quàm ut sublacense venerabundus Monasterium adiret, versibusq. à se conditis exornaret. Monachos austerioris vitæ rationem ingressos suspiciebat, eorum religiosas domos frequentabat, sermonibus intererat, Deumq. orabat, ut ijsdem perseuerantiam largiretur. Tanta erga humiles Dei seruos beneuolentia, & obseruantia, adeoque ipse humili, demisso, minimeq. elato fuit animo, ut cum maxime Principum virorum gratia floreret, ab omnibusq. ob ingenij, eruditionisq. præstantiam, & morum suauitatem expeteretur, magnisq. ob multiplices munerum curas occupationibus distineretur, nunquam pauperum seruorum Dei consuetudinem intermiserit, nunquam sacras cæremonias, diuinæq. in templis ministeria, quæ plerosque ob factum obire pudet, deseruerit. Nam cum alia religiosa loca frequentaret, tum præcipua quadam animi propensione in Venerabiles Sanctæ Congregationis Oratorij Clericos ferebatur, quos Patres suos appellabat, ut ex

eius ad eminentissimum virū Anastasium Germonium epistola, qui a S. D. N. Paulo V. Archiepiscopus Tarantasi est factus, ea ex eius testamento intelligi potest. Neque adultam modo Congregationem, & in hanc firmitatem exstructo S. Mariæ in Vallicella templo eductam coluit, sed paruis in Ecclesia S. Ioannis Florentinorum incrementis cum extolleretur, & apud sancti Hieronymi ædem inchoata fundaretur, frequens apud eos, ter, bisve, cum minimum, singulis hebdomadis peccatorum suorum confessionem habebat, quotidieq. rem diuinam faciebat. Festiuis item diebus superpelliceo indutus (vnum ex illis diceres) in Choro Vesperas simul canebat, Missasq. solemnes plerumq. celebrabat. Ac nisi quid subiti, & impediti negotij intercessisset, quotidianis eorum sermonibus intererat, quattuorq. patribus duas horas inuicem concionantibus attente operam dabat, idque institutum ad annos triginta pie, perseveranterq. retinuit. Atque ipse petentibus instanter Patribus, quamquam diu, multumq. renuisset, aliquando tamen exoratus de superiore loco certis quibusque diebus propositum sancti Euangelij caput diserte explicauit, populumq. ad Dei verbum audiendum certatim undique confluentem sententiarum grauitate, verborumq. elegantia illexit, & ad æternæ vitæ gloriam suauiter excitauit. Constituerat etiam in eorum Contubernium secedere, quandocunque suum mater obisset. Quod tamen consilium ob Clementis Papæ iussa, & Cardinalis factus necessario quidem, sed ægre mutauit. Operæpretium est cognoscere cum Deo agendi quotidianam eius consuetudinem. Mane ubi expectatus esset; preces in lectulo complures recitabat. E cubili surgens in genua procumbebat, terramq. ter exosculabatur, & Deo immortalī gratias agebat, quod in lucem saluus peruenisset; eundemq. obsecrabat, vt per diem nihil, nisi quod diuinæ congruum voluntati esset, vnquam quæreretur. Deinde horas Canonicas primam, & Tertiam, psalmosq. ad Missam præparatorios, quæq. sequuntur ad id spectantia proferebat. Mox se reconciliaturus orabat. Quod institutum nunquam omisit. Quotidie confitebatur humi genibus incumbens, capite demisso, & toto corpore incuruato gemens, ploransq. sacerdotis absolutionem excipiebat: minuta quæq. peccata graua iudicabat, quod ex sententia sancti Gregorij diceret Nugas in ore sacerdotis esse blasphemias. De

Cardi-

Cardinalis Antoniani conscientiae diligenti examine, humilitate, dolore, & contritione multa testantur sapientissimi sacerdotes D. Theophilus Sebaſta, & Iosephus Dominicus. Admonitus altare instructum esse, & cubiculo progrediebatur, & antequam in sacellum ingrederetur, subsistebat, ut quicumque adessent, conuentumque se vellent, benigne, attenteque audiret, omnibusque humanitate, & caritate satisfaciebat. Qua in re humanitatem desiderari suam nunquam est passus. Quod si quis apud illum de suorum superbia expostulasset, quod pridie per eos steterisset, quod minus Cardinalis adeundi copia sibi facta fuisset, continuo suos castigabat, ne quid in posterum tale accideret. Cum per sudum liceret, praesertim Sabbato in vna ex Ecclesijs B. Mariae dicatis sacrum faciebat, addita Eleemosyna, quod & in ceteris Ecclesijs semper fecit. Optimi rem exempli esse affirmabat, si saepe Cardinales publice operarentur. Tanto autem ipse animi pio in Deum affectu quotidie sacrificauit, ut complures vtriusque sexus fideles magna veneratione mentisque intentione sacrificanti operam dederint, & peracto sacrificio ad tanti Mysterij meditationem, & Domini memoriam magis, ac magis sint excitati. Ipse vero in reditu per viam, aut si domestico in Sacello sacrificasset, in cubiculum reuersus cum suis sacerdotibus, qui cappellani vocantur Sextam, Nonamque, & reliquas de more preces absoluebat, deinde apud ipsos, quam tenissime tradebat, qui eo quidpiam agendi causa concessissent, atque in horam usque prandij negotijs conficiendis, aut Breuibus Apostolicis conscribendis vacabat. Si occupationibus caret, ad librorum consuetudinem confugiens legebat. Nunquam otiosus fuit, cum otium esset. Vbi per hiemem sedendo, frigus collegisset, a lectione surgens, inambulansque tertiam Rosarij, cui semper deuotus fuit, praecabundus partem percurrobat. Reliquum diuini officij Vesperas scilicet, Completoriumque pomeridianis horis absoluebat. Prima quoque mensis Dominica familiares omnes suos volentes quidem ab se communicare, & sacrosanctam Eucharistiam sumere ad innocentiam adhortatus, quo liberet, Ecclesias salutatam dimittere consueuerat. Cum ex adibus in apertum relaxandi animi, & corporis exercendi gratia progredetur, non hortos, aliaue amoeniora Urbis loca, sed sacras Basilicas, & templa reuerentissime inuisebat. Mos ei fuit, ut Nocturnam diuini officij partem sub noctem,

inchoaret, psalmos, lectionesq. distincte, clare, suauiterq. siue cum summo Pontifice; siue cum suis, alternatim prosequeretur, quoridieq. multis ab inde annis, paruum Beatæ Mariæ, & plerunque defunctorum officium adiunxit. Litanias quoque ad Sanctorum opem implorandam quotidie cum suis familiaribus priusquam cubitum concederent, iterauit. Hieme in multam noctem lucubrabat. Postremo humi prostratus peccatorum suorum veniam elatione voce à Deo precibus petebat, orationibusq. permultis habitis quieti se tradebat. Nemini vnquam obfuit, neminem prudens laxisit. A quibus ipse latus fuisset eos, vt aliquando, cum facultas esset, vlscisceretur, adduci nunquam potuit. Iniurias dissimulauit, & magno animo pertulit. Pij Quarti Pontificis Maximi, & Caroli Cardinalis Borromæi familiares, quod tantæ maiestatis principibus ob morum candorem, suauitatemq. & ingenij, doctrinæq. miraculum esset acceptissimus, homini prorsus innocenti palam inuidere, obstare, detrahere, machinari, & moliri ea, quæ ille ferre cum minime posset, aut sponte missionem peteret, aut per iracundiam quid perpetraret, quo inhoneste mitteretur. Verebantur enim ambitionis, & avaritiæ stimulis incitari, ne præteritis amicis vetustioribus is, qui nuper in familiaritatem, & clientelam receptus esset, redditibus, & honoribus Ecclesiasticis augetur. Ademptum denique, & ereptum sibi quidquid Siluius daretur, conquerebantur, & dolebant inuidi, & maleuoli. Horum inuidiam, si placare non posset, declinare certe conabatur. Quare vbi Cardinalis Borromæus misisset, qui Siluium accerferet, vt vna pranderet, simulauit se iam prandisse. Quod vnde hoc proficisceretur, suspicatus Borromæus, omnibus suis audientibus, ito, inquit, edic Siluius, ne cœnet solus, lautius, & splendidius mecum cœnabit. Aedes in Apostolico Palatio Siluius datas quidam ex potentioribus Principis amicis, cuius famæ parcitur, ademerat, quod diceret sibi esse necessarias. Ille nihil exoptulans ad matrem migravit. Forte accidit, vt nocte prope intempesta Princeps Siluium ad se vocandum curarit. Renunciatum est abesse. Postridie Princeps Siluium obiurgauit, quod foris aduersus edictum suum pernoctasset. Siluius iniuriam dissimulauit. Culpam in se deriuauit, excusatus maternam pietatem, apud quam noctu commoraretur. Vbi vero Pontifex ex nescio quo familiari suo cognouit aliter se rem habere, admiratus hominis

patien-



patientiam, animumq. vtrionis minime cupidum, ædes ampliores, sibiq. propinquiores Siluiio attribuit. Si cum cerebroso-iracundo, insolentive agendum esset. Tacite secum sic ratiocinabatur, mihi, & isti sapiam oportet. Pudicitia fuit tanta, vt siquæ feminæ quidpiam rogandi gratia eum adissent, rubore suffunderetur, oculisq. solo defixis ad matrem, vel cui hoc negotium dederat, eas reiecerit. Continentia quoque fuit tanta, vt Religiosissimus Pater D. Theophilus Sebastia testetur Cardinalem Antonianum, neque Corporis, neque mentis virginitatem amisse sibi videri, quantum ex diuturna eius consuetudine, & familiaritate intrinseca conijcere potuerit. Verbis eius vsus sum, & quo res sit testator, appingam reliqua. Vitæ, inquit, puritate tanta, quoad vixit, extitit per multos annos, quibus in foro poenitentiae sacramentalis eius conscientiam, notam habui, præter humilitatem, atque exquisitam cum simplicitate suorum defectuum accusationem exhibitam (verum fateor) vix materiam absolutionis dederit, nec lethali culpæ vnquam obnoxium agnouerim. Vicia ad tempus dissimulata, aliquando eruptura nulla vnquam in eo quisquam animaduertit, quamquam ab omnibus observaretur. Vixit in luce, & Principum conspectu. Aduersarios, æmulosq. habebat plurimos. Ab adolescentia ad senectam eundem vitæ tenorem seruauit. Virtutibus semper ornatus recte viuendi institutum semper retinuit. Temporum vicissitudines, rerum commutationes, spes irritas forti animo non semel est expertus. Iulij Tertij paternam caritatem breui desiderauit. Herculis Ferrarie Ducis benignitatem paruo temporis interuallo amisit. Pium Quartum mortuum luxit, cum ab eo magna sperare iuberetur. Affulserat præmiorum spes summa Gregorio decimoquarto Pontifice maximo renunciato, sed paucis mensibus cum ipso Pontifice est extincta. Hieronymum Badesium summi ingenij adolescentem, quem ad virtutum laudem eduxerat, cum maxime floreret, extulit. Neque minore fortitudine parentum mortem tolerauit. Quod prosperiore interdum rerum cursu vteretur, Elationis animi, gestientisq. latitiæ signa nunquam dedit. Superbiam, fastum, arrogantiam, tamquam immanissimas feras abominatus est. Dignitatis auctoritate non ad insolentiam, & alienam despicientiam, sed ad afflictos, oppressosq. subleuandos, & bonos ornandos semper est vsus. Modestiam & ipse perpetuo coluit, & suos

docuit. Ostentationem vitauit, fugiendamque alijs proposuit. Multa & magna varijs in locis donaria instituit. Templa reparauit, Sacella excitauit, Rubieram, quæ templo S. Catharinæ vsui essent, quot annis mittebat quum diceret ex dotalibus fructibus debere se sponsæ suæ ornamenta præstare. de Ecclesia Montis Viridis restaurata supra scripsimus. In oppido Itri diocesis Caietæ Ecclesiam Sancti Antonij profanos in vsus Commendatarij negligentia conuersam, & euersam exædificauit, sacroq. instrumento instruxit. Episcopo Caietæ supra quingentos aureos in reparationem Hospitalis, & Balneorum sancti Antonij impendendos transmisit. Præceptoriam sancti Antonij fundorum vectigalem sibi numquam duxit. Nam quidquid inde perciperetur, in eius Præceptorie sacrarum ædium restorationem, & ornatum, in altarium cultum, in facram suppellectilem, in eleemosynas pauperibus varijs anni temporibus, singulisq. Dominicis distribuendas, & dotandas puellas exhaustit. Aiebat enim Beneficia Ecclesiastica esse sanguinem Martyrum, peccatorum Redemptionem, Piorum hominum oblationem ad cultum diuinum, sanctorumq. memoriam recolendam, & pauperum sustentationem, seq. Depositarium profitebatur.

Ex Augustini Cusani Cardinalis optimi testamento legatum quingentorum aureorum agnouit, & in Sacelli sui dotationem collocauit, eodem contulit ducentos aureos, quos ijs, qui sancti Raymundi Canonizationem procurabant, acceptos tulerat. Præter prædium Tusculanum suum quod multis ante annis dotis nomine Sacello dederat. Sacellum autem in Ecclesia, quæ cognomento noua appellatur, Sanctæ Mariæ in Vallicella, & monumentum, quo inferretur, pro facultatum tenuitate, cum priuatus esset, construxerat, vt ex eius inscriptione cognoscitur.

**SILVIVS, ANTONIANVS  
PRESBYTER. ROMANVS.  
SACELLVM. ORNAVIT. LOCVM  
SEPVLTVRÆ. DELEGIT.  
ANN. D. M. DLXXX.**

Quod Cardinalis altero & vicesimo post anno ampliauit, varijs leuigatisq. marmoribus, picturisq. exornauit, & rebus omnibus quæ

quæ ad Altaris cultum, sacrosanctiq. Misterij celebrationem spectant splendide comparatis: Nos Sacelli descriptionem versibus, quos ad illum de matris obitu dolentem scripsimus, sumus complexi. Ipse opus inscripsit.

**SILVIUS. ANTONIANVS**  
**S. R. E. PRESB. CARD.**  
**SACELLVM. TRANSLATVM**  
**DECENTIVS. ORNAVIT.**  
**ANN. SAL. MDCI.**

Sed & tribus ante Cardinalatum annis de sepulchro, & morte cogitare se diutius, & honoribus valere iussis rescripsit ad R. P. Iuvenalem Ancinam, qui aliquot post annis factus est salutis Episcopus, quiq. in vinea Domini laboribus fortiter exhaustis pie decessit. Antoniani Epistolæ extremum verba hæc sunt. Omnia a te siue serio agas, siue ioceris iucunda. Ego vero nec tibi, nec amico cuiquam compedes, & carcerem optem, quamvis aureos, aut auleis ornatos. Sed heus tu, de recessu cogitandum est. Mors aurem vellicat. Mihi ad Vallicellam parata est domus. Tu pro fratre ora, ut eluto eripiatur, non ut infigatur. Vale.

Hanc vitæ rationem ab adolescentia singularis Dei beneficio Silvius Antonianus B. P. Philippo Nerio Duce ingressus Cardinalium quoque perfectiorum Sirleti, Paleotti, Cusani, & Veronæ consuetudine diutius excoluit. Domesticum in primis virtutum omnium, & sanctitatis exemplar Beatum Carolum Borromæum fortitus est. Apud illum sapientissimorum coetus virorum haberi coeptus, nihil in Philosophia reconditum, nihil in sacris libris abditum, quod in lucem, vsumq. non exprompserit, atque exposuerit. Nemo non censuit res aduersas æquo, fortiq. animo ferendas pericula intrepide subeunda, opes, honores, potentiam contemnendam Deum bonorum omnium auctorem colendum, adorandumq. Sanctos suscipiendos, inuocandosq. templa erigenda, restauranda, & exornanda. Iesu Christo Redemptori sub pauperum persona facultates impendendas ignaros erudiendos, omnibus exemplum, & auxilium præbendum. Coetui Academiæ nomen inditum. Disputationes, quod per hiemem noctu in Vaticano haberentur, noctes Vaticanæ appellare.

Ijs non interfuit modò Siluius, sed interdum præfuit, quod Academiæ Secretarius, & Princeps fuerit. Multa, & magna ex earum rerum, quas commemorauimus, explicatione in vsum suum plura, & maiora ex vnius B. Borromæi castitate, temperantia, innocentia, & eximia in Deum, & proximum caritate percepit. Ex hoc fonte, quæ recensuimus, deriuauit. Inde hausit, etiam Episcopos, Cardinalesq. non elingues esse oportere, sed populum sibi creditum, ore proprio ad iustitiam informare. Quod Cardinalis Antonianus in templo sancti Saluatoris in Lauro tituli sui quotannis magno cum audientium fructu fecit. à Clemente Octauo Pontifice maximo iussus in Apostolico Sacello sermonem habuit. Ex dicentis ore aureum eloquentiæ flumen effluebat. Sermo eius nitidus, elegans, vox suavis, clara, actio venusta. In oratione præsertim latina nullum verbum, quod ab Ecclesiastici consuetudine sermonis alienum esset, adhibebat. Qua in re mirifice cum sanctis Ambrosio, & Augustino sentiebat. Ego illi libellum de Diui appellatione vitandæ meum facile probaui. Iudicio fuit acerrimo, quo viri plerique doctissimi in emendandis, quæ scripsissent, vsi sunt; in primisq. Augustinus Valerius Cardinalis Veronæ, & Cæsar Cardinalis Baronius. Eruditione multiplici, & rerum cognitione antiquarum cum Gentilium, tum Christianorum superiorem habuit neminem.

Opuscula scripsit complura, quæ non edidit, vt per litteras ex Tusculano mihi significauit; testaturq. vir doctrina & moribus ornatissimus Flaminius Cerasola, qui à studijs, & iuris consultationibus Antoniano fuerat, in ijs opus de stilo Ecclesiastico, & de Primatu Petri, & alia, quæ recensere, atque edere cogitabat. In Catechismo, qui ex Concilij Tridentini decreto Pij Quinti iussu editus est, complures Theologi, & disertī viri conscribendo elaborarunt. Antoniano symbolum, aut certe symboli partem explicandam obtigisse Lælius Pasqualinus vir grauissimus mihi confirmauit, quod & ipse in aduersarijs eius reperi. Fuerat quidem eius instituti, vt quamplurima scriberet, nihil fere ederet, sed Cerasolæ affirmanti credo Cardinalem Antonianum scripta sua per otium expendere, & selecta typographis imprimenda tradere decreuisse. Quod non longe abest ab ijs, quæ in hanc sententia ex Tusculano ad me scripserat. Librum de educatione Christiana, quem iussu B. Caroli Cardinalis sanctæ Præcedis scripserat, Veronæ imprimendum mandauit Augustinus

gustinus Valerius eiusdem Ciuitatis Episcopus, qui S. R. E. Cardinalis fuit. Scripta eius magno cum studiosorum damno adhuc supprimuntur. Propinquos, necessarios, familiares, quos penes occultantur, oratos velim, ne optime de litteris meriti Cardinalis Antoniani monumentis posteritatem fraudent. Si litteræ Sacri Cardinalium Collegij nomine scriptæ, si Breues Apostolici, qui appellantur, in lucem prodire (ut spes est) permittentur, exemplum latine scribendi gentilismo excluso Magistri Epistolarum, qui secretarij vocantur, perfectum nanciscuntur. Mitto poemata edita, quæ varij in auctorum libris sparsim sunt excusa, quæ quadolescens lusit Heroica ad Casarem, & de Italia calamitate cum alijs non impressis. Mitto Orationes de scientiarum, & eloquentiæ laudibus, quas Ferrariæ habuit, quamq. Romæ ad Pium IV. Pont. Maximum ipso die Cinerum. Mitto Epistolas, quas ad Terentium, & ad fabellas Faerni, atque ad amicos elegantissime scripsit. In utraq. enim facultate adeo excelluit, ut cum Vergilio, & Cicerone in ipsa adolescentia certare videretur. Forma fuit decora. Statura breui quidem, sed quæ non facile animadverteretur. Corpore gracili, capillo subflauo ad senectutem usque barba eiusdem coloris spissa, tonsa, non promissa, quæ ad tertium, & sexagesimum annum minime canescere videretur. Oculos in pueritia nigros, fulgidosq. habuit, qui acumen, celeritatemq. ingenij facile indicarent, ut ex decennali Silij efficie cognoui, quam coloribus expressam ostendit mihi eius soror vnica Francisca, apud quam altera est effigies, quæ annuunt Natiuitate Domini M. D. LVIII. in orbem notatum habet, in ea Silij Antonianus legitur, & spectatur barbatulus. Constat sane sexdecim annos nato mentum barba conuelli cœperunt. Visum hebetiorem sub senectutem, procul semiclusis, conuenientibusq. prope oculis spectabat, longius autem si prospiciendum esset, aut obscuriore loco, minuta litteræ legendæ, Vitreos Orbiculos oculis admovebat. Nasum à summo eminentiorem, ab imo deductiorem, aures inæ mediocres, frontem expositam, dentes candidos, & firmos, qui neque distillatione vnquam, neque senio detrimentum acceperant. Vultu nunquam non tranquillo, & sereno est conspectus, & eo nomine à Clemente Pont. Max. commendatus est, alios ipse instigabat, ut eodem vultu Patronos suos adirent. Valetudine ad obcunda

munia, lucubrandumq. prospera semper est usus. Ferrariæ tamen adolescens quartana laborauerit. Romæ item iuuenis parum abfuit, quin morbo extinctus fuerit. Narrauit mihi vir miræ pietatis; atque eruditionis Lælius Pasqualinus Siluium, simulatque conualuit, affirmasse bene secum actum fuisse, si eo tempore obiisset, quod metueret, ne in senectute pari firmitudine inigraret e vita. Anno etiam M. D. XCI. grauissime ægrotauit. Cardinaliū Palæoti, Veronæ, Hyppoliti Aldobrandini, Cusani, aliorumq. celebritatem ad lectulum, Gregorijq. XIV. Pont. Max. benignitatē æger nō desiderauit. Ingressus LXIII. ætatis annū imminere sibi mortē, eo ipso anno ad Scipionē Aloandrum, & ad Episcopum Fundorū scripsit. Idem cum amicis suis persæpe dixit, siue ex anni Climaterici maleficio, quem asferre necem, calamitatemq. Corporibus, animisq. confuisse veteres obseruarunt, siue illius animus id prælagiret, & ex Viso ipse accepisset. Transitus expectatio in tertium, & sexagesimum annum adeo sollicitum Cardinalem Antonianum habuit, ut in dies singulos à suis quæreretur, num sponsa sua esset ornata, & domus exædificata, cum Sacellum exornari, instruiq. & sepulchrum perfici, quamprimum iuberet, idq. quotidie vrgeret, apudq. venerabilem sacerdotem Iosephum Dominicum generalem peccatorum totius vitæ confessionem, eo ipso anno instituerit, & paucis diebus absoluerit, deq. morte crebro sit loquutus. Mense igitur Iulio adulto valetudinē contraxit ex ingentibus curis, occupationibusq. Sedis Apostolicæ causa susceptis, meditatione præsertim grauissimarum rerum, ad quas Principis nomine rescribendum erat, noctes aliquot insomnes actæ, diesq. Breuib. Apostolicis conficiendis laboriose consumpti. Simulac decubuit confessus religiose Sacram Eucharistiam sumpsit, seq. ad iter obeundum ac, cinxit, fortiterq. cum caloribus, & temporis, & febris maximis pugnare cœpit. Eius mensis septimo & vigesimo die testamentum condidit. Morbum lethalem, vel certe periculosum statim pronunciauit Marsilius Cagnatus medicinæ peritissimus, & per singulos dies obseruauit. Negligentia eorum notata, qui primis diebus obuiam valetudini non iuerunt. Eiusdem sententiæ fuit Rodolphus Siluestrius doctrina & medēdi vsu præstantissimus. Faciem & vniuersum ferè corpus occuparunt maculæ quædam ardentē, quas Medici Arabes, Essaras, Romani recentiores Rosoliam

liam

liam pueris peculiarem morbum appellant, febris alternis diebus redibat, sub accessionem rigor frigoris vehemens, obliuio, mentis alienatio, animi deliquium. Kal. Augusti die sancti Petri Catenis. Sacro licet iteratis ardoribus exæstualet, tamen instituti sui minime oblitus solemne familiaribus donatium dedit, Coquoduplum assidue ad ignem sudanti, quod cibos, & iuscula die, nocteq. languenti pararet. Clemens tantæ Maiestatis Princeps ægrum adiuit, Amplexusq. paterno affectu, & exosculatus bene sperare iussit, ratumq. se habere dixit, quidquid testamento disposuisset. Clemen-tem Antoniani valetudo valde torfit, quod in illius virtute, scientia, sedulitate, & fide onus officij sui reclinaretur. Inualescens demum vi morbi, quem summa patientia tolerauit, consumptisq. viribus animo insurgens Deum laudabat. Iesum Christum Dominum Dei filium adorabat, Beatissimam Virginem Mariam Dei matrem, sanctos Patronos, Angelumq. custodem suppliciter inuocabat, per septem, & viginti dies acerbissime vexatus de doloribus suis parum, de familiarium vigilijs, laboribusq. in se curando multum conquestus est. Assumptionis Beatæ Mariæ festo viatico sacratissimi Corporis Christi accepto, extremaq. sancta vnctione delibutus, & à sanctissimo Papa sui Amantissimo benedictione donatus postridie migravit ad Dominum in ædibus ad sanctum. Marcum sub solis ortum xvij. Kal. Septembris MDCIII. Ad Pontificem Max. acurrerunt Petrus Paulus Ennius, & Ambrosius nuntium non iucundum asserentes, quibus inspectis Clemens quid esset diuinans fleuit. Re comperta gemitum dedit, nihil sibi accidere damnosius potuisse conquestus homines plorantes consolatus, ad curandum, ornandumq. mortui corpus dimisit. Suis præcepit, vt exequiarum honores Cardinali defuncto quam amplissimi haberentur. Cadaveri venter excelsus. Intestina inspecta. nihil indicij repertum. Pulmones tantum exsiccati, & nigricantes, fellis perpusillum apparuit. Ad corpus sacris vestibus indutum, sublimiq. toro collocatum in templo sancti Marci à Cardinalibus Defunctorum. officium habitum. sub vesperum funeri opera data. Corpus elatum cæreis centum accensis præcedente Cleri pompa, prosequentibus, atratis familiaribus, & tota Pont. Max. Aula, stipantibusq. hinc inde Prætorianis militibus, & agmen, claudentibus leuis armaturæ equitibus Pontificijs. Illatum in Ecclesiam S. Mariæ in Vallicella.

humatum in Sacello Natalitatis Domini. Clemens in Confistorio obitum Cardinalis Antoniani, iacturamq; irreparabilem deplorauit. Adeuntes ad se vniversos eius familiares benigne alloquutus est. Optimos, inquit, esse vos oportet, qui ab optimo Cardinale instituti estis; nihil igitur est, quamobrem vereamini, quin bonis omnibus iucundi sitis. Nos quæ vestris commodis opportuna esse, intelligemus, quodq; pétitis, libenter efficiemus. Generos sororis eius tanto casu confternatos, & ad sanctissimos pedes accidentes, dolendo pariter, & consolando subleuauit. Idem Franciscæ Antoniani Cardinalis Sorori Sportulam, quam quotidiani victus partem appellant, ex Apostolica Cella, quoad ipse vixit, præberi & Paulus V. Pontifex Maximus continuari pari benignitate iussit. Martium Malacridam strenuum, & fidelem in arduis pro Sede Apostolica apud Polonos negotijs expertus indemortui locum Secretarium Breuium secretorum suffecit. Augustinus Valerius Cardinalis Veronæ ad Nuncium de Cardinalis Antoniani obitu allatum, neque luctum, neque planctum inhibere potuit. Iusta illi funebria quam apparatissima Veronæ fecit. Eodem officio Romæ sunt functi Canonici S. Petri, Monachi S. Benedicti in templo S. Pauli, item S. Saluatoris in Lauro Tituli sui, & S. Congregationis Oratorii Patres.

*Testamentum recitatum est.*

**H**eredes instituit ex triente in gratiam Iesu Christi duodecim sanctas pauperum, & Religiosorum Sacerdotum & Virginum, puerorumq; domus. Ex altero triente vnicam sororem suam Franciscam, ex tertio familiares suos: Bibliothecam sanctæ Congregationis Oratorii Patribus legauit. Instrumentum Capellæ Cardinalitię Patriarchalibus Basilicis, Titulo suo, & Sacello suo, Ecclesijsq; quas administrauerat, distribuendū arbitrio Cardinalium Baronij, & Aldobrandini. Sororis filiabus Plautillæ, Catharinæq; earumq; coniugibus Paternam benedictionem reliquit, nepotibus autem amoris monumentum legauit pollubrum & vrceolum argenteum Triulto Gualterio, quatuor item argentea Candelabra cum forpice emunctoria Theodoro Attio, quæ omnia ipse a Cardinale Aldobrandino munificentissimo dono acceperat.

**Nomina**



*Nomina eorum, ex quorum Commentariolis Vita Siluij Cardinalis Antoniani est Concinnata.*

Episcopus Fundorum { Ioannes Baptista Comparinus .

Presbyteri Religiofifimi . { Flaminius Riccius S. Cōgregationis Oratorij Reſtor.  
D. Theophilus Sebaſta. S. Andreae Clericorum Regularium Præpoſitus .  
Iosephus Dominicus Proparocho Sancti Petri.  
Paulus Aemilius Petruccius .

Viri ſpectatæ fidei . { Petrus Paulus Ennius .  
Ambroſius Baccicalupus .

Ex orationibus ipſius Siluij Antoniani Ferrariæ, Romæq. habitis.

Prætermiſſa .

Alexander Burgius ſingularis eruditionis, & pietatis Episcopus Burgi S. Sepulchri narrauit mihi Siluium Antonianum Innocentio Nono Pontifice Maximo Congregationis Illuſtriſſimæ, in qua de Reformatione apud Gabrielem Palæotum Cardinalem ampliffimum agebatur, Conſultorem primarium ſententijs, & dicendis, & in volumina referendis iudicij, doctrinæ, atque elegantia ſpecimen præbuiſſe. Ab eodem Burgio accepi, Siluium in ipſo adoleſcentiæ flore caſtimonia, pudicitia, & pietate tanta extitiſſe, vt omnibus admirationi, & exemplo eſſet. Ipſumq. Herculem Ducem Ferrariæ potentiffimum uſurpare ſermonibus ſolitum, ſe, ſi quid a Deo obſecrationibus innocentis, caſtiq. cuiuſpiam contenderet, ad Siluium vitæ puritate, & innocentia puerum Deo acceptum, confugere conſueſſe. Hæc, & maiora etiam de ingenio, ſtudio, & pietate Siluij ſe cognouiſſe Ferrariæ, in Comitatu Clementis Octauij Papæ cum eſſet Burgius, proxime mihi affirmauit.

Nomina

*Nomina eorum , ex quorum ſermonibus , litteris , & libris in  
Cardinalis Antoniani vitam non nihil  
translatum eſt.*

Franciſcus Maria Cardinalis Tauruſius .

Cæſar Cardinalis Baronius .

Robertus Cardinalis Bellarminus .

Ludouicus Torres Cardinalis Montis Regalis .

Alexander Burgius Episcopus Burgi S. Sepulchri .

Iuuenalis Ancina Episcopus Salutij .

F. Angelus Rocca Camers Episcopus Tagaſtenſis Apoſtolicæ Sa-  
crarij Præfectus .

Ioannes Matthæus Ancina Congregationis Oratorij Presbyter .

Aloyſius de Ponte Canonicus Patauinus .

Arnolfus Raynalduccius ex Canonico S. Petri annos natus quat-  
tuor , & octuaginta .

Lælius Paſqualinus Canonicus S. Mariæ Maioris .

Camillus Capilupus Protonotarius Apoſtolicus .

Bartholomæus Riccius .

Speronus Speronius Patauinus .

Paulus Manutius .

Benedictus Varchius .

Ludouicus Caſteluetrius .

Hieronymus Ruſcellius .

Laurentius Frizolius .

Rudolfus Silueſtrius Medicus .

Flaminius Ceraſolus Sacræ Theologiæ , & V. I. D. & Subdiaconus  
Apoſtolicus .

Paulus Tegius vir doctiſſimus , & maxime pius .

Carolus a Baſilica Petri .

*Ex Epistola R. P. Iuuenalis Ancinae Congreg. Oratorij Presbyteri,  
qui Salutij Episcopus fuit, ad Silium Antonianum  
Apostolici Cubiculi Magistrum.*

**C**ompedes sane aurei tui sunt, insuper & gemmei, cum & coruscantibus gemmis plane dignum coronari caput, ne stellis dixerim, geras. Ego illos non pertimesco, vt pote obscurus homuncio dignus latebris in Vallecula degens, sordens lucerna, & sub modio fumigans. Tu vero splendens lucerna perfulgentes radios quaquaversum euibrans, in monte iam pridem Vaticano scilicet, mox etiam super aureum Candelabrum ponenda. De recessu quod mones, optime id quidem. Optima enim Philosophia, mortis meditatio. Atqui strenuo militi e Castris non excedendum. Imperatoris iniussu. Mihi potius isthæc reliquenda, cui totum iam pene canis perfunditur caput. Velimus, nolimus, senescimus, atque idcirco mors mihi quotidie proforibus expectanda. Vase pater mi optime, pater suauissime, pater mi dulcissime Silui praesidium, & dulce decus meum. Oremus vterque invicem, vt saluemur. Sit & Dominus tecum semper. Amen.



## Errata sic corrigenda.

Pag. lin. Errata.	Correctio.	Pag. lin. Errata.	Correctio.
2 23 quæ	que	44 11 crudelæ	credulæ
27 aliquos	aliquot	45 1 si	se
3 37 Trucesio	Truce	17 miseris	metis
4 16 Antiochia	Antiochiæ	46 24 caua	causa
5 5 maximo	Maximus	15 diuersoriosi	diuersosolum
21 quinto	quingagesimo	27 sint	sint.
	quinto	50 10 vter	uterus
12 37 mouenti	momenti	16 videre	videri
18 37 plures	plures	55 11 concessam	concessam
20 6 cuiusq.	cuiusq...	14 intronitteret	intronittere
31 quærimonia	querimonia	58 14 que	neque
36 ijs	is	59 41 nostræ	nostræ
14 81 acceperunt	acceperunt	64 16 gradiorum	grandiorum
25 3 qua	quo	61 6 æconomiam	æconomicam
18 vti	vbi	69 5 scimus	simus
34 factum	factum	87 23 excitari	excitari
26 2 ea	de	31 graui	grauæ
22 suum	diem suum	88 31 Procuratrix	procreatrix
37 12 salutis	Salutis	103 4 tam	tanta
14 24 extremum	extremæ	114 26 examinari	examinari
30 suscipiendos	suspiciendos	119 24 illud quid	illud quidem
32 35 sententia	sententiam	224 37 perinde	perinde
41 19 fuere	frueri	228 10 orationes	orationes
20 contigerint	conuerit	235 24 tam punitos	tam munitos



*Ex Pauli Manutij ad Siluium Antonianum Epistola  
Ferrariam scripta.*



ED videlicet, affingere veritati, vobis poetis religio non est, Idq. facitis libenter, ne consuetudine intermissa, quodam modo vestra iura minuantur. Me tamen, si poetice scribis, artificum tuum, sin, vt scribis, ita de me sentis, error etiam delectat. Hæc enim me tibi commendat opinio, & amoris augeat, necesse est; foris etiam, vt spero, fructum pariet: Nam meis laudibus, tuo commoti testimonio, quem excellere ingenio, florere magnorum Principum gratia constat, non pauci fortasse attententur. Quod vtinam quod in meis consilijs erat summum, Ferrariz mihi viuere, Principij, egregio, & optimo Cardinali Hippolyto Ellesi in illa nobilissima præclaris referta viris aula, operam nauare per valetudinem licuisset. Næ ego te, singulari virtute adolescentem, ita meis studijs, & officijs essem complexus, vt nemini prorsus tuorum familiarium, ne Riccio qui. em ipsi, apud quem filij locum obtines, in te amando concederem. Quid, inquires, si te, depulso morbo, confirmares? Vtinam id aliquando eueniat. Sed id quidem sperare iam vix audeo. Iaceo enim nunc, & languo miserrime, nec mihi celi mutatio profuit, nec nouis remedijs locus est, quæ iam omnia frustra consumpsi. Vno tamen bono mea mala compensantur, quod est vires corporis magna ex parte, ingenium tamen quæcunque est, vis morbi minime debilitauit, aut fregit. Itaque singulis noctibus aliquid scribo, aut legenti puero aures præbeo. Sic assequar fortasse, vt qui me non vident, carentem publico, & communi luce, viuere tamen intelligant, atque ita viuere, ne quando cum alijs plane totus exstinguar. Tu fuere, optime Silui, ista valetudine, & isto otio; cum illa tibi naturæ muere satis firma contigerint, hoc habeas tui Principis liberalitate vberissimum. Vale. Venetijs. MDLII.X.

*Dal Capitolo settimo del modo di comporre del Ruscelli à cart. 102.*

ET per non ritornare à dietro co i tempi, & con la fede, habbiamo al presente viuio, & in essere appresso i miei Illustrissimi, & Excellentissimi Signori da Este in Ferrara M. Siluio Antoniano, il quale da già due anni al passar della Serenissima Regina di Polonia fù in Vellezia con l' Illustrissimo, & Reuerendissimo Cardinale di Ferrara; & essendò ancor fanciullo, che sicuramente non arriuaua ai sedici anni, fù veduto, & vditò alla presenza di S. Maestà, & più volte in case del detto Illustrissimo, & Reuerendissimo suo Signore, & de' più Illustrissimi, & Reuerendissimi d' Angoula, & Triuulzio, & d' altri personaggi cantar sopra la lira, & sopra il liuto, & con infinita gratia di voce, di volto, & di maniera facendone stanze d'ottaua rima al l'improuiso sopra qual si voglia soggetto, che gli fusse proposto. Et non solamente le parole erano purissime della lingua conuenienti col soggetto, non possene alcune duramente, & souerchie, per empir vero, o per la rima, non solamente lo stile era alto, e bellissimo, ma ancora egli arricchia il soggetto con tante belle sentenze, & con tante vaghezze di pensieri, & ancor mostrandoui studio, & dottrina, che de' circostanti più ne restauano affratti, & attenti quelli che più erano di dottrina, & di giudicio, & facendose da ogn'vno vniuersal profeta, che se quel fanciullo haurà vita, come s'addeu sperare dalla gratia di Dio, che per gloria sua, & contentezza de' buoni vien dando al mondo di questi così diuini ingegni, egli sia per riuscire vn vero, & alto miracolo di questa età. Percioche, oltre à questa viuacissima subli-

mità d'ingegno suo naturale, si vede in lui vn grandissimo desiderio delle virtù, & vn continuo studio. Et quei nostri Signori, che sono stati sempre il sostegno, & il solleuamento vero d'ogni sorte di virtù rara, & hanno fatto con questo lor patricinio sempre tenere Ferrara per vna vera madre, & nutrice de' più chiari lumi d'Italia, non mancano di tenerlo sollecitato, & aiutato con ogni via in quel suo lodeuolissimo desiderio. Onde da già più mesi gli hanno data cura di leggere vna Lettione publicā Latina.

*Dall'Hercolano del Varchi à cart. 272.*

**E**D io per me non vdi mai cosa (il quale son pur vecchio, & n'hò vdito qualch'vna) la quale più mi si facesse sentire à dentro, e più mi parebbe marauigliosa, che il cantare in su la lira all'improviso di M. Siluio Antoniano, quando venne à Firenze con l'Illustrissimo, & Eccellentissimo Principe di Ferrara Don Alfonso da Este genero del nostro Duca, dal quale fu non solo benignamente conosciuto, ma larghissimamente riconosciuto. C. Io ne ho sentito dire grandissime cose: V. credetele, che quello in quella età si giouanissima è vn mostro, è vn miracolo di natura; e si par bene, che sia stato allieuo di M. Annibale Caro, e sotto la sua disciplina creato. Et io per me, se vdiessi non l'hauesse, mai non harei creduto, che si fussono improvvisamente potuti fare così leggiadri, & così sententiosi versi. C. Il tutto sì, se sono pensati inanzi, come molti dicono: V. Lasciateli pure dire, ch'egli non canta mai, che non voglia, che gli sia dato il tema da altri. Et io gli lo diedi due volte, e amendue vna in terza rima, e l'altra in ottava disse tutto quello, che in sù la materia postagli parue à me, che dire non solo si douesse, ma si potesse con gratiosissima maniera, e modestissima gratia. C. Diogli conceda lunga, & felicissima vita. &c.

*Dalle correzioni del Castelmietro contra l'Hercolano del Varchi à cart. 24.*

**A**Ncora lo commenda come colui, che habbia sotto la sua dottrina formato, & alleuato vn miracoloso Mostro di natura Siluio Antoniano, il quale sprouedutamente, in così tenera età fa versi molti in numero, & rari in bontà di qualunque materia gli sia proposta. Et certo non è leggiera commendatione questa, che si come da' frutti, se sono buoni, si conosce il maestro essere valente. Ma non sarà persona così grossa, & credula, a cui il Varchi dia ad intendere, che Siluio Antoniano habbia impresa dall' insegnamento, o imparato dall'esempio d' Annibale Caro questa marauigliosa arte del verseggiare bene, & di rimare sprouedutamente d'ogni cosa messagli innanzi &c.

*Et poco fatto.*

Perche se il Varco il vuole commendare da questa parte, mostri altri discepoli, che rappresentino meglio la costui natura, e' magisterio, che Siluio Antoniano.

*Et à cart. 24.*

Horà parrebbe, se stesse bene à me parlare di me non in male, che qui io diceffi, che quel medesimo Lilio Gregorio Giraldo nomina, & celebra me in quel libro, che scrisse de' poeti Latini del suo temporale non pur critico, ma poeta ancora, & che Siluio Antoniano, il quale quasi ogni giorno, mentre che io stetti in Ferrara, doue stetti molti mesi, era con esso meco, può hauere imparata più tosto la prestezza del comporre, se imparare si può da alcuno, di me, che dal Caro.



## PRÆCEDENTIVM LOCORVM

verſio ex lingua Eruſca in Latinam.

*Ex Ruſcelij capite ſeptimo Methodi componendi ſol. 102.*

**E**T ne retro temporibus, ac credulitate voluamur, viuit hodie inque hominum ore, & Aula Illuſtriſſimorum, & Excellentiſſimorum Illuſtrum Principum Ferrariæ deſig-  
 SILVIVS ANTONIANVS: qui duobus ab hinc annis in tranſitu Sereniſſimæ Roſe-  
 niæ Reginz Venetiz in Comitatu Illuſtriſſimi, & Reuerendiſſimi Cardinalis Ferrar-  
 ſienſis vixit: qui cum ætate adoleſcentulus eſſet, ſextum decimum enim vitæ annum non-  
 dum attingeret, cum in conſpectu Poſonæ Reginz, tunc abſi alia in Aula Illuſtriſſimi, & Re-  
 uerendiſſimi Mecenatis fui, nec non Illuſtriſſimorum, & Reuerendiſſi S. R. E. Cardinalium  
 Auguſtini, & Trivulij, aliorumq; Principum ſyram, aut reſtudinem tanta vocis ac modula-  
 tionis veniſſitate perſeueraret, vt magnam ſui in animis hominum admirationem, amoreq; reli-  
 querit: accedente præſertim ex temporalis verſificandi ſacultate, qua octauos Rhythmos in  
 omni argumento ſibi nec opinanti propoſito elegantiffime profundebat. Nec verbis tan-  
 tum culis, ratoribusq; & rei de qua tractabatur aptis, & accommodatis utebatur; huſum  
 æſtiniſſimæ gratiæ verbum aut diuſus, aut ſuperſuens explendi verſus cauſa ſubnectens. Nec  
 ſtilus tantum verbo ac vulgari illo cultior, venuſtiorq; admirationi erat, verum etiam obla-  
 tam argumenti materiam tot pulcherrimis ſententijs, tantaq; cogitationum illecebra deco-  
 rabatur, maxime hinc ingenijs ſui ornamentum, inde exornatam doctrinæ ſtudijs inſoleſ-  
 centians, vt quo ſpectatorum quiſq; maiore erudiſione hac iudicandi acrimonia præditi  
 erant, eo penitus elegantiffimas, & Rhythmicæ eius virtutes, & diſtinctos nobiliſſimi ingenij  
 fructus melius cognoscere. Vnde communi maximorum hominum ſuffragio in hæc ſen-  
 tentiam conſenſiſſime, & Deo ſeuerante (qui ad maiorem ſuſſaudem bonorūq; ſolationem ta-  
 lia nonnunquam ingenia mundo impartitur) longioris vitæ vſum impetrare poſſit, vt in iſto  
 adoleſcentulo VERVM ALTVMQVE SAECVLII HVIVS MIRACVLVM conſpiciatur,  
 Namque præter ſublimem, atque Illuſtrem argutiſſimi ingenij opes alias longe maiores inex-  
 hauſto virtutis ſtudio perperuamq; diligentia ſibi comparaturus eſt. Quare Excellentiffimi  
 D. D. Noſtri, qui præſidium ſemper & dulce decus ijs ſuere, quorum Induſtria & ingenium  
 inter mortales potius eſſe illuſtri, & generoſa illa libertas ſtare eſſecerunt, vt FERRARIA  
 vna parens, & nutricula præſtantiffimorum Italiae luminum apleis, nequaquam tam inſighi  
 virtutis debet voluerunt, omniſq; ſpe ac ſubſidio tam laudabile eius inſtitutum prouehere, &  
 continuare inſuperbat: Vnde effectum eſt, vt auctores Latinæ linguæ nobiliores & colſore  
 loco in Gymaſio Academico interpretandi provinciam illi assignauerint.

*Ex Heraulano Varchij ſol. 272.*

**E**GO vero quoniam ad me accinet niſi vnaquam audiendo atcepi (aſſe & tamen et-  
 niſi ſunt, & plurimæ miſis auribus excepi) quod magis me mihi ſubripere, & maior em mi-  
 ſer administrationem exhiberet quam extemporaneæ ad ſyram, Oſe SILVI ANTONIANI  
 enim in Poſoniani in Comitatu Illuſtriſſimi, & Excellentiffimi Principis Ferrariæ Alphoſi  
 Eſtentiſſimi Generiſſimi noſtri perueniſſet, a quo non tantum benigne agniti, verum etiam  
 liberaliter habitus fuerit, multæ etiam ſando de ipſo audiui, quæ magna mihi & admiran-  
 da videntur; hoc mihi credas velim illuſi in tenera ſua ætate monſtrum, & naturæ mira-  
 culum eſſe appellari poſſe; & vero facile ex Anibatis Eari diſciplinæ tale in prodigiſſe tantis  
 virtutem ipſare omnibus apparet. Ego quidem niſi præſens aduiſſem, vix ſidem ad-  
 hiberem veſſiculis extemporales tam lepidos, & æſtiniſſimos fieri villa arte poſſe. At tamen  
 aliqua difficultas oritur dubitandi nem præſentibus hærebat, vt plurimorum ſext opinio.  
 Opinientur ſibi, quod velim, nunquam ad euntis accingeretur, quin arbitrium peguſſimam

extemplo a quouis accipiat. Ipse me datus vicibus iterum atque iterum vnum Tertiz, (quod vocant rimæ) argumentum, aliudq. Octavæ suppeditavi, in quo tam eleganter, & venuste luit, ut quicquid illam rem dici possit, gratissimo decore, & iucundissima venere statim effunderet. Deus Opt. Max. longa illum vita, ac felice frui patiatur &c.

*Ex Casteluetti in Herculaneum Varchij animaduersionibus fol. 24.*

**E**X hac etiam parte commendat Anibalæ Carum, quasi si esse sit, qui sub disciplina sua instituerit, & omnibus artis præceptis instruxerit, magnum illud naturæ miraculum SILVIUM ANTONIANVM, qui è vestigio in tam imbecilla ætate versus non ante medietatem, & numero copiosus, & elegantia commendabilis in quolibet proposito argumento concinnatus. Nec quidem levis ista commendatio est. Nam ex optima & frugis discipulis magistri industria, & præstantia dignoscitur. Neminem tamen tam obtuze crudelis montis suarum exitionum, qui sibi a Varchio persuaderi patiatur. SILVIUM ANTONIANVM industriam, Anibalæ Carus, aut exemplo tantum in versificandi artificio progressus fecisse, ut quamlibet obiectam sibi rem ex temporali poesi vellicere, & condècorare possit &c.

**Q**uamobrem si Varchius illum hac ratione commendabilem nobis, reddere conatur, alios in medium Carum alumnos producat, qui melius ANTONIANO illius ingenium, ac magisterium ostendunt &c.

**N**unc mihi non abs re videretur, si liceret, non ipse de se ipso loqui, si hic subicerem illum ipsum Liliam Gregorium Giraldum me non Criticum tantum, sed poetam etiam appellare & celebrare, in illo libro, quem de poetis Latinis sui temporis iosephus, SILVIUM quoque ANTONIANVM, qui fere quotidiana mecum dum Ferrariæ commorarer, familiaritas intercedebat, a me, prius illam verificandi promptitudinem si ab aliquo institutione ea peti potuiss, quam a Caro didicisse.

*Bartholomæus Riccius Io. Antonio Locatellio S. D.*

**C**VM Silius Antonianus in humanioribus studiis cum arduo iano, tum etiam iudic in se adolescentem, qui in ijs æquales paucos pares; in illo vero neminem habeat superiorem, illum non plurimum diligam, literis inuriam facere videar. Verum si horum nihil enquam attigisset, neque litteram novisset, quoniam tamen ijs moribus, atque ea vix integritate, quæ ab improbis etiam hominibus iuxta virtutem laudatur, præstitus esse facere non possem, quin eum carissimum habere, atque eas causa omnia vellem. nunc vero cum hæc omnia simul vna in eo excellant, atque ita, ut vtrumque, vnde studia, & litteræ emanant, an recte agendi a natura instituta ratio antecellat, satis constiterit non posse, quando æque vtrumque in eo ad suam summam pervenit, ut quem studia prudentissimum reddant, vitæ vero sanctior ratio in probatissimis vix collectæ, iupius, si, si huic gymnasio, & secundæ, & tertiæ in amore non deferam. Sed his etiam accedit, quod propter communiam studia, atque vnam illam meam erga illum benevolentiam in amore mecum intuum facit, propter autem matrem me eundem, ut grandioris natu, summo etiam honore prosequitur: quæ eius in me ingenua reverentia non iam illum cæteris in amore prætere debeo; sed eum, quantum me ipsum amare cogor. Video te expectare, quorum tam vehementes epistolæ initium, atque multiplex amici commendatio spectet. Scito igitur, nouo isto bello exorto docendi publicam disciplinam apud nos totam sublatam esse: malo enim hoc faso, non solum arma, nobis in manus sumpta sunt; sed libri etiam ex manibus exciderunt: pro quo vno publico incommodo multum magnum detrimentum, Sylvio vero maxima calamitas iniecit, cui Madius Philosophus, & quo paterne in Philosophiæ præceptis instituebatur, ereptus est; qui cum ceteris, qui in nostro Gymnasio publice docebant, dimissus est. Sed aliorum melior conditio, qui ad alienos



alienos doctores aut Patavium, aut B noniam, aut quovis alio si conferre potuere. Huic vos omnes hæc uix præcuisse fuere, neque hoc ex ulla rei tenuitate, quem amici nunquam deseruissent, sed ne ab Iulerculo Principe suo, vel tantum pedem discederet. Sed Deus Opt. Max. qui suis optime consulit, te quasi de cæta opera per hoc tempus nobiscum esse voluit; a quo id si non publicis, saltem privatis muneris habere posset. Audio enim te tua sponte illi oblitisse quicquid, quod multum est, in te eius facultatis inest, id omne cum illo ad constitutam horam domi tuæ fideliter esse communicaturum. Quod ut ego intellexi, manus in cælum sustuli; Deo gratias egi, qui suos prius non desereret. Tibi vero, quem iam multo ante a meo Brachio magis amare non poteram, plurimum debere cepi. Verum si ad tuum istum animum mea commendatione quicquam amplius accesserit, quod erit si non solum susceptam partem fideliter illi explicueris, sed quam viam in ijs studiis cum minus ancipitem, tum etiam breviorē insistere debeat, tam illi familiariter commostraris: multi enim, ut magnos in suis studiis progressus fecerint, interdum se postea tamen in illis magis errasse, quam didicisse animaduertunt, atque in caput iterum redire, aliamque de integro viam inire coguntur. Hoc inquam, si a te amplius habebimus, me nihil, quod tua causa posthac nolum polliceor habiturum: quin molestum erit, non eam mihi remunerandi facultatem dari, quam ego cuperem, & ipse miserens. Si quid tamen mea, ne quid dicam de eius diuinis, scripta nunquam valuerint, non parua ex parte ea tibi polliceor, valitura. Vale.

## B. R. Silio Antoniano S. D.

Satis tibi Silii, superque esse potuit, quod summus poeta natus esses: qui cum Heroum res præclare gestas eo versu caneres (ne quid nunc dicam de ijs, quos Italica lingua de quaque re, quæ tibi proposita sit extempore vel optimos facis) ut eas ipsas, ut gererentur, ante oculos proponere videaris: tum etiam cuiusque generis amores variè deplores, neque in saceris Deorum pari cum dignitate non ludas: nisi alteram etiam laudem, qua ex oratorio dicendi genere comparatur tibi tam feliciter vindicares. Tuæ orationi, quam de scientiarum laudibus ad maiorem vrbis ædem habuisti, interfui, quam pro rei magnitudine ita perorasti, ut pauci omnia non solum percussisse, sed etiam ample pertractasse mihi sic visus idque, quo alia aliam pars aptissime sequeretur, ordine, & filo. Dictione item, quæ veterum tuorum, actione vero, quæ etiam recentiorum esse agnosceretur, etiam maxime laudator. Ut mea sententia id iam sis adeptus adolescens, quod vix pauci senes sunt affecti: ut in vitroque dicendi genere; æque plurimum valeas? Perge modo (ut facis) in vitroque stylum tuum exercere, & mihi crede breui fore, ut in vitro plus laudis homines tibi attribuant, incertum habere, æque in te finem querendi faciant, qui ex veteribus optime simul caperetur, aspicere, atque copiose digerere, nullum æque nunquam fuisse. Vale.

## B. R. Silio Antoniano S. D.

Quando eodem die te Princeps optatis duplici munere affecit, ego quoque nunc tibi dupliciter gratulabor; atque utro magis, haud scio, an ex sexaginta illa æqua pensio ne tibi constituta, an ex ea publice interpretandi extraordinaria provincia. Nam quod ad pensionem, illa quidem ad commodum tuum maxime confert: sed in ijs bonis tamen adnumeratur, quæ fortune attribuntur. Interpretandi vero munus multo quidem est nobilior, sed vereor, ne tuis interioribus studiis incommode acciderit. Illud enim tempus, quod huc parti dabis tuis auditoribus, quidquid id sit, explicandum, id totum de rebus optimis studiis detraheris. Huc accedit, quod dictionis elegantie, qua vna maxime delectaris, quamvis nihil omittis, ut assequaris, ea loquendi ratio plurimum est obscura. Nam estim latine (ut sit) in explicandis conspiceris, multa sæpe tibi deficient. Plura etiam non statim, neque in tempore succurrunt propria verba, utum ne habere videaris, non solum impropria, aut minus culæ, sed interdum etiam barbara, ac quicquid in buccam venerit, arripis. Quæ vna re tribulatio est, quod eloquentis perniciosius accideret, nihil quod magis eam

contaminare possit. Nam cum id sæpius feceris, quod sæpius est faciendum, non solum id, ut vitium, vitare studebis, sed in ceterorum morem lapsus, satis tibi esse præstatum excusabis, si ab auditoribus tuis intelligaris. Atque ita dum ceterorum commodo studebis, in tuis pessime delinques. At qua in re? quæ in sermone, quæ in scriptis, quæ domi, quæ foris, quæ nunc, quæ multos etiam in annos gloriæ tuæ sit egregie obstativa. Quare meum consilium est, si omnino docendum est, ne multis id facias: sed ut breui auctoris sensus explices. in multis enim et in vitiosis istam loquendi rationem incidas, necesse est, quando nondum id eo modo facere potes, quo ijs facere licet, qui iam pridem in optimo dicendi genere constituti sunt, atque dicendi usum optime callent: qui cum etiam subito ad dicendum veniunt, nescio quid ex eo, quod cogitate egregie faciunt, afferre videmur: ac quasi navis illa faciant, quæ plenis velis feratur; quibus etiam deductis, non nihil tamen prioris incitationis ad aliquantum spatium retinere videtur. Sed hoc mihi eo minus molestum est, quo id tibi est rarius faciendum. Nam si quotidie in eo dicendi genere tuo stilo abutereris, prorsus actum esset de tuo illo politionis scribendi modo: nunc vero non vereor, quin multorum dierum cogitata scriptio per paucorum dierum interpretationem sit valde superatura. Vale.

*B. R. Silvio Antoniano S. D.*

**S**I tibi libebit, aut etiam commodum erit, cupio; ut cum urbanissimo, ne dicam nunc cum doctissimo Madio nostro, ac Fuschinio optimo viro, mecum ad meam Villulam in Quartano. VII. Id. Iun. sis; quem diem lætitia magis, quam vino pleni, risu, ac iocis traducemus. Cui diei, si vobis per vestras urbanas actiones licebit, tum etiam qui sequitur dies, adiungemus. Distat locus ab vrbe sex millia passuum, vna hora matutina, plus minus, sterquilud commodissime Cifio ciliemur. In reditu vero in Berigaardum loci regii visendi causa facilis erit declinatio. Nolo id ante, ne ex amplissimo loco cum in humilem diuersorium sum postea venissetis, vobis quasi a splendidissimo sole in paruum candele lu men oculos coniecisse videremini. Expecto, ut scribas quam libenter hanc nostram invitationem accipias, nam de ceteris non dubito, quin mihi gratiam hanc læto, atque alacri animo facile sit facturi. Vale.

*B. R. Silvio Antoniano S. D.*

**V**ides Syli, quæ cæli in nos in clementia exorta sit. Nobis nubes vndique celum obnubilunt: creberrimus imber toto effluit caelo; et mox lustralissima futura sit vis; nisi ea lyram sumas, atque Apollinem tuum exores, ut sudum saltem reducat. Nostri risus, nostri ioci villici, vel omnibus urbanis suauiores nobis sunt excepti, atque prope ex ore ipso euulsi. Si vero id non impetras, nihil est cur barbiton in parietem nob illidas, atque etiam fias ad Bacchum transfuga: aut illi miniteris (cum precibus non obtineas) te postea omnia eius scelera palam in Urbibus, in publicis locis ad eius lyram esse divulgaturum. Sed non ut gabit, modo te ad preces accingas. Vale.

*B. R. Silvio Antoniano S. D.*

**D**i isti male tempestati omnia mala dent: quando ipsa me peius afficere non potuit. Non poterat in tertium, vel saltem in posterum diem hæc cæli improbitas differri. Rurset postea celum ipsum; nihil fecissem. Sed quæ mea bona fortuna est, credo quicquid imbris aquarius per totam æstatem terris demittere, quicquid vëtorum Aëolis effunderet, debuit id totum in vnam superiorem noctem, atque continenter in hunc diem coegisse, atque effudisse. Dij boni quid hoc sint iniquitatis? Aut quid ego tam impie aduersus vos egi, quæ tanta iniuria afficeretis? At pessimus omnium hominum in ceteris rebus lucrum, nefarie

farie omnia egerim, omnium scelerum fuerim affinis, certe hac via re nulla callior, nulla integrior agi potuit. Optimum Philosophum, sanctissimum Poetam, æquissimum Iuriconsultum ad meam villulam in Quartiano. VII. Id. Iun. ammi gratia inustaram; præiucram pædie eius diei vespere, omnibus tamen prius in Urbe, quæ ad iter illud eis accidebat, constitutus; ut ibi quoque haud imparatus illos postridie mane acciperem. Hactenus læta omnia: cum ecce tibi tota nocte illæ, quæ constitutum diem præcedebat, totum cælum densissimis nubibus subito conuipitur: ac ventis primum, deinde imbris ita conturbatur, ut corrumpere videretur. Quod ut sensi (sensi enim statim) nihilominus quam cælum, ipse omnino commotus sum. Ad vnum quoque novum venti datum graniter angebar: totus etiam imber in me vel in lecto cubantem irruere videbatur. Me tamen ut melius poteram, sustinebam; sperans ad nascentem solem utramque cessaturum. Surgo ex lecto sub ipsum diem, quando sub solem dicere non possum; circumspicio, nusquam spes fore melius ostentatur; nusquam Auroræ albor, nulla sidera, nox omnia densissima, creberrimus imber. Neque tamen etiam dum despero; media me æstas, meaq. integritas consolatur, ut partim ventus, partim sol nubes illas discutiat, cesset imber, serenum inducatur. Sed frustra omnia: pergit, ut coperat inclementis imber: venti vis in sextam diei horam acrius ingruit. Tum tota spe excidi, totoq. animo cecidi: quicquid enim reliqui mansit, totum fuit desperatio: atque in cæli inclementiam illam verba aspera. Quod si integritatis meæ nullam (de more suo) rationem habere noluist, saltem Madij optimi Philosophi, hoc est viri sanctissimi, Silij adolescentis Apollinis filij, Fuschini omnium integerrimi aliquam habere poterit. Sed nunc plane perspicio, quantum mihi fortuna aduerfetur: ut apud eam plus mei solius odium, quam eorum omnium bonitas valuerit. Utinam Silij mihi tuus ille diuinus spiritus, vel vnum tantum diem concederetur, efficerem probe, ut hoc haud inultum abstulisse minime lætaretur. Quod ego eo securus facerem, quo iam ab ea nihil grauius accipere, neque novum ei iniuriæ locum dare possem. Neque tibi tamen suaden; ut meam illam vicem doleas, atque gratissimum hoc officium mihi præstes. Nollem enim mea causa illam in te acerbius insurgere. Valde enim est mala bestia, quæ cornu, quæ dente, quæ pedibus ferit. Quin si me audias, tam tuis verbis nobis lenire studebis, atque omnibus precibus rogabis, ne posthac, cum iterum hoc ipsum constituerimus, tam aduersa, atque ingrata sit, tibi soli vnum illud iter feliciter concedat. Vale.

## B. R. Silio Antoniano S. D.

I Am mihi nullum locum posthac periculo vacuum video, quando in lecto valens, dormiens, penè oppressus sum. Nosti pomum (quod dicunt) ligneum, unde lecti tenatorium pendet, illud veteri funiculo, quo, ut vsus ferebat, aut tollebat, aut demittebatur, distracto mihi in alterum armum (in latus enim dormiebam) grauer decidit, ut videas hominum condicionem. Sed bono tamen fato factum est, ne mihi in caput decideret. Totum enim illud mihi, quod eius pondus erat, contriuit. Cum ita latus offendisset, ut etiam post vigesimum diem inter eundem non nihil sentiam. Quod vero ipse non solum prius quartana careas, sed omnem etiam grauedinem a te remoueris, valde gratulor. Quare etiam commodè poteris animi causa huc ad me te conferre, vbi lætius quantum tibi videbitur, commoraberis. Neque est quod quicquam a ligneis malis metuas: magis rosea, quæ hic sunt hoc anno pulcherrima, nostris manibus colligemus. Ferreis enim vncis ab altero capite in terebræ morem præacutis, in trabe immixtis annulo item ferreo, nullo funiculo, ut tenatoria appenderentur, curauit. Vale, ex meo Quartiano.

## B. R. Silio Antoniano S. D.

P Edes sum, Camillus agrotat, cælum æstu ardet, via longa est, rei familiaris cura me tibi totum postulat, his multis, ac maximis impedimentis te his diebus agrotantem non vides. Nunc te hoc, quo commodius possum, modo viso, atque rogo, non te mihi ignoscas, qui

nihil

nihil admissi, neque ut valetudinem tuam cures, qui tua sponte id facis; sed ut conualesceris, per istos æstus, ut parumper tua studia, illa inquam seueriora studia, non hæc humaniora, seponas, genioque atque lyrae tuae tantum indulgeas. Hospes hic est Bononiensis Bolognietius: mirificus adolescens; qui te ad lyram canentem audiendi miro desiderio teneretur: hanc si illi gratiam facere posses, & te, & optimo adolescente, qui haud scio, an huc ea tantum causa accesserit, dignissimum faceres. Poetae, ac XL. viri filius est, neque etiam ipse cum infans, tum etiam a tuis musis alienus. Si te reuiserit, reuiseit omnino, ac febris, ut audio, prorsus abierit, rem eleganter, ut facere soles, in sermonem induces, atque ita belle lyram poscos. Atque aliquid; vel etiam de ejus laudibus ad eam ages. Interim vale.

*B. R. Siluio Antoniano S.D.*

**L**Egi tuas litteras, sed quid ego dico legisse me? ceterorum enim leguntur, tuis vero ita afficior, ut nihil suavius sentiam. His vero omni voluptate suffusus sum; neque id in iuria: nam qua ego dicendi elegantia maxime delector, eius me totæ referre erant, ut cum eas legerem, me non legere, sed omni voluptate frui viderem. O te vndique felicem Silui, qui tecum ab oritur tantum ingenium extulisti, atque ad omnia nobiliora studia facillime percipienda, & factus, & natus es. Tu in versibus pangendis, siue id subito, de qua materia, quæ tibi proposita sit ad dicendum, omnes qui te audiunt, summa afficis admiratione, siue eos meditare scribis summo eisdem stupore complex. In solutione præterea oratione, quæ te facilius quis compositor? quis compitor, atque elegantior legitur? veror ne me, quæ tua est ingenuitas, hoc auribus tuis dare putes, atque hæc magis, quia in te esse cuperem, quam quod ita sit, hæc ad te scribere, te equidem tantum amo Silui, idque tuis virtutibus, quantum quisquam alius, aut etiam quemquam alium. Sed ea tamen beneuolentia nihil impeditur, quo minus, si quid fecus in te sit, videre possim, aut adducor ut ei, quam par est, atque etiam facere debeam, quicquam amplius in te laudando obsequar. Quid autem ad ætatem? nunquid hoc quoque fallo tibi dare videbor? Certe cum duo de viginti annos attigeris, summum ætatis tuæ attigeris. Quo breuissimo spatio alij fari incipiunt. Tu vero & splendide loqui, & numerose canere didicisti. Ut vere ego illud de te, quod de Vergilio adolescente dictum circumfertur, usurpare possim. Salue scilicet, Silui magnæ spes altera Romæ. Tamen illud altera in te mihi duplex verius efficere possum. Qui in poetica facultate iam Maroni adolescenti propius accedere, in dicendo vero Ciceroni etiam grandiusculo optime respondere videaris. Ut nihil dubitem, cum par ætas, ac studium accesserit, quin utrique proxime accedas. In quo vero de me quaeris, ut te doceam, qua ratione in posterum ri verferis, ac quam ex eo tibi ad propositam benedicendi ratione suppellechelem comparare possis. Equidem Silui cum hæc duo tibi præcero, ut in Cicerone lectionem tuam contineas; atque in eo dieque noctuque verferis: lectioni vero scriptionem assiduam ut adiungas, omnia, quæ ad hanc postulationem pertinent, tibi præcero. Siquidem ex lectione verborum delectum, in eloquentia tribuunt. Locutionem deinde videlicet, ut quæque quoque modo splendide, copiose, humiliter, grauiter, atque cum dignitate dicantur, inde quoque assequere. Cum vero non postrema laus sit in oratione, numerose dicere. Idque aurium iudicio maxime comprobatur. Si eas in vnius Ciceronis lectione attriuieris, qui fieri poterit, ut in tua scriptione illas postea non sequareis, atque ad earum quasi harmoniam non concinne scribas. Nam si tibi quoties numerum seruare voles, ad pedum rationem recurrere, utendum sit, atque cur magis breui, quam longa syllaba utaris, ex arte ipsa erit quaerendum, nimis nisi infinitum longum laborem tibi contitueris. Perindeque facies atque ille, qui formæ litterarum ignarus, scribat. Cui ad earum singularium formam effingendam, semper ad eam reperiendam, erit recurrendum. Quod is non faciet, qui eas frequentissimo usu, mente, atque animo comprehenderit. Si quid tamen ex tua lectione in tuum codicem ad præsentem memoriam transcribere voles, ut qui ex pretiosissimis gemmis quasdam præstantiores delgas, quas postea, tunc usus poscet, in orationem tuam transiges, quantum micæbus radijs ea illustrior, ac splendidior fiat, id in primis, cum in verborum, tum in sententiarum figuris seruari poterit. Pari item ratione, si in translatis feceris, haud abque feceris. In vna

vero locutionis ratione ſemper attentior eris. Vt ſi nouum apparatus inde tibi conſtituas, non admodum improbum. At vno tuo, ne mihi fruſtra ſummum laborem ſumam, facile poſſum acquieſcere. At mihi crede, multo magis vnum tuum, quam centum alienos, apparatus tibi eſſe proſuturum. Quidam item ſunt dicendi modi, qui per ſe nituntur: quique eodem modo ſemper proferuntur. Vt ſoluendo non eſſe. Dedita opera. Siue de indutria, Quo iure, quaque iniuria. Tertio quoque verbo. Quaque verius. Aliud alias. Mutatis equis ad celeritatem. Ad verbum. De improuiſo. Vt nunc eſt. Quantum in me eſt. Tantum abeſſe vt. & alij innumerabiles. Qui ſi in vno locum conferantur, ac poſtea legendo, vel percurrantur, iſtud tuum ſtudium non nihil ornabunt. Sed hæc, & reliqua eius generis minuta ſunt. Quæq; vel nullo negotio adinueniri poſſunt. In ſcriptione vero, quæ in diſtributione noſtra pars erat altera, hoc ſtudij ponendum erit. Vt aſidue ſcribas, reſcribas, deleas quæ ſcripſeris, meliora reponas, in eandem ſententiam non eodem modo ſilum tuum exerceas. Quando Cicero affirmat ſilum eſſe optimum dicendi maſtrum, atque effectorem. Sed quemadmodum ex vno Cicerone omnem verborum delectum, ceteraq; quæ orationem tuam illuſtrabunt, ita ab eodem ſcribendi exemplum tibi ſumendum erit. Vt hunc tibi tantum proponas; cuius non ſolum lingua loqui, ſed ad eius etiam imitationem tua ſenſa exponere videatis. Hæc pauca, vt vides, quæ tamen multa ſunt, cum tuæ optimæ naturæ adiunxeris, nihil diſſido, quin breui ſentias, te quicquid vis in dicendo conſequi poſſe. Tametsi in eo iam tam longos progreſſus feciſti, vt parum vix ad eum ſinem tibi relinquatur. Quam ego tibi, vt tuo iſti deſiderio magis ſatisfacerem, quam quod quicquam meis præceptis ipſe indigeres, hoc modo perbenigne demonſtraui. Cetera ſi quæ ſunt alia ad illud iter conſiciendum, ea ipſe per te facile animaduertes, atque deprehendes. Vale.

## B. R. Siluio Antoniano S.D.

**A**ltera, & vigefima (vt noſtri dicunt) eluſ dici, quo Ferraria diſceſſeram, hora Bononiam perueni, ea Ciſſij commoditate, quæ eſſe poteſt in publico: vix autem facilitate, quæ ex ſuperioribus imbribus orbitis ad rotarum aſſes effoſſis, atque etiam lamis veteribus plena eſſet, quæq; poſtea glebis vento, & ſole obduruiſſet. Sed id multo grauius, quod meorum quadraginta virum nullum in Vrbe offendi. Cuſpius Romæ Legatus adhuc tenebatur. Giſlerius, Bolognetius, Elefantutius ruri cum familijs per hæc temperatiſſima autumnæ tempora ſeſe oblectabant. Paleſtius Carafio Cardinali Venetijs occurrerat, vt plane hoſpes eſſe videar. De cubiculo præter hoſpitẽ, non autem hoſpitam ſatis bonum virum, nihil ad meam ad Gandulſum deſcriptionem: quin eius fineſtræ ita ſe in cælum tollunt, vt ſcalis ad eas aperiendas mihi opus ſit. Rides, per tam male, niſi ita eſt. Sed non apud hunc ſum diutius commoraturus. De impreſſoribus, (vt dicunt) quia literis optime parati ſunt, ij ab operis peius imparati eſſe non poſſent. Qui vero contra ab his optime, ab illis peſſime ſunt comparati, vt quid acturus ſim, non ſatis conſtituam. Si poſſem hinc hoc, illud autem ab illo, quod opus eſſet mutuari, ſperarem aliquid conſecti poſſe. Dabo tamen omnem operam, ne huc fruſtra veniſſe videar. Sed iterum rideas licet. Dum hæc ſcribo ante lucem ad lumen; ecce tibi piſtor, qui noſtri vici panes coquit. Oſtium more ſuo pulat. Non ſentitur. Iterum grauius repulſat, fruſtra tertio, ac ſæpius iratus vehementiores, atque crebriores iſtus ingeminat. Omnes mortui ſunt. Tum ego ſcriptione miſſa ad oſtium accedo. Quis, inquam, tam inſolenter fores has infringit? Piſtor, ille inquit, qui iubeo iſtas mulieres panes conſicere; tum iſti oſtium aperio, vt iſuo cum illis perſungatur officio. Ingreditur, vocat, clamat, vociferat. Sepultæ ſunt mulieres. Tandem ex inferiori ædium parte, credo ex cella vinaria, vox emittitur abuſdiſſima, ſe facturas. Vt videas, cui mihi in hac mea hoſpitalitate deſeruendum ſit. In vicinia autem eſt muliercula mente capta, altera Gabriella noſtra, quæ noctu, quæ interdiu, inſanis clamoribus totam complet viciniam. Sed quid expecſto te? an non? ſi me amas, ſi res tua, ſi principis benignitas fert, te te octo ſaltem dies Ferrarienſibus ſubtrahas, atque ad nos Bononiam puſſillas Venetijs, aduola. Crede mihi Vrbe hanc vnam omnium eſſe commodiſſimam, ciuium vero animos omnium hominum humaniſſimos, atque in hoſpitibus accipiendis benigniſſimos. Vale.

Bononiæ, id. Octob. MDLVII.

**M**onstrum horrendum, ingens. Ain tu musas virgines tibi adolescentulo vitium obtulisse? atque ex eo compressu heroum filium natum? Multiplex medius fidius portentum, mulieres castissimas cum viro coiuisse, atque eum concepisse, ac peperisse. Id mihi isti Catonis simile est visum. Cum nescio quis prodigium esse diceret, quod mures per noctem mane discessuro soleas corrossissent, neque propterea illi tuto esse discedendum. Minime, inquit ille, id quidem prodigium fuisset, si soleas mures corrossissent. O elegantissimas musas, quæ cum tam eleganti adolescentulo coiuisset, atque ex eo talem partum suscepisset. Ignosco vobis vestram istam libidinem; imo vero vos rogo, vt tam sapienter repetatis, atque Iouis patris vestri cum Alcumena concubitus imitemini. Concludite diem inter duas noctes ad vestros Hercules; vos quoque progignite: quando vobis nullus vter est gerendus, neque ad vestros partus vlla vocanda est Lucina. Sed ad partum tuum redeo. Dijs gratias ago, qui ne abortum faceres prouiderunt, aut ne, vt montes, murem pareres, effecere: tametsi hoc Principum est, non autem tenuiorum virorum. Sed quid, si ipse musas compressisset? Credo, si singula singulos Apollines peperissent. Sed hæcenus de iocis, fortasse etiam plus satis, qui vt tibi ad tuas adolescentiores responderem, homo septuagenarius quasi inæptire videre poruerim. Tuum igitur partum hoc est tuos optimos versus legi, relegi, atque belam, vt eorum ratio postulabat heroice concinnari. Tu quidem Silui pie, atque ad misericordiam vniuersæ Italice causam agis, atque apud eum Iudicem, qui penitenti ignoscit, atque omnia scelera veniam petenti vsque eò condonat, atque remittit, vt se, suamque vitam pro hominum sceleribus, atrocissimæ, atque turpissimæ morti offerre non dubitauit. Sed frustra preces fundis. Iuam operam sumis, non quin is eas libenter audiat. Sed quia eius opæ nihilo tibi est ad id, quod rogas. In Principum nostrorum concordia ea sita est potestas, atque auctoritas, si odia depobant, arma abijciant, animos inter se concilient, in pristinam concordiam redeant, pacem faciant. Otium constitutum est, quies Italice parta est. Omnia tuta, atque in tranquillo sunt posita, vt aliunde queramus quod in nobis habemus. Quod quisque ciuitatibus indigni sunt, vt audiantur. Vt illum rusticum imitari videamus qui cum cæstro in pede (vt in labulis est) sauciaretur, manibus in cælum sublati, Iouem rogabat, vt is illud inde eijceret. Quasi ipse isdem hoc ipsum efficere non posset. Ita nos facimus, qui cum precibus sollicitamus, vt ea nobis concedat, quæ in nostra manu posita sunt. Istos igitur, quorum odijs omnia euertuntur, ius sublatum est, vis, & scelus dominatur, cadu, si potes, flecte, eorum animos emollias, atque ita pacem, atque quod queris, Italice otium constitueris. Hoc vero quod ad versus tuos. Ego hic aliquot dies esse cogito, cum vt mihi ad impressiorem adsum, tum ne Camillo filio desim, quem perinde, atque si domi essemus, in viuendi vîtatæ consuetudine contineam, atque ita in aliena Vrbe, quasi in sua esse videatur. Vale.

*B.R. Silio Antoniano S.D.*

**H**odie Silui mihi tecum. Id prope accidit, quod Cicero cum suo Dolabella sibi accidisse dicebat. Hic enim ad ipsum Dolabellam scribens, sibi eius egregijs rebus, quas in consularu gesserat multas, ac maximas a præstantissimis viris gratulationes factas esse, quasi cuius consilio eas Dolabella gessisset, quodam modo gloriabatur. Nam cum ipse splendidiss. illam oratione de laudibus eloquentiæ habuisset, continuo Amanius cum Ben- didio ad me accedens, tibi gratulor, inquit, Ricci, quod tam cito tantum alumnium tibi confeceris. Cui ego. Nihil est, quod hac causa mihi gratuleris. Illem magis adolescentem admirari omnes debemus, qui in hoc dicendi genere tantos, tamque breui tempore progressus fecerit. Equidem quod ad hanc orationem attinet, ne verbum quidem eius aut legi, aut audiri antea. Recte ille quidem, sed ex tuis præceptis, atque institutis eo iam peruenit adolescens, vt etiam sine cortice (vt dicunt) longum natare possit. Tum ego, non negari equidem

equidem me illum, vt filium amare, neque quicquam habere etiam in hac dicendi ratione ( si modo quicquam habeo ) quod cum eo non libenter communicarem. Sed mihi crede, tale eius ingenium est, vt parum adiumenti extrinsecus illi ad quidvis faciendum, opus sit. Ego quoq. illum ad versus tantum quos mirifice facit, natum esse credebam, sed vt ipse quotidie magis comprobatur, nihilominus ad hoc solum dicendi genus, quam ad illud numeris paulo strictius, appositè factum esse video; vt si vita super sit, neque ex instituto cursu, aut casus aliquis ( quod nolim ) aut etiam aliorum studiorum ratio, quæ iam parata esse videtur retraxerit, vtrum præstantior orator, an magis egregius Poeta iudicetur, in dubio sit omnibus relicturus. Quam meam sententiam omnes, qui aderant, Locatellij, Pignæ, Frisoliij, Bendidij, Lolij, vna voce & amanter, & constanter confirmarunt. Hæc autem tum de te: nunc vero ego hæc tecum. Magnam tibi Silui aduersariam constitutam esse vides, summam omnium tui ingenij expectationem, quam nisi vir præstiteris, non solum tuorum, atque adeo tuis commodis imprudenter consulueris, sed dignitati etiam non leuiter obsueris. Quorum vtrunque quanto in pretio apud omnes sit, neminem fugit. Quare ipse interea pro virili contendes, atque enteris, vt in neutro tibi desis. Id autem assequeris, si ita quam coepisti, viam ire perrexeris. Vt quotidie aliquid amplius proficere te sentias, neque quicquid remum intermiseris, ne cessando retro relabaris, atque ita fiat, vt nunquam alterius, quo semel peruenisti excedas. Quibus meis fidelissimis consilijs si parueris, tum mihi quoque ex amplissima illa tua gloria, vt aliquid decerpam, tibi minime molestum esse debet. Quid enim ex Oceano guttulam haurire? non quin hoc quoque tua sponte tua optime facturus, sed quoniam mea paternæ cohortatione si non aliquid doctrinæ, certe acutioris stimuli non parum sit accessurum. Vale.

## B.R. Siluio Antoniano S.D.

Quoties in cubiculum ingredior, quo mihi in bibliothecam iter est, toties tui memoria mihi renouatur, id autem ex tuo signo, quod in vaporarij cornice ( vt dicunt ) collocatum est. Id quod quam crebro fiat, dici non posset, vt prope te nunc absente magis fruar, quam cum præsens adessem, non faciebam. Sed illud mutum, mortuum, vmbra. Viuis longissime abest, vt inde præter tui recollectionem nihil habeam amplius. Tantundem te a meo plumbeo habere audio respondere. Acquiesco. Te amo. A te amor. Illud ex oculis, hoc ex animo. Sed moleste fero te a me in amore vinci, malletm equidem superari. Iam alter mensis adest, cum a nobis discessisti, neque tamen adhuc quicquam de tuo aduentu. At nouis eram in Vrbe. domus, quæque ad victum pertinent, cetera mihi erant paranda. Recte quidem. Ignosco. Quid vero si ego tuas litteras mea præsentia, non autem meis litteris anteuertam? Nihil enim mihi optatius, quam vt ego Romam, tu me Romæ, aliquando videam. Certe Silui nihil propius est, quam vt cum meo Principe istuc veniam. Iam nimis ingrauescis. Non ego; sed ardens desiderium tantæ Urbis videndi, tot, ac tantos amicos visendi me, vel quinti lustrum virum reddere potest. Nosti præterea quam ego ætatem meam optime, atque atletice feram. Vnum impedimentum ( si istos audiamus ) esse potest, alter supra septuagesimum annus, quem homini fatalem notant, atque in quo plures decedunt, obseruatum esse dicunt. Quæ suspicio mihi quoque iniecta est. Quare etiam propere, quantum possum, vt mea scripta edam. De Iudicijs Florentiam misi, vt opus publice describatur. Familiars Epistolæ adhuc sub prelo sunt. Cum hæc scribebam XIII. Kal. Mar. intercalares in Padanam insulam, vbi superiori nocte Pr. nostra Medicia accepta fuerat, vt eam inde in Urbem solemnî pompa ducerent, omnes conueniebant. Ego Iulio, illi Monoclo LII. annos in carcere custodito, comes sum datus. Dum equus adducitur, hæc tecum. Sed seruis pultat. Equum adeste ferunt. Consensum eo. Totum ingressum postea ad te perscribam. Nunc vale. XIII. Kal. Mar.

## B.R. Siluio Antoniano S.D.

Franciscus Robortellius tandem Bononiam venit expectatissimus. Hunc ego cum viserem, ita me amanter complexus est, vt germanum fratrem amantius complexum nequi-

est. Continuo enim inquit, ecce meum Riccium, quem Ferrariz videre non potui, nunc Bononiz in meo complexu teneo. Tum ego doleo mi Robortelli, te Ferrariz domi meae ita hospitem accipere non potuisse, ut tu me nunc Bononiz aduenam accipis. Atque ita affedimus. Incipit ille. Primum Herculi Principi nostro gratias immortales agit, qui se humanissime accepisset, atque cum omnium suarum vetricali condonatione ad iter suum res suas continuo expediri iussisset. Deinde in tuas laudes ingressus, earum nullum finem fecit. Commemorat enim, ut ad se ad suum hospitem humanissime visum accessisset, ac post amicissimos complexus, qui toti sermones fuissent, quemadmodum cum Pigna de Poeta sine disputaris, cum diceret se Horatii sententiam cum ceteris facile tueri. Pignam vero contra duos fines nulli facultati dari acutissime disputasse, atque in vna tantum voluptate eum finem versari defendisse: ut nisi ego hic ea causa essem, quae plane sis, meum ab Vrbe nostra discessum hunc peius odisse non possem. Sed neque quae sequuntur, me leuius affecerunt, cum narrat te lyram postea sumpsisse, atque ad eam Caesaris Heroicum, deinde alterum, quo postremo Italicae calamitatem deploras, cecinisse. Quibus absolutis, atque ita (ut sit) breuioribus sermonibus interiectis te de eo quaeuisse, ut tibi proponeret, de quo extempore Etrusco carmine caneres. Tum se, ut litteras laudares, proposuisse. Video te primum, ut de illo cane fertur, qui in vilem feram obiecit nihil commotus est: ad nimis vulgare argumentum, ac de quo alias centies egisses, quasi steteris, deinde tamen, ut eissatisfaceres, quasi in Tranquillissimo Oceano nauigares vela soluisse. In qua vna tanta rei pertractatione te omnia & prudenter vidisse, & suo vnumquodq. loco apte, atque concinne distribuisse, ea vero dictione, atque actione, quae tua Romana est, mire persecutum esse, asseuerabat. Quo perfecto, te item nouum argumentum quaeuisse, dicit. Credo ego te a tanto viro in re aliqua nobilissima, ut maius periculum de tuo ingenio faceret, cupiuisse. Id quod ipse, suam humanitatem sequens, atque isti etati fortasse non satis fideus, haud imprudenter omisit. Quare alterum tibi proponit superiori non minus eritum, videlicet, ut eorum statum, qui principibus seruiunt (quos aulicos vocant) laudares. Cui respondisti te saepe alias contra cecinisse; nunc tamen in eius gratiam hoc quoque libenter esse facturum. In quo item te ipsum longe superasse, summa cum omnium admiratione testabatur. Quibus omnibus uti ego tua causa interea afficerer, ne expecta, dum dicam, cum re scias, ut nihil alterum a me amari. Sed haec mi Silui, pene etiam dixi fili, in adolescente atque ista, qua tu es etate, vere commendatur, atque etiam admirationem faciunt, in paulo vero adultiori, non ita: in senectute vero nullam prorsus dignitatem habent. Quare non tam praesentem gloriam admiraberis, quam futuram ex ceteris tuis praclaris studij omni labore contendes, ut assequaris. Illa, illa Silui solida, ac vera laus est, quae ex omnium rerum cognitione nascitur. Tu igitur (ut facis) perge illi omnem operam dare: neque si tibi vnum Madium praestantissimum illum quidem Philosophum belli haec importuna rabies ademit, non tamen nunc cum Belgerinius, tum etiam Locatellius tibi deerunt. Neque ego despero, cum bellum hoc, iam prope affectum, totum sepultum erit, quin in sequentem annum Madium nostrum sis habiturus. Tu vero interea in tuis istis initijs ita versaberis, ut ad illa postea diuina quasi factus non tantum eruditus venias. Haecenus de te. Nunc ad me redeo breui tecum esse cogito, domo enim diutius abesse non possum. Ac nisi me inagis hic Camillus filius, quam Epistolarum mearum editio detineret, me domi Robortellius non autem Bononiz offendisset. Vale. Bononiz. VI. Idus Nouembr. MDLVII.

*B. R. Siluio Antoniano S. D.*

**T**ua carmina ita hic omnibus probantur, ut qui ea legere, quorum magnus numerus tuit sibi omnes descripserint. Nunc in manu M. Tullij sunt. Quid, inquit M. Tulij? Erraui volui dicere Virgilij. Sed neque erraui, nam is quidem est M. Tullius nomine, re vero haud impolite vtrunque refert. Qui & eleganter scribit, & numerose etiam, & concinne canit, ut ex eius versibus, quos tibi mitto, ipse facile iudicabis, qui ex tuis te tanti facit, ut nullum neque, neque quicquam tam libenter, quam de tuis laudibus, audit. puta tu, ut conueniamus. Atque ego illi meis de te praedicationibus satisfaciam. Hic te ex meis verbis, atque



atque adeo ex tuis litteris cum multis alijs auide expectabat : & si iam pridem de aduentu tuo desperatum est ; quamquam ego nihil vnquam de eo melius , quam nunc facio , speraui . De meo vero reditu , aut in quem me diem expectes , ego nihil etiam dum habeo , quod ad te scribam . Sane hæc peregrinatio quam vellem , iam mihi longior esse videtur . Sed me conolor , cum hic frustra non sum . Tamen antequam maius frigus cælum occupet , atque aquæ ad nauigandum gelu obdurefcant , nauem conscendam , atque ad vos remis , velisq. aduolabo . Vale . Bononiæ .

## B. R. Siluio Antoniano S. D.

**M**. Tullius Beroius hæc mihi , quæ tibi carmina mitto , scripsit : quorum pars altera vtriusq. nostrum , & si mihi soli tota est inscripta , communis est . Tametsi in ea tuas , magis quam meas laudes persequitur , idq. mea cum summa voluptate , qui eo modo dupliciter laudari videor : semel ab eo , iterum a tua virtute , cum cuius laudibus mea laus coniungitur . Altera tota tua est : nisi quod ipse quoque hanc ipsam cum eo communem habes , vt qui rem eandem , atque eodem versuum genere persecutus sit . Hic enim , vt tuos versus vidit , continuo , vide quæso mi Ricci , vt in hanc sententiam ego quoq. iuserim , versusq. suos mihi tuorū quam simillimos legit . Tum ego , Beroi , hoc quidem nihil admodum mirum videri potest . Res enim omnibus pernota est , atque in qua siue poeta , siue orator stilū suum exercere posset . Quis enim recentem Italici calamitatem deplorare , atque etiam eo modo , quo vterque vestrum facit , facile non possit ? ita est inquit : tamen mihi pergratum feceris , si vt ego a te eius versus legi , eam operam dabis , vt a te eodem ipse quoque meos habeat . Id quod ei libenter me facturum recepi : idq. nunc facio . De editione autem mea , cæa nondum ad dimidium venit : veniam ego tamen ad vos propediem , mecumq. quicquid descriptum erit , afferam . Vale interea , Idem vt Locatellius noster faciat , meis verbis iubebis . Bononiæ .

## B. R. Laurentio Frizolio S. D.

**B**inas tuas litteras in lecto Tertia laborans accepi . Quarum alteris mihi significas Antonianum nostrū pro S. Petri Aede ad S. u. n. Pont. atque Cardinalis Collegium primo Id. un. orum die , de more , orationem habuisse , eamq. cum dictionis splendore , tum etiam actionis dignitate mire ab omnibus commendatam . Quod quidem mihi magis gratam , quam nouum accidit . Noui ego iam a puero adolescentis ingenium . Neque id destiti omnibus prædicare , neque etiam in quo potui , aut meis litteris ad amicos commendare : aut etiam monitis illum adiuuare , quicquam omisi . Sed basculi sunt hi ( vt dicunt ) mox cum adoleuerit , maturiores fructus cum edere senties . Modo nobis illum Dij incolumem seruent . Ad alteras venio , quibus mihi &c.

Ad Illustriss. & Reuerendiss. D. D. LVDVICVM TORREM  
Cardinalem Montis Regalis .

O magne Torres , Ordini  
Ascripte Cardinalium ,  
Mores , honores , et genus  
Antoniani scripsimus .  
Tuoq. nostras paginas  
Acumini subiecimus .  
Quo Cardinalis optimi  
Censore visa Te queat  
Prodire in oras luminis  
Ornata testimonii .

Auctoritate amplissimi .  
Ne collocasse Te male  
Nostris notandis , obsecro ,  
Horas bonas existimes .  
Sint nostra quamuis horrida ,  
Inculta , inepta , et friuola .  
Antoniani sed tamen ,  
Qui maximi Te fecerat ,  
Spectata rebus arduis  
Pieta , fidesq. posulas ,

*Nil scriptiois lumina.  
Quocumq. scilicet filo  
Sit exarata, candidam  
Mentem legentis allicit.  
Atque ad colenda permoveat  
Virtutis Enthea decus.  
Hoc hoc laboro, hoc deprecor,  
Ut summouendum censeas,  
Si forte quid sit traditum  
Minus mihi fideliter,  
Aut perperam narrauerim.  
Et siqua me fecellerint,  
Benignus ipse suggeras.  
Vetusius vjui exstitit  
Vos inter, atque ambos amor  
Vinculis reuinxit mutuis.  
Suscepit ille nobiles  
Aues Tuas, et Copiam  
Opesq. prisca sanguinis,  
Paremq. honorum gloriam.*

*Colebat in primis Tua  
Humanitatis inclyta  
Et dignitatis vnicum  
Hoc saeculo nostro Decus.  
Nam sine de Myseriis  
Audiuit altis Te loqui,  
Sive administrare optime  
Cognouit olim creditam  
Prouinciam, atque Ecclesiam  
Ornare sancti moribus  
Nouoq. saxo; fructibus  
Episcopalis muneris  
Abire liberaliter  
Iussu in vjui pauperum,  
Templi cultum Regii,  
Calo supinas pratinus  
Vtraq. palmas sustulit,  
Egitq. gratias Deo,  
Nostro quod auo Prasulem  
Incomparabilem dedas.*

Josephi Castalionis Dimetri.

Anastasio Germanio Siluius Antonianus.

**P**Raedebar Kalendis Ianuarij apud Patres meos Oratorij, ecce tibi Iuuenalis noster non solum magnos amicitiarum conglutinator, sed mirus etiam conuiuiorum instructor, nescio ex qua cella penaria, suauissima epularum condimenta deprompsit, plane de Thesauro patris familias noua, & vetera, litteras tuas vetustiores, & libros recentes. Quid hic non dulce, non iucundum, non amoris, & caritatis plenum. Iucundae litterae, grati libri, amore tuo nihil dulcius; tempus ipsum, & locus, vbi prima amicitiae nostrae fundamenta iacta sunt, ipse denique amicitiae conciliator, & muneris Iuuenalis omnia condiebat. Vides voluptatum cumulum tui ingenij, tuae excellentis doctrinae est, tanquam ex abundanti, & copiosa domo, eiusmodi itrenam anno ineunte amicis mittere; vti nam is essem, qui donis tuis vti scirem, ac possem. Ne ego illas amoenissimas villas, quas commemoras, libenter reliquerem, & in tuas vmbrosas, & horrificas siluas me abderem, & in tuis dumetis, & spinis (sic enim tuorum librorum materiam appellas) me totum peruoluerem. non adeo delicatus sum, & voluptarius, nec siluas perhorresco, qui ab illis nomen habeo, sed Romae studijs operam dare perdifficile est. Maxima temporis inopia, maxima iactura. Quod si flores, & delicias, & amoenitates quaererem, certe libros tuos, vel ob hanc vnam causam, assidue legerem. Legi Epistolas tantum, quibus opus dedicas, & quae ad opus deducunt; caue puter quidquam elegantius, aut magis Latine scribi posse. Sunt sane complures ex vestris interpretibus spinosi, horridi, inamoeni, barbati: Sed tu longe altam ingressus es viam, Gallos vicinos tuos Iuriconsultos eloquentissimos imitatus, qui maiores suos vlti, Romanis eloquentiam, & Latinitatem eripuerunt. Sed haec haec. Tu iustitiae cultor, & magister amantem, quod facis, ama, & Templum Dei ingenij, & eruditionis tuae praclaris monumentis in dies magis ornare perge. Vale. Romae. IV. die Ianuarij 1586.

Anastasium Archiepiscopum Tarantasij fecit D. N. Paulus V. Pontifex Maximus MDCIX.

*Exemplum Inſtrumenti quo Matthæus Antonianus Silij pater  
Procuratorem ad locandum prædium, exigendum,  
liberandumq. conſtituit.*

**I**N Nomine Domini Amen. Per hoc præſens publicum Inſtrumentum cunctis pateat eu-  
denter, & ſit notum: quod anno à Natiuitate domini 1536. Indiçt. nona 19. menſis Martij  
Pontificatus Sanctiſſimi in Chriſto Patris, & D. N. D. Pauli diuina prouidentia Papæ III. an-  
no eius ſecundo in mei notarij publicij, teſtiumq. inſcripſorū ad hæc ſpecialiter vocatorū  
præſentia perſonaliter conſtitutus prouidus vir D. Matthæus Feliciſ de Caſtro Caſtellorum  
nunc habitator Vrbiſ principalis prædictus principaliter pro ſe ipſo, omnibus melioribus  
modo, via, iure, cauſa, & forma quibus debuit ex ſua certa ſcientia omnes, & ſingulos  
procuratores, actōres, factōres, & negotiorum geſtores quoad inſcripta per eum conſti-  
tutos reuocauit, & reuocat per præſentes, & pro reuocatis habere voluit, poteſtatem, &  
mandatum eis quomodolibet traditam, & concoſſam penitus, & omnino ab eiſdem aufer-  
rens, & præſertim quoad D. Bartholomæum Abbatem S. Saluatoris Caſtri prædicti Caſtel-  
lorum, & magnificum Antonium de Perculis dicti loci Caſtri Caſtellorum, inhibens idem D.  
Matthæus principalis ne DD. Procuratores huiusmodi ſe de cetero intromittāt, ſeu intromit-  
teret præſumant: necnon de nouo ſponte, & ex eius certa ſcientia præſens Conſtitutus crea-  
uit, nominauit, deputauit, & ſolemniter ordinauit ſuum verum, certum, legitimum, & indu-  
bitatum procuratorem, actōrem, factōrem, & negotiorum ſuorum inſcripſorum geſto-  
rem, ac nuncium ſpeciale, & generalē. Ita tamen quod ſpecialitas generalitati non deroget,  
nec e contra R. D. Bartholomæū Dominici de Bibelaquæ de Iuſſila Vallis Siciliænæ Pennen.  
dioc. ibid. præſentem, & acceptantem ſolum, & inſolidum ſpecialiter, & expreſſe ad ipſius  
eiſdem Conſtituentis nomine, & pro eo poſſeſſionem omnium, & ſingulorum honorū mo-  
bilibium, & immobilium, domorum, & poſſeſſionum, terrarum, Siluarum, Vinearum, & alia-  
rum rerum eidem D. Conſtituenti ſpectan. & pertinen. ſitum in iuriſdictione, & territorio  
dicto Caſtri Caſtellorum dictæ Pennen. dioc. & præſertim cuiuſdam poſſeſſionis arboratæ, &  
vineatæ, ſitæ in dicto territorio inter bona D. Angeli Hieronymi, & Iacobi, Bartholomæi de  
dicto Caſtro Caſtellorum, & dicta bona, & poſſeſſiones auendandum, locan. diſlocan. & ad  
annuam penſionem dan. & conceden. pro pretio, & pretijs, ac perſonæ ſeipſiſ quibus  
ſibi placuerit dan., & conceden. deq. perceptis fructibus quietan. ac ſuam, pactum, & quietan-  
tias de rem percepram ulterius, non peten. facien. dan. nec non omnia, & ſingula eiſ-  
dem Conſtituentis bona, debita, & cenſus redditus, & effectus quocunq. à quibuſcunq. per-  
ſonis exigen. recuperan. & accipien. & de receptis vt ſupra quietan. ac inſtrumenta quæcunq.  
de ſuper neceſſaria, & opportuna dan. & conceden. & ſi neceſſe fuerit pro præmiſſis omnibus,  
& ſingulis in quocunq. foro, ſue iudicio quorumcunq. coram quibuſcunq. iudicibus, &  
Commiffarijs, tam extraordinarijs comparen. & agendum, ac ipſum conſtituentem, & eiſ  
iura defenden. libellum, ſeu libellos, & quaſcunq. petitiones ſummarias dan. & recipien. da-  
riq. & recipi viden. litem, ſeu lites conteſtan. ſeu conteſtari viden. Calumniæ, & quodecunq.  
alterius generis licitum, & honeſtum iuramentum in animam ipſius D. Conſtitutis, & eiſ  
nomine præſtan. & exaquerſo præſtari viden. ponendum, & articulandum, poniq. & articu-  
lari viden. necnon ad omnes, & ſingulos actus, & terminos iudiciales tam ſubſtantiales quā  
accidentales, ſeu neceſſarios in quacunq. Curia tam Eccleſiaſtica quam ſæculari proceden.  
& procedi viden. ac eos ſeruan. & obſeruan. ſententiam, ſeu ſententias tam interlocutorias  
quam diffinitiuas ferri peten. & audien., & ab ea, vel ab eis, & a quocunq. alio grauamine  
ipſi D. Conſtituen. illato, vel inferen. prouocan. & appellan. Apoſtoloſq. ſemel vel pluries  
debita cum inſtantia peten. & obtinen. appellationemq. & appellationes huiusmodi inſi-  
nuandum, & proſequen. ipſaq. ad Romanam Curiam deuoluen. & deuolui facien. expen-  
damna, & intereſſe taxari peten. & faciendum, ac ſuper ipſiſ, ſi neceſſe fuerit, iuran. vnumq.  
vel plures procuratorem, ſeu procuratores loco ſui cum ſimili aut limitata poteſtate quoad  
lites tantum ſubſtituen. eumq. vel eos reuocan. & onus procuratoris huiusmodi in ſe reſu-  
mendi

mendi toties quoties opus fuerit, & ipsi seu eorum alteri si videbitur expedire, presentem procuratorio nihilominus in suo robore duraturo. Et generaliter omnia alia, & singula facien. dicen. geren. exercen. & procuran. quæ in præmissis, & circa ea fuerint, seu quomodolibet opportuna, & quæ ipsemet D. Constituens faceret, & facere posset, & præmissis omnibus, & singulis præsens, & personaliter interesset etiam si talia forent, quæ mandatum exigerent magis speciale quam præsentibus est expressum. Promittens idem D. Constituens mihi notario publico infra scripto tamquam publicæ, & authenticæ personæ solemniter stipulan. & recipien. iure ac nomine omnium, & singularum quorum interesset, intererit, aut interesset poterit quomodolibet in futurum se ratum, gratû, atque firmum perpetuo habiturum totum id, & quicquid per d. Procuratorem Constitutum, & substitutos, ab eo seu eorum altero, actum, dictum, gestum, procuratumvè fuerit in præmissis seu aliorum præmissorum, relevans nihilominus ex nunc, & relevare volens eundem procuratorem ab omni onere satisfaciendi, ac iudicio fisci, & iudicatum solui, cum omnibus, & singulis clausulis necessariis, & opportunis, sub hypotheca, & obligatione omnium, & singulorum bonorum suorum mobilium, & immobilium, præsentium, & futurorum, & qualibet alia iuris, & facti renunciatione ad hæc necessaria pariter, & cautela super quibus omnibus, & singulis præmissis idem D. Constituens sibi à me notario publico infra scripto fieri, atque cõfici petijt, vnum vel plura publicum, seu publica Instrumentum, & instrumenta. Acta fuerunt præmissa Romæ in officio mei notarij infra scripti sub anno, indictione, die, mense, & Pontificatu quibus supra præsentibus ibidem discretis viris Dominis Marcello de Bentivolis Fisco Romano, & Ioanne Felice de Castellis Castellorum, ac Blasio Serluporo de Regno Neapolitano & Marino . . . . Valuedicæ. testibus ad hæc vocatis, & rogatis.

Et ego Felix de Romaulis Ciu. Ro. publicus Apostolica auctoritate, necnon Curie Caesarum Cameræ Apostolicæ notarius, quia præmissis omnibus interfui, ideo hoc præsens publicum Instrumentum manu alterius fideliter scriptum subscripsi, & publicavi, signoq. nomine meis solitis, & consuetis signavi in fidem præmissorum rogatus, & requisitus.

Ciriacus de Mattheis, Latinus Iuuenalis, & Christophorus Stati de Thomarotijs Conservatores Cameræ almæ Urbis vniuersis, & singulis præsentibus inspecturis fidem facimus qualiter supradictus Felix de Romaulis noster Ciuis Romanus qui subscripsit, & publicavit præsens supradictum Instrumentum tempore in eo contento, ac satis ante, & nunc fuit, & est publicus, legalis, & authenticus Apostolica auctoritate, ac Curie Caesarum Cameræ Apostolicæ notarius, scripturisq. suis publicis plena fides adhibetur. in quorû testimonium præsentibus fieri fecimus per infra scriptum nostrum Secretarium, ac sigilli nostri iussimus impressione muniri. Datum Romæ ex Palatio nostro sub anno Domini 1536. die vero 21. Martij.

Loco † sigilli.

*Exemplum Instrumenti confecti iussu Cardinalis Sabelli Papæ Vicarij, quo per quattuor nobilissimos ciues Romanos examinatos Siluium Antonianum pudicissimis parentibus legitimo matrimonio iunctis natum esse perhibetur.*

**I**acobus Miseratione diuina tituli S. Marie in Cosmedin Sacrosanctæ Romanæ Ecclesiæ Presbyter Cardinalis Sabellus vulgariter nuncupatus S. D. N. Papæ in Alma Vrbe, eiusq. districtu in spiritualibus Vicarius Generalis, Romanæq. Cur. Iudex ordinarius. Vniuersis & singulis præsentibus nostras litteras, seu præsens publicum depositionum Testium Instrumentum visuris, lecturis pariter, & auditoris notum facimus, & attestamus, qualiter Die XIII. mensis Decembris 1564. Comparuit in Iudicio Coram R. D. Alfonso Binarino I. V. Doctore Vtriusq. Signaturæ Sanctissimæ D. N. Papæ Referendario, & nostro in Civilibus causis Locum

summentem Romæ in Domo suæ solite habitæ & residentie, ac Notario nostro publico infrascripto Magnifico D. Siluius Antonianus Romanus, & ad perpetuam rei memoriam ad docendum fuisse ex legitimo matrimonio ortum, & procreatum, & natum in Vrbe Romæ factæ dedicatulus infrascriptos tenoris &c. per quorum quidem articulorum verificationem induxit in testes Magnificos D. Io. Baptistâ de Marganis, Io. Baptistam Torcellinum, R. D. Andream de Ciprianis, & D. Marium de Frangepanibus nobiles Romanos, quos petijt per eundem R. D. Alfonsum Logomazzenum nostrum recipi, ad iuram. admitti, & examinari mandari. Qui R. D. Alfonsus noster in Ciuilibus Locum tenens prædictis attendens requisitionem huiusmodi fore iustam, & rationi consonam, & quod iusta petenti non est deneganda assensus, dictos testes ad iuram. admisit, & examinari mandauit, ac eorum dicta, & depositum in scriptis redigi, sibiq. Instrumentum desuper necessarium, & opportunitatem de eorumdem testimoniis, & depositionibus dan. quorum articulorum tenor, & testium per Notarium nostrum infrascriptum successisse examinatorum depositionem, sequunt. & sunt tales, videlicet. Ad perpetuam rei memoriam ac ad omnes alios meliores finem, & effectum procurator, & eo nomine Magnifici D. Siluii Antoniani Clerici Romani dat, facit, exhibet, & producit position. & articulos infrascriptos, quos recipi, seq. ad illos probam. admitti petijt ad superfluum tamen probationem &c.

Item in primis ponit qualiter fuerunt, & sunt in rerum natura D. Matthæus de Antonianis, & Pax de Coellis Romani, qui alias inter se matrimonium in faciem Sanctæ Matris Ecclesiæ contraxerunt, illudq. consummarunt, & uti vir & vxor habitati, & reputati, nominatiq. fuerunt, habeturq. tenetur, & reputatur palam, publice, & sic fuit & est verum.

Item quod dicti D. Matthæus & Pax coniuges matrimonium, vt præfertur consummarunt, & ex eisdem natus est dictus D. Siluius præfatus ex eadem videlicet dicta Pace, qui quidem D. Siluius uti filius legitimus & naturalis eorumdem D. Matthæi, & Pacis coniugum tam per eosdem coniuges, quam per alios cognoscentes pro legitimo, & naturali habitu, tentus, nominatus, & reputatus fuit, habeturq. tenetur, & reputatur palam, publice, & sic fuit, & est verum.

Item qualiter dictus D. Siluius ex matrimonio, vt præfertur supradictæ legitimus, & naturalis natus est hic Romæ in Domo eorumdem D. Matthæi, & Pacis coniugum sita Romæ in regione Pineæ, & hic Romæ in Parrochia sanctæ Lucie, N. tunc Parrochiano eiusdem Ecclesiæ Sacrum Baptisma recepit palam, publice, & sic fuit, & est verum.

Item ponit qualiter idem D. Siluius sic, vt præmittitur in Vrbe Romæ ex legitimo matrimonio natus, fuit etiam hic Romæ in infanti, & puerili ætate nutritus, & pro Romano, & legitimo Thoro natus & procreatus, habitus, tentus, & nominatus, & reputatus fuit, habeturq. tenetur, & nominatur pariter, & reputatur palam, &c.

Item quod præmissa fuerunt, & sunt vera salvo iure &c. non se stringens &c. & protectur omni meliori modo &c.

Die 3. Decembris 1564.

Examinatus fuit in Domo suæ solite habitationis iuxta portam positam in platea Magana Regionis Campitelli, Magnificus & nobilis D. Io. Baptistâ Marganus ætatis suæ legitimæ qui med. iur. tactis &c. ad perpetuam rei memoriam dixit, & deposuit prout infra. videlicet: super articulis part. product.

Super primo, dixit articulum verum, prout in eo, quia cognouit articulos D. Matthæi & Pacem, & erant inter se coniuges, & articulus D. Siluius ex eisdem natus est, & semper pro tali, & ut talis ab ipso se habuit, & reputatus fuit legitimus, & naturalis ex dictis coniugibus natus, & ab alijs pro tali, & talibus eum, & eos cognoscentes teneri, & reputari, vidit, & audiuit, & dictus D. Matthæus adhuc viuere, Pacem autē nescire viuere.

Super secundo, dixit articulum verum prout in eo, quia vidit, & audiuit eosdem Matthæum & Pacem ut coniuges inter se cohabitare, nominari, teneri, & reputari, & ab alijs eos cognoscentibus ita teneri, nominari, & reputari vidit, & audiuit, & ex eis ut supra dictus Siluius natus est, & pro legitimo, & naturali tenuit, & reputauit, & nominauit, & ab alijs teneri, nominari, & reputari vidit.

Super tertio, articulum verum prout in eo per ea, quæ supra dixit, & scilicet ipsum in Vrbe natum fuisse, & credit natum fuisse in Regione Pinæ, tamen non bene recordatur.

Super quarto, articulum verum prout in eo, quia à pueritia ipsum D. Siluium cognouit, & habitauit sibi vicinus, & postea eum, & suos parentes cognouit, & ita reputari, teneri, & nominari vidit, & audiuit, & tenuit, reputauit, & nominauit.

### Dicta die.

Examinatus in domo suæ solitæ habitationis posita in Regione Campitelli per me & Co. D. Io. Baptista Torcellinus Ro. ætatis suæ legitimæ, qui medio iuramento tactis &c. dixit, & deposuit prout infra, videlicet super articulis part. product.

Super primo, dixit articulum verum partim de visu, & partim de auditu: de visu quia cognouit, & cognoscit dictos coniuges: & de auditu, quod inter se erant, & sunt coniuges, & pro talibus à 17. annis, & ultra ipsos cognouit, & reputauit, & vt tales semper ab alijs teneri, nominari, & reputari vidit, & audiuit ab eos cognoscentibus tamen non interfuit que nuptijs, neque sponsalicio.

Super secundo, dixit articulum verum de auditu, & publica voce, & fama, quia non vidit, dum natus fuit prædictus D. Siluius, neque, si bene recordatur, ipsum vnquam vidit, tamen semper audiuit ex eisdem coniugibus natum fuisse filium nomine Siluium.

Super tertio, dixit vt ad proximum, & vt credit, & si bene recordatur, dixit audiuisse dictum D. Siluium natum fuisse in Vrbe in regione Pinæ in domo D. Tarquinia fororis D. Pacis.

Super quarto, dixit nil aliud scire, nisi ea, quæ supra deposuit.

### Dicta die.

Examinatus Romæ in domo D. Ioan. Baptiste Margani regionis Campitelli per me & Co. R. D. Andreas de Cipriani Canonicus S. Mariæ Maioris ætatis suæ legitimæ, qui medio iuramento tactis &c. dixit, & deposuit, prout infra videlicet super articulis partium product.

Super primo dixit articulum verum, quia cognouit articulatam D. Mattheum, & Pacem coniuges, & credit adhuc viuere, & non interfuit nuptijs, sed scit ipsos esse coniuges, & matrimonium in faciem Ecclesiæ consummasse, & pro talibus ad inuicem se habebant, nominabant, & reputabant, & pro talibus, & vt tales ipse testis tenuit, reputauit, nominauit, ac teneri, nominari, reputari, ac tractari ab alijs eos cognoscent. vidit, & audiuit.

Super secundo, dixit articulum verum, prout in eo, quia articulatam D. Siluium à pueritia cognouit, & pro tali, & vt talem semper ipse testis tenuit, habuit, nominauit, reputauit, & tractauit, & ab alijs eum, & eos cognoscent. nominari, teneri, haberi, & reputari vidit, & audiuit.

Super tertio, dixit articulum verum prout in eo, tamen non recordatur præcise in qua Parrochia, quia non interfuit dum natus, & baptizatus fuit, sed effuit in regione Pinæ.

Super quarto, articulum verum, prout in eo per ea quæ supra deposuit.

Super quinto, generalis est.

### Die 13. eiusdem.

Examinauit in domo suæ solitæ habitationis in Platea S. Marci Magnus & nobilis D. Marius de Frangepanibus ætatis suæ legitimæ, qui medio iuramento tactis &c. dixit & deposuit prout infra, videlicet super articulis.

Super primo, dixit articulum verum, prout in eo, quia cognouit, & cognoscit articulatam D. Mattheum, & Pacem à 23. annis eitra, & ipsa Pax fuit adulta & nutrita in domo patris bon. mem. Hortensii de Asallis ipse testis uxoris, & quæ erat ita nutrita, & voluit esse Commater ipsius testis & bon. mem. Hortensii coniugum apud baptismate vnus filij ipsius testis, & non fuit ipse testis præsens nec sponsalicio, nec nuptijs dictorum Matthei, & Pacis,

Pacis,

Pacis, tamen scit ex auditu ab ipsis, & ab alijs personis ipsos esse coniuges ab initio eorum cognitionis, & audiuit ab bon. mem. Hortensia eius vxore ipsam interfuisse nuptijs, & esse inter se coniuges vt articulatur, & semper ipsa testis pro talibus tenuit, nominauit, & reputauit, ac tenet, &c. ac ab alijs eos cognoscentibus teneri, & reputari vidit, & audiuit.

Super secundo, articulum verum, prout in eo, quia ab incunabulis articulatum D. Siluium cognouit, licet baptismati non interfuerit, quia etiam audiuit a dicta q. Hortensia eius vxore dictum Siluium esse filium articulatorum D. Martini, & Pacis, eo quia interfuit ortui ipsius, & pro tali, & vt talem tenuit, nominauit, & reputauit, & ab alijs teneri, nominari, & reputari vidit, & audiuit.

Super tertio, dixit articulum verum prout in eo, tamen non recordatur sub qua Parochia natus fuit.

Super quarto, articulum verum prout in eo, quia ab infanti, & ab incunabulis ipsum D. Siluium in Vrbe vidit, & cognouit, prout articulatum.

Super quinto, generalis est. *Siluius* quilibet, quilibet, quilibet.

Quia omnia & singula premissa vobis omnibus & singulis premissis, & vestrum cuiuslibet intimamus, insinuamus, & notificamus, & ad vestrum, & cuiuslibet vestrum notitiam deducimus, & deduci volumus per presentes.

In quorum omnium, & singulorum fidem, & testimonium has presentes, seu presentes publicum depositionum Testium instrumentum exinde fieri, & per notarium dictæ Curie nostræ, & coram nobis publicum subscribi, sigilliq. nostri, quo in talibus vtimur, iussimus, & fecimus appensione communiri. Datum Romæ in ædibus nostris sub Anno à Natiuitate D. N. Iesu Christi 1564. in diectione octaua, die vero secunda Ianuarij Pontificatus Sanctissimi in Christo Patris & D. N. D. Pij diuina providentia Papæ Quarti anno eius quinto, presentibus ibidem prodis, & discretis viris Dominis Simone Guignetto, & Claudio Desiderio coram nobis connotarijs ad premissa omnia, & singula vocatis, habitis, specialiter atque rogatis.

Jacobus Butius notarius actuarius Curie Illustris, & Reuerendiss. Cameralis Vicarij, &c.

*Coadiutoria Urbis sue exemplum Motus proprii Papæ Pij Quarti, quo Siluius Antonianus annuum agens XXV. Camillo Perusco Gymnasij Romani Rectori Coadiutor cum spe successionis est datus: vbi multis laudibus a Summo Pontifice ornatur Siluius, asseriturq. Papæ & Card. Borromæi familiaris.*

**M**otuproprio &c. Cum sicut accepimus Venerabilis frater noster Camillus de Perusculis Episcopus Alatrien. Gymnasij Almæ Urbis nostræ Rector, vt comanissimum sibi Pastorale officium decentius exequi possit, nuper ad Ecclesiam suam ad effectum in ea residendi recessit, vel de proximo recedere, aut illam sapius visitare intendat, & ob id, ac ingrauescentem ætatem, ac varias infirmitates, seu alios naturæ defectus, quod misera senectus secum adferre solet, officium Rectoris Gymnasij huiusmodi quod obinet per se ipsum exercere nequeat, ac propria seu ex certis alijs causis animum suum mouen. cupiat dilectum filium Siluium Antonianum Clericum Romanum sapientum dilecti filij nostri Caroli titulo S. Martini in Montibus presbyteri Cardinalis Borromæi nuncupati nostræ secundum carnem nepotis seruitijs insistendo familiarem continuum Commenalem nostrum sibi in Coadiutorem perpetuum, ac irrevocabilem in regimine, gubernio, & administratione dicti officij Rectoris per nos constitui & deputari, nos attendentes quod dictus Siluius in dicto Gymnasio humaniores litteras honesto loco professus fuerit, eamq. bonos scriptores publice interpretandi prouinciam, quam nos sponte ei imposuimus egregie sustinuerit, & sicut quam

plurimorum testimonio comprobatum esse nouimus in agnitione ingenij & doctrina laudem reportauerit, nec non ad gratia obsequia, quæ hæcenus nobis & dicto Carolo Cardinali impendit, & adhuc sollicitis studiis impendere non desistit, ac ad vitæ integritatem spectatos mores, aliasque virtutes, quibus illum Deus ornauit, debitum respectum habentes, atque horum omnium intuitu; tam illi, vt commodius sustentari valeat, & ex studio vt laboribus suis condignos fructus, & honores consequi possit, quam felici successui Gymnasij huiusmodi opportune prouidere volentes eundem Siluium prædictum Camillo Episcopo quoad vixerit, & officium Rectoris huiusmodi obtinere Coadiutorum perpetuum, & irreuocabilem in regimine, gubernio, & administratione dicti officij cetera plena, libera & de omni moda potestare, & facultate, & auctoritate omnia, & singula, quæ ad Coadiutoris officij Rectoris huiusmodi officium tam de iure quam de consuetudine, aut alias quomodo libet pertineat faciendi, gerendi, & exercendi, itaque ex nunc ipso Camillo Episcopo quouis modo, & ex quacunque causa abiente, vel impedito, & non alias, nisi quando & quoties eidem Camillo Episcopo placuerit, ipse Siluius officium huiusmodi exercere possit, & valeat de consensu prædicti Camilli Episcopi, & sine aliquo illius, vel eiusdem consensu præiudicio Motu simili, & ex certa scientia, ac de Apostolicæ potestatis plenitudine senore præsentium facimus, constituimus, & deputamus, & nihilominus officium Rectoris huiusmodi prædictum primum illud per cessum, vel decessum, seu aliam quancunque, dimissionem, vel amissionem prædicti Camilli Episcopi, aut alias quouis modo, tam de iure, quam de facto vacare contigerit, etiam si nunc præmissis, aut quibusuis alijs modis vacet, eidem Siluiio etiam si tempore vacationis huiusmodi Coadiutoris officium non exercuerit, quominus illud exerceat per ipsum steterit ex nunc prout ex tunc, & e contra, cum omnibus, & singulis ipsius officij honoribus, oneribus, iuribus, regalibus, & emolumentis solitis, & consuetis concedimus, & assignamus, ipsamque Siluium in locum dicti Camilli Episcopi quoad officium huiusmodi, illiusque liberum exercitium etiam ex nunc prout ex tunc, & e contra cum omnibus, & singulis ipsius officij honoribus surrogamus, ac ad idem officium eiusque liberum exercitium, nec non honores, onera, iura, & emolumenta prædicta recipien, & admittendum, sibi que aduenien. vacatione ipsius officij de emolumentis prædictis integre respondendum fore, & esse, nec non officium prædictum similiter ex nunc, prout ex tunc, & e contra ad ipsum Siluium plenius spectare, & pertinere, sibi que deberi, & in eo plenum ius omnino acquisitum exidere, illudque alteri quam ipsi Siluiio, & cum, vt prædic. vacauerit per nos, & successores nostros Rom. Pontifices pro tempore existentes concedi, & assignari non posse, neque debere, ac ex nunc qualescunque concessiones, & assignationes, vel alias dispositiones ac dicto officio in alterum quam ipsius Siluii fauorem etiam per nos, & successores nostros prædictos, & Sedem prædictam reuocari, suspendi, liminari, vel alterari, aut eis derogari non posse, seu sub quibusuis reuocatione, suspensione, limitatione, alteratione, seu derogatione, quomodolibet factis & facien. minime comprehendend. debere, sed exceptas esse, & quoties ille emanabunt, totiens in pristinum statum restitutas, & de nouo concessas esse, ac censi, & ita per quoscunque Iudices &c. Iudicari. fore sublata &c. irritum quoque &c. decernimus, & interim dicto Coadiutoris officio durante, & quousque cessauerit, & dictus Siluius prædictum officium Rectoris affecturus fuerit, & libere exercuerit eidem Siluiio prouisionem, seu salarium annuum ducentorum scutorum quod seu quod super gabella, seu dohana studij eiusdem Urbis, ac illius fructibus, iuribus, & emolumentis pro lectione per eum facien. assignauimus annis singulis in terminis, seu paghis, prout salaria, & stipendia Rectoribus ipsius Gymnasij solui consueuerit integre, & absque aliqua dilatione per illos ad quos spectat, persoluen. & consignandam concedimus, & assignamus: mandam. propterea dicto filio nostro Vitellorio S. Maræ in Vitala Diacon. Cardinali Vitellio nuncupato S. R. E. Camerario, ac alijs ad quos spectat, & pertinet prædictum Siluium ex nunc ad dictum officium recipient, & admittant, ac recipi, & admitti, sibi que de iuribus, & emolumentis prædictis postquam vt præfatur, vacauerit, & interim prædicto Coadiutoris officio durante de prouisione, seu salario annuo ducentorum scutorum huiusmodi plenarie, & integre respondeant, ac responderi faciant realiter, & cū effectu non obstant. Constitut. & ordination. Apostolicis, statutis, &c. etiam iuramento &c. roboratis, priuilegijs quoque in lictis, & litteris Apostolicis in contrarium quomodolibet



modolibet concessis, necnon quibusvis alijs concession. & assignation. aut alijs disposit. de dicto officio quibusvis personis quantumvis bene meritis per nos, & predecessores, vel successores nostros Rom. Pont. ac Sedem Apostolicam, vel alias quomodolibet sub quibuscunque verborum formis ac renoribus, ac cum quibusvis etiam derogatoriis derogatorijs clausulis irritantibusq. & alijs decretis etiam motu, & scientia similibus, aut alias quomodolibet fact. & facien. quas illarumq. omnium vim & effectum quoad hoc omnino suspensimus, & in vacatione prædictum effectum fortiri, aut locum sibi vindicare non posse, neque debere decernimus, illiusq. ac stat. &c. privilegij, & indultis prædictis etiam si de illis &c. renore &c. hac vice dumtaxat motu, & scientia similibus, ac de Apostolicæ potestatis plenitudine derogamus, ceteriq. contrarijs quibuscunq. cum clausulis opportunis.

Fiat Motuproprio. I.

Et cum absolute a Cen. ad effectum &c. & de constitutione, deputatione in Coadiutorem, ac ex nunc prout ex tunc, & e contra concessione, & assignatione officij Rectoris, & durante Coadiutoris officio provisionis, seu salarij ducentorum scutorum vt supra, & quod præsentis motus proprii sola signatura sufficiat & vbiq. etiam in iudicio, & extra iudicium faciat regula contraria non obstan. seu si eisdem Siluio videbitur literis desuper per litteras nostrum cum opportuna deputatione executorum qui assistant, ac faciant &c. non permittent. &c. cum potestate citari, &c. aggravari, &c. invocari, &c. secularis & derogatione dictarum non tamen erunt opportuna largitate exten. expediri possint.

Datum Romæ apud S. Petrum quinto decimo Kal. Decembris anno quinto.

Die 21. Decembris 1604. Retroscriptus R. P. D. Camillus Episcopus Rector præsens retroscriptæ Coadiutoris deputationi, & alias iuxta formam retroscriptam, & litterarum expeditioni consentit, iuravit, &c. Est in Camera. Hier. de Tarano.

Die 12. mensis Februarij 1605. præsentatus fuit præsens retroscriptus motus proprius Coram Magnificis Cam. Alim. Vrbis Conf. existentibus in Camera prope quartam salam per retroscriptum D. Siluium perentem admitti iuxta formam ipsius omni meliori modo &c.

Qui Magnifici Domini debita qua decuit reuerentia ipsum motum proprium receperunt, & admiserunt, ac mandauerunt mihi Petro Paulo retroscripto ipsum registrari, prout registratum apposit. in libro tabeo fol. v. presentibus Domino Hieronymo Babalo, & D. Augustino Palonio Ciuibus Romanis Testibus &c.

Pro D. Al. Ruf. scriptor

Petrus Paulus Mut. cal. rog.

Die 12. mensis Februarij 1605. Illustrissimus, & Reuerendissimus D. Cardinalis Cam. in plena Congregatione D. Rectoris, & totius vniuersitatibus Gymnasij Rom. præuio examine, & professione fidei, ac iuramento in manibus præst. Illustris. D. iuxta formam bullæ S. D. N. admisit, & recepit in possessione R. officij Coadiutoris iuxta formam motus proprii retroscripti omni meliori modo &c. presentibus D. Antonio.

Petrus Paulus Mut. Not. studij.

Iam satis, superq. tot, tantisq. monumentis constare arbitror Siluium Cardinalem Antonianum honestis, castisq. ortum patribus ingenio, studio, eruditione singulari, bonis moribus, artibusq. professoris Cathedras, honoresq. amplios in ipsa adolescentia & iuuentute adeptum esse. Quare fremant licet, inuidiaq. disrumpantur, qui existimationi Cardinalis optimi, & ab ipsa pueritia continentissimi, studiosissimiq. detractum volunt, quiq. confictus, falsissimusq. criminationibus, calumnijsq. eius vitam exagitant.

**SILVII ANTONIANI**  
**S. R. E. PRESBYTERI**  
**CARDINALIS**  
**ORATIONES**

**Habitæ Ferrariæ.**

# ORATIO PRIMA.

*Quam pene puer Ferrariae Horatij Odas publice interpretaturus habuit.*



Q UOD vnum in meis consilijs sum sequutus, quod animi providendam fore, cū me Herculi Max. Ferrariae Principi totū duobus ab hinc annis addixi, vt mea studia ad opatum finem commode possem perducere id nisi mihi ipse deero summa eius liberalitate, iam videor assequutus. Etiam cum meus me animus ad litterarum studia, in quibus mirifica semper dignitas fuit, plane accenderet, atque instigaret, retardarer autem non mediocriter tenuitate fortunarum mearum, conspexi omnino, auditores Nobilissimi, quemadmodum in rebus naturalibus solet, in quibus quæ per se exigua, & imbecillæ sunt, maiorum viribus adnixæ crescunt atque extolluntur; ita mihi patronum aliquem inueniendam, cuius ope, atque auxilio, quod mihi in animo proposueram, perficere aliquando possem, qua in re mirabiliter mihi Fortuna fauit, eo enim tempore feliciss. Hercules cum Romam, Marcelli Pont. Max. pedes osculatoris venisset, in qua Vrbe totius orbis terrarum luce, atque ornamento, natus ego, & educatus sum, meq. ex tempore carmina canentem audisset, vltro me accersuit, vt in illius fide, atque clientela essem. Quam ego conditionem vnam omnium auide sum complexus, vnamq. omnibus alijs anteposui, idq. eo libentius, quod omnes sententiam meam, maxime laudaturos existimaui. Nam si cum alicui opio datur ellegēdia, sine dubio fumenda sunt, quæ plurimum conferunt, quæq. ceteris præstant, nescio profectō quis ille sit, sana tamen præditus mente, qui me, vel alijs rebus inferiorē, ob hoc propositam, a se commendat. Quin potius hic verum perfectumq. bonum esse affirmet. Siquidem si vere omnes alios Italix Principes contemplemur, Transalpinos enim quos nunquam pluribus de causis sequutus essem relinquo, eorumq. virtutes in medium afferamus, quotus quisq. est, cui non sit perfectum, quantum hic noster animi, ac corporis, fortunarumq. præstantia, longe alijs antecellat? Nam quæ maior in regendis populis, ac tranquillitate paranda, prudentia inueniri potest? Quæ tanta vnquam alio in Principe, in Fortuna varietatibus æquabilitas est reperta: quis in prosperis minus exultans, maioreq. in aduersis patientia, cuius gestat Symbolum magnanimus? à quo magis quæso, hoc turbulento & parū Musis secundato tempore virtutes, bonarumq. artium studia extolli cernimus? quis benignè adeo ac liberaliter, litterarum cupidos fouet, atque amplexator? Qui nobis tuenēs nobilissimū Verbum hanc Italix, celeberrimā, omniumq. rerum necessariarū opulentiss. vt quieto animo ad studia incumberemus tradidit, vt in maioribus hic noster laudibus quam primus ille Hercules, ad Cælum sit efferendus. nam si iste intolerandos tyrannos, à quibus Vrbes crudeli dominatu premebantur, domuit, noster hic vicia omnia animi viribus perfregit, longeque à suis ciuitatibus propulsauit. Ille innata quadam animi ferocitate armis deditus, bella tantum sedulo perquirebat, hic vero vigilantia, ac prudentia sua perfecit, vt ipsius populi tuta, tranquillaq. pace fruenterent, neque tamen Herculi ipsi, si ita ferat occasio belli laude, armorumq. gloria inferior futurus. Equidem si singula vellem percurrere non solum dies, atque vox, sed verba ipsa deficerent. Nunc profectō multa mihi de eius liberalitate essent dicenda, quæ cum semper erga omnes ingens sit, tanta erga me ipsam fuit, vt nequeam satis dicere. Illud certe spondeo, ac in me ipse recipio, illi soli quicquid vnquam in his studijs proficere, tributurum, soli mea semper seruiet industria, vnumq. omnes meæ actiones respicient. Qui me in dies magis beneficijs suis deuincit, ad virtutem adhortatur, atque ad laudis gloriā accendit: Nunq. vt facilius hæc mea studia ad opatum exitum possem perducere, hanc mihi pub. interpretandi prouinciam mandauit. Neque id vobis visi clar. mirum videri debet, quod cum nec arte, nec eruditione hoc præstare valeam, nihilominus tantum onus suscipere sum ausus. Nam cum magna dignissimaq. sit vir-

tus,

tus, nihilq. ea ausu formosius, aut amabilius reperitur, non nisi magna difficultate est acqui-  
renda, nec certe in præteritis, quam sc. pulchro difficultiq. loco verior, attamen omnino au-  
dendum est, nimis enim turpe est, tantis à Principe nostro oblati commodis mihi ipsi  
desse, atque ipsius & aliorum hominum cōpacitatem fortasse de me opinionem frustrari.  
Nam præter alia commoda, quibus ego cōtinuè fruor, illud maximum est, quod clar. virum  
Io. Bap. Pignā præceptorem sortitus sim. Cuius ego disciplinam eo libentius sum sequutus,  
quo magis in hac re iudicium meum ab eruditiss. viris probari cognovi, sed iam mihi hoc  
loco aliqua instituti mei reddenda est ratio, cur mihi non oratorem aliquem, sed Poetam,  
eunq. Horatium interpretandum suscepim, quod ego pluribus de causis ita me fecisse  
videor, nam cum Lyrici gradiorum Poematum partes sint, facilius me his tanquam  
medijs ad Poeseos perfectionem absolutionemq. perventurum existimaui, tantā præterea  
est Horatii carminum elegantia, tantus eloquentiæ lepos, tam copiosa ac varia acq. litio,  
vt non immerito Quintilianus vir acri ingenij acie, & præstanti iudicio præditus hunc so-  
lum inter omnes Lyricos vates, qui Romana vsi sunt lyra, legi debere censuerit. Ex profe-  
cto si illud proprium poetarum est, quod ipse aliquando testatur, carminis suavitatem esse  
clare, exemplisq. hominum vitæ & moribus prodesse, nescio equidem an quisquam solus  
vtrunq. adeptus sit, quam is qui præcepit. Tantum enim in iocis, stacens nollet argui, quid  
& urbanitatis haber, tantum præterea, cum seria agit, in præceptis utilitatis, in sententijs di-  
gnitatis, & gravitatis possidet, itaque absolute eam Philosophiæ partem, quam de moribus  
appellare solemus, complexus est, vt hnc affirmare non veretur divinum illum Platonem,  
quem ab illa commentitia sua repub. poetæ prohibuisse accepimus, hunc vltro fuisse, asci-  
tum. Est quidem si apud æquos iudices res agatur, sine dubio hæc ita esse, vt diximus,  
apparebunt. Hæc itaque omnes fuere causæ, quæ vt Horatium potius quam alium quem-  
quam explicandum sumerem, non solum adhortatæ sunt, sed mihi etiam, quodammodo  
manus iniecere. Accedit & his quoq. alia, quæ apud me nec parvi momenti esse debuerat  
librum hunc ante omnes alios Principi nostro gratum esse, eumq. maxime istius auctoris  
elegantia, ac gravitate oblectari. Satis igitur viri clar. huius mei propositi rationem rede-  
didi, nunc aliqua de humanioribus litteris ac potissimum, de Poetica ipsa, quam nunc in  
manibus habemus dicenda remanent. Hæc itaque sunt Rhetoricæ, Historicæ, & Poeticæ, quæ  
bus omnes alix facultates ornantur, & a quibus ea quæ per se impolite, & rudia sunt, splen-  
dorem ac pulchritudinem accipiunt. Sed quoniam ea pars quæ maxime videtur ad nos  
pertinere, de Poetica est, alijs relictis ad eam solum omnem orationis meæ cursum diri-  
gam. Primum itaque mihi ostendendum est, in Poesi ipsa quæ Poeticæ finis est omnes di-  
sciplinas, omnesq. facultates contineri. Quarum altæ in eam confluunt, alix vero ab ea  
principia deducunt, tantum ego vobis dum de Poetica mentionem facio allaturus sumq.  
tam vero primā illam facultatem, quam Grammaticam appellamus, hæc non solum com-  
plexa est, sed ab ea potius, & principium loquendi manavit. Cum primi omnium Poetæ  
fuerint, qui lege quadam ac ratione adhibita loqui inceperint, a quibus deinde hæc om-  
nes formulæ, ac normæ deductæ sunt. Oratoriam autem artem, non ne Poetam optime  
tenere necesse est, nam quo pacto huius facultatis ignarus cum Poetico decoio suadere ac  
dissuadere, accusare, & defendere, laudare ac vituperare posset? Dialectica autem ea  
est, à qua ille vim ac potestatem verborum rectumq. singula suis locis disponendi ordi-  
nem mutuatur. Naturalia vero nec à Poesi, excluduntur, passim namq. apud probatos  
auctores, multa de elementis, de syderibus, de plantis, ac de animalibus prolata cernimus.  
Illa etiam sublimior, ac magis remota Philosophia, quæ res diuturnas contempletur, tota in  
ea est, præca quam illa ætas Poeticam, primam quandam Philosophiam esse existimavit.  
Nec profecto sine causa fictus fabulis sapientiss. homines, abdica illa ac recondita memoriæ  
tradiderunt; volebant enim latentres res, omnibus aperiri, sacræq. illa occultæ, promptæ, &  
aperte indicari. Cumq. furor ille Poeticus nihil aliud sit, quam divinus quidam spiritus, qui  
a Deo proficiscitur, quo nos afflati mirifice mentis viribus excitamur, hoc nihil aliud  
quam Metaphysicam respicit. Possent hic ego multa in medium asferre fabulis involuta,  
quæ ad Deos, eorumq. potestatem, ac providentiam pertinent, sed hæc nimis ardua, nimis  
præterea ampla sunt, quam quæ hoc exiguo temporis spatio tractari possint: tam vero  
Musicam, Harmoniamq. Poetam nosse necesse est, quæ homini plurimam convenit, de

qua nos maximè delectamus; siquidem carmina canoris numeris consent, quibus mirum quantum hos afficiunt, diuilescq. & ad maiorem, & ad latitiam impellunt, hic illos qui cantus moderantur, Poetae nomine appellamus, Poetaeq. canere fingimus, eorumq. opera cantus nuncupamus. Quid nunc ego de Geographia dicam, qua maxime Poeta vititur, dum possida, Regiones, loca, Urbes, flumina, & portus describit: quantum vero ea Poetis cognita sint, quæ ad mores, quæ ad Politicam, atq. Oeconomicam pertinent, omnes facillime videre possunt, quia enim ratione is vitam, & mores hominum oratione exprimeret, quod Poetae propositum est, qui recte viuendi rationem ignoraret. Moralis autem Philosophia id præstat cumulatiflime. Ipse namque quæcunq. ad respub. referunt, quæ pace, quæ bello agenda sunt, quæ Principis officia, quæ præterea priuati sint viri aperissime demonstrant, quid etiam dominor, quid seruo, quid filio, quid parenti, quid Matrifamilias in vnaquaq. re agendum sit, vel luce clarius ostendunt: certe illud concludendum est Poetam scientias omnes cognitas habere, non tamen in illis excellere esse necessarium. Ille profecto perfectior erit, qui maiorem vniuersaliq. facultatem partis fuerit assequutus. Hic mihi iuuenes ornatifsimi latiss. sese offert campus, in quo ego plurimum vagari possem, vt vos ad hucus diuina Poeticæ studium adhortarer, in eamq. totis viribus incumbendum esse offenderem, quod sane tentareq. nisi certo scirem id neque vobis dici oportere, neque mihi ipsi tantum tribuere ærati meæ conuenire. Illud tantum dicam me hequaquam dum Poeticam suminis laudibus effero, dumq. ad eius absolutam cognitionem, tot esse necessaria ostendo, vos à tam præclara egregiaq. re detertere, quinimmo magis accendere, nec quis ille est tantum inertiaz, desidiaq. deditus, qui tot propositis premijs potius in turpi otio, ad omnia ineptas vitam velit degere, quam in re tam vtili, tam honesta, atque laudabili elaborare, cum præsertim clariss. viros duces habeamus, quorum auspicio iam hanc virtutis immensam, licet non assidue perficere posse sperare debemus. Accedit etiam ad hoc id quod superius quoque dicebam, tantam esse Principis nostri erga omnes beneuolentiam, tantamq. præterea Hippolyti Cardinalis, cuius nomen reuerentia est plurimum, erga litteratos homines libera litatem, vt facile vnumquemq. vel ibestissimum ad virtutem excitare possit. Restat nunc viri clarissimi, vt mirificas ego vobis gratias agam, qui me hodie ingenti hoc beneficio affecistis, incredibilem erga me humanitatem præstitistis, quibus quamquam à me ea gratia referri non possit, quæ debetur, illud certe spondeo, illud me exhibiturum assidue perpetuum maximi huius muneris memoriam apud me fore, tantamq. gratiam me vobis habiturum, quantam maximam animus meus possit suscipere. Vos autem litterati iuuenes, qui inopata quadam animi benignitate ducti singulari hoc merito me deuinxistis, quod ego in animo trabali clauo firmabo, quos mecum honestissimorum studiorum societas, similitudoq. coniunxit: vos ego, inquam, oro atque obsecro, vt cum libitum erit, cum per negocia vestra licebit me festis diebus Horatium interpretantem, aliquando audire molestum non sit æquum est enim vos puero virtutem cupienti auxiliari, eundemq. qui hæc dedistis initio ad finem perducere, vestra namque ea omnis erit laus, cum cum tribus clarum erit ciuem Romanum magis in aliena Vibe, quam in patria ad honorum gradus ascendisse. Ego vero quantum in me erit mihi ipse non deero, vobis enim dicere nefas est, vt si minime quod mihi proprium per fecero, illud me consoletur, egregijs incipis meis non animum, sed vires defuisse. DIXI.



## ORATIO SECVNDA.

*Quam Ferraria cum aperiretur Gymnasium in festo S. Lucæ  
pene puer habuit.*



**M** Mibi viri clarissimi de re maxima, ac difficili, quæ tota in huius felicissimi Gymnasij, litterarumq. laudibus versatur, sit dicendum, idq. apud maximos viros acturus sum, sine dubio ad tantum munus peragendum me eloquentissimum, esse debere esset opus. Sed quodiam in re ardua, nec à doctioribus improbari solet, licet propositum finem assequi nequeas, magnum aliquid audere, inrepidumq. animum præ se ferre, ego hanc provinciam meis humeris omnino imparem, siquidem nec visu, nec ingenio satis possum, pro viribus in còspectu, confellug. vestro nobilissimo suscipere non deterrebtor. Tot sunt profectò litterarum facultates, quot sunt res quæ huius vniuersi orbis complexu continentur; hæc vero sunt diuinæ, naturales, & humanæ. Primoq. loco ex diuinis metaphysica oritur, quæ iure ab omnibus reliquarum scientiarum nobilissima semper est habita: nam cum ex diuersis actionibus, diuersi quoq. fines deriuentur, quorum omnium vnus, maxime à mortalibus expeendus, est perfectissimus, qui in diuinarum rerum cogitatione positus, hunc metaphysica ducit, quæ sola perfectæq. & absolutam contemplationem in se coarctat, homines assequuntur. Hanc vero cum à prima causa ortum ducat, non dubium est omnes alias facultates nobilitate antecellere, propterea quod res diuinæ tales sunt, vt ab ipsis omnium aliarum rerum principia tamquam à quodam primo fonte manent, ac defluant: & quid Deus bone diuina meditatione homini optabilis? Si cum ipsi mortales quantum nostræ patiuntur vires, eniti debeat, vt Deo Opt. Max. similes efficiamur, hæc sola quod tantum cupimus adipisci possumus? nosq. in cæno humanorum affectuum volutatos, ita ad hæc altiora accendere, vt melioris vitæ dulcedine allekti, ex hac vita quæ potius mors est, migrasse quodammodo videamur. Deinde naturales sequuntur, ex quibus Physica, cui secundus tribuitur, locus principium deducit. Physicæq. facultati Mathematica quoq. adiungitur, rerum autem naturalium studium, Socrates ille Philosophorum sapientissimus condemnauit, hanc se tutus opinionem, quod inutile, atque incerti finis esset; sed cum aliqua sint, quæ ad utilitatem, aliqua vero, quæ ad nobilitatem tendunt; quæ quidem nobilitas melioris animæ parte vitur, positæq. est in contemplatione, hæc inquam, vt eo quod intendit, ad diuinam scilicet perueniat, per hæc naturalia permeat, ac transit: quæ licet veram minime præ se ferant felicitatem, efficiunt tamen vt ipsis medijs, finem illum omnium perfectissimum potiamur. Mathematica autem hoc vno est præcipue laudanda, quod dum demonstratione vitur, veram efficit scientiam, quod si anceps doctrina nos plurimum delectat, quantum magis, quæ certa est animum nostrum maiori voluptati perfunder. Tertio deinde loco res humanæ subsequuntur, ex quibus ciuiles sunt facultates, Ethica scilicet, Politica, & Economica; & primum ea Ethica est, quæ hominû mores format atque effingit, quæ res in hac mortali vita est potissima, nâ quanti sit momenti homines ab incunte ætate recte esse institutos, vel vnus Platonis auctoritate probare possumus, qui tanti prima fecit principia, vt affirmaret eos; deinde ita bonos, aut malos euadere, prout eorum aut bona, aut mala prior fuerat institutio: certum enim est prius moderandos esse animi affectus, & ad medium redigendos, vt facilius veram assequamur felicitatem: nam qui recte prima vitæ rudimenta tenuerit; is non solum plus dimittit, sed totum fert est asseruit. Sed iam sub Politica sermo est omnis, legesq. quibus Vrbes gubernantur, vniuersusq. orbis administratur, sunt laudandæ: quæ Deum Opt. Max. imitat: vnicuiq. prout egerit, aut pœnas, aut præmia tribuunt, bonos extollunt, & ab occultis malorum insidijs tutantur; malos vero aut meritis supplicijs afficiunt, eosq. à bonorum commercio arcent, aut ad laudabiliorem vitam reducunt.

eunt. Et quod profecto homine peius esset animal? nisi eum ab explēdis animi, ac corporis cupiditudinibus leges repellerent? Et quoniam pacto primi illi virorum effrenati animi ad Urbis constituendas incolendasq. associati essent nisi legibus? Quas non homines proprio ingenio excogitarunt; sed à communi omnium matre natura, sunt ad communem omnium utilitatem procreatae? Et sic inter homines virtutes continuis extollerentur, vitia autem iusta seculis opprimerentur, lex siquidem recti praecepto, pravi vero est depulsio; & proculdubio si quid homini in hoc terrarum Orbe habemus, si tunc ab effrenata aliorum violentia fumus, si nostra possidemus, si postremo vitam ducimus, id totum optimis legibus est tribuendum; quarum quantitas sit magnitudo, ex hoc facile dignosci potest, quod magistratus huius tuesint, qui non solum prius, verum etiam nostros temporibus, semper totius orbis gubernacula tenuerint. Atque hoc quidem de iuris legum arte; altera vero, quae in repub. necessaria; & quae interpretacionibus à scientia petitis indiget; ad medicinam refertur. Postea Medicina sequitur, cuius ope omnis mortalium vita nititur: haec enim sanos custodit, aegrotos vero pristinae salutis restituit. Quod porro humani generi quantae utilitatis fructum praebet, superuacaneum est dicere. Nam cum anima nostra hoc corpore tanquam instrumento quodam in actionibus utatur, certum est eam infirmis corporis viribus à reliquis rebus peragendis esse impeditam; nam tantum naturae graue valetudo est repugnans; ut ab ipsa necessaria parata fuerint, quibus graues morbi ab affectis membris pellerentur. Hanc certe Medicinae facultatem fabulosa illa antiquitas adeo spectauit, rem diuinam esse existimans, ut eius inventores Deorum numero adscripserit, templisque sacrificijs eorum Numina sit profecuta. Deinceps sequitur Economicam, quae familiaris est ours, plurimi equidem facienda, nam ut totum ciuitatis corpus recte formetur, necesse est membra ad id habere quae nisi permaneant, ciuitas ipsa nullius ope mixta cito corruet. Si quidem ex propria omnium salute, communis ciuitatis salus dependet. Ad has vero omnes facultates, de quibus locuti sumus, ingressus est Dialectica; quae artium, scientiarumq. scientia est appellata, quae vera à falsis discernimus, differendiq. rationem ediscimus; nam quid quamque rem sequatur, & quid cuique sit contrarium, demonstrat: insuper haec rationem habet, ne cui falso assentiamur, aut caetiofa probabilitate fallamur: vult enim facile à vero abduci possumus. Haec vero omnes res humanioribus litteris ornatur, & maiori venustate ac pulchritudine augentur. Haec sunt poetica, rhetorica, & historica. Et primum de poetica, quam diuinitus nobis traditam esse, ab eruditissimis viris acceptimus; nam cum ceterarum rerum studia, doctrina, arte, & praeceptis consent, sola poesis à natura ipsa nobis tribuitur, & quasi diuino quodam spiritu infunditur, quae tanti ab antiquis ælimata fuit, ut solum inter homines poetam sapientem esse crederent. Solebant Graeci liberos sup. à pueritijs in poesi erudire, ut viuendi rationem, moresq. carminis blanda inconditate allekti facilius edicerent, ac retinerent; plurimum eam ob armoniam homini conueniens est, quae ita nos in carmine demulcet, ut anima celestis illius armoniae memor, eius colequendi desiderio flagret, atque inflammetur. Nunc ad rhetoricam denique, quae recte dicendi est ars, non parum in bene constituenda ciuitate necessaria, propterea quod eloquentia, adeo cum sapientia coniuncta est, ut altera sine altera paulum proficit, obesse vero multum possit. Licetq. non nulli asserant, plus mali eloquentiam quam boni ciuitatibus attulisse, nos tamen à eloquentiam sapienti viro tribuamus, nihil ab ea nisi boni proficisci posse credere debemus. Nam si insipientis quor commoda à dicendi arte profecta fiat, in diesq. prouentiant, insinuat propemodum erunt, haec enim sola homines cum dispersi vagantur, cultuq. omni careant; ad politicam vitam deducti sunt: haec praeterea persuasum unum locum conuenere, Urbis conditores, legesq. quibus parere acceperunt, & ut fide iustitiamq. coerent, sunt instituti; haec tandem diuersis in rebus, belli, pacisq. cum magna hominum utilitate versantur: haec plurima distinguit bella societatesq. firmat, interq. inimicissimos firmissimam amicitiam sapissime comparat. Post Rhetoricam Historia sequitur vitae humanae plurimum conferens; quod in ipsa praeclarorum virorum vitam, & mores, gesta, atque consilia cernimus, quae disciplina, quibusq. consilij maxima imperia orta sint, & apta cognoscimus: haec nos bonorum praemia, malorum poenas docet; nosq. ex aliorum praeclare gestis, ad virtutem accendit, ex male actis à vitijs dehortatur, pulchrum enim bonorum virorum vitam

tutes in istis arboribus quibusque et talibus erratis viam in melius insistere; adde quod ab hac discimus, quibus rebus maximo Cæsares immortale sibi nomen comparauerint, qua diligentia infimi viri ad sublimiores gradus euaserint, quo ordine res ingemes domi, foedique administratae, nos namque tales viros imitari aduocemus, eorumque exemplo res nostras disponimus, sic enim accepimus Alexandrum Cæsarem facere assuetum, ut nunquam de bellicis negotiis deliberaret, nisi histoniarum peritos consulisset, ut sic ex aliorum casibus rerum suarum exitum colligeret. Linguae vero cum humanioribus litteris coniunguntur, Graeca, & Latina, quae hodie publicos habent interpretes, adeoque inter se communiter sunt, ut altera ab altera dependeat, nec vnius absoluta cognitio haberi possit, nisi alteram quoque quis recte euerit, ambo itaque ediscenda, cum ambo per se modis non necessariis. Ut vero viri clarissimi hae omnes facultates, quas recensimus, i studio sua adolescentibus percipi possint, primus locus est constitutus, deinde magistri, qui hae publice praecipiant, inueniendi, tertioque loci personarum cura est adhibenda: Ferrariam celeberrimam Italiae Urbem ad Gymnasium instituerunt aptissimam esse, neque est, qui dubitet, hic enim salubris aer, commodum ad inhabitandum domus omniumque rerum necessarium copia, iam cum perfectissima est. Vbi, tum quoque Radii luminis commoditate, huc quamplurima ad vitæ usum necessaria, ex diversis regionibus afferuntur adiuveramque disciplinarum professores, partim constitutis stipendiis, vndique acceruntur, partim etiam civitas ipsa, plures variorum doctrinarum peritissimos, & ad id maxime idoneos quod die magis erit, atque progenerat & iam xij. agitur annus, quo ex aduentu inter pub. interpretes, Vincentius Madrius, vir cum Philosophiae peritia, tum morum praestantia spectabilis accitus fuit, qui non modo quotidie inuigilat ne aliqui inter consilios, aut cives ipsos oriantur rixae, quas sua prudentia, auctoritateque citissime restingit, pacemque & civitatem inter omnes conciliat, sed tales etiam in dies ad Philosophiam adulescentes instituit, ut non solum sibi, reliquisque immortalis famam compararet, verum etiam huius nostri saeculo, obsoletam sepe Philosophiam restituerit, ita ut inter sapientes omnes Bruchepem locum teneat. Et eodem tempore Axiatus ad publicum in unus exceptum accitus, qui adeo inlegibilis excoluit, ut omnibus sui temporis superatis, in quoque ante quoribus doctrina aequari possit, qui postquam plurimos sui fideles, ad legum studia educavit magnam sui de fidei omni rebus relinquens, satis functus ad superos concessit, cuius vicem perit nunc Pepiner. Pappalle, omnium bonorum applausu paulo ante ad hoc publice interpretandi munus aduocatus, qui dum apud Taurinis Senator, Antonius publicus legum expiator est, eadem suae doctrinae, & integritatis, erga omnes opinionem comperavit, ut non immerito a Duce nostra, in prioris auctus munere & consilio iustitiae sit factus. Loci autem personarumque regimen felicissimum est. Hercules Aetolius, Ferrariensis Princeps, cuius liberalitate hoc publicum Gymnasium floret, qui minime primo Herculi virtute inferior, veros Hesperidum hortos omnibus aperuit. Vitibusque expulsis, & draconem interempto, aurea virtutis mala in vineis praebeat, ut vel hoc, vno felicissimam etatem nostram appellare liceat, qui tales nobis tradidit fructus, quibus vera vita comparari potest. Publicis deinde praestitit rebus, Galeacius Aetolius, qui quemadmodum in Alphonso Ducis periculis ac rerum discrimine, constantis, ac impetranti animi fuit, & ad negotij gerendum, grauis, & prudens extitit, sic quoque in tranquilla ac felici Herculis dominatione, vires, ac ingenij magnitudinem patefecit, proptereaque praeter alios magistratus, honoris, gradus huius Gymnasij curam meruit, cui in hac administratione, Antonius, Marci Brasolinus, spectatae probitatis vir, atque Medicae peritissimus, socius fuit, & iam agnovimus, quo ille omnium bonorum in ore, supremum diem obiit, licet adhuc iuvis, tales enim suarum vigiliarum habebat fructus, talesque discipulos, ut vna, quo brevis erat, & incerta vita amissa aliam certam, ac perpetuam consecutus esse videatur in cuius locum Bartholomaeus Mirolia, qui huius civitatis Praetor, & Principis a consilio secretis quoque est, substitutus fuit, qui licet assiduus laboribus tantorum magistratum sit detentus, admirabilique ingenio ac prudentia, infusa propemodum, maxime dignitatis, cuius era administrare, atque obeat, nunquam tamen otiosus, nihil quod necessarium est desit, quiescit. Reliquum est iuuenes nobilissimi, ut post litterarum laudes loci, personarumque commoditatem, ac sapientissimi Ducis erga omnes benevolentiam. Omnes, ut aiunt, nervo ad hoc



victoria statim precorendum, inchoandum & quo magis possumus prece atque tem-  
poris caritate; non deterreri debemus, si non possit id vulmen contingere, quod ab anti-  
quioribus illis paucis admodum sit consecutum, quinimo magis accendi debemus quod  
ipsis dudum utitur, brevioris viam, quam ipsi haberent habemus, quod si assidui la-  
bores, atque vigiliae, nos ita tanto opere amoveat, nobis, quae praemia consecuturi scimus,  
ante oculos proponamus, & desideramus; Vanto maiorem suam laudem, quanto maiores  
sunt a nobis labores, superandi. Sic enim non labores, sed praemia, non breves dies, sed  
perpetuam vitam respicientes, lacrimis animo omnia pericula superabimus, aeternamq.  
apud posterorū famam consequemur. *Di X:* *Ille qui se ad hoc opus accendit, non solum*

## ORATIO TERTIA.

### De laudibus eloquentiae.

*Ferrariae habitis cum Ciceronis Milonianam inter-  
pretaturus esset.*



**R**E sane admodum dubia, controuersaq. antiquis fuit, vtra duarum  
praestantissimarum artium pingendi scilicet, & fingendi (quam Scul-  
pturam vocant) alteri esset praeferenda? Nec profecto iniuria. Nam  
cum ambae in naturae imitatione versentur, primo quidem haec, ex-  
posita quidam, ac solida officij, adeo decoris, & venustatis, omnium ani-  
mationum formas, lineamenta, membrorumq. compositiones exprimit,  
ut nihil proprius ad naturae similitudinem posse accedere videatur. Al-  
ter, & deinde, quae coloribus vitiis, dum recte pigmenta aspergit, doni vmbrae, emittentiaq.  
pudenter obferant, dumq. tabulas varijs coloribus distinctas, bono in lumine collocat, ita  
oculorum aciem perfringit, ut non solum animalia, sed & saepe etiam homines falsa rerum  
specie decipiat. Non itaque mirum est, eam veraciter tantum posse, si quamplurimi de  
earum excellentia ambigunt. Sed tamen si aliqua reprobetor ars, quae non modo verum  
quod in illis admirabile est, cumulatissime praestaret, verum etiam, quod multo difficilius  
iudicatur, animos ipsos iucunda, ac nitida quadam pictura effingeret, quorū quisq. est,  
qui dabitur, longe hanc ceteris duabus antecellere? Eas autem, viri clarissimi, est elo-  
quentia. De eius laudibus, vestra tum venit, hodie mihi (iuvante Deo) si minime pro-  
rante, vel inopitantes, ac dignitate, certe quantum in me erit, est dicendum. Primum  
itaque si libet eloquentiam cum pictura comparare, quid ea esse potest ornatus? quid  
pietatis? tot enim coloribus est distincta, tot figuris ornata, atque adeo varia eloquentis  
compositione, & elegantium verborum copia, tanquam rectissimis floribus, illuminata, ut  
nihil splendidius, nihil politius, nihil deniq. ad delectandos animos, multiplex illa varie-  
tate, aptius inveni possit. Sculptura vero, Deus bonis, quantum huic concedit, nam quid  
vehementius omnes res exprimit? quid illas ante oculos facilius ponit? quid altius in au-  
dientium mentibus omnes morum, pomites animorum affectus, signat, atque exprimit? Hinc  
est, quod famam illi, & peritiam Oratores, qui opus istius temporibus floruerunt, orationis  
delectos, emittere, tonare, ac fulgurare dicti sunt. Quae enim sunt illa in Philippum Grae-  
clanū occupantem fulmina? quae Principis eloquentiae in Antonium, & Catilinam Roma-  
nae Republicae euertere? At vero eloquendi vim, maximam esse omnes fatentur. Quid  
igitur non de eius innumerabilibus, diuinis, & humanisq. generis beneficijs dicemus? nam  
si ab vltima antiquitate, altius rerum principia repetere voverimus, procul dubio  
inveniemus, quicquid boni, & quicquid praestari solet in hac vita, communione ab immor-  
tali Deo nobis tributum est, id totum ab eloquentia, tamquam a fonte plenissimo fluxisse.  
Siquidem haec prima vires, & ciuitates constituit, haec ageriles, atque humanas homines,

mites,



liantem exagitarè: Ego autem de istis, qui adeo inimicè eloquentiam insectantur, libenter quærerem, quid non ita fortitudinem, diuitias, corporis robur vituperent? quando ista quoque, si perperam homines utantur, per multa detrimenta afferre possunt. Quare mihi videtur, non hoc eloquentiæ vitium esse, sed eorum qui ea pernersè abutuntur. Quo magis eloquentiæ studendum est, ut illis resistamus, qui sua temeritate rem honestissimam violant. Qui ne Oratoris quidem nomine digni sunt, se J potius, audaces, & temerarii homines, communisq. bonorum perniciës sunt appellandi. Nunc vero, postquam iis pro virili parte respondimus, operæ precium est, ea quocumdam mentibus veterem, ac penitus insitam opinionem euellere. Sunt enim aliqui, qui in animum induxerunt suum, ingenuis artibus, nihil eloquentia opus esse, & idcirco quo magis barbarè, & inquinatè loquuntur, eo maiorem se scientijs dignitatem afferre arbitrantur. Quem quidem, illos redarguendi laborem, mihi eloquentiam laudanti necessarium, ea quoque de causa libenter, cupideq. suscipiam, quod cum multi, & varij hic sint studiosorum conuentus, qui ut de eorum discipline aliquid à me dicatur, auidè expectant, præclarè Hercule, mecum agetur, si vna & eadem opera, falsas illorum opiniones infregero, horumq. honestissimo desiderio satisfacero. Ad vos itaque iuvenes, veræ & solidæ gloriæ, quæ sola virtutis præmium est, studiosissimi, orationem meam conuerto. Et ut primum a Philosophia incipiamus, quæ omnium benefactorum, beneq. dictorum est mater, ea quidem in tres partes est distributa. Prima quæ in naturæ investigatione versatur: altera quæ de vita, & moribus disputat: tertia quæ differendi subtilitatem continet. Num aliqua istarum partium est, quæ splendidæ orationis luminibus illustrari non desideret? nulla certè. nam si in rerum naturalium scientia multa sunt obscura, multa tortuosa, multa tenebris, & caligine involuta, quid (quæso) optatius fieri potest, quam illis verborum splendore lucem asferre? Resq. natiora sua maxime tenebricosas, distinctè, dilucidè, & apertè dicere. Relinquo autem, ac tacitè prætereo secundam Philosophiæ partem, de moribus tractantem. Nam quid hoc comprobare necessè est, si res etiam tacente me, loquitur ipsa? si quidem quis adeo vecors, atque amens est, qui non planissime videat multum interesse, vtrum pulcherrima aliqua margarita, aut gemma, plumbeo, an auro ornatu fuerit illigata. Quare iam ad tertiam partem, quam Dialecticæ appellatur, me conféro, in qua Sophistæ quidam, dum omnia verba insulata, dura, odiosaq. deligunt, dum infantissimos quosque, ieiuno, atque exili dicendi genere imitantur, dumq. gloriæ sibi ducunt non posse intelligi, atque perinde loquuntur, & scribunt, ut si Oracula tunderent, adeo perturbauerunt omnia, ut nihil scdus, nihil inquinatus istorum scriptis legi possit, nec vident dementes, nihil aliud rem per se difficilem maiori difficultate implicare, ac quodammodo tenebris, tenebras offundere, quod sane cum admodum est insulsum, tum etiam maxime perniciosum. Iam itaque satis ut puto declarauimus, iis qui Philosophiæ studijs se dedunt in primis dicendi copiam esse necessariam. Idem etiam in ceteris facultatibus facile probari potest, sunt enim Medicina, & iuris ciuilis scientia, quæ amba sub Philosophia numerantur, nam altera ad eam partem quæ de natura, altera ad eam quæ de moribus est, reducuntur. Et quidem in Medicina, hi semper primas tenuerunt, qui non eruditè, solum, sed ornatè, enucleatè, luculenter scripserunt. Si quidem illi palma deferenda est, qui res obscuras, & recondita doctrina affluerent, pura ac perlicada oratione vestit. Simulq. eruditionem, cum elegantia conglutinat. Et enim nimis molestum odiosumq. est illorum animos, qui in quærendo defatigati sunt, dura etiam, & spinosa oratione torqueri. Iuris ciuilis autem scientia, quæ (ut dicebam) moralis Philosophiæ pars est, adeo sermonis candore illuminari gaudet, ut illius leges non polite modo, & eleganter sint scriptæ, sed sola penè Latine loqui videantur. Nam, quid præclaris illis Iuris Consultorum monumentis limatis, aut nitidius legi potest? ubi (quæso) verborum proprietatis magis religiosa obseruatio? lacuit hæc quidem præclara, nobiliss. disciplina per multa sæcula in sordibus quorundam commentariorum, quæ illam perdidit, temporibus tætris tenebris obscurauerant, lucemq. omnem eriperunt. Sed iam illa caligo discussa est. Quandoquidem non tulere diutius præstantia multorum ingenia sanctissimam hanc facultatem, sine qua non Vrbes, non Regna, non hominum communio, & confociatio, stabilis permanere potest, alieno squalore, ac sordibus obsolescere. Itaque iam ad pristinam callitatem, quæ ei semper maxime adhæsit, est reuocata.

Illaq.

Itaq; pulcherrima, & vtilissima dicta prudentum, & sapientum responsa, antiqui nobilissimam generatim recuperant, atque a Barbaria fluctibus emergunt. Quapropter quantos videritis fructus, hominum generi eloquentia præbeat, quam magnam præsidium, & propugnaculum bonorum salutis in ea sit, quantum præterea luminis, & orationis ceteris liberalibus doctrinis adiungat, satis superque dixisse videor. Nunc vero quod superest, optinui, atque honestissimi iuvenes, paruo labore, vobis persuaderi posse arbitror, nimirum, ut politissimam istam eloquendi rationem, amplectamini, atque ad deum optinui: videri namque vos, glorie facibus, ad virtutis consuetudinem, vehementer instimmati. Actamen sibi cor currentibus calcas admovere, per illam vos ego eloquentiam, quæ præclarum Dei donum est, & inuentum, per ingenia vestra, per opinionem, ac ipsam, quam de vobis apud omnes concitasti, oro, atque obtestor, ut vna simul hanc ineamus viam, huc omnes vires omnem mentis aciem intendamus, atque hanc copiose loquentem sapientiam, quæ omnibus rebus lucem affert, in studiorum nostrorum auxilium vocemus. Semper nobis animo, semper ante oculos, summi illi, omniq; laude cumulator auctores obueniant; Græci quidem, Pericles, Thucydides, Gorgias, Morætes, Lyfias, Aeschines, Demosthenes, alijq; innumerabiles. Romani vero, Cethegi, Catones, Gracchi, Galba, Crassus, Antonii, Hortensii, Cicero, ceteriq; quos enumerare longum esset. Horum enim celeberrimorum, ac clarissimorum nomen nulla veritas obliuione obruit, nulla delectatione effugit. Siquidem nullis temporum iniurijs subiecta est eloquentia, nec faculorum multitudinem pertimescit. Hanc igitur perpetuitatis procreatricem, summa auctoritate sequamur, ut si fieri possit, nos quoque o iuvenes exiguum vitæ curriculum, illustribus monumentis producamus. Ego autem quoniam hac cohortatione maxime indigeo, quippe qui ab huiusmodi puræ, & Latine loquendi dignitate, quam longissime absum. Ut facilius me aliquando ex Barbaria tentem eruiam, atque in aliquam dicendi lucem emergam, Ciceronem, illum inquam Ciceronem, Romanæ eloquentiæ parentem, hoc mihi anno sumpsi, quem his meo iuuenilibus exercitiis rationibus explicarem. Arduum sane opus, & præsertim mihi, qui ingenij mei imbecillitatem optime nosco. Sed tamen omni ope contendendum est, quando Deus immortalis, non nisi multo sudore, ac labore, nos virtutem consequi voluit. De te autem M. Tulli, quid dicam? Ego ne humilis homunculus, te summum virum, te Patris seruatorem, & Patrem, te Romanæ eloquentiæ clarissimum lumen, dignè laudibus ornabo. Non mihi tantum assueo, non tantum de te ipse promitto, atque arrogo, nec ingenij viribus ac tantam gloriam aspiro. Te per hunc latissimum campum, vade et curus, ad virtutem apertus, Dacem sequimur. Tu nobis germanæ, & solidæ eloquentiæ cupidus dexteram porrige, ut et te, tamquam de plenissimo fonte, dulces, ac suaves, purissimæ orationis aquas hauriamus. Illud vero nunc viri clarissimi superesse videretur, ut vobis, pro summo hoc beneficio, quod me hodie affecistis, maximas gratias, & agerem, & haberem. Sed non eius generis vestra erga me merita sunt, quibus pueri, exiguo hoc temporis spacio, breuiq; illorum commemoratione, me satis esse facturum. Itaque iam non ago vobis gratias, non enim fieri posset, ut quibus re vix referre possum, verbis tantum satisficiam. Vos verò Nobilissimi, ac litterati iuvenes, qui me semper germano, ac fraterno amore dilexistis, semper (quæ vestra fuit humanitas) dignitati, & honori meo fuistis, vos inquam etiam, atque etiam oro, & obsecro, ut me festis diebus Miloniam Cicerois Orationem, de superiore loco inter precantem, cum libuerit, cum commodum fuerit, cumque animos grauioribus studiis releuare, ac quodammodo recreare volueris, amice audiat. Dedit enim vos eandem beneuolentiam, quæ mihi tertio ab hinc anno perfectissima fuit, his quoque temporibus præstat: vestraq; erga me merita hoc magno cumulo augere, quod si (sicet plane consueo) feceritis, cum rem præcipue humanitate vestra dignam feceritis, cum ego etiam, quoad per me fieri poterit, enixe operam dabo, ut cognoscatis, vos minime ingratos hominem, maxima beneficia consulisse.

DIXI.

## ORATIO QVARTA.

In funere Henrici Valesij Gallorum Regis.

*Ferrariae habita ad Hippolytum Cardinalem, &  
Herculem Ducem.*

excindi, funditus

ES est sane, Cardinalis religiosissime, Princeps Hercules inuisissimus, vosq. ceteri viri praestantissimi, res, inquam, est magna admodum, atque admirabilis, aquam cuius vis & natura omnis, tam abest a calore, vt nihil magis calori possit esse contrarium, calcem inflammare, atque intendere. Illud etiam valde mirandum est, arbores robustissimas, atq. in terram radicibus defixas, turrelq. firmissimas fundamentis, & muro- rum soliditate stabiles, vento, re scilicet adeo tenera, ac molli, extirpari, excindi, funditus everti. Id vero deniq. non modo mirabile, sed monstri penè est simile, quod cum eadem aqua omnium rerum sit frigidiissima, frigore tamen, quo conseruari debet, corrumpatur, eiusq. astricta vi congelaciet, & durelcat. At vero, Viri Clarissimi, illud vobis multo magis fortasse mirum videbitur, quod ego humilis homunculus, nullo ingenio, nulla dicendi facultate praeditus, laetymis praestertim, summoq. animi mazore confectus, tantum mihi tribuerim, vt qui consolatione indigeo, hodierno die alios consolaturus huc accesserim: perinde quasi alienis vulneribus mederi velim, cum meis ipse nullam Medicinam reperire, nullum remedium asserre possim. Ceterum si quis diligenter contem- platur, atque consideret, quemadmodum ex minutissimo semine, caelestium causarum ope, & auxilio, Solis nimirum, Stellarumq. tanti arborum trunci, ramiq. procreantur. Is etiam fortasse non dissimili ratione fieri posse arbitrabitur, vt ego non eloquentia, à qua longissi- me absum, non orationis vberitate fretus, ac copia, sed praestantibus, eximijsq. ingenij ve- stris nixus, incredibilem illum dolorem, quem accepistis ex aceba morte fortissimi Regis HENRICI, aliqua ex parte lenire, atque allevare possim. Etenim nihil mihi temere as- sumo, atque arrogo, semen tantum consolationis ero, ac veluti instrumentum aliquod, mentes animoq. vestros excitabo, quos adeo repentina hæc calamitas oppressit, vt mi- nus forsitan ea perspiciant, quæ tantæ agritudini leniendæ, in primis essent necessaria. Equidem viri clarissimi, dum mecum ipse Henrici Galliar Regis potentissimi immaturam mortem confidero, totusq. in eam cogitationem defixus, humanæ felicitatis inconstan- tiam, leui, atque & infirma mortalium gaudia attento animo intueor, vere illud mihi ac sapienter dictum videtur, voluprati mazorem, hilaritati tristitiam, comitem, & finiri- mam esse. Nam cui amplius dubium videri potest, nihil in terris firum, nihil stabile, nihil perpetuum reperiri, cum ea quæ omnium opinione optatæ & constituta, fundataq. vi- debantur, subita ruina corruerint? Duodecim amplius annos Gallico Imperio Henricus praesuit, qua prudentia & iustitia, nihil nunc referre opus est; id tantum dico cum ferè nunquam ab externis bellis quieuisse. Accidit enim, vt cum pacis esset amantissimus, sem- per tamen modo ab alijs laesissus, modo ciuitatum precibus ad earum salutem, liberta- temq. tuendam euocatus, bella gerere cogeretur. Illud siquidem præter cetera præcla- rum, vereq. regium esse arbitrabatur afflictis populis, qui ad eius opem contugiebant, opi- tulari, miseros recreare, aliorum violentia euersas vrbes erigere, atque in libertatem vindicare. Testes sunt populi Belgæ, Mediomatrices Rheno flumini, Germanisq. proximi, testis Italia vniuersa, ipsa deniq. communis omnium patria, terrarumq. Princeps Roma, eius pietatis, & liberalitatis locupletissimus est testis. Sed quæ pro sua, aliorumq. salute bella suscepit, alijs suo loco diligentius commemorabimus. Erat autè V.C. Henricus valde in prælijs fortunatus & felix, cum itaq. summo cõsilio, & singulari prudentia administrabat, idè tamen incertos pugnarum exitus, & communem Martem, magno ac excelso animo fere-  
bat,

bat, suamq. constantiam fortunæ anceps iniuria nunquam inflectebat: adeo ut semper, aut ex secundis certaminibus victoriæ Trophæa, aut ex aduersis inuictæ fortitudinis gloriam reportaret. Verùm (vt dixi) pacis, & concordie cupidus, atque amator erat, neque enim poterat ijs victorijs quas de Christiano hoste consecutus fuerat, lætari & dolere potius innocentium populorum sanguinem effundi, miseras prouincias vastari, ac diripi, urbes infelices cædibus, rapinis, incendijs funestari. Itaque Deum Opt. Max. assidue precabatur, vt pacem inter Reges Christianos conciliaret, prostratæ Europæ dextera porrigeret, eamq. ceteris quietis, & tranquillitatis mentem daret, quam ipsi dedisset. Hæc viri ornatissimi, cum summa pietate, summaq. religione ab immortalis Deo per tot annos peteret Henricus, audiuit ille eius preces. Itaque tandem diuturni, & luctuosi bellis finis constituitur, veteres inimicitie deponuntur, paxq. inter duos Orbis Terrarum maximos, & potentissimos Reges conficitur. Quæ vt firmior esset, atq. archissimo coniunctio- nis vinculo astricta teneretur, Henricus Isabellam filiam, & Margaritam sororem, lectissimas, eximiasq. pulchritudinis Virgines, Philippo illam Hispaniarum Regi, hæc vero Philiberto Sabaudio Allobrogum Principi in matrimonium collocat. Videbatur omnibus laborum & calamitatum opratum finem aduenisse. Ciuitates, regiones populi animos erigebant, ac tanquam bellorum tempestate sedata à metu paululum respirabant. Lætabatur Italia, gaudebat Hispania, Gallia vero vniuersa lætitia exultabat. Etenim dulce illud pacis nomen iam diu inauditum, incredibili voluptate ac dulcedine omnium animos perfunde-  
 bat. Audiebantur igitur passim lætissimæ multitudinis voces, alij Deo immortali gratias agebant, Thracibus alijs terribilibus Christiani nominis hostibus mortem, excidiumq. minabantur, vniuersi autem Philippi, & Henrici pietatem, religionem, clemen-  
 tiam certatim summis laudibus in Cælum efferebant, eosq. antiquis maiorum suorum co-  
 gnominibus dignissimos appellabant: deniq. omnis generis, ætatis, ordinis, omnes viri, & mulieres lætabantur, cunctaq. hilaritatis, lætitiæ, iucunditatis plena erant. Ecce au-  
 tem repente inter tantas pacis gratulationes, dum tota Gallia festi celebrantur dies, dum ludicra equitum certamina, vmbralesq. armorum pugnæ exercentur, cum in simulatum hostem equum incitaret Henricus, idemq. ille alter faceret, aduerso pectore hasta exce-  
 pra, eius fragmento supra oculum vulneratur: quo ex vulnere paucis interpositis diebus, fortissimus Princeps, omnibus animi, corporis, fortunæq. bonis florentissimus, media æ-  
 constanti ætate (pro miseram hominum conditionem) moritur. Quis hoc loco V. C. non exclamet? Quis mortalium vitam, omnibus casibus, omnibus fortunæ telis. exposi-  
 tam non lugeat? Quis humanæ calamitatis vicem non ingemiscat? O caduca gaudia & spes fallaces. O nimium fugaces lætitiæ. me miserum, hic ne est regalium nuptiarum appa-  
 ratus? hi ludi magnificentissimi? Ista ne sunt pacis, atque otij amplissima spectacula? o mi-  
 serabilem rerum vicissitudinem, commutata omnia. Luctuosum funus, funebria vndiq. vestimenta, lacrymæ ubiq. & mæror: Sed quid ego tanti Regis felicitatem exiguo vna curiculo, non rerum ab eo gestarum magnitudine metior? Illi suos dinumerent annos, qui ita ætatem degerunt, vt eodem tumulto, quo illorū corpus tegitur, nomen etiam obruatur. Henrici vero gloriam nulla vetustas obscurabit, nulla vnquam delebit obliuio. Quapro-  
 pter & si propter diuinæ animi virtutes videbatur, mori non debuisset, satis tamen vixit, quando ea laudis insignia, virtutisq. monumenta reliquit, quæ eius famam ad perpetuum omnium seculorum memoriam propagabunt. Etiam illud V. C. adiungo, cunctis meæ sententia, Trophæis, triumphisq. magis insigne & perpetuum, viuere Henricus omnium scriptorum laudibus celebratus, qui pulcherrima ipsius facta litterarum lumine illustra-  
 bunt, omniq. monumentorum genere immortalitati commendabunt. Etenim doctos, & eruditos homines Rex prædilectissimus plurimi faciebat, muneribus eos regijs atq. amplissi-  
 mis stipendijs sustentabat, liberaliumq. artium, & disciplinarum patrocinium, quod à mu-  
 nificentissimo Patre Francisco hæreditarium acceperat, singulari semper beneficentia tuta-  
 tus est. Non igitur eius felicitati id deesse poterit, cuius causâ magnus ille Alexander prætonatum appellauit Achillem, quod scilicet Homerus virtutes ipsius, æterno carminum præconio posteris prodidisset: nunquam enim de maximis Henrici rebus flebitur, nullaq. ætas eius famæ sine vnquam est allatura. Nam quicquid fortiter, quicquid clementer, quicquid liberaliter ab eo factum est, omnium gentium linguis, omnibus historijs, om-  
 nium

mihi poetarum ingenijs celebrabitur. Itaque ne expectetis V. C. dum hoc loco singulas Henrici virtutes, illustresq. victorias recenseam, mihi namq. cum ingenij mei, quod quam sit exiguum non ignoro, tum etiam temporis angustia præcipue ratio est habenda. Quam obrem prætereo, quæ ad Montecalerium Subalpiarum regionis oppidum, prope pater feliciter gessit, mitto, quod cum à Francisco Patre Landresium obsidione liberatum est, primo agmini præfuerit, aduersusq. Cæsarianos milites fortissime dimicavit, illud tamen prætermittere non possum, quod continuo postquam totius Gallia consensus Rex salutaris est, maximum fortissimumq. exercitum, in Britanniam transmisit, ut Scotis sedere & societate sibi coniunctis, contra Anglos, quibus cum continenter fero præliis decertant, opem ferret. Quo egregio facto non solum Scotos socios à grauiissimi belli metu liberauit, verum etiam eorum ferocissimos hostes prostravit, atque ab inferendis iniurijs in posterum coercuit. Quanta vero, bone Deus, felicitate, ab Edoardo Angliæ rege Bononiam recuperavit. Verbs hæc V. C. in Morinis ad Oceanum sita est, à qua brevissima est in Britanniam transitio. Indignum Henrico videbatur Gallia dictiois Urbem, tanta præsertim loci opportunitate, hostium armis oppressam tenere. Statim itaq. copias instruit, vicina oppida incredibili celeritate expugnat, remq. in eum locum deducit, ut Edoardus Rex inopinata vi proculsus, pacem à victore Henrico petere, restituta Bononia, cogeretur. Iam vero, cum primum ad regni gubernacula accessit, nihil habuit antiquius, quam ut sedes, quod Franciscus Pater cum Heluerijs iecerat, stabiliret, & veteres pactiones renouaret. Videbat quippe ad dignitatem suam, Galliaq. præsidium permagni interesse, finitimam ac bellicosam gentem sibi conciliare atque adiungere: cuius deinde forti, & fideli semper est usus, eiusq. virtute & armis insignes de hostibus victorias reportauit. Venio nunc ad id bellum quod in Mediomaticis (quos Merenses appellant Germanorum Principum precibus euocatus gessit, cui præsens ipse interfuit, præsens omnia prudentissime administravit. Quid ego autem hoc loco V. C. primum admirari aut laudibus efferram? diuinam ne, inauditamq. liberalitatem? an excelsi & inuicti animi magnitudinem? Equidem præclarum est afficiis, & iacentibus salutarem dexteram porrigere, magnificum pro aliorum salute innumerabiles pecunias, thesaurosq. profondere, inusitatum alienæ libertatis causa periculosissimum bellum suscipere, quid dicam seipsum, corpus & vitam suam, non solum in discrimen adducere, sed certissimis periculis obijcere? inuictum itaq. Henricus exercitum in Belgas ducit, suo aduentu civitates illas omnes quæ sunt ad Rhenum flumen, & quas liberas appellant, erigit & recreat, Nemetes populos in retinenda libertate consentientes, opibus & copiis adiuuat, confirmat, defendit. Cum vero multa oppida & castralla cepisset, satisq. ad propriam laudem, populorumq. vtilitatem perfecisset, rebus ex sententia confectis, in Galliam reuersus est. Ceterum Mediomaticum Urbem (ea nunc Barbaro nomine Metz dicitur) vallo & fossa egregie cinxit, bellicis ornamentis, ac firmissimis veteranorum militum prædijs munivit: ita ut omnem vim, & oppugnationem sustinere posset. Hanc V. C. CAROLVS Quintus Cæsar, ille inquam Carolus fortissimus, prudentissimus, felicissimus Imperator, ille gentium victor, cuius plures victorias, quam aliorum pugnae percensentur, qui rei militaris scientia, fortunæ felicitate, ac celeritate conficiendi, singulari fortitudine omnibus denique imperatorijs virtutibus, totius antiquitatis memoriam superauit, hanc, ut dixi, Urbem ipse Cæsar durissimo anni tempore, armatis milibus centum obsedit. Nihil ab eo relictum est, quod ad oppugnandum expugnandumq. oppidum vsui esse videretur; extructi aggeres, perfectæ munitiones, præcipue autem valdissimis tormentis mœnia verberata. Tanta tamen milium fuit in laboribus tolerandis patientia, tanta Ducum virtus, & vigilantia, summi præsertim clarissimiq. Principis Francisci Lotheringij, ut nulla acerrimorum hostium vi, nulla scientissimi Imperatoris industria, nullis postremo tormentorum continuis emissionibus superari potuerint: ipseq. Carolus cum intolerabilis frigoris magnitudo sustineri amplius non posset, re infecta legiones in hiberna reducere coactus est. Quod tantum, immortalis Deus, flumen est orationis, quæ tanta dicendi copia, & vbertas, quæ huius maximi Regis eximias virtutes, admirandamq. erga miseros & fortunæ tempestatibus iactatos, pietatem dignis laudibus perficere in Cælum queat? Dicite quæso viri præstantissimi, si suæ liberalitatis Henricus hac vnam modo sollicitatione reliquisset, quod Cis-Rhenanis populis eius misericordiam

& auxilium implorantibus, tanta regij animi magnitudine, ipsemet cum maxima militum manu subsidio iuerit, nonne omni gloria, omni commendatione dignissimus esse videretur? quibus nunc igitur præconijs, quibus elogijs Henricus est exornandus, cum nullus prope in omni Italia locus sit, in quo rerum, quas piet ac religiose ob aliorum salutem gessit monumenta, vestigiaq. non sint impressa? Quæ ætas non admirabitur? quæ posteritas non oblitusceat? aut legendo, aut audiendo, tot bella suscepta, tantam auri vim propter salutem Italiz effusam, exercitus trans Alpes, Apenninumq. missos, Parmam, & Mirandulam defensas, Senas in libertatem vindicatas; Romam ipsam Urbem Principem, sanctissimum Religionis domicilium, cunctarum gentium patriam servatam & protectam: O vere Christianissimum Regem, o tanto maiorem suorum titulo dignissimum, o fortunatum & felicem, cui contigerit illud Illustrissimum orbis caput tueri, quo sibi vno pulcherrimo facto vniuersas nationes in perpetuum obstringeret. Multa mihi V. C. silentio sunt inuoluenda; eorum enim temporis breuitate. Nam est me (quæ vestra est benignitas) diligenter attenditis, ad illud tamen singulare, diuinumq. facinus, quod ætremum quasi vitæ actum felicissimè conclusit, ad hanc dico saluberrimam pacem, animus & oratio festinat mea. Verum id tacitus non præteribo; quanta beneuolentia & charitate, omnes Italos complexus fuerit, quamque eos omnibus honoribus, præmijs beneficijs semper ornarit. Ille Neapolitanis patrijs laudibus et ceteris, ille Florentinis, qui vagi exulesq. errabant, tutissimum portum, periculumq. præbuit. Etenim Salernitanum Principem, & Sommeum Ducem quæ nobilissima gente sancti generis, omni beneficentia est profectus. Salernitanum autem in amplissimum sancti Michaelis equitum collegium cooptauit. Quid de Petro, Leoneq. Stroitijs fratribus dicam? Quorum alterum ob egregiam fortitudinem, & rei bellicæ scientiam, quam ex multis prætijs cognitum habebat, in summo dignitatis gradu (hunc Marescialum nominant) collocauit; alterum vero prudentia, & virtute præstantem, ac in primis maritimarum rerum peritissimum classium imperio præfecit. Admirabilemque (ut dicunt) creauit. Quid Farnesio generis vetustate, maiorumq. amplitudine clarissimos commemoremus quorum ille f. rentem fortunam maximis honoribus amplificauit. Nam & Alexandro Farnesio Cardinali magnificientissima sacerdotia dedit, & Octauium, Horatiumq. fratres aureis torquibus, quod splendidissimum est insigne sancti Michaelis, donauit. Neque hoc contentus Horatium spectare fortitudinis, & maxime spei adolescentem affinitate sibi deuinxit, eiq. filiam suam collocauit. Dies me V. C. viresq. deficient, si velim omnes enumerare, quos admirabilis Henrici liberalitas, eximij beneficijs ad virtutem erexit. At est quisquam qui ignoret Vrsinam familiam, antiquissima stirpes, & militari gloria illustrem, qui semper Gallicarum partium fuit magnis, & amplis premijs ab eo auctam decoratamq. fuisse? testes sunt viri fortissimi, & bellica faude excellentes, Iordanus Vrsinius, Nicolaus Pitilianus, Flaminius Anguillarius, Iulius & Paulus Vrsinij, quorum insignis virtus multis id bellis enituit. Quid ego duo (vt sic loquar) Martis fulmina Cornelium, & Guidonem Bentiuolos proferam? umis longum esset omnia persequi, cum præsertim nihil cuique inauditum, aut nouum dicam. Iam vero Galliz nobilissimos Duces, quos ille summo in honore habuit, quos maximis dignitatibus, imperijsq. ornavit, extulit; locuplerauit, nominare omnes, inmensum quiddam & infinitum esset. Hæc V. C. hæc inquam generosi Regis vere est vita, quæ sæculis omnibus vigeat, quæ non spiritu, & corpore, sed immortalitate continetur, quam neque naturæ lex exiguo, angustoque spatio circumscribere, neque fortunæ temeritas medio in cursu retardare, ac reuocare poterit. Ille beatus est, & felix, qui postquam incredibili liberalitate vniuersam Christianam rempublicam pacatamq. reddidit, ex hoc terreno carcere ad perpetuæ cæli gaudia euolauit. Eum scilicet Deus Opt. Max. vera, sempiternaque pace frui voluit, qui sua pietate mortalibus pacem, ac tranquillitatem peperisset. Hic ego mihi singularem quandam eloquentiam, hæc vocem & laudari velim, vt diuinum hoc factum quo nullum maius, nullum præstantius dici, aut excogitari potest, veris laudibus ornarem, amplificarem, extollerem. Extenuent nunc alij licet Henrici victorias, & triumphos, cum militibus, ducibusq. bellicum decus communicent, aliquid etiam fortunæ, quæ in bellis præcipue dominatur impatiens, hæc certe pacis inuictæ gloria tota vnius Henrici est; & propria. Vicerit ille innumerabiles copias, imperij fines longe lateq. propagauit; variasq. regiones trophæis illustrant suis; hæc fortasse



tasse pleriq. alij, summi illi quidem viri, & virtute excellenti, sed tamen sunt consecuti, at  
 vero seipsum vincere, infinitam dominandi cupiditatem comprimere, proprias utilitates  
 propter communem commodum negligere, hæc V. nobilissimi qui faciat, non ego eum  
 humanam conditionem superare, sed ad Dei similitudinem, quam proximè accedere iudi-  
 co. O liberalitatem omnium gen. ium litteris atque linguis prædicandam; cæteri effrenata  
 habendi auiditate inflammati, ne ab iniustis quidem bellis abstinent, modo avaritiam  
 suam explant. Henricus pacis, & concordiz desiderio, quæ victoriæ iure adeptus fuerat,  
 non dico oppidula aut castella, sed provincias & regna restituit. At credo fortasse exerci-  
 tum, quem hostibus opponeret, non habebat; magna ditionis suæ parte spoliatus fuerat;  
 ærarium exinanitum erat ipse timidus & imbecillus armis circumclusus, metu abiectus, ad  
 compositionem confugeret, quasi in portum aliquem cogeretur: nihil minus. Aderant  
 copiz validissimæ, atque ad pugnandum instructissimæ, Germanorum læta millia. .  
 Helvetiorum. . millia, statarium, & inuictum nitilium genus. Gallorum veteranz, &  
 bellicosissimæ legiones. . Italorum legio vna fortissima. Equitum vero grauis, & levis  
 armaturæ ad. . millia, tormenta ænea omnis generis. . Huic autem armis & animis  
 paratissimo exercitui, præter Regem ipsum, cuius nutu, & arbitrio omnia regebantur,  
 summo cum imperio fortissimus Dux Franciscus Lothoringius præerat; qui inaudita virtu-  
 te plurima in Belgis oppida cepit, Caletemq. Vrbem maritimam, ipsa loci natura munissi-  
 simam, ac firmissimis mœnibus vallatam maxima vi & celeritate expugnauit: tantum ab-  
 erat, vt suarum cinitatum villam amisset Henricus. Bellorum vero nerui pecuniz, quo  
 pacto ei V. C. in tam amolo, & copioso regno, in tanta populorum beneuolentia deesse  
 viqueam poterant? quid? illum ne belli casum timuisse, aut ignauia debilitatum fuisse di-  
 cendum est? quo nemo magis bellicosus, nemo in prælijs fortunatior, nemo exercitator  
 fuit? quicquid ætatis robore, ea totius corporis firmitate erat, vt cum otiosus bellis qui-  
 escentibus, esse non posset, quotidie aut in venando, aut in sctis certaminibus, armatus mē-  
 briorum vires exerceret. Illa, illa igitur causa Henricum ad pacem impulit, qua nulla ius-  
 tior, nulla laudabilior, nulla tanto Rege magis digna reperiri poterat, amor videlicet erga  
 Christianam rempub. quietis & tranquillitatis cupiditas, pietas, & Religio. Quoties ille  
 V. C. tot afflictæ Europæ cladibus misericordia commouebatur, quoties dolebat his nos-  
 tris ciuilibus discordijs, Thracas cruces & immanes Christianorum hostes augeri & cor-  
 roborari. Itaque postquam Philippus Regis potentissimum, generosumq. animum con-  
 gnouit, cuiusq. sensus omnes ad concordiam propensos esse perspexit, oblata sibi occasi-  
 onem non prætermisit. Etenim nunquam illi voluntas, sed tempus defuit; quod qui-  
 dem non modo optabat, sed quærebat, non expectabat solum, sed prior etiam illi occurre-  
 bat. Quatuor namq. ab hinc annis, cum bellum summa felicitate gereret, cumq. victor  
 secundissima fortuna cursum teneret, quinque annorum inducias cum Carolo Casare pepi-  
 git, vt interea de pacis conditionibus ageretur. Pro Deus immortalis, tantam ne in victo-  
 ria, quæ semper superba, atque insolens est, Henrici moderationem fuisse, vt tantam tem-  
 poris opportunitatem amitteret, ac sibi è manibus sponte sua elabi pateretur. Sed nimi-  
 um ille V. C. nihil ad proprium commodum referebat, nihil sua faciebatur causa, commu-  
 nem duntaxat fructum respiciebat, publicæq. utilitati vel cum priuato detrimento ser-  
 uiebat. Quod sane nunc etiam Solis luce clarius apparuit. Siquidem cum cerneret Hen-  
 ricus pacem nulla ratione inter se & Philippum regem confici posse, nisi ipse ex illis pro-  
 uincijs decederet, quæ alienæ ditionis olim fuissent, quasq. aut Franciscus Pater illi here-  
 ditarias reliquerat, aut ipse belli conditione in suam redegerat potestatem; magno & ex-  
 celsio animo salutis omnium causa, ea omnia quæ per tot annos possederat, tantis prædij-  
 tutatus fuerat, quæ tanquam propugnacula regni sui hostium finibus obiecta erant; quæ  
 illi ad Italiam, ad Britanniam, ad Belgas facilem aditum præbebant, hæc omnia ob publi-  
 cam Christianorum quietem, vltro dimisit, atque restituit. Itaque V. C. eo ipso tempore  
 quo Martis funestis facibus cuncta ardere videbantur, duob. maximorum regum inuicti  
 exercitus omnium in se gentium oculos conuerterant, eo inquam tempore, Dei optimi  
 seruatoris nostri clementia, quem nostrarum calamitatum misertum fuerat, Philippus &  
 Henricus Reges, diuturnis offensionibus, atque odijs depositis mirifico animorum consensu  
 suam pacem fecere. O diem illum Europæ lætissimum, o optatissimum diuturnum. Ipsa Me-  
 dius

dius fidius urbium moenia, ipsi templorum parietes latebantur, suisq. conservatoribus gratias agere gestiebant. Vnus erat in tanto omnium gaudio Suleymanus, ille tot nationum inmanissimus tyrannus, ille Christianis Religionis teterrimus hostis, vnus inquam erat, qui tristitia & dolore afficeretur. Idque iure, & merito: Nam quemadmodum maiorum suorum potentia Christianorum dissidijs tanquam gradibus, in altissimum locum ascendit, vt iam vniverso orbi horribilis sit, & formidanda, ita etiam videbat eam frangi ac debilitari posse, si Christiani Principes, vna & concordia mente ad defendendam libertatem conspicerent. O fortuna, o mors. Vtinam vixisset Henricus, vtinam hac luce, hoc cæli spiritu frueretur, nihil amplius timendum esset, ne illa transmarina pestis, ab Oriente nos opprimeret. Ecquæ enim V. C. tanta vis, tanta barbarotum copia fuisset, quæ duobus potentissimis regibus concordia, beneuolentia, affinitate coniunctissimis repugnare, aut resistere potuisset? Ceterum quando aliter euenit, non tamen nobis de infinita Dei pietate desperandum est: eius siquidem consilio in profundo penitus abstrusa sunt, nosq. humi strati eorum altitudinem suspicere non possumus. Hanc tantam fortasse laudem Philippo Austriæ integram reseruat, qui virtutem a seipso, felicitatem à Cæsare Patre hereditariam habet, Quiq. iam Africam paternæ gloriæ segetem, actosq. de Barbaris triumphos spectat, & immortalitatis desiderio vehementer exardet. Nos autem Viri Nobilissimi, Henrici Regis felicissimi mortem ne lugeamus, ipsi gratulemur potius, quod ex huius orbis tempestatibus, & procellis, in portum tranquillitatis plenissimum euolauerit. Illi etenim Deus rectè factorum præmia tribuere, cumq. pacis, quam orbi terrarum dederat, fructum vberitum capere voluit. At vero Princeps Hercules, dum considero, quanta tibi cum illo non solum cognationis, sed amoris arctissima vineula fuerint, plane non possum yehementius non commoueri, tuumq. acerbissimum dolorem, vix vlla consolatione leniri posse non miror. Amisisti tu quidem Nepotem, qui te, sicut parentem alterum diligebat, & obseruabat. Quicq. filium tuum Alphonsum, florem Italix, bellicæ virtutis speciem, patris lumen, & decus, ita amabat, ita ferebat in oculis, vt sine eo vitam sibi insuauem esse existimaret. Quid de te Hippolyte Cardinalis Illustrissime dicam? quem ille incredibili amore, ac singulari obseruantia coluit? quem amplissimis Sacerdotij ornauit; cuius erga te beneuolentiam & fidem adeo perspectâ habuit, vt Romæ Gallici Regni defensorē, patronumq. esse voluerit, prudētix vero tuæ tantum tribuit, vt te Senensium reipub. præficeres, vt pro rege, illius ciuitatis, quæ scientissimo gubernatore indigebat, clauum teneres. Franciscum autem, & Alphonsum fratres vestros amantissimos quo amore complexus fuerat! Cum vtrumque equestribus sancti Michaelis torquibus aureis conchylis exornatis decorauit. Quapropter Principes, Atesti Illustrissimi, tuq. in primis Dux Integerrime, iure magnum dolorem ex morte optimi, & fortissimi Regis Henrici acceperisti. Quin etiam tuus iste augetur mœror, quod eo tempore è vita discessit, quo tu per maximos calores, nullo valetudinis, ætatisq. tuæ iam ingrauescentis periculo deterritus, non itineris longitudine, non viarum asperitate retardatus, cum ingenti ac nobilissimo tuorum ciuium Comitatu Alpes transcendere cogitabas, vt coram ipse Philippo, & Henrico Regibus de pace, & concordia, deque affinitatis coniunctione gratulareris, præfensq. animi tui lætitiā, non tantum verbis, sed vultu atque oculis significares. O si te Princeps Hercules vidisset. Henricus, si te amplecti in tanto suo gaudio, atque osculari potuisset, nihil propè ad eius summam felicitatem defuisse videretur: Sed certe V. C. ita est, voluptati luctus, iucunditati molestia connectitur. Hæc est perpetua rerum humanarum vicissitudo, hæc fortunæ immutabilis varietas. Felix erat Henricus, si potest vlla in terris esse felicitas, sua namque liberalitate, quod per tot annos optauerat, pacatam videbat Europam. Cum rege potentissimo maximis affinitatis vinculis coniunctus erat; Margaritam sororem suam carissimam Philiberto Sabaudio, cum propria virtute, tum maiorum suorum splendore, & gloria clarissimo, in matrimonium collocauerat. Nihil amplius ad eius prosperitates posse accedere videbatur: cum itaque Gallia vniuersa incredibili lætitia redundaret, subita mutatione factum est, vt repente omnia commutarentur dolorq. summus, & incredibilis mœstitia, tantam hilaritatem vno temporis puncto auferret, atque eriperet. Verum V. C. si vitam breuitatem nobis ante oculos proposuerimus, si nos homines esse, ea conditione natos, vt omnino moriendum nobis sit, premisse noluerimus, si denique cogitabimus nihil nisi caducum

eadem & fragile infra Lunam reperiri, profecto præclare cum tanto rege actum esse arbitramur, qui omni fortunæ felicitate perfunctus ita diem suum obierit, ut sempiternam vitam consecutus esse credatur. Nihil ille molestiæ gaudijs suis aspergi vidit, volubilis fortunæ inconstantiam non est expertus, sed secundo, & æquabili cursu, in tutissimum portum inuectus est. Illum ne igitur V.C. lugebimus, qui omni gloria, omni laude cumulat, in Cælum ascendisse credimus? Illius tranquillitatem lacrimis nostris conturbabimus? qui sua liberalitate ætatem nobis omnem in perpetuum absterisit? an eius fortasse vicem dolebimus? Qui hanc mortem cælesti vita, caducas voluptates cum sempiternis bonis, mortalitatem cum æternitate cōmutasse cōsidimus. Tanta enim religione fuit, ut nihil aliud dies noctesq. cogitaret, quam Christianorum cōcordiam, nihil eius cordi magis esset infixum, quam Romanæ reipub. quæ veræ Religionis nostræ domicillum est & sedes, amplitudo ac dignitas: idque antiquissimum haberet, ut Romanos Pontifices tueretur, à quibus maiores sui, quod eorum defensores & propugnatores acerrimi semper fuissent, splendendum illud & gloriosum Christianissimi cognomen accepissent. Quid quod summis supplicijs, & cruciatibus illos puniebat, qui impijs hæreses, sectasq. sceleratorum hominum à vero Dei cultu dissidentium sequuntur? quid quod nullam unquam victoriam est consecutus, quin subito Christi conservatoris nostri, Matrisq. Virginis templa adiret. Quibus supplex gratias agebat, & quicquid sibi feliciter successerat, acceptum referebat. Quid de eius prudentia & iustitia dicam? hæc namq. Clarissima omnium virtutes quemadmodum Regum præcipue sunt & propriæ, ita etiam ipsius regium vere animam, tanquam Stellas illustrabant. Ille suum unicuiq. summa æquabilitate tribuebat, neque vilius aut gratiæ, aut potentiam, aliorum inopiam, & humilitatem opprimere patiebatur. Tanta vero humanitas V. Cl. tanta audiendi facilitas, in Henrico fuisse dicitur, ut nemini ad eum aditus esset interclusus. Itaq. multis id omissis, non solum eum diligebat, sed sicut aliquem de Cælo delapsum admirabatur. Quid reliquas animi virtutes fortitudinem, liberalitatem, magnificentiam prædicem? quid naturæ & corporis bona extollam? nihil enim tanto Regi ad summam felicitatem deruit. Nam & decora magnitudine, inextinguibilem, apud compositionem, & legioris dignitate præter ceteros exsuperabat. Firma autem valetudine, atque integra semper fuit. Robur vero, & vires, quid ferre opus est? tunc nemo cessavit, cum extremum fore vitæ diem inter armorum exercitationes obisse. Quod quidem mortis genus acerbum, & miserabile, merito omnibus videre debet, cum inaudita Fortunæ iniquitate horribilis ille casus omnino acciderit. Verum illos tamen satis admirari non possum, qui Gallici instituti proflus obliti, in ipsum Henricum omnem culpam transferunt, eiusq. prudentiam (iniuria me Hetsule) requirunt. Et enit V. C. Gallica natio bellicosissima, equitandi disciplina longè ceteris antecellit. Quapropter, non solum nobilissimi iuvenes armati ex equis pugnare, sed etiam equestribus certaminibus laudes exercebant, sed ipsi quoque Reges, suo exemplo alios ad virtutem excitare, atq. accendere coguntur. Proinde, desinant illi Regem prudentissimum apprehendere, fortunam potius accusent, quæ filium nobis funderit. Noster hic est dolor, totius publica totius Christianæ reipub. calamitas: ille autem felix est & fortunatus, cuius iustitiam, prudentiam, liberalitatem, fortitudinem, temperantiam, omnium sæculorum fama celebrabit. Qui quam plurimis monumentis gloriam suam immortalitati commendavit. Qui morum suorum effigiem Franciscum filium reliquit, patris, & auctæ virtutis non secus ac nominis heredem. Cui quid ille moriens dixerit, quæ documenta dederit, audite quæso V.C. audite. vocem quantum potero contendam, ut quæ de Henrici Religione, pietate, & fide nunc dicturus sum, uniuersi exaudiant. Cum supremum vitæ diem ageret Henricus, iam iamq. moriturus æternam illam beatorum felicitatem, cogitatione & mente intueretur, Franciscum filium maiorem natu, ad quem tanti regni hereditas pertinebat, ad se vocat, eumq. amplexus atque osculans ita ad laudem, & gloriam est adhortatus. Cernis fili me ex hominum vita migrare, hæc enim anima Dei iussu reuocata, in his corporis vinculis retineri amplius non potest. Tibi igitur, ut æquum est, hoc amplissimum maiorum nostrorum patrimonium relinquo, tibi huius florentissimi regni gubernacula trado. Tu, ut ego qui te genui, veram Religionem integram, & incorruptam mente, semper cole. Hæc prima in Cælum est via. Sanctissimos deinde CHRISTI Vicarios Romanamq. reipub. omni vi, & opibus tuere, con-

serua,

serua, atque auge: teq. ea de causa Christianissimum appellari memineris, vt pro Religione, veroq. Dei cultu, vitam & sanguinem profunderere non recuses. Iustitiam donec vixeris venerare, pius & clemens esto. Illud autem à te fili pro mea erga te paterna beneuolentia vehementer peto, illud tibi præcipue mando, & iubeo, vt pacem, quam ego cum Philippo Rege sanctissimo feci, cõfirmes, atq. in perpetuum serues, ipsiq. sicut Parentem alterum, omni amore, & reuerentia obserues. Hæc atque alia huiusmodi cum diceret Henricus, ac Franciscus filius præ dolore & lacrimis loqui non posset, ipse in complexu liberorum, & Catharinæ coniugis fidelissimæ extinctus est. O incredibilem & diuinam virtutem! O pietatem omnium gentium præconio, omnibus sæculis prædicandam! Tibi satis Henrice non fuit perficere, vt tua liberalitate tranquilla pace frueremur, tu eo contentus non fuit, vt viuens proprias utilitates Christianorum incolumitati anteponeret, quin post mortem etiam salutem nostræ consulere, & prospicere voluisti. Nunquam tantorum beneficiorum memoria morietur; nunquam vlla obliuio, rerum à te gestarum gloriam obscurabit; o Regem pium. O felicem & beatum. Excessit quidem V. C. Henricus, ex hac breui & caduca, sed cælestis beatitudinis sempiternam illam assecutum esse iure optimo arbitramur. Itaque viuere nunc ille in Cælo, Dei munere, viuere in filio, qui non solum paterni corporis figuram & lineamenta, sed multo magis animi virtutumq. imaginem exprimit, viuere semper scriptorum ingenijs, qui ab eo subleuati, magnisq. præmijs honorati, eius nomen & famam, omni monumentorum genere, omnibus laudationibus, historijs carminibus celebrabunt. Nos igitur V. C. in huius religiosissimi, fortissimi, ac felicissimi Herois sepulchro, non marmoreo, non opere, & manu factio, sed in illo æternitatis, quod nulla consumet vetustas, ad perpetuam posteritatis memoriam hoc elogium inscribamus.

**HENRICVS . VALESIVS . FRANCISCI . F. GALLORVM  
R E X**

**BONONIAM . ET . CALETEM . AD . OCEANVM . CEPIT  
BELGIS . RHENO . FLVMINI . FINITIMIS . MAXIMO  
EXERCITV . OPEM . TVLIT . ROMAM . SENAS . PARMAM  
MIRANDVLAM . DEFENDIT . PACEM . CVM . PHILIPPO  
HISPANIARVM . REGE . FECIT . ET . PROVINCIAS  
VICTORIAE . CONDITIONE . AD . IMPERIVM . SVVM  
ADIVNCTAS . INAVDITA . LIBERALITATE . RESTITVIT  
QVIETE . TERRA . MARIQ. PARTA . OMNIVM  
FELICISSIMVS . MORTEM . OBIT  
DIXI**



ORATIO PRIMÆ

In ecclesia &amp; de ecclesia &amp; de ecclesia

Habitu Romæ

Carissimi in Christo, Episcopi religiosissimi,  
Venerabiles in Christo, religiosissimi.

In nomine Domini Amen. Quia in nomine Domini Amen.

SILVII ANTONIANI

S. R. E. PRESBYTERI

CARDINALIS

ORATIONES

Habitu Romæ.

Habitu Romæ.

Habitu Romæ.

Habitu Romæ.

Habitu Romæ.

Habitu Romæ.

Habitu Romæ.

Habitu Romæ.

Habitu Romæ.

## O R A T I O P R I M A.

De cognitionis, &amp; eloquentiæ laudibus.

*Habita in Gymnasio Romano 1563.*Cardinales Illustrissimi, Episcopi religiosissimi,  
Viri clarissimi, iuuenes nobilissimi.

ET V S est quorundam hominum, qui sensibus omnia metiuntur, querela & lamentatio naturam rerum omnium procreatricem, cum vniuersis animalibus parentis caritatem præstet, in vnum modum hominem noueræ odium exercere. Etenim ex tot generibus animalium, nullum esse, quod non aliquo corporis tegumento obducatur: Nam alia plumis, alia squamis, alia corijs, alia villis regi, atque vestiri, quo sint à frigore, & caloribus tutiora. Iam vero ut vim illatam repellere, & quæ interitum afferrent, facilius vitare possent, belluas omnes, vel feras, vel cicures, partim cornibus, partim dentibus, partim virgum aduncitate esse armatas; alias autem aut pedum celeritatem, aut pennarum pernicitatem mortis effugium habuisse, ipsas denique stirpes, ipsos arborum truncos libro & cortice muni. Solus hominem nudum & inermem nasci, atque à natura tæquam abortum ad gemitus, & eiulatus proiec-tum, & omnibus Fortunæ telis crudelissime propositum fuisse. Ceterum falsas hæc, & iniquas hominum ingratis-simorum criminationes, seu potius delirationes depellere non est difficile. Primum enim prouida illa, solersq. rerum omnium parens natura, quæ nihil superuacaneum, nihil non necessarium efficit, homini manum tribuit, instrumentum plane vtilissimum & admirabile, ita ut Anaxagoras non ignobilis, & perantiquus Philosophus, illud asseuerare non dubitauerit, hominem idcirco omnium animalium prudentissimum esse, propterea quod manus adminiculo vteretur. Quamquam verius dixisset, quandoquidem homo prudentia excellit, iure optimo à natura hoc præsidio instructum, ut ad varias & multiplices artes comparandas, diuersa etiam instrumentorum genera adhiberet. Itaque si recte cogitemus, hominem ad salutem, vitamq. retinendam

nendam meliore conditione esse videbimus, quam cetera animalia, quibus vnico tantum telo armatis illud neque deponere, neque mutare vnquam licet. At quanto munitior homo, cui manus omnium armorum instar est, nam & vnguis fit, & vngula, & cornu, & dens, atque ob digitorum molles commissuras, crebrosq. articulos, modo gladium stringit, modo hastam torquet, seq. ipsam contrahit, ac possrigit, & ad omnem motum facillime conuertit. At vero sagax natura, vt corpori manum dedit omnium artium ministram, quæ ad vitæ humanæ siue oblectationem, siue necessitatem excogitari poterant: ita etiam animo, quo nihil in homine melius, instrumentum alterum multo perfectius & diuinius, rationem scilicet, & mentem machinata est, quæ mens, vt inquit ille Philosophorum, quasi quidam Deus Aristoteles, mole quidem paruum, quiddam est, & exiguum, vi autem, & facultate longe maximum & præstantissimum. Etenim mentem cœlitus haurimus, & propter hanc Deo similes sumus, & æternæ illius felicitatis participes efficimur, ipseque homo, non hoc mortale corpus, non ea figura quæ oculis aspicitur, sed mens quæ ab aspectu nostro remota corpus regit, & moderatur, vere & proprie dici, atque existimari debet. Quapropter actiones illæ quæ a mente proficiscuntur, vt naturæ nostræ mirifice congruunt, ita, optimam & iucundissimam vitam pariunt. Sed quamuis hæc rationis, & mentis præstantia, qua belluis antecellimus, vniuersis mortalibus communis sit, ipsaq. natura hominum generi hanc intelligendi vim ingenerauerit, plerosq. tamen, siue propria negligentia, & inertia, siue parentum culpa, qui illos minime ingenua, & liberali disciplina educarunt, siue illius materiæ vitio, ex qua tota corporis, membrorumq. fabricatio coagmentata elicitur, vsque adeo rudes, & agrestes reperiri constat, vt ab ipsis bestiis nulla alia prope modum re, quam humana effigie, & figura differre videantur. Id vero propterea accidit, quod Princeps illa, & veluti Regina animi mens, nudæ tabulæ, vt magni & sapientes viri memoriæ tradiderunt, persimilis est: itaque rerum cognitione, & scientia perficitur, & tamquam pigmentis quibusdam coloratur, ex quibus deinde diuina illa & admirabilis sapientiæ imago, optimarum artium coloribus illuminata exprimitur. Vt igitur in agris, non satis est, terram vi sua fertilem, & vberem esse, nisi diligens cultura accedat. Nam glebas mollire, ac subigere oportet, vt solis calore tepefactæ, & aquis

, letificatae, semen sparsum recipiant, & interiori gremio recondant,  
 quod deinde magno cum impendio Agricola restituant, sic hominis  
 ingenium sine doctrina & studio fructuosum esse non potest. Hinc  
 illud scientiae desiderium omnibus hominibus insitum, hinc pueros  
 ipsos fabellas libenter audire, & innato ebgnitionis amore duci, ac  
 trahi videmus. Hinc ipsam pene clamantem naturam audimus, ni-  
 hil praestabilius, nihil magis homini congruens & conueniens esse,  
 quam multarum magnarumq. rerum disciplinam, scientiamq. perci-  
 pere. Nam per Deum immortalem quotusquisque est, qui ignoret,  
 viros eruditos, & humanarum diuinarumq. rerum intelligentia,  
 praestantes, imperitis hominibus quodam modo imperare? An non  
 illam optimi Philosophi sententiam, verissimam & plane auream iu-  
 dicatis sapere regium quiddam esse? equidem ita arbitror, quantum  
 homo ceteris animantibus, quantum anima corpori praestat, taneam  
 doctos, & scientes viros rudibus, atque ignaris anteire. Denique hoc  
 mihi vere dicturus videor, quo quisq. magis ingenium suum nobi-  
 lissimam artium doctrina excoluerit, eo magis hominem esse, pro-  
 piusq. ad diuinitatis naturam accedere. Quis igitur, ut tam prae-  
 clarum, tamq. diuinum bonum assequatur, non omnes labores quam-  
 uis maximos, & grauissimos libentissime suscipiat? quis non omni-  
 bus industriae nervis eo contendat, quo si peruenerit, immortalis  
 laudis, & gloriae fructum capiet, atque ab alijs veluti mortalis qui-  
 dam colatur? Deus quoque circa illorum industriam in celum iure opti-  
 mo efferre deoet, qui in hoc datissimo liberalium disciplinarum cu-  
 riculo ita elaborant, ut reliquis ad cursum ingredientibus viam  
 munire, & tamquam facem praeferre possent. Neque vos iuuenes  
 ornatissimi non omni laude digni estis, qui acri quodam cognitionis  
 amore inflammati ad praecelara aut Philosophiae, aut ciuilibus scientijs,  
 aut medicinae studia, toto pectore aeternae incumbitis. Ceterum  
 quamuis ad veram, & solidam laudem nihil antiquius esse debeas,  
 quam animum huiusmodi disciplinis ornare, & multarum rerum  
 scientiam comprehendere, minime tamen eloquentiae praestantia  
 negligenda est, nam quid laudabilius quam bene de hominibus me-  
 reri, & ea quae scimus, alios etiam docere? quid potro pulchrius  
 quam inuoluta, permixta, incompta, dilucide, distincte, ornate  
 dicere? Etenim ex rerum scientia, orationis copia redundat, & rur-  
 sus rerum obscuritas eloquentiae luminibus illustratur. At mihi  
 quidem



quidem inutilis, & pene puerilis eorum labor videri solet, qui omnis rebus, in orationis ornatu, & verborum delectu nimis fastidiose & delicate omnem operam consumunt. Idemq. statuo si ad præclarissimarum artium peritiam, splendida & copiosa oratio accedat, tum illud eximium quiddam, & omni laude cumulatum existere. Iam vero in hac civili communione, quanta sit eloquendi vis, quis ignorat? Neque enim frustra parens natura, ex omnibus animalibus homini solum, Sermonem dedit. Nam bellæ cum iucundi tantum, & molesti sensum habeant, sola voce indigent. Homo autem animal multiplex, qui & sensibus, & ratione tam multa, tamq. varia percipit, animæq. complectitur, mentis abditas notiones verbis, & nominibus quasi notis quibusdam exprimit, atque depingit. Itaque modo in Senatu an aliquid utile, aut inutile, modo in iudicio an iustum, aut iniustum, modo apud spectatores vtrum turpe sit, vel honestum ostendit. Quarum rerum præcepta & si potius ex reconditis Philosophiæ quam eloquentiæ fontibus hauriuntur, tamen hac facultate instructi id assequimur, ut rudem & imperitam multitudinem, quæ ab acuta illa, & subtili Philosophorum differendi ratione maxime abhorret, huiusmodi orationis genere & argumentis, quæ à communis intelligentiæ sensu non adeo disjuncta sint, non solum docere, sed delectare etiam, ac permovere facile liceat. Quod mea quidem sententia magna in laude ponendum est. Nam quid tam difficile, quam populum, immanem, & multorum capitum belluam, grauib. sententijs, & ornata oratione, veluti freno aliquo regere, ac moderari? quid tam admirabile, quam vnius hominis vocem intestinas seditiones comprimere, externa bella restringere, pacem & amicitias conciliare? quid tam præclarum, & magnificum, quam improbos deprimere, bonos, & innocentes ciues iniuria afflictos, erigere, & subleuare? etenim hæc omnia viros eloquentissimos in maximis, & potentissimis rebus publicis, & præstitisse olim, & nunc etiam præstare nemo, ut arbitror, negabit. Namq. ut falsas eloquentiæ laudes affingere, aut ineptum, aut ambitiosum videtur, sic suas illi, & proprias detrahere, valde sane iniquum existimo. Ut enim multo plura quam par est eloquentiæ tribuunt, qui illam à principio homines belluarum more in agris, & siluis dispersos, à fera, agrestiq. vita segregasse, & vnum in locum congregasse asserunt: quandoquidem re vera non oratio, sed ratio, non eloquentia, sed prudentia

dentia ciuitates constituit, hominesq. natura sua ad societatem procliuēs, vrbium, & legum cōmuniōne deuinxit. Ita fatendum est, eloquendi viam, nisi si quis non iam facultatis vitio, sed suo, ad bonorum perniciem abutatur, & priuatis præsidio esse, & vniuersæ reipub. ad bene, & feliciter viuendum maxima adiumenta importare. Hastenus de studio dicendi, deq. cognitionis præstantia. Nunc de me ipso pauca loquar. Ego, viri clarissimi, cum incredibili cognitionis ardore flagrarem, octo ab hinc annis adolescens, ac pene puer Herculem Atestinum Ferrariensem Principem Roma abeuntem, Ferrariam sum secutus, cui ego, si quid in optimarum artium disciplina profeci, quod tamen quam exiguum sit non ignoro, totum ferè acceptum refero. Is enim mihi sua beneuolentia, & liberalitate ad suscipienda primum, deinde etiam retinenda Philosophiæ studia auctor fuit. Itaque quadriennio Vincentium Madium, Philosophorum nostræ ætatis facile Principem Aristotelis doctrinam in illo celeberrimo Gymnasio explicantem diligenter audiui, cum interea festis diebus Poetis, aut Oratoribus publice interpretandis, me ipsum in humanitatis studijs extraordinaria prouincia excernerem. Sed postquam Hercules Princeps acerbissimo animi mei dolore ex hac vita excessit, Romam me iterum contuli, statimq. à Pio Pontifice optimo, cui non solum Sacrosancta Religio, & vniuersa Christianorum respub. sed ipsa etiam bonarum artium studia plurimum debent, paterna quadam pietate sum exceptus, atque ad hanc meam non mediocrem felicitatem, ille etiam velut cumulus accessit, quod me Carolus Borromæus Cardinalis, singulari, eximiaq. virtute, neque tam fortunæ commodis quam animi bonis illustris, in fidem & clientelam suam humanissime recepit. Cuius nunc etiam patrocinio fultus, vt Pij Pontificis mandatis parerem, graue hoc, & difficile antiquos scriptores interpretandi onus suscepi, sed cum multis Ingenij & exercitationis subsidij, quæ ad hanc rem opus essent, carere me sentiam, ne saltem mihi ipse deesse viderer, eum potissimum ex omni antiquitate delegi, quem vobis Iuuenes, & iuennidissimum, & vtilissimum, & probatissimum fore putavi. Itaque Milonianam illam summo artificio elaboratam, & omnibus dicendi luminibus ornata orationem, Deo iuuante, explicandam sumpsimus. Agite igitur Iuuenes nobilissimi Ciceronem Romanæ eloquentiæ parentem, Milonem defendentem, & aureum illud orationis flumen surgentem

dentem audiamus, quid enim præclarior quam præstantissimas disciplinas, quibus dies, noctesq. studetis, sermonis elegantia illustrare, & rerum cognitionem cum orationis copia coniungere, Vos Romani Romanum humanitate vestra complectimini, Iuvenes iuveni fauete, & in hoc virtutis stadio currenti, currentes ipsiamq. antegressi clamore & plausu animos ad currendum addite. Ego vero quo minus ingenio possum, tanto magis studio, labore, diligentia connitari, ut & tam egregio Pij Pontificis de me iudicio, & expectationi vestræ, & muneri meo aliqua ex parte satisfaciam. Sæpiusq. non quid ego hac mea quantulacumq. est facultate possim, sed quid potius præstare debeam cogitabo. Huius autem dici iucundissima recordatio sæpe me excitabit, & acres virtutis stimulos admouebit, mihiq. assidue ante oculos, Cardinales Illustrissimi, conspectus vestri, atque hic amplissimus clarissimorum virorum confessus obuersabitur, ac quoties in hunc locum ascendero, quoties subsellia ista respiciam, toties vobis singularis & diuini beneficii, quo me hodie nunc die ornastis, gratias agam, meq. tantum vobis, quantum mortalem mortalibus vix fas est, debere recordabor. DIXI.

*Præfatio ad Aristotelis Rhetoricam in Gymnasio*

*Romano habita.*



VAE, dux res illorum animos plurimum mouere, & possunt, & debent, qui ingenij viribus ad virtutem excitari, & laudis ac gloriæ studio incensi, optimis & liberalissimis artibus, quibus præcipue ad humanitatem informamur, acerrime incumbunt, & in publicis Gymnasijs viros doctissimos frequenter audiunt, ex, ut spero, ambæ pro me facient hoc tempore. Scriptoris inquam etuditio, & artis præstantia. Etenim cum superioribus hisce diebus, me iterum ad hoc interpretandi munus reuocari viderem, quod ut honestissimum semper, ita valde laboriosum iudicavi, equidem fateor, refugiebat animus, neque graui hoc onus subipere audebam. Cogitabam in primis rem arduam & periculosam esse, solum reliquis audientibus de superiore loco orationem habere, præsertim in celeberrima ciuitate præclaris, & excellentibus

inge-

ingenijs, hominibustq; eruditissimis affluenti; quid enim difficilius, quam in magna auditorum frequentia, cum de rebus gravissimis dicendum sit, omnibus satisfacere? quid porro periculosius quam singulis pene diebus, apud novos iudices graue ingenij & doctrine iudicium subire? Nam quoties quis dicit, toties de eo iudicatur. Et quidem facilius homines, & celerius dicentis vitia, quam virtutes animaduertunt. Atque ut ij, qui mare aliquando ingressi, ex magna iactatione tandem terram attigerunt, adduci vix queunt, ut & portu soluant, & easdem tempestates iterum subeant, ita ego cum experientia didicissem, quos labores ac difficultates hæc studiorum ratio secum afferat, plane pertimescebam eadem pericula, quibus semel perfunctus fueram, rursus ingredi. Ceterum cum illorum auctoritas & voluntas, quibus non obtemperare alijs inhonestum, mihi nefas est, me ad id agendum non solum hortaretur, sed etiam impelleret, collegi statim ipse me, ac ne in magno hoc, atque amplissimo ingeniorum quasi theatro, omnibus adiumentis destitutus versarer, illud mihi præsidio comparavi, quod onus huiusmodi aliqua ex parte subleuare, & quod caput est, vestram mihi beneuolentiam ad audiendum sua commendatione conciliare posse videbatur. Quamobrem ex omni antiquitate eum potissimum scriptorem delegi, quo nemo præstantior, facultatem autem illam, quæ doctissimorum hominum sententia, & pulcherrima, & vtilissima semper est habita. Etenim hoc anno, Deo iuuante, Aristotelis librum, de arte dicendi explicare constitui, opus sanè arduum, ac difficile, & magni laboris, sed tamen audendum est, quandoquidem & in rem præstantissimam, & libero homine dignam maxime omnis hic noster labor, & industria impenderetur, & non aliquem ex minorum rhetorum numero, sed Philosophorum omnium Principem, & quasi quendam Deum, Aristotelem Ducem sequemur, qui singulari quodam Dei munere mortaliæ generi datus videtur, ut quicquid rerum omnium parens, & procuratrix natura admirabili artificio fabricata est, tāquam eius scriba via & ordine accuratissime describeret, & veritatem naturæ animorum nostrorum, mentisq; pabulum, multis errorum tenebris inuolutam, incredibili, ac prope diuina ingenij, vi erueret, atque explicaret. Itaque & naturæ obscuritatem illustrauit, & disserendi subtilitatem ostendit, & quæ hominum vitam & mores, omnemq; bene viuendi disciplinam pertinent, diligenter

gentis

gentissime est persecutus. Iam vero de tota dicendi ratione vsque adeo acute, subtiliter, enucleate scripsit, vt nihil tribus illis aureis libris magis perfectum, & elaboratum fieri possit. Nam si reliquos rhetores euoluamus, qui infinita fere volumina oratorij præceptis impleuerunt, ac cum Aristotele velimus conferre, multa illos quidem præclare dicere reperiemus, multa conari, plura etiam inchoata & quasi adumbrata relinquere; neminem autem ad illud summum, absolutum, expletumq. omnibus numeris præter hunc vnum peruenisse. Hunc igitur Iuuenes nobilissimi, tamquam perennem fontem relictis riuulis consecremur, atque ex eo nobilissimæ artis præcepta hauriamus, quæ non solum liberalissimam animi oblectationem continent, sed magnos etiam vtilitatis fructus præbent. Etenim cum nihil pulchrius, nihil amabilius sit in vita, quam ciuilis hæc societas & communio, quæ homines inter se conciliat, & naturali quodam vinculo coniungit, profectò multarum magnarumq. rerum, quæ ad bene beateq. viuendum pertinent, administra, atque effectrix eloquentia, nobis præcipue colenda est, cuius potissimum auxilio hæc hominum coniunctio, & communitas seruatur. Diuina quædam res est Philosophia, animi cultura, naturæ indagatrix, Dei donum, & inuentum. Quis tandem id neget? sed tamen multos in Ciuitate Philosophos esse, si quis acutius consideret minus fortasse vtile videatur. Illi enim dum mentis oculis diuinarum rerum pulchritudinem intuentur, & in cælum vsque penetrant, magno animo elatoq. res humanas despiciunt, caduca hæc bona, & fugacia, subter se habent, & in vna modo contemplatione penitus defixi, quid in Ciuitate fiat, quid in foro, & Curia, de pace, aut bello deliberetur, nihil censent ad se pertinere. Itaque hanc hominum colligationem, quæ Ciuitas appellatur, qua ciues inter se naturæ, & legum vinculis connectuntur, quantum in ipsis est, dissociant & dissoluunt. Nam de medicina quid dicam? an est quisquam, tam impie ingratus, qui eam artem vituperare audeat, quæ ob eximiam eius vtilitatem iure optimo poetarum carminibus deorum immortalium inuentioni fuerit consecrata? Verum cum ex animo constemus & corpore, multoq. magis homines simus propter animum, quam propter corpus, Medicina corpus tantum tuetur, & illius egrotationes curat, animi autem morbis, qui sane grauiores & perniciosiores sunt, nullam fere adhibet curationem. mitto, quod non Vrbes

CITATO

M

solum

solum, sed populos, & nationes multis sæculis medicis caruisse memorie traditum est. Iam vero iuris ciuilis scientia præclara illa, quidem est, & perneccessaria, legibus enim ciuium salus, & Ciuitatum incolumitas continetur, nam quæ potest esse quieta, & beata vita, nisi improborum audacia legum seueritate, & suppliciorum metu coerceatur, bonorum autem virtus præmijs, & honoribus, quasi stimulis quibusdam incitetur? Quo fit, vt huius disciplinæ subsidio sæpe vtatur eloquentia, & sane affines inter se sunt, & finitimæ. Sed tamen tota hæc siue ars, siue facultas in iudicijs, controuersijs, & disceptationibus versatur; alteram vero deliberandi partem, quæ latius patet, & omnes reip. vtilitates complectitur, quæq. summo in honore semper fuit, vix, aut ne vix quidem attingit. Quamobrem Iuuenes ornatissimi ad hæc eloquentiæ studia alacri animo ingrediamur, quibus patriam seruare, amicis & propinquis opitulari, nobis ipsis prodesse possimus; hæc enim studia in prosperis rebus nos oblectant, in aduersis opem, & salutem ferunt, vigent in senatu, dominantur in iudicijs, populi maximos plausus & clamores excitât. Quod si aut cum principibus, & magnis viris graui negotia tractamus, aut cum amicis rerum colloquia leuiorum instituimus, semper & fructuosa sunt & iucunda, locisq. omnibus personis, ætatibus, temporibusq. accommodata. Quarum rerum facultatem si assequi cupimus, nobis frequenter audiendus est Aristoteles, atque hi tres perbreues quidem, sed plane aureoli libelli diligenter legendi, ediscendi, ita vt penitus inhærescant in mentibus. Quæ de scriptoris, & artis præstantia, & nobilitate dixi, ea vobis Iuuenes nobilissimi confido esse probata. Vtinam quæ à me præstanda essent, prolixè adeo, polliceri possem. Dabo tamen operam, & pro eo ac debeo totis viribus connitar, vt quantum ad hoc munus exequendum ingenij, & doctrinæ detractum, tantum studij laboris, diligentie additum esse videatur.



## ORATIO SECVNDA.

*Pro S. Stephani festo conscripta.*

Pater Beatissime Cardinales Illustrissimi.



I temporibus antiquis, apud nobiles illas, illustresq. Græcorum Republicas, non solum patrio maiorum more optime institutum, sed legibus etiam prudenter sancitum erat, vt ij, qui pro salute Patriæ fortiter pugnâdo, in acie cecidissent, præter publici sepulchri monumentum, ornata quoque & copiosa oratione, a viris eloquentissimis celebrarentur, profecto multo magis nos Christianos decet, sanctorum Martyrum inuictam fortitudinem, gloriosamq. mortem veris laudibus, in Cælum efferre. Quamquam non ea quidem de causa, quod ipsis celebratione nostra, qua nihil indigent, splendoris aliquid addere possimus: siquidem in memoria æterna erit iustus, sed vt nos ipsos, dum illorum res gestas commemoramus, quibusdam quasi stimulis, ad virtutem, & Religionem excitemus. Mihi itaq. hodierno die, Deo iuuante, qui infantibus etiam dicendi facultatem, & eloquentiam largitur, fortissimum Christi militem Stephanum laudare propositum est. In quo laudationum leges non sequar, vt à Patriæ, Parentumq. nobilitate aliquid sumam. Etenim nec mundi huius gloria ornare illos potest, quibus mundus ipse crucifixus est, & ipsi mundo, & quorum Patria Cælum est, & Pater Deus, nec sane necesse est eum alieno lumine illustrare, qui per se se splendet, propriæq. virtutis meritis decoratur. Hic igitur ille est Stephanus, qui primus Imperatoris sui vestigia persecutus, iterq. nondum tritum ingressus, se ipsum, vitamq. suam æterno Patri obtulit, mortemq. magno & excelso animo appetijt, vt Christi doctrinam graui testimonio comprobaret, & veritatem, quæ diu in occulto latuerat, in omnes gentes, totiusq. posteritatis memoriam propagaret. Celebrant nunc antiquæ Romanorum Historiæ, Decios illos, & Fabios, ceterosq. egregios Duces, qui se pro Republica deuouerunt; quorum mortem fortunatam arbitrabantur, quod vitam naturæ debitam Patriæ potius dedissent, quibus elogia inscribebant, Sepulchra erigebant, Statuasq. statuebant, illis tamen omnibus, magnis quidem

M 2 dem

dem, & clariffimis viris, longe Stephanus, cum virtutis præſtantia, cum etiam charitatis gloria antecellit. Illi enim pro terrena hac Patria pugnantes occubere, hic autem pro cæleſti. Illi pro vnius ciuitatis, vniuſq. exercitus incolumitate in medias hoſtium acies iruebant, hic pro omnium mortalium ſalute. Vt quantum in ſe eſſet, vniuerſum Terrarum Orbem veram eundi in Cælum viam doceret. Illi poſtremo vt populares laudes, & caduca præmia conſequi poſſent, hic vt diuina felicitate, & perpetua Beatitudine omnibus ſæculis cum Deo frueretur. O Stephane, tuo nomine plane digne? quem magnus, & omnipotens Imperator Deus, inuiſtę fortitudinis ergo, corona illa coronauit, quæ nulla vñquam veruſtate conſcisci, aut conſumi poteſt. Tu plenus gratia Spiritus ſancti, ſigna magna, & prodigia in populo edebas, tu in medio glorioſi certaminis tui ardore, Cælos apertos videbas, & ſempiternæ vitæ ſuauiſſimam, quam paulo poſt cumulate percepturus eras, animo, & mente præguſtabas. Tu cum ſcelerata Iudæorum manus corpus tuum lapidibus obruerent, fixis in Cælum oculis orabas (o pietatem admirabilem, & clementiæ Magiſtri tui expreſſam imaginem) orabas inquam Deum pro interfectoribus tuis, ne ob id, quod in te nefarie commiſerant, peccaſſe illos ſtatueret. Quam ſtabilem igitur, firmamq. fidem in hoc fortiſſimo Martyre fuiſſe credimus? Quam viuam viridemq. ſpem? quamq. diuini amoris flammis ardentem, charitatem? Etenim quid ita Stephanus cum lapidibus percuteretur, graues icſus non ſentiebat? quia Chriſtum vñcè amabat. Cur plagas & vulnera contemnebat? quia in Chriſto ſpem omnem repositam habebat. Cur denique acerbiffimos cruciatus, tanta conſtantia appetebat? quia Chriſti Dei filij cæleſtem diſciplinam, aduerſus ſtultos mundi huius ſapientes tueri volebat. O Chriſtiana Religio? vere ille cæcus eſt, qui veritatis tuæ clariffimam lucem non videt. Illos ego miſeros & infelices, qui inferni tenebris, & caligine occęcati Solem iuſtitie aſpicere non poſſunt, mihi velim dicere. Quamnam arte Ieſus Chriſtus. Saluator noſter, eiusq. Diſcipuli, vniuerſum prope Terrarum Orbem, ab impio Deorum cultu auocauerint, ſibiq. adianxerint? Quæ illa fuit eloquentia? quæ machinæ ad hominum animos contorquendos ſunt adhibitæ? Equidem nec Imperia, nec diuitias, eis pollicebantur, quos pauperibus ſua omnia dare iubebant: nec peccandi licentia voluptatumq. illecebris, tamquam

laqueis



laqueis irretiebant. Immo illis ante oculos temperantiam, paupertatem, hominum iniurias, & ignominiam, mortem postremo ipsam, & Martyrium proponebant. Audiant Magistrum ipsum loquentem, & inaudito orationis genere, Auditores in sententiam suam trahentem. Siquis vult post me venire, abneget semetipsum, & tollat crucem suam, & sequatur me. Diligite inimicos vestros, benedicite his qui oderunt vos. Ecce ego mitto vos sicut oves, in medio luporum, & eritis odio omnibus propter nomen meum. Hęc illius, hęc Apostolorum erat oratio. Et tamen qui hominum concursus fiebant? quanta audientium multitudo erat? vt non solum domus, & Ciuitates, sed Populi, & Prouincię ab inueterata Deorum superstitione ad veram Religionem traductę fuerint. Nam, quid ego de inuicta Martyrum patientia loquar? Etenim quę carnicum tormenta, quos cruciatus insatiabilis Tyrannorum crudelitas non adhibuit? quos Eculeos? quas carnificinas, illę in hominis figura effratę, atque inmanissimę bestię non excogitarunt? vt Christianos vero Deo relicto, mendacium Deorum simulacris sacrificia facere compellerent? Attamen, non viros modo fortes, & robustos, sed neque pueros imbecillos, neque infirmas mulierculas superare potuerunt. Nam infirma mundi elegit Deus, vt confunderet fortia. Itaque illarum virtute, & constantia, sæpissime seuum humani generis hostem domuit, quo maior illius dolor esset, cum à muliebri imbecillitate, qua nos ille primum vicerat, insigni victoria vinceretur. Quapropter fortissimi, & constantissimi Martyres, valida lorica, hoc est Spiritus sancti gratia tecti, atque armati, transibant per ignem, & aquam, nullius supplicij timore retardati, nulliusq. præmij dulcedine illecti. Hinc caducas, & fragiles diuitias contemnebant, vt cęlestia bona consequi possent. Hinc terreno hoc domicilio priuari volebant, vt Cælum haberent. Mundi infamiam vltro subibant, vt Coronam glorię obtinerent. Lucem denique hanc amittere, & breui vita per maxima tormenta spoliari eligebant, vt beatam illam atque æternam adipiscerentur. Itaque in medio carnicum, & tortorum, cum conquistissimis cruciamentis crudeliter laniarentur, tanquam si inter flores essent, canebant, Dominus mihi adiutor, non timebo quid faciat mihi homo. Non timebo mala, quoniam tu mecum es. Quid enim timerent, qui corpus tantum occidunt, animam autem non possunt occidere? quiq. vas fictile San-

le Sanctorum perfringunt, Thesaurum vero quod intus reconditum est, diripere non queunt? Calcabant igitur Serpentes, & Scorpiones, teterrimos scilicet & truces Tyrannos, priusq. valentium licitorum lacerti, cedendo deficiebant, quam Martyrum tolerantia vinceretur. Quorum vox illa amoris, pietatisq. plenissima inter verbera & vulnera audiebatur, Christianus sum, quoque acius torquebantur. Eo magis clamabant, Christianus sum. Deoq. adiutori ingentes gratias agebant, quem suppliciter precabantur, vt inimicis suis, plane quid facerent nescientibus, ignosceret. Quemadmodum fortissimus Christi Athleta Stephanus hodierno die pro Iudæis orabat. Qui quidem dies communi omnium Christianorum lætitia coli, & celebrari debet: ob gloriosum clarissimi huius Herois Triumphum, nobis vero adhuc lætior illuxit; quod hoc quoque die magno Dei numine contigit, Sanctissimum, & vere pium Pastorem nostrum. Corona Pontificia coronari. Quod vt ipsi, & Christianæ Reipub. per multos annos faustum, fortunatumq. sit, vtq. diu Christi Gregem per summam tranquillitatem, & concordiam prospere, & feliciter regat, omni precatione ab immortalī Deo petere debemus. Nūc autem ad te Stephane beatissime (quod mihi vnum in hac Oratione reliquum est) sermonem meum conuerto, req. per Martyrij tui victoriam, perq. illas preces, quas pro hostium salute in extremo spiritu fudisti, oro, atque obtestor, vt omnipotentis Dei clementiæ, & misericordiæ, continue quod facis, Christianum Populum commendes. Seruet Dominus Ecclesiam suam, eius vnici filij morte, & sacro Martyrum sanguine lætissime propagatam. Stet immobilis Turris ista quæ firmæ Petræ fundamento nititur. Ipse veritatem Religionis suæ aduersus impias hæreses tueatur. Ipse Sponsam suam consoletur, lugentē quotidie de omnibus ijs, qui peccauerunt, & poenitentiam non egerunt de peccatis suis. Subleuet dextera præpotenti illos, qui corruerunt, & erigat omnes elisos. Vt tandem eius pietate, quæ sola inueteratis Christianæ Reipub. vulneribus, salutarem medicinam adhibere potest, qui in tenebris, & umbra mortis sedent, in lucem emergant, ouesq. vagæ & dispersæ, Pastorem suum vnum, propriumq. agnoscant, & membra miserabiliter diuulsa, atque abscissa, sacrosancto mitissimæ Matris Ecclesiæ Corpori, cuius Caput ipse est Christus, arctissimis compagibus coniungantur. D I X I.

ORATIO

## ORATIO TERTIA.

*In exequijs Imperatoris Ferdinandi in Basilica SS. Apostolorum habita.*

Pater Beatissime.



**E**t si ego potissimum hodierno die hoc onus, munusq. suscepi, Maximi Imperatoris mortem deslendi, deq. eius dicendi laudibus, id tamen argumento nequaquam est, me vnum præter ceteros, aut grauissimum Christianæ Reip. vulnus dolentius deplorare, aut præclaras optimi Principis virtutes copiosius, ornatusq. explicare posse. Sed profecto illud potius æstimare hinc licet, tantam esse huiusce mortis acerbicatem, dolorisq. magnitudinem, vt ad vniuersos homines, omnium generum, atque ordinum pertineat; nullusq. modo Christianus sit, non ita animo afficiatur, vt tamquam in suo, & proprio luctu sibi dolendum putet: rursusq. tales esse, ac tantas plane diuini hominis virtutes, vt in illis enumerandis, nemini orationis copia defutura videatur. Quamuis itaque multis me vel ingenij, vel exercitationis præsidij ad dicendum destitui non ignorem, tamen & Pij Pontificis clientem, ac seruum, cum Patro-num, & Dominum suum ex optimi & carissimi filij morte, magno animi dolore commoueri videat, ipsum quoque flere decet, & Romanum hominem, Romanorum Imperatorem celebrare consentaneum est. Quamquam huiusmodi sunt Ferdinandi Augusti res gestæ, vt externa ornamenta, & oratorij artificij lumina non requirant, ipsæ enim per se extant, atque eminent, & narrari modo, non etiam ornando amplificari desiderant. Memoria tantum ad percensendum opus est, neque tamen vniuersa numeranda & oratione complectenda sunt. Id enim immensum quiddam, & plane infinitum esset. Quapropter nonnulla tantum breuiter attingam, ex quibus reliqua etiam spectare, & tamquam expendere facile erit, quemadmodum ex solo hominis capite, aut etiam pede, ceterorum membrorum magnitudinem, & totius corporis proceritatem metiri, atque æstimare licet. Vt igitur quæ minus nostra sunt, nec propria animi bona censentur, generis inquam nobilitatem, & maiorum gloriam

gloriam omittam, quotus enim quisque est qui ignoret? Ferdinandum Augustum, ex vetusta & nobilissima Austriorum familia ortum esse, quæ vna à Deo, ad Christianæ Reip. & Religionis nostræ defensionem data diuinitus videtur, ex qua tot Reges, tot Imperatores prodierunt, qui vniuersum terrarum orbem victorijs, & triumphis illustrarunt, quamquam magnum hoc est, nam ex regia & generosa stirpe proficisci, magnam futuræ virtutis spem asferre solet, sed tamen sunt alia maiora, & ipsius Ferdinandi propria, Religio inquam, iustitia, constantia, fortitudo, & admirabilis quædam, ac penè diuina, in regendis populis, & Romano Imperio tuendo, cura, atque prudentia. nullam hic sibi partem Fortuna vindicat, nihil ex hac gloria decerpit, neque vt bellicis laudibus plerumque accidit, aut cum illa ipsa bellorum domina, aut cum militum virtute, locorum opportunitate, æneorum tormentorum apparatu, hanc laudem communicare necesse est. Sed quantacunque est, quæ certe maxima est, tota ipsius Ferdinandi est, & propria. Nam vt de Religione primum dicam, quæ virtutum omnium tamquam fundamentum quoddam est, quis vmquam Romanos Pontifices maiori pietate, atque obseruantia coluit? quis Romanæ Ecclesiæ, quæ Ecclesiarum omnium mater est, & magistra, aut libentius paruit, aut eam maiori veneratione est prosecutus? qui seipsum felicem & fortunatum fere arbitrabatur, si pro eius maiestate vitam, & sanguinem profudisset: à qua quidem animi firmitate & constantia, Princeps optimus, non solum alieno impulsu, sed neque proprio dolore deiici, aut dimoueri vmquam potuit. Fidei vero Catholicæ incorruptam integritatem, quam à maioribus acceperat, liberis etiam suis hereditariam reliquit. Etenim cum nobilissima Prouincia, flos & firmamentum Romani Imperij, nouis & pestiferis opinionibus imbuta, dum inconfutilem Christi Tunicam discindit, miserabili incendio conflagraret, illum hæc flamma non attingit. quamquam intimis sensibus, & maximo dolore angebatur, nullaq. eum cura sollicitabat vehementius, quam vt tot flammæ restingeret, tot dissensiones & discordias sedaret. O rem inauditam, & plane admirabilem? quis ignem in sinu gestat, & vestimenta illius non ardent? quis super prunis ambulat, & plantæ illius non comburuntur? hic tamen Princeps religiosissimus, tamquam alter Loth, cum detestabilis lues ipsius Regna longe, lateq. peragraret, & in ipsis Imperij visceribus hæreret, nulla pestis contagione est

est inquinatus, & quamuis in medijs esset fluctibus, iactari quidem potuit, mergi vero numquam potuit. Nam per Deum immortalem, quid illo Principe laboriosius? quid magis exercitum dici potest? vna quidem parte fectus & potentissimus hostis Turca, eius Regnis imminabat: ex altera vero hæreticorum machinis oppugnabatur. Sed tanta erat laborum patientia, tanta excelsi, inuictiq. animi fortitudine & constantia, vt neque de prosperis rebus efferri, neque aduersis frangitur debilitari patere. Itaque & sua Regna tutatus est, & religionis restituerq. curam, numquam deposuit. Nam vt illud omittam, quod æcumenicum Concilium conuocari vnus omnium maxime expeti optauerit; quod à Romanis Pontificibus sæpe indictum & inchoatum; sæpe etiam calamitosa temporum conditione interruptum, ab ipsâ instaurari, assiduis precibus enixe curauerit; certo extremo hoc tempore, quo Tridentinum Concilium Pij Quarti auspicijs celebratum est, egregiam animi pietatem, singulare Christianæ religionis propagandæ studium, incredibile pacis & concordie desiderium apertissime declarauit. Gaudebat optimus, & Christianissimus Princeps, & immortales Deo gratias agebat, eum tandem Pontificem renunciatum esse, qui in hanc vnâ potissimam curam toto pectore incumberet, vt dispersas Christiani gregis oues, ad Catholicæ Ecclesiæ communionem reuocaret, atque reduceret. Eius enim sensus & cogitationes omnes cognitæ & perspectæ optime habebat, qui illi ante Pontificatum, omnibus amicitie & beneuolentiæ vinculis coniunctissimus semper fuerat. Neque vero spes sua decedit. Quandoquidem incredibili Dei benignitate, summorum maximorum Principum animorum; & voluntatum consensione, qua reliqui etiam Reges & Resp. inuitatæ; & tamquam facibus admotis ad eandem studiorum societatem excitatæ sunt, singulari quoque Legatorum Apostolicæ Sedis virtute & vigilantia, & sanctissimorum Patrum assiduis laboribus factum est, vt sacrosanctum Tridentinum Concilium, antiquis illis & doctissimorum hominum frequentia, & rerum gestarum magnitudine comparandum, longo intervallo, Deo, hominibusq. approbabilibus felicissime absolutum sit. Quod vbi cognouit, vere Catholicus Imperator, quo gaudio exultauit? qua lætitiæ voluptate perfusus est? vt iam sibi mortem suauem, & iucundam fore affirmaret. His monumentis, Pater Beatissime, Ferdinandus Imperator, religionis suæ

memoriam ad immortalitatem consecrauit . Nam illa Christianæ pietatis officia , quæ plerumq. domesticis parietibus teguntur , solemnibus sacrificijs , & Dei laudibus non solum matutinis , sed & vespertinis interesse , Dei verba attentissime audire , sæpius à peccatorum labe Christiano ritu expiari , pauperum inopiam , & egestatem sua liberalitate subleuare , & reliqua huiusmodi , ex quibus religiosissimi Principis sanctitas non mediocriter elucebat , silentio prætereo . Ex hoc fonte ceteræ illæ virtutes fluxerunt , Iustitia quæ virtutum omnium tamquam regina est , qua Reges ipsi ad Dei similitudinem maxime accedunt , qua vna præcipue , hæc civilis hominum communio , & consociatio continetur , eximia liberalitas , & magnificentia , clementia vero & mansuetudo tanta , vt nihil illo Principe humanius , nihil lenius fieri posset . Nemini ad illum aditus interclusus erat , priuatorum etiam querimonias singulari humanitate audiebat , neminemq. iniuste ab aliquo lædi patiebatur , ita vt omnium Pater esset non dominus , & qui Imperatoria dignitate maxime Regibus excellebat , facilitate par infimis esse videretur . Iam vero quantum consilio , quantum prudentia valuerit , & si res ipse loquuntur , tamen à me prætereundum non est . Quantæ enim sapientiæ hoc fuit , in tanta religionis dissensione , quam rerum omnium perturbatio , atque euersio consequi solet , in tantis hæresum tempestatibus , quibus nobilissima regna non solum iactata , sed fere euersa sunt , quietem & tranquillitatem tueri potuisse ? Sed quodnam illustrius aut grauius huius rei testimonium asserre possum , quam Caroli Quinti fortissimi , & sapientissimi Imperatoris , germani eius fratris iudicium ? illius inquam Imperatoris , in quo vno summam fortunam , cum summa virtute coniunctam vidimus , cuius laudem omnium sæculorum posteritas celebrabit , cuius gloriam nulla vquam obscurabit obliuio . Hic igitur tantus Imperator , virtute , felicitate , in maximis bellis gerendis Ferdinando fratre , socio & adiutore vsus est ; nam & si Ferdinandus pacis & otij artibus magis floruit , non tamen bellica laude caruit . Quippe qui & fraternarum victoriarum particeps fuit , & Turcarum impetus singulari fortitudine sæpe repressit , & tanquam propugnaculum Christianæ libertatis , Solymantum maximis copijs Italiæ minitantem retardauit . Ita vero se vicissim concordissimi fratres diligebant , ita se mutuis officijs colebant , vt alter alteri caritate filius , obseruantia parens esse

esse videretur. Iam vero quod in Poetarum fabulis est, Atlantem ut se ipsum pondere leuaret, Herculis ceruicibus Cælum imposuisse, ita plane Carolus, primum quidem in rep. administranda Ferdinandi Cæsaris adiumento est usus, tum ad extremum totum illi onus, atque vniuersam Romani Imperij regendi prouinciam tradidit. Ac mihi quidem duorum post hominum memoriam clarissimorum fratrum res gestas intuenti illud potissimum admirandum videri solet, vtrumque diuersa admodum, ac dissimili ratione, parem atque equalem laudem consecutum esse. Ille enim dum maximum Imperium deponit, hic dum suscipit, ille dum quasi graui curarum onere abiecto ad cælestis gloriæ palmam properat, hic dum ad extremum usque spiritum hominibus prodesse studet, vtriq. præclarum animi magnitudinis exemplum posteris reliquerunt. Etenim Ferdinandus nunquam fere à publicis negocijs, & rerum maximarum administratione. requiescere consueuerat. Sed inuicto quodam animi robore nullis laboribus succumbebat. Nam quanta constantia fuerit, cum sæpe alias in rebus aduersis tolerandis, & fortunæ telis fortiter repellendis, tum etiam in hoc quasi extremo vitæ actu, luce clarius indicauit. Nam cum graui & diuturno morbo ita affectus, atque afflictus esset, ut si ad grauem valetudinem, negotiorum labor accessisset, exigua vitæ spes superesset, tamen ne sui dissimilis videretur, emori malebat, quam minus quam posset Christianæ Reip. cōsulere. O fortissimum Imperatorem! O optimum Principem. qui ne vltimum quidem vitæ diem ab Imperatorio officio ac munere vacuum esse voluit. Quid ego nunc incredibile illius patientiam in perferenda morbi acerbitate commemorem? qua doloris vim adeo superabat, ut si quis corpusculum illud non iam viuentis hominis, sed potius spirantis mortui imaginem, aspiceret, Ferdinandum non agnosceret, idem vero si constantiam attenderet, pristinam virtutem, & inuictam animi fortitudinem plane agnosceret. Quid quod tamquam alter Iob Deo semper gratias agebat, eius solo nomine recreabatur, & in sola futuræ vitæ cogitatione conquiescebat. Itaque ut vitæ sanctissime, & integerrime actæ, mors quoque consentanea foret, cum dies celeberrimus glorioso Iacobi Apostoli martyrio consecratus venisset, quem diem ipse plane diuina quadam præfagatione longe ante extremum sibi fore prædixerat. Cum iam ex Christianæ religionis institutis ad mortem paratus atque expeditus esset,

cum huiusmodi suos amantissimos optimis consilijs ad pietatem & iustitiam instruxisset, cum iam Cælos apertos intraretur, & terreni huius carceris vincula dissolui cuperet, atque hinc ad Christum euolare, in hac ipsa sempiternæ beatitudinis meditatione Princeps sanctissimus excessit de vita. Equidem hoc loco si illud tantum nobis ante oculos proponamus, virum optimum, veteris pietatis & innocentiae exemplum, sancte adeo ac religiose ex huius vitæ miserijs in cælum migrasse, quando qui in domino moriuntur beati, & felices sunt, sancti Ferdinandi mortem non lacrymis, sed gratulationibus prosequendam arbitrabimur. Quod si quantum praesidij resp. amiserit contemplemur: quisnam obsecro ita ferus aut ferreus sit, qui communi calamitate non commoueatur? qui optimi Imperatoris vitam laudibus, aut mortem lacrymis non honoret. Quamquam si pro meritorum & doloris magnitudine aut illa laudari, aut hoc deplorari deberet, non iam vnius hominis vocem requiramus, sed vniuersam Christianam Remp. tanquam in vnum corpus conglutinatam necesse sit, cuius lingua optimi Principis vitam sanctissime ostendat prædicet, oculi vero assiduis lacrymis acerbissimam mortem deplorent. Ceterum etsi in tanto reipub. vulnere fatis dolere non possumus, tamen noster hic luctus magno solatio leuatur. Nobis enim Ferdinandus, clarissimum nominis sui monumentum reliquit Maximilianum filium, effigiem virtutum suarum pietatis, prudentiae, fortitudinis, religionis. Quamobrem Pie Pontifex Maxime iam alterum hunc filium habes, in cuius amore dolorem illum deponas, quem ex parentis morte cepisti maximum, quem etiam hodierno die declaras, dum luctuosi huius funeris munus persoluis, & mortui animam Deo immortalitatis auctori pijs precibus commendas. Hic non secus ac Ferdinandus ipse optimam ad Remp. conferendam mentem & voluntatem affert, his tuis consilijs semper obsequetur, atque ut filium parentem decet, te vnum singulari obseruantia colat, ac reuerbitur. Hic maiorum suorum gloriae æmulus, & paternæ pietatis imitator, acerrimus Ecclesiae defensor, & Christianæ religionis propugnator erit. Tu quoque Maximiliane Auguste, te enim absentem, tanquam praesentem appello, quamquam luctu afflictus es, hac tamen consolatione dolorem minuere, & lenire debes, quod tibi parentis loco Pius Pontifex futurus est, qui te tanquam carissimum filium vnice diligit, cuius multa erga te pa-



triae caritatis atque animi officia, & nunc quidem extant, & maiora in dies sunt expectanda.

## ORATIO QUINTA.

*In sedere Helvetiorum ad Pium Quartum.*



**N**E MINI dubium esse arbitror, Pater Beatissime, rerum omnium naturam, mundumque hunc vniuersum, cuius admirabilem pulchritudinem & ornatum, partim oculis, partim mente, animoque intuemur, optimi & prepotentis Dei numine, ac potestate administrari; eiusdemque singulari quadam benignitate hominum generi, & humanis rebus consuli, ac provideri. At vero nos Christiani, quibus solis abdita Regni Dei mysteria, nosse licet, illud quoque compertum, & exploratum habemus, esse in terris Ecclesiam Dei, quae ab eo vnice diligitur, cuius saluti & incolumitati paterno amore & caritate prospicit, quam denique cura sua, & prouidentia praecipue semper tueretur & regit. Id autem cum sepe alias superiori tot seculorum memoria multis grauissimisque argumentis cognitum est, tum maxime hoc ipso tempore declaratur. Etenim qualis nam sit praesens rerum nostrarum conditio, quis Reip. Christianae status, neque sine magno animi dolore cogitari, neque absque multis lacrymis explicari potest, hostis inmanissimus Turca, odio in Christianum nomen implacabili, imperij magnitudinis, atque omni copiarum genere terra, marique potentissimus, maxima & instructissima classe Siciliae maria occupauit, Melitam insulam obsidet, oppugnatque vehementissime, iamque si victoria potiri contingat, quod Deus auertat, cum omnibus Christianae nonum Regum & Principum prouincijs, tum in primis huic urbi, cladem, vastitatem, ferrum, flammamque minatur. Neque enim ignorat hanc Ciuitatem terrarum orbis reginam, caputque esse, Christianae Religionis domicilium, & Catholicae fidei matrem & magistram, atque in his potissimum collibus Christi Crucem illam, quam ipse euellere & excindere omni machinatione molitur, atque

mis

mis defixam esse radicibus . Itaque quam graui, formidolosoque bello premamur, quam multa nobis vndique pericula immineant, nemo non videt . Sed tamen qui diues est in misericordia Deus, sponsam suam carissimam, & amantissimam numquam obliuiscitur, præsensque nobis in difficillimis rebus offert auxilium : Ecce enim a quinque nobilissimis Heluetiorum Pagis, qui antiqui foederis appellantur, illis inquam quorum egregia & præstantissima virtus, non minus in Catholica religione constantissime retinenda, quam in prælijs fortiter gerendis, cognita & perspecta est ad Sedem Apostolicam, Romanumque Pontificem Legati; ad cuius sanctissimos pedes vnanimi consensu, & voluntate prostrati seipso, bona, fortunas, liberosq. suos in eius fidem, & clientelam tradunt, Pium Pontificem, patronum adoptant, illi dexteras suas fide, & fortitudine præstantes, pacisque testes & obseruantij tendunt, arma, copiasque omnes, ac quidquid in suorum militum virtute, & robore præsidij est, quod certe maximum est, beato Petro, & Pio Quarto eius successori, ac Sacrosanctæ Romanæ Ecclesiæ pollicentur . Hæc autem omnia Melchiore Lusio viro fortissimo, magnæq. apud suos auctoritatis, qui eximiam in patriam charitatem, animiq. magnitudinem & constantiam, sæpius iam ad Romanos Pontifices Legatus est missus, quem etiam in conspectu vestro astare hic videtis, internuntio, atque interprete sunt gesta . Ipse enim honestissime legationis munere fungitur, & publico nomine Sanctum, religiosumque cum Pontifice Maximo, & Apostolica Sede foedus fecit . In quo quidem quid primum admirer, aut quid primum commemorem ignoro ; Dei ne immortalis summum erga nos amorem ? an sapientissimi Pontificis incredibilem prouidentiam ; an postremo fortissimæ, & bellicosissimæ nationis pietatem, & religionem singularem ? Nam quis obsecro hoc loco diuinum numen non agnoscat, quis Dei digitum hic esse non videat, quis sancti spiritus afflatu hæc omnia geri non fateatur ? Deus Deus inquam filiorum corda ad parentes, & parentum ad filios conuertit, Deus illis hanc mentem iniecit, vt maiorum suorum gloriæ æmuli, atque imitatores esse vellent, seque illorum veram & germanam sobolem, non solum bellicâ virtute, & domestico illo, natiuoq. excelsorum animorum robore, sed multo magis pietate in Deû, atque hanc Sacrosanctam Sedem comprobarent . Fuit enim superioribus temporibus præclara illa Heluetiorum omnium, & fere præcipua

pua laus Romanos Pontifices religiosissime colere, ac venerari, seque Pontificiæ maiestatis custodes, & propugnatores acerrimos profiteri. Nullius Pater Beatissime tantum est eloquentiæ flumen, nullius tanta orationis vis, tamque copia quæ fortissimæ gentis bellicas laudes enarrare, aut clarissimas victorias enumerare possit. Quamquam illæ quidem omnium gentium linguis, omnium scriptorum præconijs celebrantur, vigeantque totius posteritatis memoria trophæis, monumentisque amplissimis immortalitati commendatæ. Sed illa in primis prælia maximis omnium sæculorum laudibus, effertur, quæ pro fide Catholica, Romanorumque Pontificum salute, & dignitate tuenda, non minus pie & religiose, quam fortiter feliciterque gesserunt. Quoties hæc Sacrosancta sedes, cum periculosis bellis premeretur, à robustissimis Helvetiorum legionibus auxilium expetiuit? Quoties illi generosa quadam iracundia incitati, cum parentem optimam impijs armis opprimi viderent, summa alacritate accurrerunt? quoties denique incredibili fortitudine superatis profligatisque hostibus Pontificum auctoritatē imperiumque defenderrunt? quarum rerum memoria litteris commendata, vetustis ipsorum annalibus, & publicis commentarijs summa fide & diligentia, conseruatur. Vt his tamquam facibus admotis, posterorum suorum animi, ad similem virtutem & laudis cupiditatem excitentur. Quamobrem iure optimo, cum de Catholica Ecclesia, summisque Pontificibus præclare adeo Helvetij meriti sint, cum alijs multis Apostolicæ Sedis honorificentissimis decretis ornati, tum illo imprimis pulcherrimo, splendidissimoque titulo decorati sunt, vt libertatis Ecclesiasticæ defensores appellentur. Quo elogio quid illustrius, quid gloriosius, quid magnificentius dici, aut cogitari potest? dies me deficiet si omnia nobilissimæ, inuidissimæque nationis ad laudem, & gloriam natæ ornamenta percensere velim. Sed quid ego vetera commemoro? en maioribus illis, patribusque dignissimos filios intueri licet. Hi enim vere Helvetij dicendi sunt, qui & antiquam rei militaris disciplinam, auitumque robur, & quod maximum est, eandem Catholicam Religionem, quam a maioribus suis longa sæculorum serie acceperunt, constantissime retinent; neque id sibi vniquam persuaderi passi sunt, vt ab hac sententia decederent, animumve inducerent nouas illas opiniones sequi, & dogmata, quæ a Romanæ Ecclesiæ consuetudine, quæ Ecclesiarum omnium mater est, & magistra,

stra, aliena esse, eiusque grauissimo iudicio rejci, & reprobari intelligunt. Cuius sane inuictę animi firmitatis, & constantię, illa maximę & certissima sint argumenta, quod sepe instructa acie, signisque collatis, cum hereticis conflixerunt, Deoque auctore, & adiutore exiguis copijs, magnos, firmissimosque hostium exercitus profligarunt, quid quod paulo ante in Gallia tamquam in amplissimo theatro pro Christi gloria, & sociorum salute fortissima pectora morti obiecerunt, & victoriam reportarunt? Quid quod modo ad tuos, Pater Beatissime, pedes tanta animi alacritate publice accurrunt? foedus poscunt, dexteras iungunt, atque vt Christianos & vere Catholicos decet, se ipsos pro huius sanctissimę sedis incolumitate deuouent, seque nihil sanctius, nihil vniquam antiquius habituros Pontificia maiestate Deum hominesque restantur, qua nimirum conseruata, ac retenta, se quoque saluos, & incolumes fore non dubitant. Tu vero illos in fidem tuam humanissime recipis, & tamquam filios carissimos paterna pietate, omniq. beneuolentię genere complecteris. Qua vna in te Deus immortalis quor. bona insunt? an non vna eademq. ratione, tua Pie Pontifex Maxime singulari sapientia, & Christianę Reip. quantum in te fuit vniuersa, & nobilissimę nationi, at de Catholica fide optime merite, & rebus communibus sanctissime & providētissime consultum esse nam cum in puppi sed eas, & tanti imperij clauum teneas, dies noctesq. vigilas, & tamquam e sublimi specula omnes tempestates, omnes procellas circumspicis, atque ita circumspicis, vt quę impendent, timenturq. ea ne accidant, omni cura, & diligentia in posterum quam longissime provideas. Quamobrem Heluctios, quamquam tibi priuatim, & familię tuę multis nominibus, veterique amicitia coniunctissimos, & ad eius propugnationem paratissimos, adhuc tamen arētissimis amoris, & summę coniunctionis vinculis, illos tecum, & cum Ecclesia copulare, atque alligare non intermittis; ita nos illorum, armis, illi Ecclesię auctoritate patrocinio protecti, aduersus Turcarum, & hereticorum impetus munitiores, tutioresque erimus. Et quidem Apostolicę Sedis pręsidijs illos regi equissimum est, qui pro Catholica veritate omnibus periculis propositi, continenter fere cum finitimis hereticis bellum gerunt. Quę cum ita se habeant, cumque hæc omnia bona immortalī Dei optimi beneficio consecuti simus; quandoquidem te vera omne datum optimum, & omne donum

donum perfectum, defursum est descendens a patre luninum, merita  
 to Pie Beatissime, optimoque iure hodierno die sancto Spiritui so-  
 lemnibus hisce sacrificijs, & supplicationibus gratias agi voluisti. ni-  
 mirum vt ostendas, etsi ea omnia, quę nostra prudentia, humanisq;  
 consilijs hoc tempore præstari poterant, iam a te summa vigilantia  
 prouisa & perfecta sunt; tamen in potentissimo exercituum Deo spera  
 omnem collocare, illum salutis & libertatis nostrę firmissimum præsi-  
 dium, & fortissimum propugnaculum arbitrari; quo recti, & muniti  
 omnia pericula, omnem inimicorum vim facile depellere, & propul-  
 sare possimus. Quod igitur nunc reliquum est, te Parentis & Filij  
 eterne amor Spiritus sanctissime, te consolatorem nostrum, te aduo-  
 catum, & Patronum, qui pro nobis postulas gemitibus inenarrabili-  
 bus, te inquam omnibus precibus, & obsecrationibus obtestamur.  
 Primum quidem vt hæc Sacrosancta fœdera tuo numine sancias,  
 eaque res Pio Pontifici, Apostolicę Sedi, Catholicis Heluctijs, &  
 Christianę Reip. vniuersę fauste, prospere, feliciterq. eueniat, dein-  
 de vt nefarios Christiani nominis hostes, qui impium nobis bellum  
 inferunt, coerceas, & sceleratos gladios in nos districtos retundas,  
 atque a nostris iugulis reijcias, Rhodiosque Equites fortissimos,  
 quorum sanguine inexplibilis barbarorum crudelitas nunc potissi-  
 mum saturari desiderat, Christianam Rempub. vniuersam, atque  
 hanc pulcherrimam, & florentissimam Vrbem, quam Christianę Re-  
 ligionis caput, & veritatis columnam, & firmamentum esse voluisti,  
 a teterrimorum hostium immanitate tuo numine, auxilioq. defendas.

---

## O R A T I O   S E X T A.

*In die Feslo omnium Sanctorum.*

Pater Beatissime, Cardinales Illustrissimi.



I vnus tantum sancti viri res gestas, per censere, &  
 oratione enumerando completi, Oratori eloquentis-  
 simo magnum, & difficile esset, profecto omnium  
 Sanctorum Virtutes, cumulate pro meritis celebrare,  
 non modo arduum, & perdifficile, sed plane supra  
 hominis facultatem videtur. Itaque si dicendi vsum, qui quam exi-

O  
guus

guus in me sit, non ignoro, & exiguas ingenij mei vires respicerent, non solum vehementer commoueri, & mecum ipse dubitare deberem, ne satis possem tantam rerum magnitudinem ingenio sustinere, studioq. & diligentia consequi, sed prorsus, tanquam nimio pondere oppressus, de me ipso propter animi infirmitatem desperarem. Ceterum, quando ad illius misericordiam confugio, qui dat os ad loquendum, & sapientiam, quiq. infantium linguis eloquentiam largitur, eius auxilio fretus, alacris tamquam vastum & immensum mare ingredior, atque ad ipsum vnum quasi ad clarissimam Cynosuram, orationis meae cursum dirigo. **Hodiernum** igitur diem felicissima, & gloriosa Mater Ecclesia anniuersario instituto festum, & solenné agit, & Apostolorum Triumphos, Martyrumq. suorum victorias, Virginumq. coronas, aliorumq. qui perpetua confessione Christianam religionem professi sunt, memoriam iucunda recordatione cocelebrat. Illorum siquidem virtute, & constantia, illorum disciplina, & præceptis, à paruis orta initijs, in maximam altitudinem creuit, ac per vniuersum Terrarum Orbem longe lateq. propagata est. Etenim Christus Saluator noster, Discipulos suos elegit, iussitq. illos ire, & fructum afferre, & omnes homines Euangelium docere. Hos vocauit, vt irent post se, & illi continuo relictis retibus, & Patre, secuti sunt eum. In quo quidem, quis Spiritus sancti potentiam admirabilem non agnoscat? quis Christianæ Religionis lucem non videat? piscatores retia negligunt, filij Parentem deserunt, vt Christum sequantur; non sane ad diuitias, neque ad voluptates, sed ad crucem, & paupertatem discipulos suos vocantem. Hi autem hominum Piscatores facti sunt; vt diuinæ eloquentiæ retibus, & Euangelij hamo mortalium corda piscarentur. At uero quid tam inauditum? tam admirandum? quidve si humani ingenij captu, aut regula metiaris, tam incredibile dici ac cogitari potest? quam homines imperitos & rudés, qui piscatu vitam suam traderent, Gentium Doctores, & Magistros constitui, & viros disertissimos ab infantibus, doctissimos ab omnis eruditionis expertibus superari? quid quod nihil secum meditabantur, neque in ea cogitatione defixi erant, quoniam pacto responderi oporteret? dabat illis Deus in tempore os, & sapientiam, cui repugnare, atque aduersari nemo poterat. Vere ergo, quæ stulta sunt mundi elegit Deus, vt perderet sapientia, & infirma mundi elegit Deus, vt confundet fortia. Nam quid

quid ego de inuidia Martyrum fortitudine loquar? quid de admirabili patientia dicam? Ij sunt fortissimi milites, qui pro Christi gloria deuouerunt se ipsos, qui nullis tormentis, nullis cruciatibus, nulla inmanium Tyrannorum crudelitate superari potuerunt: qui denique Christianæ Religionis veritatem grauissimo testimonio comprobarent, non coacti, sed vtroque ad perspicuam, eandemque acerbissimam mortem euntes, sanguinem suum fuderunt, & vsque ad extremum spiritum aberrime pugnando, dum vincuntur, in acie ipsa victores occubuērunt. Neque hæc virorum tantum est laus, sed mulierum etiam infirmum genus, & pueri imbecilles, virilem constantiam sunt æmulati. Quibus nec vulnera, nec ignes gemitum vllum exprimere poterant, nec vocem illam diuini amoris flammis ardentem intercludere, qua se Christianos esse constantissime clamabant. Hi sunt qui lauerunt Stolas suas, & dealbauerunt eas in sanguine Agni, hæc sunt illa tot virorum millia, quæ magnus ille Apostolus, & Christianæ sapientiæ doctor egregius diuino spiritu afflatus prospiciebat, in quorum frontibus Angelus ab oriente veniens signum Dei viui imprimebat. Magni igitur in Cælo sunt, quia fecerunt, & docuerunt, & propterea coronauit illos Deus, quia mandata sua diligenter sunt executi. Neque enim ad huius militiæ Sacramentum quisquam admittitur, neque militari signo decoratur, neque victoriæ Palmam consequi potest, nisi Dei Imperatoris suis præceptis pareat, atque obtemperet. Audiant milites Christum Ducem, audiant discipuli Magistrum. Beati pauperes spiritu, quoniam ipsorum est Regnum Cælorum. Beati mites, quoniam ipsi possidebunt Terram. O quantum, Deus immortalis, cælestis Philosophia, à terrena hac discrepat, atque dissentit? Philosophi illi antiquissimi, qui proprijs erroribus elati, & inflati se ipsos sapientes appellabant, homines locupletes, & diuitijs affluentes, felices esse arbitrabantur, Christus vero in paupertate beatitudinem inueniri affirmat. Nam quæ est ista insatiabilis auri cupiditas? quid prodest homini si mundum vniuersum lucretur, Animæ vero suæ detrimentum patiatur? quanto locupletiores illi, qui caducis diuitijs relictis æternæ gloriæ Thesaurus adepti sunt. Pecuniam in zonis non habebant, qui sequebantur Christum, at infirmos curare, ægros sanare, mortuis vitam restituere poterant? En Petrus Apostolorum Princeps, sola paupertate diues, cum in Templo claudum respexisset, qui sibi ex

aliena misericordia quotidianum victum quærebat; aurum, inquit, & argentum non est mihi, quod autem habeo hoc tibi do, in nomine Iesu Christi Nazareni surge, & ambula. O ditissimam paupertatem! o humilitatem excelsam atque sublimem? utranq. sapientibus illis, quos dicebamus ignotam. Ipsi namque dum spem omnem in propria virtute reponere, & aliunde non pendere pulchrum, putant; dumq. animi magnitudinem nimis laudibus extollunt, Christianam humilitatem, virtutum omnium maximum condimentum, non intellexerunt. At vero in ceteris mirum quam dissentientes à nobis sint? carere dolore, & voluptatibus frui, ea demum per multis Philosophis vera felicitas videtur, honoribus autem abundare, & multorum gratia florere, summum bonum existimant; quod si quis illis dicat, longe se aliter rem habere, & eos qui lugent, miserisq. ac ærumnis premuntur, quosq. homines odio habent, & perijisse expetunt, fortunatos esse; contra vero illos alios miseros, & infelices; sane vix risum teneant, & insanire prorsus arbitrentur. Nunc autem Deus ipse hoc asserit, Deus clamat, & adhuc homines, pro animorum duritiem? neque audiunt, neque assentiuntur. Beati qui nunc fletis, quia ridebitis. Beati estis, cum vos oderint homines, & maledixerint vobis. Væ autem diuitibus, væ vobis qui ridetis nunc, quia lugebitis & flebitis. Hæc clamat Deus. Sed nimirum mortalium oculorum acies diuinæ sapientiæ lucem intueri non potest, & superbæ mentes dum suis viribus ad videndum niti volunt, tenebris, & caligine obteguntur. Nos itaque quibus Spiritus sancti lumen obscura illustravit, & abdita patefecit, Deum audiamus, atque tamquam gradibus quibusdam ad perpetuam felicitatem ascendamus. Paupertate, humilitate, miserationum tolerantia, ignominiarum contemptione in Cælum itur. Imitemur Apostolos, & Martyres, iccirco enim hodierno die Sacrosancta Ecclesia illorum virtutes maximis effert laudibus, ut nos à peccati somno excitet, & quasi acerbis stimulis ad imitandum accendat. Quod si is, qui mercaturam exercent, quæstus gratia tot maria transeunt, & caput suum pene perspicuæ mortis periculis toties obijciunt, nec fortunarum suarum naufragium, nec prædonum incurSIONES exhorrent, quid nobis faciendum est, quibus Cæli diuitiæ sunt propositæ? Breuia fugacia, & caduca sunt hæc bona, propter quæ laborant mortales, & vane conturbantur. Illa, illa, quæramus, quæ neque tem-



porum iniurijs, nec fortunæ temeritati, nec hominum rapinis sunt obnoxia. Quid? nos Martyrum fortitudinem imitari non possumus? aut præclaram occasionem non habemus? Ecce bellum instat, & victis salutare, & victoribus gloriosum. Pugnandum est contra impias hæreses, superandus humani generis hostis, qui Christianorum dissidijs triumphat, concordiam ferre non potest. Induite & milites fortissimi Spiritus sancti loricam, ite alacres ad prælium, nolite quidquam cogitare. Deus omnipotens, Deus exercituum, manus vestras ad prælium, & digitos vestros ad bellum docebit. Ite, Pugnate, Vincite, lauream illam, quæ viriditatem nunquam amittit acquirite. Vobiscum Apostolorum auxilia, Martyrum exercitus, Angelorum legiones erunt. Quid dubitamus? vicerunt Martyres Dei toties mundum, vincent nunc quoque, sancti Doctores pestiferas hæreseum stirpes sapissime radicitus euulserunt, euellent nunc quoque, & omnes denique beatorum ordines quorum memoriam hodierno die tanto gaudio celebramus, sua nos ope, suis precationibus iuuabunt: eamus igitur forti, & fidenti animo nihil hæsitantes. Defendet Ecclesiam suam, cuius caput ipse est Christus. Et dextera eius præpotenti, Turris ista, super firmam petram fixa, & fundata, aduersus turbulentas tempestates, & insanos turbines, stabilis atque immobilis permanebit. DIXI.

## ORATIO SEPTIMA.

## In die Pentecostes.



**V**ENITE gentes, videte populi, opera Domini, quæ posuit prodigia super terram, hodierno enim die, cæli distillauerunt à facie Dei, & pluuia voluntaria segregata est hereditati Christi. Spiritus sanctus, Spiritus ille veritatis, quem mundus omnibus flagitijs inquinatus non potest accipere, quasi imber in terram descendens, vitali rore Apostolos sanctos, ceterosque qui cum illis erant irrigauit. Postquam enim Christus Saluator noster generis humani labes sub sanguine elperat, mortisq. & inferorum victor ac Triumphator à mortuis surrexerat, omniq. iam certamine confecto, captiuam ducens captiuitatem in altum ascenderat, atque ad Patris

ad Patris omnipotentis dexteram confederat, id vnum modo reli-  
quum erat, vt donâ daret hominibus, & sanctum Spiritum, quem  
tôties Discipulis suis promiserat, mitteret, vt quemadmodum ipse  
hominem hunc supra omnes Cælos extulerat, sic quoque Deus ipse  
ineffabili quadam pietate inter mortales versaretur. Erat igitur  
Quinquagesimus dies, dies gratiæ, & salutis, quo die veteris Te-  
stamenti legem, quæ tamquam umbra, & imago quadam antecessit,  
lex Evangelica comprobauit. Nam quinquagesimo die, post Iudaici  
populi ex Aegypto egressum, & optatam ab illâ Pharaonis tyran-  
nide liberationem, Deus in monte Sina, antequam legem tulit, eo-  
demq. modo Spiritus sanctus adueniens, post quinquaginta dies,  
ex quo Christus liberator noster verus Agnus immolatus fuit, &  
Christianam legem vniuerso terrarum orbi promulgauit. Huius ni-  
mirum diei significatio, & quasi prædictio quadam fuerat, Quinqua-  
gesimus ille Iubilæi Annus, quem Hebrei solemnî religione celebra-  
bant. Tunc siquidem genus humanum acerbissima peccati seruitu-  
te oppressum, in libertatem vindicatum est. Tunc magnum illud, &  
grauē debitum, primi Parentis nostri scelere contractum, quod  
nullo vnquam tempore eius filij dissoluere potuissent, nobis est con-  
donatum, tunc cælestis gloriæ coheredes, & æterni Patris per ado-  
ptionem filij facti sumus. Cum itaque vniuersæ gentes, quæcunq;  
sub Cælo sunt, ad tanti Iubilæi celebrationem, conuocari deberent,  
Argentearum Tubarum sonitus prius vndique exaudiri necesse  
erat. Tuba vero illæ Apostoli fuerunt, quos Spiritus sanctus infla-  
uit, vt in omnem terram exiret sonus eorum, & in fines orbis terræ  
verba eorum. Erant Discipuli Christi vna congregati, illis namq.  
præceperat ipse ab Hierosolymis ne discederent, sed expectarent ibi  
promissionem Patris, propterea quod nemini ab Ecclesiæ Catholi-  
cæ communionē segregato, atque disuncto, Spiritus sanctus con-  
ceditur, & ecce repente ingens sonitus de Cælo est editus, domusq.  
tonitru concussa, tota contremuit, & apparuerunt illis dispersæ  
linguæ tamquam ignis, & omnes Spiritu sancto repleti sunt. Ac  
statim æternæ sapientiæ splendore illuminati, cælestis charitatis igne  
accensi: perinde vt illos, diuini Spiritus afflatus incitabat, varijs  
omnium gentium linguis loquebantur. Quam cito vbi Spiritus san-  
ctus Doctor est, & magister, omnis sapientia ediscitur, quam facile  
præpotentis Dei dextera, & humiles extollit, & superbos, atque  
inani

inani fortitudine elatos prosternit. Olim cum vnius labij terra esset, homines infani, & robusti, Turrim quæ Cælum attingeret ædificare, conati sunt. Quorum insanos impetus, & nefariam conspirationem Deus fortis linguarum confusione repressit, ac dissipauit. Hodierno autem die Christus Dei filius, discipulorum suorum humilitatem, & in Christianæ pietatis studio consentientes animos, omnium linguarum scientia & coniunctione extulit, atque illustrauit. Illæ ignitæ linguæ Apostolorum linguas inflammabant, vt & ipsi frigida mortalium corda incenderent, & æquale Patri Verbum, quod ab æterno erat, carnem factum esse populis omnibus nuntiarent. In quo quidem quis non admiretur? atque exclamet? quam profundæ factæ sunt cogitationes tuæ Domine, vere omnia in sapientia fecisti, quænam humana mens, aut quod ingenium capere vniquam potuisset? futurum aliquando vt duodecim pauperes, nulla generis aut patriæ nobilitate clari, sed obscuri, atque abiecti, nulla doctrinæ opinione insignes, sed rudes & inscii, nulla vi, nullis armis, omnes Reges, omnes Philosophos superarent, orbemque vniuersum in eam sententiam adducerent, vt hominem despectum, & Cruci affixum, verum Dei Filium esse, mortales crederent, confiterentur, adorarent. Magna est Christianæ Religionis vis, magna veritas. Nam quæ noua illa fuit eloquentia? quæ machinæ ad hominum animos contorquendos ab Apostolis sunt adhibitæ? num illis imperia, aut diuitias pollicebantur? quos egentibus sua omnia dare iuebant? num peccandi impunitate, voluptatumque illecebris, tanquam laqueis quibusdam irretitos capiebant? quibus ante oculos temperantiam, paupertatem, hominum iniurias, & ignominiam, mortem postremo ipsam, & Martyrium proponebant? hæc enim illorum erat oratio, hæc noua illa, & inaudita persuadendi via, quam à Christo magistro didicerant. Si quis vult post me venire, abneget semetipsum, & tollat Crucem suam, & sequatur me. Beati qui lugent. Beati qui persecutionem patiuntur. Diligite inimicos vestros, & his qui oderunt vos benefacite. Cumque hæc ab humani sensus consuetudine tam aliena dicerent, qui hominum concursus fiebant? quanta audientium multitudo? hoc ipso die Petro Apostolorum Principe, verâ beatitudinis adipiscendæ viam monstrante, atque ad poenitentiam agendam hortante, tria prope hominum millia, in nomine Iesu Christi baptizata sunt, & Spiritus sancti do-

num acceperunt. Ille ipse Petrus, ille inquam qui paulo ante adeo timidus, adeo demisso & fracto animo fuerat, vt ad vnus mulierculæ percundationem Dominum, & Magistrum suum negaret, nunc in medio tot millium stans, vocemq. suam attollens, maxima constantia loquebatur. Neque id mirum, Spiritus enim Domini super eum requieuerat, Spiritus sapientiæ, & intellectus, Spiritus consilij, & fortitudinis, hic Apostolos docebat omnem veritatem, & suggerebat illis omnia quæcunq. loquebantur, hic in eorum corde & labris sedens, aureum illud orationis flumen effundebat, hic ille erat gladius anceps & acutus, qui in audientium corda ita penetrabat, vt homines illi, qui ex omnibus orbis nationibus ad spectaculum conuenerant, mente perturbati, & admiratione obstupesciti, exclamarent. Quidnam vult hoc esse? nonne omnes isti qui loquuntur Galilæi sunt? quomodo igitur nostris linguis eos loquentes audimus? Alij vero iridentes dicebant. Musto pleni sunt isti. O Iudæorum stupor & dementiam! quousq. signis & prodigijs fidem non adhibebunt? Christum Dei filium cum inter eos esset, & spiritus immundos inaudita potestate eijceret, dæmonium habere dicebant, nunc autem discipulos eius Spiritu sancto plenos tamquam ebrios irident. Itaque peccatum ipsorum non remittetur eis, neque in hoc sæculo, neque in futuro, quoniam Spiritui sancto maledixerunt, quamquam plane ebrij erant Apostoli, sed vino nouo, quod veteres vtres disrumpit. Vino illo quod cor lætificat. Vino veræ illius vitis, cuius agricolæ æternus est Pater. Iudæis quidem feris & ferreis, Vineam suam dederat Dominus, & expectauit vt faceret Vuas, & fecit labruscas. Iure igitur diuinus ille vir prædixerat. Agnouit Bos possessorem suum, & Asinus præsepe Domini sui, Israel autem non cognouit, & populus meus non intellexit. Nam cum ad illos Verbum Dei missum fuisset, non acceperunt, propter quod elongatum est, & mansit in solitudine gentium. Nos qui in tenebris ambulabamus vidimus lucem magnam, nos singulari Dei munere genus electum nunc sumus gens sancta, & populus acquisitionis. Sed heu nos ingratos, & tanti beneficij plane immemores. Cum in honore essemus, non intelleximus, comparati sumus lumentis insipientibus, & illis iterum similes facti sumus, vulnera populi Christiani oratione mea non reficabo. Hoc vnum dicam, & magno cum dolore dicam. Tunica Christi inconsutilis, sanctæ Matris Ecclesiæ Corpus, ab ipsis filijs crudeliter

deliter discerpitur, & dilaceratur. Tu igitur sancte Spiritus, cuius in terras aduentum Catholica Ecclesia anniuersaria celebratione sanctissime colit. Tu consolator noster, tu Aduocatus, & Patronus, qui pro nobis postulas gemitibus inenarrabilibus, tu sedentes in tenebris, & in vmbra mortis illumina. Tu Sacrosancto Concilio in nomine tuo congregato lumen atque auxilium præsta. Peccauimus quidem Domine, iniuste regimus, iniquitatem fecimus. At tu, quæ tua est pietas, & misericordia, ne proijcias nos à facie tuâ, & Spiritum sanctum tuum ne auferas à nobis. Cor mundum crea in nobis Deus, & spiritum rectum innoua in visceribus nostris. Redde nobis lætitiâ salutaris tui, & Spiritu principali confirma nos. Vt tandem Petri Nauicula, tantis hæreticorum tempestatibus agitata, cælesti aura ipsius cursum dirigente, atque hoc Pio Pontifice ad gubernacula sedente, in Portu tranquillitatis ac salutis pleno, tute & placide conquiescat.

---

## ORATIO OCTAUA.

### In Exequijs Pij Papæ Quarti.



EQVVM sane fuerat, vt qui sæpius mihi publicè priuatimq. ad dicendum argumenta præbuisset, seipsum tandem orationis materiam daret. Etenim hominiano die, de Pij Quarti Pontificis Maximi summis eximijsq. virtutibus dicendum est. Argumentum quidem omnium maximum, & præstantissimum, in quo explicando, nemini facile oratio deesse possit. Idem tamen acerbum, & lætuosum. Mihiq. in primis, magnum opus ad eloquendum, & perdifficile, homini nimirum, non solum multis ingenij, & eloquentiæ præsidij destituto, sed doloris acerbitate prostrato, atque afflictio. Accedit quod non apud ignotos aliquos agendum est, rerumq. gestarum ignaros, quibus facile nuda ac simplici maximarum rerum enumeratione, nullo verborum ornatu, nullis orationis luminibus, admirationem moueas. Sed apud eos dico, qui hæc non ab alijs exposita audierunt, sed viderunt ipsi, neque viderunt solum, sed etiam interfuerunt: quiq. sanctissimi Pontificis memoriam ita colunt, ita eius facta, & nomen celebrari, & in omnem posteritatem propagari cupiunt.

cupiunt, ut res pulcherrimas singulari quadam copia, & facultate tractari postulent, atque expectent, nec facile patiantur, si quicquam de summis laudibus, dicentis infantia detractum aut imminutum esse videatur. Quæ cum ita sint, cumq. non ignorem, quantum mihi oneris impositum sit ab eo, cui non obtemperare nefas ducebam, vestrum erit, Patres amplissimi, animum morore debilitatum, & confectum subleuare, & hanc meam perturbationem æquitate, & benignitate vestra minuere, quo facilius Patrono optimo, & de me optime merito, extremum hoc, qualecunq. est, non eloquentiæ sed doloris; neque tam laudationis, quam debitæ pietatis officium persoluam. Sed mihi hoc loco omnes ignoscant vehementer velim, si in tam magno, immensoq. campo, qui mihi ad laudandum propositus est, multa fortasse à me prætermissa esse animaduertent, in quibus oratorijs quibusdam excursionibus, libere vagari, atque exultare mea potuisset oratio. Nam neque historiam pertexo, & temporis angustiae ratio habenda est, & ad ea potissimum festinat animus, quæ Pij Pontificis propria sunt, & in ipso Pontificatu gesta, hoc est tamquam in amplissimo orbis terrarum Theatro, omniumq. gentium luce. Nam quid ego nunc Medicorum familiam celebrem? quæ viris clarissimis semper floruit, quæq. superiore memoria duos, atque hunc tertium, non adeo magno temporis intervallo Ecclesiæ Dei Pontificem dedit. Quid ipsius Pij ortum, & cunabula commemorem? cui paruulo signis, & prodigijs, tanta dignitas iam tum diuinitus portendi videbatur. Iam vero de tota, eius vita, sanctissime & integerrime acta, studijs, honoribus, Magistratibus gestis, longum esset dicere. Quandoquidem nullum fere tempus quietum, & otiosum traduxit, sed multis magnisq. animum & corpus laboribus exercuit, Ecclesiasticæ ditionis illustrioribus Præfecturis, & Prouincijs ferè omnibus præfuit, pluresq. Romanorum Pontificum nomine honestissimas legationes, intra atque extra Italiam magna cum laude obiit. Ita ut singulos honores gradatim afsecutus, ab humilioribus ad superiora ascendens, ad summum usque Pontificatus verticem, virtute duce, Deiq. prouidentia perueniret, quo loco re ipsa comprobatum est, verè sapienterq. à magnis Philosophis dictum esse, hominis virtutem magistratibus gerendis, tamquam trutina quadam examinati. Nam etsi Pij Pontificis, virtus multis iam antea, magnisq. rebus, satis spectata, & probata videba-

tur, ta-

tur, tamen vt boni gubernatoris præstantia, ex eo magis percipitur, si magnæ nauis, quàm si paruæ alicuius nauiculæ gubernacula teneat, multoq. præclarius est, maximas Oceani tempestates superasse, quam sedato amne nauigare, ita plane quantum ingenio, sapientia, rerumq. humanarum vsu, & intelligentia Pius Pontifex præstaret, qua constantia esset, qua excelsi inuictiq. animi magnitudine, nulla res magis quam Pontificatus ipse declarauit. Neque vero maximam omnium dignitatem, quasi quendam præteritorum laborum portum, sed nouum virtutis curriculum est arbitratus. Neque se otio, & quieti tradidit, sed statim tamquam fortissimus Christi Athleta, in medium maximarum rerum certamen venit. Cumq. ex illa altissima specula, pastoralis vigilantia, omnia Christianæ Reip. vulnera circumspiceret, magnoq. animi dolore cerneret, hæresum pestem longe lateq. peruasisse, nihil potius, aut antiquius habuit, quam vt communibus malis mederetur. Itaque generale Concilium, quo nullum salutarius remedium videbatur, Tridentinum conuocauit. Neque sane sibi expectandum putauit, vt à Principibus sui muneris atque officij admoneretur. Sed ipse omnium primus, vt par erat, ceteris salutis signum sustulit, & Christianissimi Imperatoris, Regum, & Principum pietatem excitauit. Quid ego nunc Apostolicos Nuncios cum humanissimis mandatis, in disiunctissimas Regiones missos commemorem? vt cor filiorum ad Patres conuerteret, omnesq. ad pacem, & reconciliationem paterna pietate inuicaret. Quid eius curas, labores, sollicitudines dicam? vt opus præstantissimum magna omnium spe, & expectatione inchoatum perficeret. Vos ipsos Patres Amplissimi testes appello. Vos scitis qua grauitate, & constantia, in proposito, susceptoq. consilio semper permanferit. Quas difficultates superarit. Legatos vero, Deus immortalis, quos & quales delegit, qui tanto muneri præessent, viros religione, prudentia, auctoritate, vitæ integritate singularem. Mihi quemquam nominatim profectum non est necesse, hæc enim in omnium gentium, ac nationum, ore, atque oculis gesta sunt. Quamobrem summa Dei optimi, à quo bona manant omnia benignitate erga humanum genus, & clementia, inaudita Pij Quarti Pontificis Maximi sapientia, eximia Legatorum Cardinalium virtute, & vigilantia, incredibili Principum & Patrum consensu, Sacrosanctum Concilium Tridentinum tot annos ante à Paulo Tertio,

& Iulio Tertio summis Pontificibus indictum, atque inchoatum felicissime confectū, absolutumq. vidimus. Impedior huius temporis breuitate, ne tantam rem, quam omnis posteritas admirabitur, omnium populorum litteræ, & linguæ celebrabunt, dignis laudibus ornare, atque amplificare possim. Nec vero religiosissimi Pontificis pietas, hoc contenta fuit. Nam & Concilium ipsum amplissimo decreto confirmauit, & singulare hoc Dei beneficium in vniuersum terrarum orbem quamprimum disseminari, atque ab omnibus Regnis, & Prouincijs, qua decebat pietate, & reuerentia recipi diligentissime curauit. Denique Cardinales aliquot huic potissimum, negotio præfexit, qui Concilij Tridentini decreta inuiolate seruari, atque ad eius normam omnia dirigi studiosissime prouiderent, nimirum optimus, & sapientissimus Pontifex, in hoc curas omnes cogitationes defixerat, vt Christianam Religionem propagaret, infelices populos iacentes in tenebris, & umbra mortis ad Catholicæ veritatis lucem reuocaret, & ecclesiasticam disciplinam, veteremq. illam morum sanctitatem, Dæmonis insidijs conuulsam, & labefactatam, in antiquum statum restitueret. An non hoc vnum spectauit, ab illo primum die, quo in Petri Sede diuinitus est collocatus, cum Episcopos Ecclesias suas reuerti, gregesq. suos pascere iubebat. cum Clericorum qui Romæ erant, vitæ & honestati publicis edictis prospiciebat, cum Urbis iudicia, Tribunalia, Magistratus recognoscebat, & si qua superiorum temporum licentia corrupta, & deprauata esse animaduernerat, seueris legibus corripiebat. Et horum quidem multa ante Concilium. Quasi illi exemplo præiret, quid ad totius Christianæ Reip. salutem morumq. emendationem statuendum foret. Sed hæc fortasse minora. Quid illa quæ vniuersam Ecclesiam respiciunt, sollicitudo inquam quotidiana omnium Ecclesiarum, quæ illum curæ dies noctesq. anxium & sollicitum habebant, vt agrum Domini noxijs, & pestiferis herbis purgaret. Cumq. Messis multa, multis quoque operarijs indigeret, viros in omni virtutum genere egregios, doctrina, nobilitate, vitæ sanctitate, meritorum magnitudine in sanctam Apostolicam Sedem illustres, vt erat ipse acerrimus hominum æstimator, in hoc amplissimum Cardinalium Collegium cooptauit, quos scilicet, dum ipse in Puppi sedens, clauum tenebat, in vniuersalis Ecclesiæ gubernatione, tantis præsertim fluctibus, & tempestatibus, socios & adiutores haberet.



Iam vero quotusquisq. est qui ignoret, quantam Pius Quartus curam, & diligentiam adhibuerit, vt luctuosum illud incendium, in nobilissimis Prouincijs hæreticorum facibus excitatum restingeret, & exitiosam pestem, quotidie latius serpentem comprimeret. Testis Gallia, testis Germania, testis Polonia. Memoria adhuc retinetis, Patres Amplissimi, quam ille constantiam in rebus grauissimis, & difficillimis seruaret. Quam excelso, erectoq. animo esset, quam nullis rebus aduersis frangeretur. Ardebat incredibili quodam studio, tuendæ & propagandæ Religionis. Quamobrem, vbi Christi & Religionis causa ageretur, non labores modo, sed maximos sumptus summa animi alacritate impendebat. Testis est iterum, & sæpius Gallia, cum simili bello, & intestinis de Religione discordijs vexaretur. Testis est Maximilianus Cæsar inuictissimus, cum illi aduersus Turcarum legiones, quæ eius Imperio imminabant, dimicandum foret. Testes sunt Rhodij Equites fortissimi, quorum Insulam Melitam, cum maxima Solimani Classis obsideret, oppugnaretq. vehementissime, illos Pius Pontifex auxilijs suis, copijs, pecunia liberalissime adiuuit. Multa prætereo Patres Amplissimi, multa breuiter attingo, & quasi oratione percurro. Sed quid illæ diuinæ virtutes, num prætereundæ sunt? Iustitia in suo cuiq. tribuendo singularis, beneficentia erga pauperes, facilitas in priuatorum querimonijs audiendis, labor in negotijs obeundis, & assiduitas pene incredibilis, cum nullum fere diem prætermitteret, quin aut Senatum haberet, aut supplices libellos audiret, aut Principum Oratores ad se admitteret, aut delectos ad certa negotia Cardinales congregaret, aut denique varijs expediendis, conficiendisq. rebus operam daret. Iam quantum dicendi grauitate, & copia valeret, quantam haberet memoriam, & veterum, & nostrarum rerum, vos ipsi Patres Amplissimi, & nos, qui in eius familiaritate versabamur, sæpe cognouimus. Iam quid de eius magnificentia dicam, cum in illustribus hospitibus recipiendis, tum etiam in ædificando? qua in re, numquam priuatum commodum spectauit, sed omnia ad publicam vtilitatem referebat. Atque vt nunc Anagniam, Centumcellas, Asculum, Anconam, Bononiam, Rauennam, aliasq. Pontificiæ ditionis ciuitates, & oppida fileam, Vrbem ipsam Templis nobilissimis, Vijs, Portis, Theatris, Aquæductibus, Moenibus, Propugnaculis, adeo ornauit, & muniuit, vt pene alteram Romam condidisse videatur. His igitur Patres Amplissimi,

plissimi Pius Quartus Pontifex Maximus rebus præclare, magnificè, fortiterq. gestis, his virtutibus, his animi bonis, hac amplitudine, & gloria, si vlla in terris felicitas esse potest, felix & beatus plane fuit. Adde quod Sororum filios tales habuit, quales vt breuissime dicam, ne meliores quidem optare potuisset. Quibus tamquam quibusdam senectutis suæ adminiculis, ad tantam molem sustinendam, & maximarum rerum administris obsequentissimis, & integerrimis semper est usus. Quod quidem in quanta felicitate ponendum sit, aliorum exempla facile declarant. Illius etiam iucundissimo aspectu, quem vnice diligebat in ipsa morte non caruit. Illum post operis pulcherrimi, & præclarissimi confectionem Mediolano redeuntem complexus, & osculatus est. Nulla denique pietatis, & caritatis officia, quæ supremo illo vitæ tempore persolui solent, illi à suis defuerunt. Atque vt vitæ religiosissime actæ, morsque consentanea foret, sanctissimis Sacramentis, ex Christianæ Religionis institutis, aduersus omnes diaboli oppugnationes munitus, nullisq. adhuc neque mentis, neque corporis sensibus restinctis, sed ad extremum vsque spiritum integris, tamquam placido somno obdormisceret, ex huius vitæ miserijs, ad cælestem illam, sempiternamq. beatitudinem euolauit. Hæc si spectemus Patres Amplissimi, profecto Pij Quarti mortem, non lacrimis, sed gratulationibus prosequendam iudicabimus. Nam quis est homo, qui non videbit mortem? & ille quidem satis diu, vel gloriæ, vel etiam naturæ vixerat. Sed heu me miserum, nobis ille, nobis inquam & Ecclesiæ Dei parum vixerat. Nobis hoc vulnus inflictum est, nos hoc fulmen percussit. Christianæ Reip. & huic Vrbi, illius mors acerba, & immatura fuit. Huic inquam Vrbi, quæ illo Pontifice pace, iustitia, omnium rerum vbertate, & copia, optimisq. artibus & ingenijs floruit, nunc vero in luctu, & squalore iacet. Verè Domine consilia tua abyssus multa, id vnum tamen scimus, omnia quæcumque fecisti nobis Domine, in recto iudicio fecisti. En populus tuus, tamquam oues sine pastore. Et Leones rugientes circumunt; hinc hæreticorum insidiæ, illhinc Turcarum immanitas. Ne irascatur Domine furor tuus, super oues pascuæ tuæ. Sed ostende hisce sanctissimis Patribus in nomine tuo congregatis, quem elegeris. Da nobis Domine Pastorem iuxta cor tuum, qui pascat nos scientia, & doctrina, vt. acerbissimum dolorem, quem ex optimi, & sapientis-

piētissimi Pontificis morte accepimus, tua misericordia, & clementia, nobis aliquando mitigare, & lenire liceat. DIXI.

## ORATIONONA.

*De nauali Ioannis Austrij victoria contra Turcas.*

Ad Pium V. Pont. Max. & Reuerendissimos  
DD. S.R.E. Cardinales.



TERVM vetera illa potentiz suæ miracula instaurat Deus, iterum currus Pharaonis, & exercitum, Exod. 15.  
eius proiecit in mare, iterum Beatissime Pater, cum Psal. 44.  
magno illo Iudæorum Duce cantemus Domino, gloriole enim magnificatus est: Neque vero solum auditu accepimus, sed vidimus, neque patres nostri an-

nunciauerunt nobis, sed nos posterorum nostrorum memoriæ sempiternæ commendabimus, opus inauditum, singulare, admirabile, quod operatus est Deus in diebus nostris. Deus enim, Pater Beatissime, Deus inquam tantæ, tamq. inusitatæ victoriæ auctor, atque effector fuit; eiusq. immensa erga nos misericordia effectum est, vt quod maiores nostri frustra toties exoptarunt, & multorum sæculorū memoria inauditum fuit fore, vt Turcæ hostes nostri immanissimi, tandem aliquando vincerentur, eorūq. classis maxima atque instructissima Dei omnipotētis virtute, ac nostrorum militum robore deleretur. Atque illud quid fatendum est, quod res ipsa loquitur, acerrime à militibus nostris pugnatum esse, florem Italiæ, atque Hispaniæ in illis copijs fuisse, summum Imperatorem, clarissimos Duces, classem pulcherrimam, rebusq. omnibus egregie ornatam, omnia denique consilio, ratione, scientia rei militaris optime prouisa, atque administrata in illo prælio fuisse. Magna hæc fateor sunt atque præclara, idem tamen hoc affirmo, nisi Dominus Deus exercituum pugnasset pro nobis, nisi ille in spiritu vehemente naues Tharsis contriuisset, nisi dextera eius, & brachium eius inimicos nostros percussisset, posremo nisi sanctorum orationes, & lacrimæ, cum illorum qui cum Christo

Christo feliciter regnant, tum eorum qui adhuc in huius vitæ stadio decertant, nos adiunissent, nobisq. essent suffragata, nullam militum fortitudinem, nullam tormentorum vim, nulla humana consilia, tantam victoriam, quantam vix hoc tempore, atque hoc rerum statu optabamus consequi, & efficere potuisse. Ac mihi quidem Turcarum imperij initia, progressiones, & tamquam incrementa consideranti, resq. eorum gestas, & bellorum exitus intuenti, eo admirabilius videtur hanc illis plagam insistentem, clademq. illatam esse, quod totis trecentis annis, totidem enim fere ab Ottomanno fortissimo, & bellicosissimo eorum Rege numerantur, qui primus tam diuturnæ tyrannidis fundamenta iecit, nunquam, aut perraro victi, sed semper victores, longe lateq. Regni sui fines propagarunt, cumq. id populorum scelera, & iniquitas commeruisset, & Christiani Principes nedum eos impedirent, sed etiam discordijs suis inuitarent, maxima imperia euerterunt, regna nobilissima, amplissimas prouincias in ditio- nem, & potestatem suam continuatis victorijs redegerunt. Sed quid ego vetera, & longinqua commemoro? quid anno superiore actum sit, quantam amissa Nicosia Christiana Resp. calamitatē acceperit, nec propter clarissimæ Urbis amplitudinem dissimulare; nec propter incommodi magnitudinem sine dolore, & lacrimis referre licet. Iam quis ignorat quemadmodum hac ipsa æstate toto mari validissima Turcarum classis alacris, ac læta volitarit, quid in Illyrico gesserit, ut omnia illa maritima loca cædibus, rapinis, incendijs diuexarit. Hunc igitur hostem, Beatissime Pater, tanto imperio, tantis copijs, tam diuturna vincendi felicitate, tantis & veteribus, & recentibus victorijs elatum, atque inflatum, talem inquam hostem maximo nauali prælio deuictum ac superatum fuisse, cui quidem prælio, nescio an in omni totius antiquitatis memoria, par atque æquale reperiat, hoc ego opus non tam humanæ alicuius virtutis, quam diuinæ potentix esse prorsus iudico. Ponite vobis ante oculos, Cardinales Illustrissimi, diem illum maxime memorabilem, quo die Turcarum Triremes è sinu Corinthiaco egressæ, ventis, ut tum videbatur secundis, acie optime instructa ac disposita, classem nostram ad pugnam audacissime prouocarunt, an vos illos putatis, quidquam de victoria dubitasse? illi vero ne fremitum quidem ac fulgorem armorum suorum ferri à nostris posse, sed statim sese in turpissimam fugam duros existimarunt. Iam quibus cohortatio- nibus

nibus credendum est archipiratam illum superbissimum suos ad prælium excitasse? quam acribus? quam in nos contumeliosis? hos esse Christianos illos, quorum maiores à maioribus suis semper victi, semper profligati fuissent, quibus fortissimi illi Turcarum Reges Ottomanni, Orchanes, Mahomethi, Selimai, innumerabiles prouincias, & florentissimum Orientis Imperium ademissent, an eorum fœderibus commouerentur, qui semper inter se dissentientes, iam pridem non tam externo impetu, quam domesticis discordijs ac dissidijs concidissent? an vero puerum delicatum timerent? ante Imperatorem quam militem, quasi ludus aliquis, aut umbratilis pugna appareretur, ac non cum veterano, & inuidto milite de vita, & fortune omnibus dimicandum foret. Quid de Venetis diceret, quos ipsi mancipiorum loco semper habuissent? quibus simul ac collibitum fuisset arbitrato suo leges fixissent, ac refixissent, quos denique paulo ante tam facile, pulcherrimo, atque opulentissimo Regno spoliassent. Irent igitur alacres, & exultantes, non ad incertum aliquod aut dubium certamen, sed ad victoriam, ad prædam, ad certissimum triumphum, atque eadem littora, & oras in quibus recentia adhuc Christianorum rimiditatis, & ignauie vestigia apparent, noua illorum calamitate, & duplicata Turcarum victoria illustrarent. Hec cum perorasset, Pater Beatissime, Philistæus ille, & ore impurissimo maledixisset exercitui Dei viuentis, illico ex angustijs freti corynthiaci agmen educunt, cumq. insita genti superbia, perpetuo rerum secundarum cursu, nostrorum hominum despicientia, odio, & auaritia inflammati raperentur, venti etiam opportunitate vsu plenis velis, in sinistrum classis nostræ cornu magno impetu inuadunt. Ecce autem ex altera parte, res non solum aspectu, sed etiam auditu admirabilis, diuinus ac plane de cælo delapsus adulescens, & pijs bellis consuectus a Deo delectus, ætate quidem adulescens, & pene puer, sed virtute, & animi magnitudine vir, prudentia senex, auctoritate vero florentissimi exercitus Imperator. Non illo triremum multitudine, quibus totum mare constratum erat, non hostium audacia perterritus, neque rursus humanis viribus, sed cælesti auxilio fretus, tamquam alter Dauid dicebat intra se, Ibo, & pugnabo aduersus Philistæum istum, & delebo ignominiam populi Christiani. Sic enim, Pater Beatissime, mecum ipse cogito exitimo cum fortissimus adulescens, hostem superbum viro impu-

tem aspexisset, non alijs verbis usum fuisse, quam quibus olim David insultanti Philistæo respondit. Tu quidem ad me venis cum gladio, & hasta, & clypeo; ego autem venio ad te in nomine Domini exercituum, Dei agminum Israel, quibus exprobraſti hodie, & dabit te Dominus in manu mea; & percutiam te, & auferam caput tuum à te, & dabo cadauera militum tuorum hodie escam piscibus maris, & bestijs terræ, vt sciant omnes gentes, quia est Deus in Israel. Neque vero spes cum scellit sua, quam non in galea, & lorica Saul collocauerat, sed in baculo, & lapide David, hoc est in Christo Domino, & eius inuictæ Crucis præsidio. Permittite mihi Cardinales Amplissimi, pro vestra humanitate, vt in earum rerum iucundissima recordatione, quæ illo celeberrimo die à clarissimo Principe gestæ sunt, paulisper commorer. O spectaculum illud pulcherrimum, neque hominibus solum, sed Angelis quoque gratissimum? circuibat celeri natigio Christianissimus Princeps aciem instructam, & iam ad congregiendum paratam, & signum crucis manu gestans, atque extollens, imperatoria quadam eloquentia singulos ad fortiter pugnandum hortabatur. En milites Imperator vester, hunc aspiciſſe, qui pro vestra salute cruxi suffixus est, hoc signo victores erimus, hæc fiducia nostra est, hæc virtus, & fortitudo nostra. Christus pro nobis, & pro sui nominis gloria dimicabit, ego autem non iam vester Imperator, sed conimilito, vna omnes Christiani milites Christum Ducem præeuntem sequamur, bono animo estote commilitones, non tam vestros, quam crucis Christi inimicos videtis, itaque hodierna die aut illi nos ad sempiternæ beatitudinis triumphum in Cælum mittent, aut nos illos ad perpetua inferorum supplicia detrudemus. Hæc cum clara voce diceret, eaq. vultus lætitia, & oculorum hilaritate futuram felicitatem prænuntiaret, & quasi præſagiret, tantus militum clamor incredibili quadam alacritate est consecutus, vt non prælium poscere, & victoriam sperare, sed iam plane victores esse viderentur. Statim igitur vexillum illud amplissimum, in quo Saluatoris nostri in cruce pendentis imago opere egregio depicta, erat erigi, atque explicari iubet. Illud inquam, quod tu Pater sanctissime, ad eum miseris; cum illa præclara inscriptione: In hoc Signo Vince. Nimrum vt generosum adolescentem, ac veræ gloriæ maxime appetentem, summi Imperatoris, & de Christiana religione optime meriti Constantini memoria vehementius

hementius inflammaret, tum vt omnes admoneres scdus istud tam-  
pium, tam necessarium, tam Christianæ reip. salutare, Christo au-  
ctore; pro Christi causa aduersus Christi hostes, inter tres maximos  
Principes iunctum copulatumq. esse. Quamobrem sacri huius bel-  
li Christum ipsum Ducem, & quasi signiferum futurum, sub eo Im-  
peratore militandum, in cuius potestate totius rei bene gerendæ spes,  
ac victoria omnis, & reposita esset, & ab eodem peti deberet. At-  
que hoc quidem milites illi lectissimi, centuriones, præfeti, non  
solum fortitudine, sed etiam pietate præstantes se optime intellige-  
re declararunt, cum iam iamq. prælium inituri crucem illam vene-  
rantes, & tamquam ad Christi pedes abiecti peccatorum suorum,  
veniam supplices precabantur, Vidisses alios intimo quodam dolo-  
ris sensu, & scelerum detestatione permotos pectus tundere, alios  
præpotentis Dei exercituum auxilium implorare, alios pro tuenda  
religione, & pro fratrum salute mortem expetere, alios inter se  
amantissime complecti, ad pugnam excitare, dexteris denique fidei  
testibus porrectis, se mutua caritate ad extremum vsque vitæ spiri-  
tum non deserturos sanctissime polliceri. Cum interea viri religiosi  
sacerdotes per triremes dispositi, non illi quidem inermes, sed gla-  
dio. spiritus armati, quod est verbum Dei, & pijs precationibus, &  
sacerdotij auctoritate peccatorum vincula dissoluerent, & summum  
Regum Regem, in cuius manu omnia Regna sunt, & bella, & vi-  
ctoriæ, multis cum lacrymis obsecrarent, vt barbaras gentes ferita-  
te, ac multitudine sua confidentes, dexteræ suæ potentia contere-  
ret, & comminueret, & denique militibus ipsis iam incensis, & sua  
sponte currentibus, propositis æternæ gloriæ, & splendidissimis pro  
Christo martyrij coronis, tamquam ardentes faces, & stimulos ad-  
mouerent. Sed quid ego te, Pater Beatissime, atque huius amplissi-  
mi confessus expectationem tam diu oratione mea suspensam deti-  
neo, ac non potius quamprimum aures, animosq. vestros incredibili  
voluptate compleo. Christo Domino ductore, & antesignano Bea-  
tissima Virgine, & Sanctis omnibus iuuantibus, tanto animorum  
ardore, tanta virtute, tanta felicitate a nostris pugnatum est, vt  
ad viginti millia hostium cæsa sint, primarij duces, & Nauarchi se-  
re omnes necati, magnus captiuorum numerus, triremes circiter du-  
centæ comprehensæ, denique ex tanta classe, quātam Rex potentis-  
simus, & diu victor, & Christiani nominis defendi insatiabili erig-

ditate, atque odio inflammatus, maximam, & ornatissimam conficere potuit, vix per pauca nauigia cum Occhialitio prædone, non tam ad victoriæ nostræ diminutionem, quam ad cladis, & calamitatis suæ testificationem fuga euaserunt. Et ne fortissimorum virorum amissione tantæ iucunditati multum admodum amari admisceretur, singulari Dei benignitate, & prouidentia, Imperatores nostri, & præfecti scire omnes seruati sunt; ex reliquis vero mililibus non adeo multi desiderati, quos equidem omnium felicissimos fuisse censeo: quod potissimum delecti sint, qui vniuersi exercitus, tamquam legatione suscepta pro diuino, & immortalis beneficio Deo gratias agerent, & de communi victoriâ simul cum Angelis triumpharent. Quamquam & hos ipsos nobis clementissimus Dominus cumulate, & cum magno fœnore reddidit, cum ad decem millia Christianorum ex durissima, & calamitosa seruitute redempta fuerint. Quis hoc loco, Pater Beatissime, cum hanc tantam victoriâ, tam inauditam, tam plenam, tam breuî tempore tanta facilitate, tam modico nostrorum partem sanguine consideret, & quæ mala, quæ discrimina, & pericula à cetuicibus nostris per eam depulsa, quæ vicissim bona partim iam ad nos delata, partim vero paulo post Deo adiutore ab hoc fonte emanatura sint, prudenter expendat. Hæc inquam si quis secum ipse contempletur, an ille continere se poterit quin exclamet: Quis Deus magnus sicut Deus noster? tu es Deus qui facis mirabilia, tu notam fecisti in populis virtutem tuam, in brachio tuo excelso populum tuum redemisti, à te solo factum est istud, & est mirabile in oculis nostris. Etenim ut ad illud redeam, vnde orationis meæ initium duxi, libenter enim in eius facti explicatione versor, in quo vno diuinæ potentie splendor maxime elucet, præsertim cum à vobis Cardinales Amplissimi, benigne adeo attenteque audiat, sed ut ad illud redeam, quod initio dixi, vere in hac post hominum memoriam maxima nauali pugna, antiqua illa miracula, & prodigia renouauit Deus. Legimus in sacris libris, cum exercitus Israel ex Aegypto egrederetur, mandasse Dominum Moysi, ut in maris litore castra poneret, loco nimirum inopportuno, & incommodo, vnde nulla ad euadendum pateret via quicquid hostibus contra ad inuadendum magnam opportunitatem præberet. Cumque id à militari disciplina alienum videretur, perinde ac si Moysi consilij sui causam Deus explicare vellet, Dicturus est,



est, inquit, Pharaon super filijs Israel: Coarctati sunt in terra, conclusit eos desertum, & indutabo cor eius, ac persequetur vos, & glorificabor in Pharaone, & in omni exercitu eius, scientq. Aegyptij, quia ego sum Dominus. An non obsecro eodem plane modo Turcarum corda superbia, atque audacia sua obduruerunt? ut qui pugnam vitare, & declinare facile potuerint, ultro appetierint. Quid? an illa casu, & temere accidisse dicemus, quod tota æstate victores maria nostra sint peruagati, quod à nostris nusquam repressi, aut retardati, Cretam Insulam, Corcyram, Zacynthum, oras maritimas vexarunt, spoliarunt, diripuerunt, quod ad extremum, autumnino incunte classe incolumi, & tam multa præda onusta tamquam triumphantes in Græciam remigrarunt? quis non intelligit hac tanta rerum prosperitate Deum nostrum cor Pharaonis istius egregie indurasse? non enim tam facile casus præliorum, & incertos pugnarum exitus, & communem martem, ut dicitur, nulla præsertim necessitate astricti neglexissent, nisi tot rebus secundis elati, nullum iam victorij suis, nullum Imperio modum, ac finem statuissent. Itaque cum res tum anno superiore, tum ætate proxima prospere, & feliciter gestas recordarentur, cum se domum saluos reuenisse, cum regionibus amicis Achaia, & Peloponneso cinctos se, & septos viderent, cum se classem apparatus copias florētissimas habere animaduverterent, cum denique triremes omnes, ut tanto firmiores forent nouo ac recenti milite complessent, cum inquam hæc cogitarent, eo audaciæ, atque amentię progressi sunt, ut iam præ se Christianos, hominum fecem, & quisquiliis non minus contumeliose, quam ferociter appellarent. Erat quidem, erat inter eos veteranus aliquis præfectus, auctoritate, & usu rei militaris insignis, qui omnia accuratius expendens à prælio abhorreret, nec tantum dimicationis discrimen, tum temere subeundum esse affirmaret, sed non sine diuino numine factum est, ut moderatio superbiæ, ratio iracundiæ cederet, ac prudentiam furor, & temeritas superaret. Non dicam hoc loco quod cum piratam quendam præmisissent, qui classem nostram specularetur, omniaq. accurate indagata ad eos referret, is à Deo obcecatus triremes omnes non vidit, neque verum, & integrum illarum numerum suis renunciauit. Illud certe præterire non possum, plane diuinitus accidisse, ut hostes venti opportunitate pellecti, e sinu Corinthiaco tāquam ex cancellis quibusdam in apertum mare

crum-

3077 **crumpere**, ne aut nostris in Rhio, & Antirrhio castellis capiendis  
 41 **quæ in ipso aditu sita sunt**, laborandum; aut propter loci angustias  
 iniquiore conditione pugnandum esset. Velis igitur secundo vento,  
 animis vero inani victoriæ spe inflatis, cum iam in conspectu nostro-  
 rum venissent, (audite quæso Cardinales Illustrissimi, & magna opera  
 Domini admiramini) repente ventus ille defecit, mox autem, res di-  
 ctu admirabilis, ventus lenis exoritur, nobis mirifice fauens, inimi-  
 cis maxime aduersus. Etenim ipsis simile quiddam accidit, atque  
 olim Pharaoni cum populum Israel hostili animo insequeretur, tum  
 enim Angelus Domini, qui die noctuq. Iudæis anteibat, ad extre-  
 1 xod. mum agmen aduolauit, steritq. nube tenebrosa obuolutus, inter  
 14. castra Aegyptiorum, & castra Israel, ne scilicet ab Aegyptijs con-  
 10f. 14. spici, laquei possent. Sic etiam ventus hic de quo loquor, Angelis  
 ministris fumum ingentem, qui è tormentis excitabatur in ipso  
 prælij ardore in ora atque oculos hostium effundebat, quin etiam  
 10f. 10. Sol ipse, quem per aliquot dies ante, cum Cælum nubibus obductum  
 fuisset, homines non viderant, eo die radijs suis hostium aciem per-  
 stringens, magni illius Ducis, ad cuius imperium in medio cæli  
 cursu constitit, memoriam renouauit, seq. nobis & si non eodem  
 modo, pari tamen euentu victoriæ nostræ socium atque adiutorem  
 præbuit, quamquam & alius quidam sol multo clarior, & illustrior,  
 Turcarum acies radijs suis vehementius verberauit, neque oculo-  
 rum solum, sed animorum quoque cæcitate percussit, Christus in-  
 quam Dominus, sol iustitiæ, cuius in cruce pro humani generis sa-  
 lute confixi pulcherrima imago, in illo egregio vexillo depicta, at-  
 que excello imperatoriæ triremis loco sita, in omnium oculos in-  
 Num. 21. currebat. Hæc militibus, qui salutis auctorem mente animoq. in-  
 tuentes, eius effigiem pie venerabatur, spes virtus, ac fortitudo erat,  
 eosq. non secus atque ille æneus serpens, quem Moyses in solitudine  
 deserta pro signo extulit, à venenatis Turcarum sagittis protege-  
 bat. Hostibus autem quibus Christi crux stultitia est, & lapis of-  
 fensionis, desperatione vincendi, imbecillitatem, metum, ac formidi-  
 nem incutiebat. Nam post illam primam impressionem, cum in al-  
 terum classis nostræ cornu magna vi atque impetu irruerunt, adeo  
 eorum ferocia fracta, & compressa est, vt tamquam si in plagas ali-  
 quas, & laqueos incidissent; non iam arma tractare, non loco con-  
 sistere, non tormenta emittere posse viderentur; sed abiecti ac sup-  
 plices

placēs vitam à victoribus precarentur, omniaq. terroris, fugæ, occisionis plena essent. Iccēat mihi hoc loco, Cardinales Illustrissimi, tantarum rerum magnitudinem, & Dei nostri potentiam cogitanti, iterum præ gaudio, & admiratione exclamare: Quis similis tui in fortibus Domine? quis similis tui? dextera tua Domine magnificata est in fortitudine, dextera tua Domine percussit inimicum nostrum, illum inquam inimicum, ferum, immanem, barbarum, omni crudelitate teterrimum, qui tot annos Christianam rep. afflixit, tot de nobis triumphos egit, tam multis in locis trophæa constituit, qui nostros milites adeo despiciebat, vt quoties cum eis pugnandum esset, non tam ad prælium quam ad prædam se inuitari putaret. Itaque illo ipso die nobis felicissimo auaritiæ, & furoris stimulis incitatus nouus ille Phærao, cum scelerato exercitu, dicebat, persequar & comprehendam, diuidam spolia, implebitur anima mea, euaginato gladium meum, interficiet eos manus mea. Ecce autem repente flauit spiritus tuus Domine, & operuit eos mare, irrui super eos formido, & pauor in magnitudine brachij tui, & submersi sunt quasi plumbum in aquis vehemētibus. Vere magnus es tu Domine, & terribilis, & faciens mirabilia. Atque ego quidem, Pater Beatissime, hæcenus res illas admirabiles commemorauī, quæ Dei potentiam ita declararunt, vt etiam omnium oculis conspicerentur, namq. hostes, & in noranda classe nostra insigniter deceptos, & ad dimicandum temere delatos, & miro terrore perculsos, ac perturbatos, nostros tam alacres, tantaq. victoriæ fiducia crectos, solem denique mare, ac ventos nobis adiutores fuisse; hæc inquam & omnes viderunt, & magna, ac plane miranda esse intellexerunt. Quid illa, quæ & si oculorum vim & aspectum nostrum effugiunt, fidei tamen lumine contemplamur, quæ & quanta sunt? Christum inquam Dominum stantem à dextris Dei, vtpote qui ad opem ferendam præsto erat, prælium illud, & militum suorum virtutem illo die è cælo spectasse, Sanctissimam Virginem Dei nostri matrem, beatos illos sanctorum cætus, atque in primis S. R. E. & fæderatorum Principum aduocatos, & Patronos, atque illum beatissimum Pontificem Rom. Marcum, cuius memoriam illo ipso die Catholica Ecclesia solemni, & anniuersario ritu celebrabat, tum maxime præpotentem Deum pro Christianæ reip. periculis precatos fuisse, nostrisq. militibus suis orationibus, & obsecrationibus, tantam à Deo victo-

riam

4. R. 6. riam impetrasse. Illud etiam affirmare ausim, fortasse non defuisse  
 in exercitu nostro Eliseos aliquos, viros religione, & sanctitate præ-  
 stantes, qui armatos equites, & igneos currus manifeste viderint, qui  
 spiritu Dei pleni magna voce clamarint, Nolite timere Viri Chri-  
 stiani, plures enim nobiscum sunt, quam cum illis, qui Angelos quo-  
 que aspexerint, aureas coronas gemmis clarissimis ornatas in mani-  
 bus ferentes, quibus paulo post fortissimi milites, qui pro Christi no-  
 mine gloriose occubuissent, à summo Imperatore Deo, in illo æter-  
 nitatis triumpho virtutis, & martyrij ergo decorandi erant. Quæ  
 cum ita se habeant, Pater Beatissime, cumq. nemini dubium sit, hanc  
 post homines natos celeberrimam victoriam, ita nostrorum Impera-  
 torum consilio, & auctoritate, ita militum nostrorum virtute ac  
 robore partam & comparatam esse, vt quocunque animum oculosq.  
 conuerteris, singulare Dei auxilium, numen, providentia, & infini-  
 tus ille diuinæ misericordiæ thesaurus occurrat, vere vt nobis dicere  
 Pl. 43. liceat, in te solo Domine inimicos nostros ventilauimus cornu, & in  
 nomine tuo spreuimus insurgentes in nos: hæc inquã cum ita sint, Pa-  
 ter Sanctissime, iure optimo, simul ac nunciũ illum exoptatissimum  
 accepisti, statim ad hoc orbis terrarum augustissimum templum, at-  
 que ad ipsos Ecclesiæ præsides Apostolorum Principes, vt semper  
 solitus es accurristi, vt bonorum omnium auctori Deo ipsdem quasi  
 internuncijs gratias ageres, quorum potissimũ patrocínio, & rogatu  
 tantum Christianæ reip. beneficium impetrasses. Atque tandem ob  
 Gen. 14. causam hodierno die Deo altissimo rãquam alter Melchisedech, non  
 iam panis, & vini, sed pretiosi Corporis, & Sanguinis Domini sanctũ  
 & incruentum Sacrificium pie sancteq. obtulisti, vt eo munere quo  
 nullum maius, nullũ præstantius, nullum admirabilius in terris habemus,  
 diuinarum gratiarum gratum te ac memorem præberes, teque  
 & sacri huius fœderis conciliationem, & clarissimam victoriam vni  
 Deo acceptam referre declarares. Hic mihi ad orationes finem pro-  
 peranti, dulcis quædam cogitatio quasi manum iniicit, & consistere  
 paulum cogit. Illa nimirum Pie Pontifex, quã magna fecerit sibi is  
 qui potens est, quantum enim ipse Deo optimo præter ceteros Pon-  
 tifices debeas. Quod sane ea pro tua singulari sapientia optime in-  
 telligis, tum vero pro summa pietate assidue profiteris. Quo minus  
 mihi verendum est, ne assentari videar, si ea commemorabo de tuis  
 laudibus, quæ cum Dei gloria maxime sunt coniuncta, quæ & nunc  
 notis-

notissima sunt omnibus, & omnium sæculorū posteritas vera cū lau-  
 de prædicabit. Quotus enim quisq. est qui ignoret, in hoc salutari  
 fœdere conficiendo, te plus omnibus laborasse? sentio quid dicas, non  
 ego, sed gratia Dei mecum. Recte tu quidem, sed quia Dei gloriam  
 non tuam quærebas, quia zelo zelatus es pro Domino Deo exerci-  
 tum, eo quod venissent gentes in hereditatem eius, & polluissent  
 templa sancta eius, & sanguinem Christianorum tamquam aquam  
 effudissent, & qua vna re maxime commouebaris, iam inimici nostri  
 nobis illudentes dicerent, Vbi est Deus eorum, quia inquam hæc cutē,  
 & cogitationes te dies, noctesq. angebant; propterea respexit te Deus,  
 & exaudiuit preces tuas, tibiq. hanc felicitatem dedit, vt magni, &  
 vere Catholici Regis Philippi cor illud regium in manu tua esset,  
 eumq. & potentissimam Venetorum rep. cum Apostolica Sede ad  
 reprimendum Turcarum furorem triplici caritatis vinculo colliga-  
 res. Vt igitur in seminibus arborum, quæ ex his gignuntur causa  
 est, sic gloriosæ huius victoriæ causa tu fuisti: tu enim hanc animo-  
 rum consociationem auctoritate tua, vt ita dicam, seminasti, studio,  
 & diligentia irrigasti, Deus autem incrementum dedit. Nam quid  
 ego de tua illa admirabili constātia dicam? mitto quanta animi ma-  
 gnitudine ad negotium grauissimum tractandum aggressus es? quo-  
 ties spem nostram pene labentem singulari sapientia subleuasti, quo-  
 ties rem prope diuulsam iterum conglutinasti? quos difficultatum  
 nodos, consilio, grauitate, patientia denique explicasti? nam neque  
 sibi ipsi Satanas deerat, qui non tam contra Turcas, quam contra  
 se fœdus istud iniri intelligebat, & re vera tanti tamq. præclari ope-  
 ris consecutionem non humanæ industriæ, sed diuinæ bonitati tribui  
 oportebat: & vt arbitror, Pater Sancte, Deus virtutem, & constan-  
 tiam tuam exercebat. Itaque quod Nicolais, Calistis, Pij, Leonibus,  
 alijsq. tam multis Rom. Pontificibus non obtigit, id tibi concessit  
 Deus, vt non solum maximos Principes ad sacri belli societatem cō-  
 iungeres, sed etiam tum breui temporis spatio vberimos laboris, &  
 pietatis tuæ fructus perciperes. Age vero, quandoquidem arma mi-  
 litæ nostræ non carnalia sunt, sed potentia Dei, quis contra hostem  
 teterrimū te vno vehementius pugnauit? cum dies noctesq. ad Chri-  
 sti Domini pedes abiectus supplex & flens eius misericordiā implo-  
 rares, atque ab eo summa contentione exposceres vt parceret popu-  
 lo suo, vt hereditatem suam gentibus efferatis diripiendam ne da-

1. Cor.

16.

3. Reg.

19.

1. Cor.

10.

R ret,

ret, nec vineam suam sanctam Ecclesiam ab immanissimo apro vastari pateretur, sed propter gloriam nominis sui liberaret nos, & propitius esset peccatis nostris propter nomen suum. Quid dicam ieiunia, quid publicas supplicationes, quid apertos Ecclesiæ Catholicæ thesauros, quorum administratio tuæ potissimum fidei credita est, quibus tu in magna necessitate prudenter ac fideliter dispensandis omnes homines inuitabas, ut se Deo reconciliaret, & ut peccatis abiectis cum eo in gratiā redirent. his armis Pater sancte, hostes nostri validissime oppugnati sunt, nam cum tuo iussu oratio ab Ecclesia sine intermissione fieret, tuq. ut Moyses, sublati in cælum manibus pro Christiani exercitus salute, & victoria Deum continenter obsecraret, vincebat interea Israel, fugauitq. Iosue noster impiū Amalec, & populum eius in ore gladij. Cur enim Cardinales Amplissimi, Ioannem Austrium alterum Iosue non appellem? cum & ætatis flore, & virtute, & florentissimi exercitus imperio, & genere ipsa belli, quod contra nouos Amalechitas gestum est, & felicitate vincendi, & denique pietate, & religione illi simillimus sit, de cuius eximijs laudibus dum pauca dico, peto à vobis ut eadem benignitate, qua soletis, me attendatis. Vere hoc dicam, cum omnes virtutes imperatoris lectissimi illius iuuenis animum tamquā stellæ illuminent, & exornent, tum in primis fortitudo, & religio ita eminent, ut difficile sit æstimare, cuius nam splendor in eo magis luceat. Atque ut primum de religione, quæ virtutum omnium fundamentū est, breuiter dicam, audistis quibus auspicijs classem Messana soluerit. Etenim ipse omnium primus, suoq. exemplo ceteri viri Principes, Duces, Centuriones, reliqui milites vniuersi, salutari pœnitentiæ sacramento à peccatorum labe rite expiati, sacrosancti corporis Christi vitali cibo refecti sunt, itaque sanguinis Christi Domini communione, & pacis vinculo iuncti, vnum corpus, & vnus spiritus in Christo effecti, & Christo armati, sic ab illa sacra mensa discesserunt, ut tamquam leones ignem spirantes non Turcis solum, sed Dæmonum etiā legionibus, & principibus tenebrarū horribiles ac formidolosi essent. Cū autē navigationis iam incundę leges præscriberet, vigilantissimus Imperator, quis scilicet cursus tenendus, quę agminis forma, quis cuiq. locus attriburus, quæ denique rerum omnium, ac munerum collocatio, & distributio esse deberet, nihil antiquius habuit ea lege, curaret militū Præfecti quādiligentissime, ut ab omnibus pie, & religiose uiueretur.

ueretur. Quod sane studiose adeo seruatum est, vt iam tum sperari non immerito liceret, & quodammodo prænunciare, forte omnino, vt copiarum eiusmodi quæ ad corporum robur tantam animorum disciplinam adiunxissent, clarissimâ de hostibus victoriam reportarent. Iam vero quæ oratio, aut quæ dicendi copia Ioannis Austrij virtuti, & fortitudini par esse poterit? considerate obsecro in hoc adolescente Caroli V. Imperatoris inuictissimi expressam animi effigiem, & paternas laudes in generoso filio recognoscite. Nihil in eo humile, nihil demissum, omnia alta, atque excelsa reperietis. An ille hostem superbissimum tanta rerum prosperitate, tantisque victorijs tumentem pertimuit? nunquid ei ex nostris regionibus recedenti potes aureos, quod est in proverbio, strauit? immo vero tanto interuallo à se disiunctum, cum iam ille cum tota classe secunda nauigatione Naupactum appulisset, persequi non dubitauit, sibi quæ multo gloriosius fore duxit, si tetram illâ belluam suorum locorum munitione septam, tamquam in proprio cubili trucidaret. Adde etiam quod cum id anni tempus instaret, vt si naues in portum, milites in hiberna deduxisset; nemo eum prudens accusaret, non tamen propterea belli gerendi consilium magno animo susceptum aut abiecit, aut mutauit. Neque id quidē temere; aut iuuenili quodam impetu, sed magna ratione fecit. Nam cum videret se classem magnâ, rebusque omnibus instructam habere, copias maximas, & fortissimas, duces scientissimos, iuuentutē lectissimam, ex omni Hispaniæ, & Italiæ nobilitate veræ gloriæ auditate, & religionis tuendæ studio collectam, cum trium potentissimorum Principum vires singulari Dei providentia, & plane diuinitus coniunctas, & confociatas aspiceret, omnes denique ad bellum inflâmatos esse intelligeret, tantam rei bene gerendæ opportunitatem sibi è manibus elabi, atque effluere non est passus, nec sibi otiose expectandū putauit, dum longa, & incerta dies, aut serus vespers, vt dicitur, aliquid præter spem afferret, omniaque in dubium reuocaret. Nec vero ad aliquos Africæ scopulos, aut obscura oppida consensendum; caput ipsum peti oportere, classem illam superandam, & deprimendam esse, cuius atrocinijs, & excursionibus per hosce annos maria nostra semper infesta, & pene nobis clausa fuerint, & quoniam bellorum ratio & euentus non solum solidis rebus, sed etiam existimatione, & hominum opinione plurimum nititur, delendam esse superioris temporis ignominiam, nec nostra desidia diutius nos pati debere, vt Turcæ

& suo, & aliorum iudicio inuicti esse viderentur. Hæc igitur secum ipse adolefcens clarissimus sapienter reputans, nō tanti belli magnitudine, non aduerso anni tempore, non maris, & ventorum vi deteritus est, quo minus propositum cursum conficeret, & in suscepta optimæ causæ defensione permaneret. Præsertim cum sciret eum se  
 Psal. 88 Ducem sequi, & pro eius gloria dimicare, qui aquilonem, & mare creauit, qui dominatur potestati maris, motumq. & fluctus eius mitigat, qui denique omnia quæcumq. voluit semper fecit in cælo, Psal. 134 & in terra, in mari, & in omnibus abyssis. At enim Io. Austrius in eo bello deligendo, quod cum maxima difficultate summā quoque laudem, & vtilitatem coniunctam haberet magnanimus, in prouidendo sapiens plane fuit, parem tamen in agendo industriam, in conficiendo celeritatem, in periculo fortitudinem non adhibuit. Pro Deum immortalem, tantam ne rem tam breui tempore confici potuisset an non ipse verus illud Cæsarianū, vel potius paternum dictum recte, & merito vsurpabit, Veni, vidi, & Deus vicit? Nā de singulari virtute, & fortitudine quid dicam? hic mihi Card. Illustrissimi, non dicendi copia, sed modus quærendus est, illud autē eximium factum silentio præterire non queo. Cum iam prælium iniretur, Gubernator regiæ triremis, cui Domini salus esset propria vita carior, nauigiolum expeditissimum cum valentissimis remigibus ad dubios casus paraue-  
 rat, id nescio quomodo subodoratus, statim ex eo loco amoueri iussit, mihi vero, inquit, nullo eiusmodi perfugio opus est, cui in hac ipsa triremi aut vincendum, aut mors oppetenda est. Quem illius animum fuisse putamus, quam amplum, quam excelsum, qui statutū sibi ac deliberatum habuerit, aut gloriose vincere, aut fortiter mori? nec vero aliter se gessit, ac sensit. Testes sunt Echinades Insulæ magnæ, Turcarum clade, & internecone nobilitate, testes sunt oræ illæ, & sinus Ionij maris, qui cum antea tantam vim longarum nauium, tantam classē, tantas Turcarum copias conspexissent, paulo post eorū ipsorum sanguine redundarunt. Testis denique est ille ipse inimicæ Classis præfectus, in cuius prætoriam triremem maximā, & ornatissimā cum magno impetu incurrisset, diu acerrime oppugnata, magna hostium strage edita, atque ipso Duce interfecto, ne scilicet ad tantæ victoriæ cumulum felicissimo Imperatori etiam opima spolia deessent, tandē incredibili virtute cepit, atque oppressit, statimq. in ea triūfale crucis vexillum erectum est, cuius aspectu inimicorum

vires



vires, animiq. conciderunt. Sentio iam dudum Pater Beatissime, me in Io. Austrij rebus gestis commemorandis voluptate quadam abreptum, paulo longius prouectū esse, tametsi non tam hæc explico, quā percurro. Neque enim patitur huius temporis angustia omnes a me diuini adolescentis virtutes, ne dū dicendo ornari, sed neque enumerando percenseri. Nam quis vinq. rei dignitate inauditā eius liberalitatem satis laudabit, qui vniuersa præda militibus distributa, ex tanta vi auri, argenti, rerumq. pulcherrimarum nihil præter benignitatis, & beneficentiæ gloriā expetiuit? quis illius facilitatē, quis humanitatē, quis pietatem erga milites digne admirabitur? qui saucios omnes non solum diligentissime curari mandauerit, sed etiā complures quos locus admitteret in suo cubiculo, atque adeo in suo lecto collocarit. Itaque omnes sic eum diligunt, vt propterea se omnium militum, qui vinq. fuerint felicissimos iudicent, quod eo Imperatore mereant, ille autem vicissim se fortunatum appellat, quod ijs militibus præsit, quorum virtute tantam sit victoriā consecutus. Cogitate obsecro hoc loco cum amicis vestris, Cardinales Illustrissimi, illum felicissimū diē, illud etiā cogitate quanto gaudio, quam incredibili lætitiā summus Imperator exultarit, quibus laudibus Itælorum fortitudinem, Hispanorum inuictū robur, Venetorum constantiam extulerit, qui acerrimam hostium impressionem fortissime repulerint, qui tantam prælii vim, ac molem eam egregie sustinuerint, qui se illo diē non solum pacis, sed etiā belli artibus præstantiss. esse declararint. Quid dicam amplexus amantiſsimos, quibus clarissimos Duces, & nobilissimos viros excepit, illumq. in primis consiliorum omnium, laborum, & periculorum socium, & laudis participem M. Antonium Columnium, illum domi, militæq. eloquentia, & fortitudine de sacro hoc fœdere, & Christiana rep. optime meritum, tum ceteros Venerios, Columnios, Farnesios, Feltrios, Vrsinos, Sfortios, Corneios, Aurios, Aragonios, Vitellios, aliosq. innumera- biles, quos lumina Italiæ, patriæ ornamentum, florem iuuentutis, decus Rōmani atque Italici generis nominabat. Iam vero ex- pleris & saturari non poterat Princeps religiosissimus, eorum laudi- bus verbis amplissimis referendis, qui pro patria, pro religione, pro Christo Domino vitam, & sanguinem profudissent. Illos vere beatos, & felices esse, qui se ipsos Deo tamquā hostias placationis pro com- muni salute obtulissent. Illorum mortem non lacrymis, sed gratula- tionibus prosequendam esse, qui breuem hanc, & calamitosam vitā,

eum illa sempiterna, & beatissima commutassent. Illis à nobis coronas Ciuicas debere, qui teterrimum seruituti iugum, nostris ceruicibus imminentem suorum corporum oppositu depulissent; qui immanem, & barbarum hostem ferociter exultantem cohecussissent; qui maiorum noitrorum bellicæ virtutis memoriam; ab oblivione, & senio, in veterem dignitatem, ac gloriâ vindicassent. O Nonæ illæ Octobres in omnibus factis, & Annalium libris aureis litteris describendæ, vt intelligant posteri nostri, & narrent posteris suis laudes Domini, & virtutes eius, & mirabilia eius, quæ fecit. Illo enim die Cardinales Amplissimi, ne quis parum actum esse existimet, macula illa, & vetus ignominia, quæ in Christiano nomine penitus in sedem erat, delera est, Turcas inuictos esse. Nostros homines nescio qua formidine; Turcarum non solum gladios, sed aspectum, non solum vim atque impulsu, sed nomē, & recordationē perhorrescere, denique plerique omnes vulgo de illa natione ita opinabantur: perinde ac si non cum hominibus quales nos sumus; sed cum nouis gigantibus, aut Briareis aliquibus; vt est in poetarum fabulis; bellum esse gerendum. Illo igitur semper memorabili die, Deo auctore, & iudice definitum est, & nos vincere, & Turcas vinci posse. Illo die hostis infestissimus cum scelerato prædonum, & latronum grege maris imperio; & possessione depulsus, ac derubatus est. Illo die superi atque inferi maris omnes oræ, omnes insulae, Italia vniversa à vexatione, à Cede, ab incendio, à vastitate liberata est. Nam si Turcæ ex illo naturali prælio superiores discessissent; quid extimuissemus? fingite id cogitatione, quod Deus auertat; se inquam Turcæ classē nostrā superassent; an est quisquam qui arbitretur, se hac eadem hora Romæ tuto esse potuisse? Quamobrem vnumquemque ita secum cogitare oportet, dulcis est patria, hanc mihi illius diei clarissima victoria conseruauit, dulces, & cari sunt liberi, iucundi cognati, grata amicorum consuetudo, hæc omnia illi victoriæ debemus; res familiaris, honores, dignitas, templa, aræ, ædes priuatae, hæc ipsa denique ciuilis vitæ communio, & societas incredibile voluptatē affert, profecto nisi summi Imperatoris Ioannis Austrij, & fortissimorum militum virtus fuisset, his omnibus bonis caruissemus. Quo magis Pie Quinte Beatissime Patri misericordiarum, & totius consolationis, auctori Deo, pro eximio, diuinoque beneficio singulares gratiæ ab omnibus habendæ sunt, neque id eloquentia, & orationis copia, aut exquisito aliquo dicendi genere, sed scelerum detestatione, sed corruptæ vitæ emendatio-

ne,

-ne, sed perfecta cum Deo gratiæ reconciliatione præstandum est: sic  
 -enim censeo, cum multi, & magni sint huius victoriæ fructus, duos  
 -tamen præcipuos esse oportere, de quibus in hac extrema orationis  
 -parte ita breuiter dicam, vt hæc in nostris animis penitus inherere  
 -vehementer velim. Hunc igitur in primis maximū, & præstantissimū  
 -fore arbitror victoriæ fructum, Deoq. maxime gratum, & acceptum,  
 -vt quando per eius misericordiam de manu inimicorum nostrorum  
 -liberati sumus, illi vni, cui iure debemus, in sanctitate, & iustitia,  
 -perpetuo seruiamus: id à nobis salutis nostræ ratio, id publicæ rei  
 -conditio requirit, vt hæc victoria diuturna sit, id Deus ipse postulat,  
 -& iam diu si attendamus, multis modis postulat. Nunquid enim anno  
 -superiore cum Nicosiam amisimus, cū classis nostra afflicta est, cum  
 -copiæ nostræ non hostili gladio, sed vi morbi penè deleræ sunt, nū-  
 -quid Deus populi sui, & hereditatis suæ oblitus erat? quid æstate  
 -proxima, cum tot in locis tam multe calamitates sunt acceptæ, do-  
 -mitabat ne eo tempore qui custodit Israël immo vero nos, ex graui,  
 -& mortifero peccatorum somno magnis vocibus excitabat. Redite  
 -præuicaciter ad cor, conuertimini ad me in toto corde vestro, In-  
 -uocate me in die tribulationis, & eruiam vós. O immensam Dei no-  
 -stri clementiā, nō vt inimicos nos perdit, sed vt filios castigat, emen-  
 -dare vult, extinguere non vult. Quin potius percutiendo sanat, & dū  
 -nos vulnerat plagis nostris medetur. Itaque nemo existimet vilo ar-  
 -morum genere, vllis viribus, vllis præsidijis hæcenus hostes Christia-  
 -ni nominis tum punitos, tam firmos ac valentes fuisse, quam pe-  
 -catis nostris. hæc tollenda, hæc de mediō relinquenda sunt, quæ in-  
 -ter nos, & Deum nostrum diuiserant, paries iste ē durissimis iniqui-  
 -tatis lapidibus extructus, iam vt spero valde labefactatus, funditus  
 -evertendus est. Id si vere, & ex animo, & constanter fiat, iam ego  
 -polliceri, & recipere non dubitabo, breui fore, vt vasta illa Turcici  
 -Imperij moles, quæ tam altas radices egisse, ac tanta firmitate niri  
 -videtur corruat, atque evertatur. Non enim ad solos Iudæos, sed  
 -multo magis ad nos pertinent diserta illa diuini fæderis verba, quæ  
 -Dei interpres Moyses ad perpetuam memoriam scripsit. Si audieris  
 -vocem Domini Dei tui, vt facias atque custodias omnia mandata  
 -eius, faciet te Dominus Deus tuus excelsoiorem cunctis gentibus, quæ  
 -versantur in terra. Dabit Dominus inimicos tuos qui consurgunt  
 -aduersum te, corruentes in conspectu tuo, per vnam viā venient cō-  
 -tra te, & per septem fugient à facie tua. Hic igitur vt mihi quidē vi-  
 -detur

Isa. 46.

Isa. 46.

Isa. 46.

Isa. 46.

Isa. 46.

Isa. 46.

Isa. 46.

Isa. 46.

Isa. 46.

Isa. 46.

Isa. 46.

Isa. 46.

Isa. 46.

Isa. 46.

Isa. 46.

Isa. 46.

Isa. 46.

Isa. 46.

Isa. 46.

Isa. 46.

Isa. 46.

Isa. 46.

Isa. 46.

Isa. 46.

Isa. 46.

Isa. 46.

Isa. 46.

Isa. 46.

detur, Pater Beatissime, primus esse debet huius victoriæ fructus atque effectus vitæ illius, quæ spiritus viuunt, perfecta nouitas, & pia, atque humilis animi demissio, quæ tam præclari, & egregij facti nõ nobis, sed soli Deo omnem gloriam attribuat, tum alter huic perfimilis, nam ex eodem caritatis fonte tanquam duarum uuluum ambo dimanant, omnium Christianorum Regum, ac Principum in hoc sacro bello gerendo, & reip. defendenda concordia, & conspiratio Deus ipse Pater Sanctissime, Deus inquam huius sacri belli, quod dico, hæc tanta nauali victoria Principibus nostris quasi bellicum cecinit, & victoriis crucis signum, quod omnes sequantur extulit. Venit ut spero tempus beneplaciti tui Deus, ut liberes populum tuum à Turcarum tyrannide, & acerbissimæ sceleris ingum, quo tam diu nouus hic Pharaon tot regna, & prouincias oppressit, dextera tuæ potentia contras, dissipet, comminuas. Audite igitur Christiani Principes vocem Domini, vos enim Deus per Vicarium suum Romanum Pontificem alloquitur, is Dei legatione apud vos fungitur, is hac una in cogitatione religionis propagandæ, & reip. defendendæ, dies noctesque defixus, Angelos pacis in longinquas regiones mittit, ut vos amabili caritatis nodo vinciat, & connectat. Posuitque in ore eorum verbum reconciliationis. Hæc dicit Dominus, Vidi afflictionem populi mei, & clamorem eius audiui, visitans visitauit vos, & vidi omnia, quæ acciderunt vobis in Aegypto, & dixi, ut educam vos de afflictione Aegypti. Hæc dicit Dominus exercituum: Recensui quæcumque fecit Amalec Israël, nunc ergo vade, & percutite Amalec, & demolite vniuersa eius, & pugnabis contra eos usque ad interfectionem eorum. Audite Christiani Principes sanctissimum Pontificem cum Moyse clamantem, Si quis est Domini, iungatur mihi. Accingimini Viri potentes, ut pugnetis aduersus nationes has, quæ conuenerunt contra nos, ut disperdant nos, & sancta nostra. Tuque in primis Maximiliane Cæsar, tu Christianæ militiæ dux, & Princeps, tu religionis defensor, tu Romanæ Ecclesiæ Aduocatus, accingere gladio tuo super femur tuum potentissime, tuum est clarissimam illam Constantini Urbem, alteram sedem, & domicilium Imperij, quod prædo nefarius tot annos occupat, recuperare. Vos autem ceteri Christianissimi Reges, imitamini Philippi Regis Catholici pietatem, virtutem, animi magnitudinem, cuius singulare Catholicæ veritatis tuendæ studiū, & eximia erga Apostolicam Sedem obseruatia à Deo promerita est, ut de vniuersis fidei hostibus, Turcis, Mauris, hæreticis, vario & hostium,

rium, & bellorum genere, glorioſe triumpharet. Imitamini Venetorum constantiam, qui multis licet incômodis acceptis, multisq. difficultatibus perſæpe affecti, ſemper tamen magno, & erecto animo fuerunt, numquam rei bene gerendæ ſpem abiecerunt, numquã ſeiſpos, & communẽ cauſam deſeruerunt. Quod ſi tres modo Principes, qui omnium primi ad Sacrum bellum Chriſto nomina dederunt, tyranno illi immaniſſimo tam gravem plagam imponere atque inſigere potuerunt, quid futurũ eſt, ſi ad illorum vires, Luſitana auxilia, Gallorum robur, firmiſſimę Germanorũ legiones, & ingęs Poloniæ equitatus accedat? ſed quoniã humana conſilia, & omnes noſtri conatus ad tantã rem conficiendã exigui ſunt, & imbecilles, niſi illius numine & gratia roborentur, in cuius manu ſunt corda Regũ, & quocunq. voluerit inclinât illa, propterea te ſumme, & onnipotẽs Deus ſuppliciter oramus, tuam clementiam imploramus, & obteſtamur; vt deſ Principibus noſtris ſpiritum pacis, & concordiæ, vt communis libertatis deſenſionem cõiunctiſſimis animis ſuſcipiant; perſice miſericors Deus opus tuum, & quod ſemel operatus es, vt proprium, & perpetuum nobis ſit, confirma. Satis iam virga furoris tui Aſſur percuſſit nos, & quidem merito, quia peccauimus, iniuſte egimus, & iniquitatem fecimus; ſed da gloriam nomini tuo, & baculum irę tuę confringe. Proſterne impium illum ſicut cedrum libani exaltatum, illum fidei tuę deſertorem, fœderum euerſorem, qui cæca, & inſaturabili regnandi cupiditate aliena regna, nulla laceſſitus iniuria inuadit, & rapit, qui nomen ſanctum tuum blaſphemât; qui ſpem noſtram, quam in te ſolo repositam habemus, deridet, atque contemnit; exurge Domine iudica cauſam tuã, miſereat te aliquãdo nobiliſſimæ, & olim Chriſtianiſſimæ Gręciæ, parcẽ clariffimis prouincijs; è quibus tam multa religionis noſtrę lumina prodierunt, redde nobis locum ortus tui, ſepulchrum tuum gloriôſum, terram illam in cuius medio opus noſtrę ſalutis peractum eſt. Vt tandem omnes nationes, & populi intelligant, & confiteantur, quod tu ſolus es, & non eſt alius Deus præter te; & tua ſunt regna, & imperium, & victoria, tibiq. ſoli omnis laus, omnis honor, omnis glõria debetur in ſæcula ſæculorum. Amen.

Prou.  
11.

Ita.  
10.

F I N I S.



INDEX

# INDEX RERVM IN VITA

## Cardinalis Antoniani conscriptarum.



- S**iluij Antoniani Pater qui. unde  
domo. 2. Hierusalem ex voto  
profectus. 3. Quo anno decessit,  
ubi sepultus. 18  
Aula materna, Mater, matertera. 2  
Siluius quo anno, & ubi natus. 3-  
qua cura educatus. 3  
Osbo Trusfes Card. Augusta Siluius  
alimēta apud Timotheum Fabium  
Ludi Magistrum subministravit. 3  
Admiranda de pueri ingenio, & cele-  
ritate discendi. 4  
Condiscipuli Scipio Aleander Cardi-  
nalis Brundusini frater, & Petrus  
Paulus Ennius. 4  
Puer ex tempore poemata elegantissi-  
ma de quauis re proposita conde-  
bat, & concinebat. 4  
Ab Hannibale Caro eam facultatem  
accepit. 4  
A Iulio III. Pont. Max. undecim-  
natus annos in Aulam Principalem  
receptus. 5  
Ab Hercule Ferraria Duce magnis  
propositis premijs, & viatico pro-  
uiso Ferrariam cum matre, & so-  
rore perductus est. 5  
Ioanni Baptista Pigme, Barth. Riccio,  
Vinc. Madio Philosopho operam  
dedit. 6  
In legum, & Canonum studium in-  
cubuit. 6  
Humaniores litteras publice Ferra-  
ria professus. 6  
Iuris consultus factus. 6  
Ecclesiam S. Catharina Rubiera Iu-  
risspatronatus Estensium consecu-  
tus. 6  
Venetias, Florentiamq. ab Estensibus  
perductus miraculo omnibus fuit. 6  
Commendatur a Ruscellio, Varchio,  
Casteluetrio, Barth. Riccio, &  
Paulo Manutio. 6  
Post obitum Herculis Ducis Romani  
cum suis reuersus. 6  
A Pio IV. Pont. Max. honorificen-  
tissime sustentatur. 6  
Carolo Borromæo Cardinali ab Epi-  
scolis Latinis. 7  
Quid præterea ei præstiterit, & quid  
inde tulerit. 7  
In Gymnasio Romano humaniores  
litteras professus. 6  
Coadiutor Recloris Gymnasij Roma-  
ni factus a Pio IV. 7  
Synodi Mediolanensis Adæ Latine  
Cardinalis Borromæi iussu conscri-  
psit. 10  
Patres Sanctæ Congregationis Orato-  
rij assidue coluit. 8  
Apud eos sermones habuit. 10. 26  
Pio V. Pont. Max. probante sacro  
Cardinalium Collegio a secretis fa-  
ctus. 8  
In eo munere administrando quatuor  
& viginti annos exegit. 8  
In Germaniam cum Cardinale Mo-  
rono Legato ex Gregorij XIII.  
Pape auctoritate profectus. 8.9  
A Sixto V. Pont. Max. Episcopatum  
allatum repudiauit. 9  
Pensione Cauallicensi auctus, Cardi-  
na-

# I N D E X.

<i>malium in Episcopos Congregationi Secretarius datus, eoq. se munere abdicauit.</i>	9	<i>gratiarum actiones non agnoscebat.</i>	18
<i>Gregorij XIV. Pont. Max. supplicum libellorum Magister, &amp; familiaris Papiensem Ecclesiam ultro oblatam constantissime recusauit.</i>	9.10	<i>Nunquam Regibus, Principibusq. salutandi gratia scripsit.</i>	18
<i>Clemens Octauus Pont. Maximus Apostolici Cubiculi Magistrum Silium delegit.</i>	10	<i>Ambitionis fugax.</i>	18
<i>Secretarius Breuium Secretorum Silium constituitur.</i>	10	<i>Matrem unice obseruauit.</i>	18
<i>Sancti Petri Canonicus factus.</i>	11	<i>Patrem reuersum bonetate traiauit.</i>	18
<i>In Canonicatus administratione mirificus. 11.</i>	12	<i>pag.</i>	18
<i>Caput Sancti Iacobi Intercisi ornat.</i>	12	<i>Mortuum extulit quo anno, quate, ubi sepultus.</i>	18
<i>Ecclesiam Montis Viridis a Clemente suscipit.</i>	12	<i>Liberalitas in propinquos, &amp; amicos, eorumq. liberos, &amp; cognatos.</i>	19
<i>Quid in ea prastiterit.</i>	12.13	<i>Inimicorum dilectio.</i>	19
<i>Clementi Patrimonium perlustranti, &amp; Ferrariam eunti comes affiduus.</i>	14	<i>Detractatores non audiebat.</i>	20
<i>Paupertati a Tiberis inundatione rebus omnibus laboranti reditus suos, &amp; uniuersam pecuniam erogauit.</i>	15	<i>Aliorum vitia excusabat.</i>	20
<i>Siluius a Clemente Pont. Max. S. R. E. Cardinalis factus suos mansuetudinem docuit.</i>	15	<i>Benignitas, charitas, &amp; patientia in familiares suos sanos, &amp; egros; &amp; in eosdem paterna correctio.</i>	20.
<i>Faciles ad eum aditus.</i>	16	<i>21. 22. 23.</i>	
<i>Suos familiares quam humanissimos esse iusserat.</i>	16	<i>De munifica in Religiosos, &amp; pauperes propensione, amore, &amp; eleemosynis. &amp; in mortuos.</i>	24
<i>Card. Antonianum Episcopum Narniensibus Clemens destinauerat. nolentem minime coegit.</i>	17	<i>Matrem quo anno, quaque etate amiserit.</i>	25
<i>Cibi, &amp; potus parcissimus.</i>	17	<i>Sancto Benedicto precipue deuotus.</i>	25
<i>Vno ferculo contentus.</i>	17	<i>pag.</i>	25
<i>Parfomonia.</i>	17	<i>Constituerat secedere in sanctam Congregationem Oratorij post obitum matris, antequam Cardinalis esset factus.</i>	26
<i>Vestis Domestica, &amp; Cardinalitia.</i>	17	<i>De pietate, recitatione diuinis Officij, &amp; exercitij spiritualis quotidiani.</i>	26. 27. 28.
<i>Abstinentia eius, &amp; quam constanter dona, &amp; munera cuiuscunq. generis perpetuo reiecerit.</i>	17. 18	<i>De S. Sacrificio Missae.</i>	27
<i>Cardinalis Antonianus officiosissimus</i>		<i>Iniuriarum immemor, ultionis minime cupidus.</i>	29
		<i>De continentia, castitate, pudicitia eius.</i>	29
		<i>Rerum commutationes forti animo tulit.</i>	29
		<i>Hieronymi Badesij matertera nepotis summi ingenij iuuenis mortem moderate tolerauit.</i>	29

Rebus

# I. N D E X.

<i>Rebus secundis latitia gessantis signa</i>		<i>Mortem praesentit.</i>	34
<i>nunquam dedit.</i>	29	<i>Siluij animus diuinus, &amp; praesagus.</i>	34
<i>Modestiam in splendore dignitatis</i>		<i>pag.</i>	34
<i>praeferebat. superbiam vitauit.</i>	29	<i>Anno 1603. imminere sibi mortem</i>	
<i>De impensis in cultum, &amp; restaura-</i>		<i>pradixit.</i>	34
<i>tionem Ecclesiarum sancti Antonij</i>		<i>Ad mortem se comparauit.</i>	34
<i>Fundorum, &amp; redditibus in paupe-</i>		<i>Valetudinis causa genus effectus.</i>	34
<i>res erogatis.</i>	30	<i>Marsilius Cagnatus lethalem esse</i>	
<i>De exornatione, Dotatione, &amp; in-</i>		<i>morbū censuit Rodulfus Siluestrius</i>	
<i>structione Sacelli sui.</i>	30	<i>eiusdem sententia fuit.</i>	34
<i>Legatum Cardinalis Cusani acceptum</i>		<i>Benignitas in familiares suos in ipsa</i>	
<i>quem in usum contulerit.</i>	30	<i>valetudine.</i>	35
<i>A B. Philippo Nerio, &amp; a B. Carolo</i>		<i>A Clemente Pont. Maximo visita-</i>	
<i>Borromeo Cardinale S. Praxedis</i>		<i>tus.</i>	35
<i>initium vita perfectioris duxit.</i>	31	<i>De admiranda eius per septem, &amp; vi-</i>	
<i>Academij Borromaei secretarius.</i>	31. 32	<i>ginti dies morbi tolerantia, quibus</i>	
<i>Noctes Vaticanae, Doctissimorum vi-</i>		<i>in ipsis acerbissime vexatus est.</i>	35
<i>rorum disputationes.</i>	32	<i>De sancto eius excessu, quo die, mense,</i>	
<i>Beati Caroli laus.</i>	32	<i>anno contigerit.</i>	35
<i>Cardinalis Antonianus sermones ha-</i>		<i>Exenteratus a Medicis post obitum</i>	
<i>buit in suo Titulo, &amp; apud Ponti-</i>		<i>morbi cognoscendi causa.</i>	35
<i>ficem Max. Eloquentia eius.</i>	32	<i>Funere Pontificio elatus.</i>	35
<i>Elocutionis Ecclesiasticae obseruator</i>		<i>Depositus in Ecclesia S. Mariae in</i>	
<i>mirificus.</i>	32	<i>Vallicella.</i>	35
<i>Opuscula eius varia.</i>	32.	<i>Eius mors in Consistorio a Clemente</i>	
<i>Forma.</i>	33	<i>Papa deplorata.</i>	36
<i>Statura.</i>	33	<i>Verona ab Augustino Velerio Cardi-</i>	
<i>Facies.</i>	33	<i>nale collacrimante Cardinali An-</i>	
<i>Imagines Siluij pueri, &amp; adolescen-</i>		<i>toniano defuncto iusta persoluta.</i>	
<i>tis.</i>	33	<i>Roma a multis.</i>	36
<i>Valetudo.</i>	33.	<i>Testamentum.</i>	36

